

ԲՈՆ ՊԸՀԿԻՐ

ԳԻՐԵՐՈՒՄԵԾ ՎԱՅԿՈՔ ՈՒՆԵՑՈՂ (ՊԵՍԹ-ՍԵԼԻՆԿ) ՀԵՂԻՆԱԿ

**ԱՍՏՈՒԹՈՅ
ԱՐԵ**

ԱՌՋՊԵՍ ԱՍՏՈՒԹՈՅ ՀԱՆԴԵՊ

ԱՌՈՂՋ ՎԱԽՈՅ ԱՊԵԵՑՈՒՑԻՉ ԿԵՐՊՈՎ

ԿԸ ՓՈԽԱՎԵՐՊԵ ԿԵՎՆԵՐԴ


Սիրելի բարեկամ,

Ահօ կը նկարագրուի իբրեւ՝ մեծարական յարգանք վախի կամ սբանչացումի հետ խառնուած: Ամիկա առողջ, յարգալից, սուրբ վախ մըն է Աստուծոյ հանդեա, որուն պէտք է հետամուտ ըլլայ ամեն հաւատացեալ, տրուած ըլլալով, որ Աստուծոյ ահօ հիմն է Աստուծոյ բոլոր խոստումներուն:

Այդ վախսը ընդումելու օգուտները մեծ են, ներառեալ՝ աւելի մեծ իմաստութիւն, Աստուծոյ հետ մտերմութիւն, երկայնակեցութիւն, պատիւ, ապահովութիւն եւ մայուն աւանդ մը կերտել: Աստուծոյ խօսքը յստակօրէն կը նկարագրէ, թէ ինչպէս Աստուծած կը մօտենայ անոնց, որոնք առանց յոգնելու, յարատեւորէն կը փնտուն զԻնք՝ հնագանդութեամբ եւ ճշմարտութեամբ: Յիսուս արժեւորեց այդ արժանիքը ամեն բանէ աւելի. մենք ալ իմաստուն կ'ըլլանք եթէ նոյնը ընենք:

Կը քաջալերեմ, որ մերժես ապրիլ անկեանք եւ ձանձրացուցիչ Քրիստոնեական կրօնը եւ փոխարէնը որդեգրես մտերմիկ, կենսատեւ, իմաստալից, պտղաբեր եւ գոհացուցիչ յարաբերութիւն մը Աստուծոյ հետ՝ զերծ ուրիշ վախսերէ եւ անձկութիւններէ:

Եղբայրդ Քրիստոսով՝



ճոն
JohnBevere@ymail.com



ԱՍՏՈՒԹՈՅ ՄՐԸ

ԻՆՉՊԵՍ ԱՍՏՈՒԹՈՅ ՀԱՆԴԵՊ
ԱՈՂՋ ՎԱԽԸ ԱՊՇԵՑՈՒՑԻՉ ԿԵՐՊՈՎ
ԿԸ ՓՈԽԱԿԵՐՊԵ ԿԵԱՆՔԴ

ԹՈՆ ՊԵՎԻՐ

The Awe of God, Western Armenian, by John P. Bevere

© 2024 Messenger International

MessengerInternational.org

Originally published in English as The Awe of God

ISBN 978-1-400-33670-8

Author photo © Meshalli Mitchell

Additional resources in Western Armenian are available for free download and video streaming at **MessengerX.com** and on the **MessengerX** app

To contact the author: JohnBevere@ymail.com

This international leadership seeding edition of the Awe of God book has been produced in collaboration between Thomas Nelson and Messenger International. It is a free gift and is NOT FOR SALE

Printed in Lebanon

Ասպուծոյ Ահը, Արեւմտահայերէն, Ճռն Պըվիր

© 2024 Messenger International

MessengerInternational.org

Բնագիրը հրատարակուած է անզլերէն լեզուով իբրե՛՝ The Awe of God

ISBN 978-1-400-33670-8

Հեղինակի նկար © Meshalli Mitchell

Արեւմտահայերէն լեզուով յատելեալ աղքիներ մատչելի են՝ ձրի

ներթոնումի եւ վիրէո սփոռումի համար հետեւեալ կայքէջին վրայ՝

MessengerX.com եւ հետեւեալ բջջային հեռածայնի

կիրարկուամին վրայ՝ **MessengerX**

Հեղինակին հետ կապուելու համար, կրնաք գրե՛՝

JohnBevere@ymail.com ե-նամակի հասցէն:

Հաւատքով սերմանելու նպատակով միջազգային Եկեղեցւոյ

առաջնորդներուն ուղղուած «Աստուծոյ Ահը» վերնագիրով այս գիրքի

նիւթական ծախսերը հոգացուած են Thomas Nelson-ի եւ Messenger

International-ի կողմէ: Անիկա ձրի նուէր մըն է, եւ ԾԱԽՈՒ ԶԷ:

Տպուած՝ Լիբանանի մէջ



App Store ապրանքանիշն է Apple Inc.-ի, որ արձանագրուած է ԱՄՆ-ի եւ այլ երկիրներու մէջ:

Google Play-ը եւ Google Play-ի պատկերանիշը ապրանքանիշներն են Google LLC-ի:

*Հոյակաա կինս, մղերիմ բարեկամս եւ
սիրելիս, Լիսա Պըվիր:*

*«Տէրոջմէն վախցող կինը պիտի գովուի»:
Առակներու 31.30¹*

*Ես այս գիրքը գրեցի մեր ամուսնութեան քառասուներորդ
դարին:*

*Ամէն դարի քեզի հետ միայն աւելի լաւ կ'ըլլայ,
եւ եթէ առիթը դրուէր,*

*քեզի հետ անգամ մը եւս կ'ամուսնանայի
առանց պահ մը իսկ մղածելու:*

*Բառեր չունիմ արդայայդելու այն հրճուանքն
ու երջանկութիւնը, զորս դուն կը պարճառես ինձի:*

*Ես պիդի չըլլայի այն մարդը, որ ես այսօր
առանց քու սիրոյդ եւ նեցուկիդ:*

*Դուն իմասդուն ես, հաճելի, զուարճալի, զօրաւոր,
արկածախնդիր եւ գեղեցիկ:*

Ես յալիկենապէս կը սիրեմ քեզ:

¹ Այս թարգմանութեան մէջ Աստուածաշոնչի Հին Կոտակարանի մէջբերումները առնուած են՝ «Աստուածաշոնչ Հին եւ Նոր Կոտակարաններու՝ Երրայերէն եւ Յունարէն Բնագիրներէն Թարգմանուած» տարբերակէն, 2001:

Իսկ Նոր Կոտակարանի մէջբերումները ընդհանրապէս առնուած են՝ «Աստուածաշոնչ Նոր Կոտակարան Յիսուս Քրիստոսը. Նոր Աշխարհաբար Թարգմանութիւն՝ Համեմատութեամբ՝ Յունարէին եւ Գրաբարի» տարբերակէն, Անդիհաս, 2001, բացի եթէ բնագիրի թարգմանութիւնը հարազան պահելու համար յարմար տեսնուած է մէջբերումը ընել վերը նշուած առաջին տարբերակէն կամ «Աստուածաշոնչ Գիրը Հին եւ Նոր Կոտակարաններու՝ Երրայական եւ Յունական Բնագիրներէն Թարգմանուած» տարբերակէն, 1981:

ԲՈՎԱՆԴԱԿՈՒԹԻՒՆ

Ինչպէս Կարդալ այս Գիրքը.....	IX
Ծանօթութիւն	XIII

ԱՌԱՋԻՆ ՇԱԲԱՁ- ԱՀԱՐԿՈՒ ԱՍՏՈՒԱԾ ՄԸ

1. Աստուծոյ Գանձը	3
2. Վախերու Բաղդատութիւն	11
3. Ի՞նչ է Սուլը Վախը	17
4. Աստուծոյ Շօշակելի Ներկայութիւնը	25
5. Անմոռանալի Երեկոյ մը	31
6. Տեսնել զԻնք	37
7. Աստուծոյ Փառքը	43

ԵՐԿՐՈՐԴ ՇԱԲԱՁ- ՅԱՅՏՆԱԲԵՐՈՒԱԾ՝ ԻՆՉՊԵՍ ՈՐ ԵՆՔ

8. Քու Արժեքը	51
9. Մահացու Բախումը	57
10. Աստուած Զի Տեսներ	63
11. Ահ ու Դող	71
12. Վարակիչ Կեղծաւորութիւն	79
13. Երեք Պատկերներ	85
14. Յափտենական Որոշումներ	93

ԵՐՐՈՐԴ ՇԱԲԱՁ- ԱՆԴԻՄԱԴՐԵԼԻ ՍՐԲՈՒԹԻՒՆ

15. Մարդոց Վախսը	101
16. Իրաւունք Համարել	109
17. Հեռացիր Չարէն	117
18. Երկայնակեցութիւն	123
19. Մաքրել Մեր Անձերը	131
20. Ի՞նչ Բանի Հետամուտ Ըլլալ	139
21. Փափաք եւ Զօրութիւն	145

ՉՈՐՐՈՐԴ ՇԱԲԱՁ- ԻՆՉՊԵՍ ԿԸ ՊԱՏԱՍԽԱՆԵՆՔ ԱՍՏՈՒԾՈՅ ԽՕՍՔԻՆ

22. Դողալ Աստուծոյ Խօսքին Դիմաց	153
23. Անմիջապէս	161
24. Անհասկնալի Է	169
25. Առանց Բացայայտ Օգուտի	175
26. Լաւ Ցաւ մը	181
27. Կատարուեցաւ	189
28. Ի՞նչպէս Կարծրացնել Խիղճը	195

ՀԻՆԳԵՐՈՐԴ ՇԱԲԱՁ- ԱՍՏՈՒԾՈՅ ՀԵՏ ՄՏԵՐՄՈՒԹԻՒՆ

29. Հոն, Ուր Մտերմութիւնը Կը Ակսի	203
30. Տարբեր Յիսուս մը	211
31. Զէի Ճանչնար Ձեզ	219
32. Տիրոջ Գաղտնիքը	227
33. Ներքին Վերջին Լուրերը կամ Նորութիւնները	233
34. Դէմ առ Դէմ	239
35. Դուք Իմ Բարեկամներս Եք	247

ՎԵՑԵՐՈՐԴ ՇԱԲԱՁ- ԳԱՆՁԻՆ ՕԳՈՒՏՆԵՐԸ

36. Իր Խոստումներուն Հաստատուիլը	255
37. Այն Վախը, որ Կ'ոչնչացնէ Միև Բոլոր Վախերը	263
38. Աւանդ.....	271
39. Ամէնէն Կարեւոր Բանը	279
40. Յաջող Կերպով Ապրիլ	287
41. Լաւ Կերպով Աւարտել	295
42. Գանձը Գտնել	303
Յաւելուած- Ասկուծոյ Մեծութենէն Նշոյլ մը	313

ՀՆՉՊԵՍ ԿԱՐԴԱԼ ԱՅՍ ԳԻՐՔԸ

Սիրելի Ընթերցող,

Ասիկա պարզապէս որեւէ պատգամ մը չէ. կեանքի պատգամ մըն է, որուն եթէ հաւատաս եւ եթէ անոր հիման վրայ գործես, անիկա յափտենապէս պիտի փոխակերպէ քեզ: Ես վստահ եմ ատկէ, քանի որ այս գիրքին մէջ տեղ գտած ճշմարտութիւնները փոխած են իմ եւ անհամար ուրիշներու կեանքերը: Երբ որ ինձի խրատ կը հարցնեն, ըլլայ անիկա ամուսնութեան, ընտանիքի կամ ծառայութեան մասին, իմ անմիջական աղբիւրներս այս գիրքին մէջ նշուածներն են:

Կարեւոր ըլլալուն պատճառով, երկար ժամանակ տրամադրած եմ եւ խոկումով աղօթք ըրած եմ՝ զանոնք լաւագոյն ծեւով ներկայացնելու համար: Նկատի առնելով մեր այսօրուայ կեանքերուն տեղատութիւնն ու մակընթացութիւնը՝ մեր խճողուած օրակարգերը եւ մեր առօրեայի արագ ընթացքը, պէտքը զգացի ճշմարտութիւնները պատշաճնեցնելու եւ ներկայացնելու պատահիկներու չափի կտորներով, որպէսզի կարենաք խորապէս խոկալ այդ պատիկ կտորներուն վրայ:

Սուաջին նայուածքով կրնաս մտածել, թէ այս գիրքը ամենօրեայ առանձին աղօթքի եւ խոկումի պահի համար կարծ ներշնչումի նիվթեր եւ աղօթքներ պարունակող գիրք մըն է (կրիվշընը): Բայց վստահեցնեմ, որ այդպէս չէ: Բացատրեմ: Առանձին աղօթքի եւ խոկումի համար գիրք մը յաճախ իրաքանչիւր օրուայ համար տարբեր նիւթ մը կը պարունակէ, որոնք անպայմանօրէն չեն կազմեն հակիրճ եւ համակարգուած պատգամ մը: Հակառակ անոր որ այս գիրքը կրնայ ամենօրեայ աղօթքի եւ խոկումի գիրք թուիլ, իրաքանչիւր օրուայ նիւթ կը շինէ նախորդ օրուայ նիւթին վրայ՝ կազմելով սովորական գիրքի մը ամբողջական նիւթը: Այս ծելին առաւելութիւնը այն է, որ դուն կրնաս որոշել ինչպէս կարդալ զանիկա: Վստահաբար զանիկա կրնաս կարդալ քանի մը օրէն եթէ այդ է քու նախընտրութիւնդ: Սակայն իմ յանձնարարութիւնս այն է, որ կամ

Ի՞նչպէս Կարդալ այս Գիրքը

զանիկա կարդաս վեց շաբթօւայ ընթացքին (օրական մէկ գլուխ) կամ երեք շաբթօւայ ընթացքին (առտու՝ մէկ գլուխ, գիշերը՝ մէկ գլուխ):

Իւրաքանչիւր գլուխի վերջաւորութեան պիտի գտնես հինգ գործիքներ կամ միջոցներ, որոնք կ'օգնեն քեզի աւելի եւս խորանալու գլուխին պարունակութեան մէջ: Այդ բաժինը կը կոչէնք՝ «Անձնականացնել»: Անիկա կը պարունակէ հինգ կէտեր [որոնք անգերէն բնագիրին համաձայն բոլորն ալ կը սկսին *Փի.* գիրով, եւ այդ պատճառով հեղինակը զանոնք կը կոչէ՝⁵ *Փի-երը- Շարգմանիչ]*.

1. **Հատուած-** Իւրաքանչիւր գլուխի մէջ դրած եմ աստուածաշնչական հատուած մը, որուն վրայ հիմնուած է այդ օրուայ պատգամը կամ հատուած մը, որ անպայմանօրէն չի մէջբերուիր բուն նիւթին մէջ, բայց կը հաստատէ կամ կը հիմնաւորէ խօսուած նիւթը: Կը յանձնարարեմ, որ գոց սորվիք այդ աստուածաշնչական հատուածները:
2. **Միտք-** Ասիկա գլուխին մէջ գոյութիւն ունեցող գլխաւոր միտքն է, եւ հոս տեղ գտնելուն նպատակը անոր կարեւորութիւնը շեշտելն է: Զանիկա դարձեալ տեսնելը պիտի զօրացնէ անոր ազդուութիւնը եւ արագ յիշեցում մը ըլլայ քեզի երը վերադառնաս գլուխը անգամ մը ես աչք անցընելու համար:
3. **Խոկալ-** Ասիկա շատ կարեւոր է: Սաղմոսողը կ'ըսէ. «Քու հրամաններուու մասին պիտի խոկամ, եւ քու ուղիներդ պիտի դատեմ» (Սաղմոսներու 119.15): Խոկալ կը նշանակէ մեր միտքին մէջ դարձնել նիւթը՝ մտածելով, որ Աստուծոյ խօսքը հնչպէս կընանք կիրարկել մեր ներկայի վիճակին մէջ: Ասիկա ընելով, մեզի կ'ըսուի, թէ մեր ճամբաները յաջող պիտի ըլլան եւ պիտի յառաջդիմնք (տես Յեսուի 1.8: Սաղմոսներու 1: Ա.Տիմոթեոսի 4.15):
4. **Աղօթք-** Պիտի ըլլայ նաեւ աղօթք մը, որ կ'արտացոլացնէ այդ գլուխի ուսուցումը: Շատ կարեւոր է, որ Աստուած լիէ մեր ճայնը եւ որ իրեն տանք արտօնութիւն՝ իր խօսքին համաձայն մեզ փոխելու:
5. **Դաւանութիւն-** Մեզի կ'ըսուի, թէ մահն ու կեանքը մեր խօսքերուն մէջն են (տես Առակներու 18.21): Յայտարարելով այն ինչ որ Աստուած կը հոչակէ մեր վրայ, մեր հոգին, շունչը եւ մարմինը կը սկսին համապատասխանել մեզի համար իր կամքին հետ, ինչ որ կեանքը լիովեամբ ապրելու փաստուած ձեւն է:

Դարձեալ կը քաջալերեմ քեզ, որ ժամանակդ առնես այս գիրքը կարդալու ասեն, որպէսզի Աստուծոյ խօսքին ճշմարտութիւնները թափանցեն սիրտիդ եւ միտքիդ մէջ: Յառաջիկայ քանի մը շաբաթներուն ամէն օր այս ճշմարտութիւններուն մասին մտածելը պիտի օգնէ, որ անոնք սուլուին եւ արմատ նետեն կեանքիդ մէջ: Հոս կարդալիքներդ

տեղեկութենք, աւելին են. անոնք Աստուծոյ աւելի մօտենալու ճամբան են: Նաեւ կը յանձնարարեմ, որ կարդաս գլուխները եւ անցնիս «Անձնականացնել» բաժինի 5 *Փի-Երէն իրաքանչիւրին վրայէն՝ քովդ նօթ առնելու տետրակ մը ունենալով:* Խորհուրդներդ եւ աղօթքներդ գրէ անոր մէջ ամէն օր, որպէսզի երբ հետագային վերադառնաս անոնց, յիշես, թէ Սուրբ Հոգին ինչ յայտնեց քեզի:

Քանի մը ուրիշ յանձնարարութիւններ: Առաջին՝ հեռաձայնովդ կամ ժամացոյցովդ չափէ, թէ որդան ժամանակ կ'առնէ գլուխ մը կարդալ՝ «Անձնականացնել» բաժինը ընելով եւ նօթեր առնելով: Մի՛ աճապարեր. մրցումի մէջ չես: Ժամանակը չափելու պատճառը այն է, որ կարենաս իմաստուն կերպով ծրագրել միւս գլուխները կարդալ եւ անոնց վրայ աշխատիլ:

Երկրորդ՝ փորձէ սովորութիւն մը սկսիլ եւ մի՛ արտօներ, որ որեւէ բան խանգարէ կարդալու համար ճշդած ժամանակդ ամէն օր: Իմ աղօթքս եւ յոյս է, որ անցնող քառասուն տարիներուն ընթացքին Աստուծոյ իմ մէջս ըրած գործը նաեւ քու մէջդ կատարուի՛ մինչ կը սերտես այս գիրքը:

Երրորդ՝ պատգամ մը միշտ մեծագոյն օգուտը կը բերէ ինձի երբ կ'ուսուցանեմ զանիկա կամ անոր վրայէն կ'անցնիմ խումբ մը ընկերներով: Ըստրէ քանի մը մօտիկ բարեկամներ եւ միասին սերտեցէք այս գիրքը: Երբ գլուխը սերտելի աւարտես առանձինդ՝ միայն դուն եւ Սուրբ Հոգին, միասին հաւաքուեցէք ընկերներուդ հետ՝ բաժնեկցելու համար այն ինչ որ Ան ցոյց տուալ քեզի: Ասիկա ըրէք հերթական ձեւով:

Կ'աղօթեմ, որ աճիս Աստուծոյ հետ մտերմութեանդ մէջ մինչ կը սերտես Ասլութոյ Ահը: Կարեւոր է, որ կարդաս Ծանօթութիւնը, եւ ոչ թէ զանիկա զանց առնելով ուղակի անցնիս Առաջին Գլուխին, քանի որ անիկա մնոր սիրտը կը բանայ քննարկուելիք նիկերուն համար: Եւ երբ վերջացնես գիրքը, շատ պիտի ուզէ լսել քեզմէ, թէ՝ ինչպէս հաւատքը եւ կեանքդ փոխուեցան՝ Աստուծոյ հանդէպ սուրբ վախին միջոցաւ:

Անկեղծօրէն՝
Ճոն Պըվիր

Յ.Գ. Պարզապէս յիշեցում մը, որ զանց չառնես Ծանօթութեան բաժինը: Աղօթքս է, որ անիկա կրակ մը կը վառէ մէջդ, որպէսզի սուրբ ահ մը մշակես մէջդ եւ գլուխդ ի վար սուզուիս այս պատգամին մէջ:

ԾԱԽՕԹՈՒԹԻՒՆ

Վախ: Տարիներ շարունակ մարդիկ ջանք թափած են արմատախիլ ընելու զանիկա: Շատեր ուսումնասիրութիւններ ըրած են անոր մասին, պայքարած են անոր դէմ եւ քարոզարշաներ ըրած՝ անոր ազդեցութիւնը մեր կեանքէն վերցնելու համար: Նոյնիսկ նախագահ Ֆրանքին *Sh.* Ռուզվելթի հոչակաւոր խօսքը անոր վրայ ուշադրութիւն կը հրաիրէ: «Միակ բանը, որմէ պէտք է վախնանք ինքնին վախն է»: Ամէն տեսակի բեմերէ աղաղակներ կը լսուին թէ՝ պէտք է ծեւեր գտնենք յաղթահարելու համար վախը, եւ կրնանք գտնել հարիւրատոր եթէ ոչ հազարաւոր գիրքեր, որոնք կը սորվեցնեն ատիկա հնչպէս ընել անհատապէս: 1980-ականներու վերջաւորութիւններէն ի վեր մարդիկ ամէն տեղ կը հագնին հագուստներ, որոնց վրայ հաստ տառերով գրուած է՝ «Առանց Վախի» («Նո Ֆիր») եզրը: Այնպէս կը թուի, որ շատ լուրջ ենք մեր կեանքերէն ամէն վախ վերացնելու մեր ջանքին մէջ:

Այդ արշաւը կը թուի ըլլալ ողջամիտ, ազնուական եւ խոհեմ շատ մը ճակատներու վրայ: Սակայն ճշմարտութիւնը այն է, որ ամէն վախ վար չէ: Ուստի ինչո՞ւ կայ այդ մտապաշարումը: Կը հաւատամ, որ ատոր պատճառը բոլոր վախերը «վսասակար» պիտակով մը մէկ մեծ դասակարգութիւն տակ դնելն է: Բայց արդեօք այդ ենթադրութիւնը ճիշդ է:

Առաջին՝ կարեւոր է ճանչնալ, որ իրապէս կան կործանարար վախեր, նոյնիսկ երբ կը թուին ողջամիտ ըլլալ: Եթէ կը վախնանք մեր ամբողջ դրամը եւ ստացուածքը կորսնցնելէն, հաւանաբար պիտի մտապաշարուինք անոնցմով եւ ըլլանք կծծի ու ապրանք կուտակողներ՝ պաշտելով մեր դրամը եւ ստացուածքը ուրիշ որեւէ բանէ աւելի: Եթէ կը վախնանք ամուսին մը կորսնցնելէն, պիտի փարինք այդ անձին չափէն աւելի ամուր կերպով կամ կասկածինք անոր ամէն մէկ արարքէն: Այդ երկուքն ալ կ'առաջնորդէն դժգոհութեան կամ զայրոյթի, որ վերջաւորութեան կը վսասէ յարաբերութեան: Եթէ ունինք մեզմէ բանի մը վրիպելուն

Վախը [ՖՕՄՕ- հանրածանօթ եզր մը, որ առաջնատառերն են անգլերէնով՝ «ֆիր աֆ միսինկ առլթ» բառերուն- Թարգմանիչ], անիկա կրնայ պատճառ ըլլալ, որ մենք նոր հետաքրքրութիւններ եւ նոր փորձառութիւններ փնտռենք, բայց ատիկա պիտի ըլլայ առողջ համայնքի, իրական կապակցութիւններու եւ նուիրումին ընկերակցող գեղեցիկ խաղաղութեան հաշւոյն: Եթէ կը վախնանք մեր զաւակներուն ապահովութեան համար, հաւանաբար պիտի խանգարենք անոնց աճումը՝ զանոնք կամ խեղդելով կամ ալ շոայլութեան (կամ մսխելու) առաջնորդելով: Ցանկը անվերջանալի է:

Միւս կողմէ, շինիշ վախերը կ'արտադրեն նպաստատր իմաստութիւն: Քարաժայոէ մը երկու հազար ոտք (600 մետր) վար իյնալու վախը մեզի կու տայ իմաստութիւն շատ շմօտենալու ծայրին, ուրկէ կրնանք սահիլ-իյնալ: Գորշ արջերու գօրութեան վախը մեզի կու տայ իմաստութիւն վլտանգ չսպառնալու մայր արջի մը քրթոթեներուն: Երրորդ աստիճանի այրուածք ունենալու վախը մեզի կու տայ իմաստութիւն հաստ ձեռնոցներ հագնելու երբ ափսէ մը կը հանենք տաք փուտէ մը:

Եւ սակայն շինիշ վախը՝ հակառակ օգտակար ըլլալուն, նաեւ կրնայ սխալ ուղղութեամբ երթալ եւ սահմանափակել մեր կեանքը: Եթէ չաղթահարուի, իյնալու վախը կրնայ պատճառ ըլլալ, որ մենք օդանաւ չուզենք ելլել, ինչ որ կրնայ սահմանափակել մեզ: Գորշ արջէն մեր անզուսապ սարսափը կրնայ զրկել մեզ անտարին մէջ հաճելի պտոյտէ մը, եւ մենք մեզ այրելու վախը կրնայ պատճառ ըլլալ, որ բնաւ փուտը չվառենք եւ աղուոր տան կերակուրներէ զրկենք մենք մեզ:

Իրական հարցումը, որ պէտք է հարցնենք մենք մեզի հետեւեալն է՝ Ամէնէն շաղը ինչէն կը վախնանք: Ատիկա շատ աւելի ճիշդ փնտռուուք մըն է քան կործանարար վախը ինչպէս վերացնելու եւ շինիշ վախերը ինչպէս կառավարելու վրայ կերպոնանալը: Անիկա իմաստուն հարցում մըն է, եւ եթէ ճիշդ ձեւով պատասխանուի, բոլոր միւս վախերը աւելի հասկնայի կը դարձնէ մեզի համար եւ կը բարեկամ մեր կեանքը՝ թէ ներկային մէջ եւ թէ յափտենապէս: Ատիկա կը լուսաւորէ մեր ճամբան՝ դէպի բարի եւ լեցուն կեանք մը: Աստուածաշունչը շատ բան ունի ըսելու վախի մասին, եւ անոնց հիմը հետեւեալն է. իմաստութեան սկիզբը Տիրոջ վախն է (Առակներու 1.7): Եւ ոչ միայն որեւէ իմաստութիւն, այլ՝ Աստուծոյ իմաստութիւնը: Լաւ է այդ տեղէն սկսիլը:

Ուստի նկատի առ հետեւեալը. հապա եթէ ըսեմ, որ վախը՝ եթէ ճիշդ ձեւով ուղղուի, արժանիք մըն է... Հապա եթէ Աստուծոյ վախը այն ինքնահակասական ճամբան է, որ կ'առաջնորդէ

Իրեն հետ հարազատ յարաբերութեան մը... Եւ հապա եթէ այդ սուրբ վախը այն գործօնն է, որ մեզ ճշմարտապէս կը բանայ այն կեանքի լեցունութեան, զոր Յիսուսի հետեւորդները ապրած են դարերու ընթացքին... Հապա եթէ այդ վախը արմատախիլ կ'ընէ միւս բոլոր վախները. քու սեփական գործդ սկսելու վախը, երկրիդ կառավարութեան առնելիք քայլերուն վախը, այն վախը թէ՝ ինչ պիտի պատահի զաւակներուդ, հիւանդութենէ տառապելու վախը, այն վախները, որոնք մտային հիւանդութիւն կամ ընկճուածութիւն կը պատճառեն (ցանկ մը, որ անվերջանալի կրնայ ըլլալ)...

Մինչ կը սկսինք մեր ճամբորդութեան, կ'ուզեմ չորս հաստատումներ ընել.

1. Մենք մարդ ենք եւ վախներ պիտի ունենանք:
2. Աստուծոյ ահը կամ վախը շատ աւելի խորունկ է, աւելի գեղեցիկ եւ աւելի մտերմիկ քան շատեր կը համարձակին պատկերացնել:
3. Աստուծոյ վախը կը կլլէ բոլոր կործանիչ վախները:
4. Աստուծոյ վախը սկիզբն է ամէն լաւ, բարի բանի:

Ոմանք պիտի յիշեցնեն, թէ Աստուածաշունչը մեզի կ'ըսէ՛ շուրջ 365 անգամ, որ չվախնանք, եւ ճիշդ են: Ասիկա պատճառ կ'ըլլայ, որ մեծ թիւվ Քրիստոնեաներ եզրակացնեն, թէ Աստուած չ'ուզեր, որ վախնանք: Բայց այդ համարները կը խօսին կործանարար վախի մասին: Առաւել, կրնամ մատնանշել Աստուածաշունչէն շուրջ 200 համարներ, որոնք կը քաջալերեն, որ Աստուծմէ վախնանք: Եւ ահա ցաւալի բաժինը. մեր կեանքերէն որեւէ վախ վերացնելու մեր ջանքին մէջ (ներառեալ Աստուծոյ վախի արժանիքը), մեր հաւատքի այս բաժինը մնացած է չքննուած, չփորձուած եւ առանց օգուտի:

Աստուծոյ վախը աւելի փառաւոր է, աւելի ահ ներշնչող եւ նոյնիսկ աւելի երջանկաբեր քան ինչ որ կրնանք պատկերացնել: Մինչ կը շարունակենք, կ'ուզեմ քեզի ցոյց տալ, թէ ինչպէս ճիշդ ծեւով ուղղուած վախը՝ յատկապէս ամէն բանէ աւելի Աստուծմէ վախնալը, կը բանայ ճամբան կեանքի մը, որ աւելի անդին է քան ինչ որ երեւէ երեւակայած ես: Եւ միայն այդ ատեն է, որ կարող կ'ըլլանք համարձակօրէն ոիմագրաւելու որեւէ բան, որ կեանքը կը նետէ մեր վրայ: Չարլզ Սփըրճընի բառերով. «Աստուծոյ վախը կ'ենթադրէ մահը միւս բոլոր վախներուն. հզօր առիւծի մը պէս, իր առջեւէն կը վտարէ բոլոր միւս վախները»:

Իմ յոյսս է, որ մինչ կը կարդաս այս գիրքը, գլուխտ ի վար սուզուիս այդ արժանիքին մէջ, կեղուես-հանես անոր կրօնական

ԾԱՆՈԹՈՒԹԻՒՆ

հասկացողութեան դիմակը, որ ճիշտ ձեւով չի ներկայացներ զանիկա, եւ քողազերծես անոր մեր ոտքերը ամուր կերպով գետինին վրայ հաստատելու բարիքը: Այո, մի՛ վախնար որեւէ չարիքէ, այլ՝ յայտնաբերէ, թէ ի՞նչպէս Տիրոջմէ վախնալու արժանիքը՝ որ յաճախ սխալ հասկցուած է, պիտի ծաղկեցնէ կեանքդ՝ վայրի գեղեցկութեամբ մը:

Սկսինք մեր Աստուծոյ հրքան ահաւոր ըլլալը հետազոտելով:

Զանիկա պիտի կոչենք՝ «Աստուծոյ Ահը»:

ԱՀԱՐԿՈՒ ԱՄՈՒՋ ՄԸ

ԱՌԱՋԻՆ ՇԱԲԱՁ

Տիրոջ վախը իր գանձն է,
ընտրանի գոհար մը՝ տրուած
Միայն... անոնց, որոնք
մեծապէս սիրելի են:

- ՃՈՆ ՊԱՆՅԸՆ

1| ԱՍՏՈՒՇՈՅ ԳԱՆՁԵ

Հապա եթէ քեզի ըսէին ծածուկ արժանիքի մը մասին, որ իր էութեան մէջ բանալին է ամէն կեանքի... Անիկա կը բանայ գոյութեանդ նպատակին կղպանքը, եւ կը գրաւէ ներկայութիւնը, պաշտպանութիւնը եւ նախախնամութիւնը քու Ստեղծիչիդ: Անիկա արմատն է ամէն ազնուական յատկանիշի, իհմն է ամէն ուրախութեան եւ երբ հակառակ պայմաններ դիմագրաւես, անիկա կ'ընէ պէտք եղած պատշաճեցումները: Ամրօրէն կառչիլը այդ արժանիքին կրնայ երկնցնել կեանքդ, առողջութիւն հայթայթել, յաջողութիւն եւ ապահովութիւն երաշխաւորել, կարօտութիւնը վերացնել եւ ազնուական աւանդ մը երաշխաւորել:

Անքան լաւ է, որ անհաւատալի՞ կը թուի: Կրնայ ըլլալ դուն քեզի հարց կու տաս, թէ՝ Արդեօք այս գիրքը՝ որ ձեռքերուս մէջ ունիմ, երեւակայական պատմութիւն մըն է: Կը վստահեցնեմ քեզի, որ այդպէս չէ. գրածներս ճշմարտութիւն են:

Այդ իրականութեան դէմ յանդիման գտնուելով, մարդոց մեծ մասը հաւանաբար պիտի ծիծաղէր եւ անմիջապէս պատասխանէր. «Այդպիսի արժանիք գոյութիւն չունի»: Սակայն վերը նշուած բոլոր խոստումները գրուած են անկասկած երկրի վրայ ապրած ամէնէն իմաստուն մարդոցմէ մէկուն կողմէ. եւ աւելին՝ ան այդ խօսքերը գրեց մեր Ստեղծիչին ներշնչումով, եւ Անոր խօսքերը անսխալական են:

Սակայն նախքան այս կեանքէն Սողոմոնի հեռանալը, ան ինկաւ այն երանութենէն, որուն մասին գրեց, քանի որ անոր սիրտը հեռացաւ իր իմաստութեան Աղբիւրէն եւ հետեւաբար ան շեղեցաւ լաւ կերպով ապրելու ճամբայէն:

Հակիրճ կերպով պատմեմ անոր պատմութիւնը: Իր մանուկ

տարիքին, Սոլոմոն մարզուած էր այդ արժանիքին մէջ եւ որդեգրած էր այդ արժանիքը: Ան մեծաւ ազնուական նկարագիրով եւ զարգացուց սուր ներըմբռնում մը: Ան անմիջապէս գերազանցեց ղեկավարութեան մէջ եւ վերջաւորութեան միլիոնաւոր մարդոց վրայ ղեկավար եղաւ: Աստուծմէ իմաստութիւն խնդրելէ ետք, ան ապշեցուցիչ իմաստութեան տէր եղաւ. իրականութեան մէջ շատ քիչ բան կար, որ ան չէր հասկնար: Ան գրեց հազարաւոր իմաստուն ասացուածքներ եւ յօրինեց հարիւրաւոր երգեր. «Ան ծառերուն վրայ խօսեցաւ, Լիքանանի մայրիէն մինչեւ պատի վրայ բուսնող զոպան: Նաեւ անասուններու վրայ, թռչուններու վրայ, սողուններու վրայ ու ծուկերու վրայ խօսեցաւ» (Գ.Թագաւորներուն 4.33):

Այդ իմաստուն մարդը ձեռք ձգեց յաջողութեան, հարստութեան եւ համբաւի մակարդակ մը, որ անզուգական էր մինչեւ իր ժամանակը եւ իրմէ ետք ալ այդպիսի բան չէ տեսնուած: Թագաւորներ, թագուհիներ, դեսպաններ եւ բարձրաստիճան ղեկավարներ երկար ճամբայ կը կտրէին՝ անոր ներկայութեան գալու համար, անոր ներըմբռնումները լսելու համար, անոր շուրջ գտնուող գործավարներու խումբին գերազանցութիւնը եւ միութիւնը տեսնելու համար եւ դասեր քաղելու համար այն նորութիւններէն, որոնք անոր երկրին մեծ զօրութիւն եւ հարստութիւն ապահովեցին: Ան այնքան տպաւորիչ էր, որ թագուհի մը չէր հաւատացած անոր մասին իր լսած լուրերը: Սակայն անոր հետ ժամանակ անցնելէ ետք, ան բացագանչեց. «Ես այդ խօսքերուն չհաւատացի, մինչեւ որ անձամբ եկայ ու իմ աչքերովս տեսայ, եւ ահա ասոր կէսը ինձի պատմած չէին. քու իմաստութիւնդ ու բարօրութիւնդ իմ լսած համբաւս կը գերազանցեն: Երանի քու մարդոցդ, երանի այս ծառաներուդ, որոնք շարունակ քու առջեւդ կենալով՝ քու իմաստութիւնդ կը լսեն» (Գ.Թագաւորներուն 10.7–8):

Մեր կարդացածներէն կը հասկնանք, թէ անոր առաջնորդած մարդիկը ուրախ եւ ազդու էին իրենց գործերուն մէջ: Չքաւորութիւն չկար. անոր թագաւորութեան մէջ ամէն ընտանիք ունէր իր սեփական տունը եւ պարտէզը: Պատմութենէն կը տեղեկանանք, թէ՝ ժողովուրդը «կ'ուտէ[ր], կը խմէ[ր] եւ կ'ուրախանա[ր]» (Գ.Թագաւորներուն 4.20): Անոնք խաղաղութեան եւ ապահովութեան մէջ կ'ապրէին:

Ժամանակի ընթացքին, սակայն, այդ նշանաւոր ղեկավարը հեռացաւ այն բանէն, որ պատճառն էր իր իրագործումներուն: Ան ինքն իր աչքին իմաստուն դարձաւ եւ այլեւ անհրաժեշտ չգտաւ այդ առաքինութեան իմաստութեան մտիկ ընելը: Ան իր ճամբան կորսնցուց, եւ վերջաւորութեան դարձաւ դառնութեամբ լեցուն կասկածամիտ մը: Ան միակը չէր, որ իր այդ սխալ

դատողութեան պատճառով տառապեցաւ. տառապեցան նաեւ անոնք, զորս ինք կ'առաջնորդէր:

Իրեն համար կեանքը անիմաստ դարձաւ: Ան գրեց նուաստացնող խօսքեր, ինչպէս՝ «Ամէն բան ձանձրացուցիչ է, չափազանց ձանձրացուցիչ. ոչ ոք որեւէ իմաստ կրնայ գտնել անոր մէջ» (Ժողովողին 1.8)¹, եւ «Պատմութիւնը պարզապէս ինքզինք կը կրկնէ, քանի որ ոչինչ նոր է արեւին տակ» (Ժողովողին 1.9)²: Քիչ մը աւելի դրամաթիք հաստատումի մը մէջ կ'ըսէ. «Աւելի լաւ է [...] մահուան օրը՝ քան ծնունդին օրը» (Ժողովողին 7.1), եւ «Ինչ որ սխալ է՝ չի կրնար շտկուիլ: Ինչ որ կրոսուած է, չի կրնար վերականգնուիլ» (Ժողովողին 1.15)³: Իրականութեան մէջ ան ամբողջ գիրք մը գրեց՝ նկարագրելու համար կեանքի գոյութեան անիմաստ ըլլալը. իրեն համար ամէն բան ունայն էր: Այդ մարդը յարաբերաբար կարճ ժամանակուան մը ընթացքին յաջողութեան ամէնէն բարձր բարձրունքներէն ինկաւ յոռետեսութեան ամէնէն խոր անդունդները: Հոգեբաններ այսօր զայն պիտի բնորոշէին իբրեւ ծանր մոլագար ընկճուածութենէ տառապող մը: Ինչպէս կրնայ մարդ մը այդքան սուր ծայրայեղութիւններէն մէկէն միւսը երթալ:

Լաւ լուրը այն է, որ անոր կեանքը չ'աւարտիր վիատութեան գիրկը: Ան վերջ ի վերջոյ կը վերադառնայ կեանքի ամէնէն կարեւոր արժանիքին: Չենք գիտեր քանի ամիս կամ նոյնիսկ տարի առաւ, որ իր այդ մոայլ գիրքը գրէր, բայց անոր վերջին գլուխը մեզի գաղափար մը կու տայ անոր լաւանալուն մասին: Գլուխին սկիզբի բաժինին մէջ (կարդա Ժողովողին 12.2-6) ան եօթը անգամ այս կամ այն ձեւով կ'ըսէ՝ «Յիշէ՛ քու Ստեղծիչոյ»: Իսկ անոր վերջին խօսքերն են.

Ամէն բան խօսուեցաւ: Եզրակացութիւնը հետեւեալն է՝ վախցիր Աստուծմէ [...] եւ պահէ անոր պատուիրան-ները, որովիետեւ այդ է մարդուն ամբողջութիւնը [անոր ստեղծագործութեան ամբողջական, սկզբնական նպատակը, Աստուծոյ նախախնամութեան առարկան, նկարագիրի արմատը, ամէն ուրախութեան իհմը, դասաւորումը ամէն աններդաշնակ հանգամանքի եւ պայմանի արեւին տակ] եւ ամբողջ [պարտականութիւնը] ամէն մարդու (Ժողովողին 12.13, շեշտադրումը՝ մեր կողմէ):⁴

1 Բառացի թարգմանութիւն՝ անգլերէն *Sy Մասէճ* (MSG) տարբերակէն

2 Բառացի թարգմանութիւն՝ անգլերէն *Sy Մասէճ* (MSG) տարբերակէն

3 Բառացի թարգմանութիւն՝ անգլերէն *Նիու Լիվինկ Թրանսլյշըն* (NLT) տարբերակէն

4 Բառացի թարգմանութիւն՝ անգլերէն *Sy Ամիլիֆայր Պայպը, Քլասիք Էփիշըն* (AMPC) տարբերակէն

Այդ կարեւոր արժանիքը ուրիշ բան չէ եթէ ոչ՝ Աստուածոյ վախը: Այդ տողերը գրողը՝ Սոլոմոն Թագաւոր, կը հոչակէ, թէ անիկա նախապայմանն է գոհացնող եւ յորդառատ կեանքի մը: Աստուածաշունչին մէջ կը կարդանք. «Ո՞վ է այն մարդը՝ որ Տէրոջմէն կը վախնայ. ահա անո՞ր պիտի սորվեցնէ իր ընտրած ճամբան» (Սաղմուներու 25.12, շեշտադրումը՝ մեր կողմէ): Յաճախ չէ, որ կը տեսնենք մարդիկ, որոնք այդ ճամբան կը սորվին, քանի որ, ցաւալիօրէն, շատեր կը հաւատան՝ ինչպէս Սոլոմոն Թագաւոր կը հաւատար իր մութ ժամերուն, թէ իրենց սեփական իմաստութիւնն է, որ յաջողութիւն եւ ուրախութիւն կը բերէ: Սուրբ վախը մեզ կապուած կը պահէ մեր Ստեղծիչին. Միակը, որ գիտէ, թէ ինչը կը բարելաւէ մեզ եւ ինչը կը փիէ մեզ:

Սուրբ վախի կարեւորութիւնը այնքան լայն իմաստով կը գերազանցէ բոլոր միա արժանիքները, որ Սուրբ Գիրքը զանիկա կը նկարագրէ իբրեւ Յիսուսի հրճուանքը (Եսայիի 11.3, ըստ Նիու Քիոնկ Ճէյմզ Վըրժըն (NKJV) տարբերակին), եւ նոյնքան անհաւատալիօրէն կ'ըսէ, թէ՝ «Տէրոջ վախը քու [Աստուածոյ] գանձդ է» (Եսայիի 33.6): Կանգ առ պահ մը եւ մտածէ ասոր մասին. անիկա Ամենազօր Աստուածոյ ուրախութիւնը եւ գանձն է: Ապշեցուցիչ: Մենք շուտով աւելի խորունկը պիտի սուզուինք այդ իհանալի իրականութեան, բայց նախ ես երթանք Սոլոմոն Թագաւորին:

Ինչո՞ւ ուզեցի այս պատգամը սկսիլ անոր յաջողութեամբ, ձախողութեամբ եւ վերջ ի վերջոյ վերականգնումով: Ծառայութեանս առաջին քանի մը տարիներուն իմաստուն առաջնորդ մը ուշադրութիւն գրաւող խօսք մը ըսաւ, որ միտքս մնացած է տասնեակ տարիներէ ի վեր: Ան ըսաւ. «Ես ինծի համար սկզբունք ըրած եմ իշխանութեան դիրքի վրայ չփնել ոեւէ մէկը, որ ամէն բանի մէջ կատարեալ է»:

Երբ իրեն հարցուեցաւ, թէ ինչո՞ւ, պատասխանեց. «Ես մարդու մը նկարագիրին մասին աւելի բան կը գիտնամ ձախողութեան դիմաց անոր կեցուածքն քան ուրիշ որեւէ բանէ: Կը նայիմ, թէ ան պատասխանատուութիւն վերցնից, զղաց եւ աճեցաւ այդ փորձառութեան պատճառով: Կամ արդեօք ան փորձեց արդարացնել իր վարմունքը եւ ուրիշին վերագրել յանցանքը: Ասիկա ցոյց կու տայ, թէ ան ատամկ է պատասխանատուութիւն վերցնելու կամ ոչ»: Ասկէ սորված բանս հետեւեալն էր. ապիկա ցոյց կու դայ, թէ արդեօք անոր համար իմասպութիւնը ամէն բանէ վեր է կամ ոչ:

Սոլոմոն ամբողջական ձեւով չանդրադարձաւ աստուածային վախի արժէքին, հակառակ անոր որ ան սորվեցուց անոր մասին

Սուրբ Հոգիի ներշնչումով: Այդ պատճառով անոր համար կարելի եղաւ անկէ հեռանալը: Իր իյնալէն առաջ, աստուածային վախը անոր գանձը կամ ուրախութիւնը չէր. իր շարժառիթներուն եւ արարքներուն համար կայուն հիմ մը չէր: Սայթաքելով, սխալի մէջ իյնալով եւ վերջաւորութեան վերականգնելով, ան աւելի ամբողջական ձեւով ըմբռնեց անոր օգորութեան չափը:

Նոյնանման բան մը Պողոս գրեց.

Ես կը սանձեմ մարմինս [...] եւ կ'ենթարկեմ զանիկա՝ վախնալով, որ ուրիշներուն Աւետարանը հոչակելէ եւ անոր հետ կապուած բաները խօսելէ ետք, ես ինքս անատակ ըլլամ [քննութենէն յաջողութեամբ չանցնիմ, չվաւերացուած մէկը ըլլամ եւ մերժուիմ իբրեւ խարդախ մէկը]: (Ա.Կորնթացիներուն 9.27)¹

Պողոս հասկցաւ կարեւորութիւնը Աստուծոյ Հոգիին կողմէ իրեն վստահուած իմաստութիւնը արժեւորելուն եւ Սողոմոն Թագաւորին գործած ողբերգական սխալը չգործելուն: Պողոսի յայտնուեցան Աստուծոյ ուխտի ծածուկ ճշմարտութիւնները, որոնք ազատագրեցին բազմութիւններ, բայց եթէ ան աստուածային վահը չտեսնէր իբրեւ թանկարժէք բան մը եւ ամուր կերպով չկառչէր անոր, ինքն ալ վերջաւորութեան պիտի ըլլար անյօյս կասկածամիտ մը. անատակ, չվաւերացուած եւ մերժուած՝ իբրեւ խարդախ մէկը:

Աստուածային վախը իբրեւ մեր ամէնէն թանկարժէք գանձը ընդունիլը կը զօրացնէ մեզ, որ Ենթարկուած մնանք ճշմարտութեան, եւ ատիկա ընելը մեզ կը պահէ կեանքի ճամբուն մէջ, ինչ որ մեծ վարձաստրութիւններ կը բերէ մեզի:

Ժամանակի մը մէջ երբ մարդոց մեծ մասը վախը կը համարէ վնասակար բան մը, *Տիրոջ վախը* օգտակար եւ արժէքաւոր արժանիք մը հոչակելը տրամաբանութեան հակառակ կը թուի: Սակայն Աստուածաշունչին իշխանութեան վրայ իհմնուելով, կը վստահեցնեմ թեզի, որ երբ կ'ընդունինք զանիկա, պէտք եղած զօրութիւնը պիտի ունենանք կարենալ մնալու համար կեանքի ճամբուն մէջ: Հոն պիտի ունենանք փորձառութիւնը Աստուծոյ հետ ճշմարիտ մտերմութեան ինչպէս նաեւ կեանք փոխող օգուտներու՝ որոնցմէ ամէնէն կարեւորը Յիսուս Քրիստոսի պատկերին համաձայն փոխակերպուիլն է: Ուստի սկսինք Աստուծոյ ահը յայտնաբերելու մեր ճամբորդութեան:

1 Բառացի թարգմանութիւն՝ անգլերէն *St. Ամիլիֆայր Պայպը, Քլասիք Էփիշըն (AMPC)* տարբերակէն

Անձնականացնել

Հատուած- Քու օրերուդ մէջ կայունութիւն պիտի ըլլայ, փրկութեան, իմաստութեան եւ գիտութեան առատութիւն: Տիրոջ հանդէա մեծարական վախը եւ պաշտամոնքը քու գանձի է եւ իրը: (Եսայիի 33.6)¹

Միտք- Սուրբ վախը Աստուծոյ գանձն է. պէտք է նաեւ մեր գանձը ըլլայ:

Խոկալ- Գործնական առումով ի՞նչ երեւոյթ ունի սուրբ վախը արժեւորելը: Ի՞նչպէս պէտք է մօտենամ անոր: Ի՞նչպէս պէտք է վարուիմ անոր իետ: Ի՞նչ պէտք է ընեմ, որ չկորսնցնեմ զանիկա:

Աղօթք- Սիրելի Երկնաւոր Հայր, կը խնդրեմ, որ Տիրոջ վախը ճանչնալու այս ճամբորդութեան ընթացքին, ես ճանչնամ զանիկա, անով ապրիմ եւ անով հրճուիմ: Թող անիկա ըլլայ իմ գանձս, ինչպէս որ է Քու գանձի: Թող անիկա ինծի տայ այն իմաստութիւնը եւ գիտութիւնը, որոնք պէտք են՝ գոհոնակ եւ յաջող կեանք մը ապրելու համար. կեանք մը, որ հաճելի է Քու աչքիդ: Նաեւ, թող անոնք, որոնք սիրելի են ինծի լուսատորուին, եւ թող բոլոր անոնք, որոնք կը շփուին ինծի իետ ճանչնան անոր արժէքը: Ասիկա կը խնդրեմ Յիսուս Քրիստոսի՝ իմ Տիրոջս եւ Փրկիչիս անունով: Ամէն:

Դաւանութիւն- Ես կ'ընտրեմ արժեւորել սուրբ վախը իբրեւ կեանքի ամէնէն մեծ գանձը, եւ ատիկա ընելով, պիտի զօրանամ՝ մնալու համար լաւ կեանք մը ապրելու ճամբուն մէջ:

1 Բառացի թարգմանութիւն՝ անգլերէն *St. Armenian Orthodox Patriarchal Missions, AMPC* տարրերակէն

Ակնածիր Աստուծմէ,
այն՝ բայց մի՛
վախնար Անկէ:

- ՃՈՆ ԱԼՖՐԵՏ ՍՓԵՆՏԸՐ

2 | ՎԱԽԵՐՈՒ ԲԱԴԱՏՈՒԹԻՒՆ

1994-ի ամառը ինձմէ խնդրուեցաւ ծառայել եկեղեցական խորհրդաժողովի մը Միացեալ Նահանգներու Հարաւարենթքին մէջ: Մեծ համայնք մըն էր, որ երկու տարի առաջ ունեցած էր չորս օրուայ զարթնումի փորձառութիւն մը՝ համաշխարհային հոչակ ունեցող աւետարանիշի մը առաջնորդութեամբ: Այդ վերարթնութեան ընթացքին շեշտուած էին Աստուծոյ բարութիւնը, սէրը եւ երջանկութիւնը՝ գեղեցիկ ձեւով մը ազդեցութիւն բերելով շատ մը կեանքերու վրայ: Բայց ցաւալիօրէն, եկեղեցին խրուած մնացած էր այդ վերարթնութեան փորձառութեան մէջ եւ յառաջ չէր գացած՝ աւելի եւս ճանչնալու համար Աստուծոյ սիրտը: Հիմնականօրէն անոնք խրուած մնացած էին տեղի մը մէջ եւ հաւասարակշռութենէ դուրս էին:

Այդ օրերուն ես սուրբ վախը ճանչնալու ճամբորդութեան մը մէջ էի: Կը տեսնէի անոր կարեւորութիւնը, բայց տակալին աճման մէջ էի եւ հետեւաբար կը վարանէի հանրութեան մէջ խօսելու այդ մասին: Ասով հանդերձ սիրտիս մէջ զօրաւոր մղում մը զգացի մէկ կողմ դնելու այդ մտավախութիւնս կամ վարանումս եւ խօսելու Տիրոջ վախին մասին առաջին գիշերուայ ծառայութեան ընթացքին:

Բեմ ելայ եւ սկսայ խօսիլ այդ համայնքին իմ սահմանափակ հասկացողութեամբս: Ինքնավստահութեանս շատ չօգնեց այն իրականութիւնը, որ մարդիկ երեսիս կը նայէին պաղ աչքերով, առանց որեւէ հակազդեցութեան: Այնպէս կը թուէր, որ խօսքերս խոլ ականջներու կը հանդիպէին: Եւ մէջտեղ ելաւ, որ ճիշդ էի, եւ ատոր պատճառը շուտով պիտի գիտնայի:

Յաջորդ երեկոյ պաշտամունքէն ետք գլխաւոր հովիւը բեմ ելաւ եւ մինչ կարծեցի, թէ ան սովորական ձեւով պիտի ծանօթացնէր զիս եւ

բեմ իրավրէր, իրականութիւնը բնաւ այդպէս չէր: Տասնիինք վայրկեան տեսողութեամբ ան սրբագրեց իմ մէկ օր առաջուայ խօսածներս: Ան ինքնավստահօրէն նշեց. «Տիրոց վախը կիրարկելի էր միայն Հին Կտակարանի ժամանակին: Բայց՝ իբրեւ Քրիստոնեաներ, մեզի չէ տրուած “վախի հոգին”», ակնարկելով Բ.Տիմոթէոսի 1.7-ին:

Նստած էի առաջին շարքին վրայ ամրողովին ցնցուած եւ այնպէս կը զգայի, որ կարծես մղձաւանջի մը մէջ էի: Որքան երկար խօսեցաւ, այդքան անհանգիստ դարձաւ մթնոլորտը: Ան շարունակեց. «Նոր Կտակարանին մէջ մեզի կ’ըսուի, թէ “Սէր ունեցողը վախ չունի, որովհետեւ կատարեալ սէրը ամէն վախ կը փարատէ” (Ա.Յովիաննէսի 4.18): Ուստի երէկ գիշեր Ճոնի ուսուցանածը սխալ էր, եւ կ’ուզեմ պաշտպանել ծեզ անկէ»: Ասիկա ըսելէ ետք քանի մը վայրկեան եւս ժամանակ առաւ՝ սրբագրելու համար պատգամս:

Երբ աւարտեց, բեմ իրավրեց զիս՝ ծառայելու համար: Տակաին կը յիշեմ ինչպէս բեմ ելայ եւ ես ինծի կը մտածէի. Ինչպէս պիտի ծառայեմ ես այս մարդոց՝ հովիին այդ ըրածէն եղը: Չեմ հաւափար, որ ասիկա կը պատահի ինծի հետ իհմա: Բայց կը պատահէր, եւ ես պէտք էր ինքինքս հաւաքէի մինչ իրավէս ուզածս այդտեղէն փախուստ տալ էր: Դժուար էր մէկ գաղափար պահելը միտքիս մէջ, ուր մնաց կեանք պարզեւող պատգամ մը տալը խորիրդաժողովի ներկաներուն:

Երբ սկսայ խօսիլ, միտքս շարունակ կ’երթար հովիին ըրած այդ սրբագրութեան. չէի կրնար թօթափել իր խօսքերը: Պատահածը թէ անհաւատալի էր եւ թէ սոսկալի: Խօսքիս մէջ քանի մը անգամ ստիպուած եղայ միտքերս հաւաքելո՛ գաղափարներու ճիշդ գիծին վրայ մնալու համար: Ես կը մղէի զգացումներ, որոնք ինծի կ’ըսէին. Մոոցի՛, կանգ առ խօսելէն եւ դուրս ել: Շատ դժուար կացութեան մը մէջ էի: Կարճ քարոզէ մը ետք, հովիին յանձնեցի ամպիոնը, արագօրէն պանդոկ վերադարձայ եւ անկողին մտայ՝ բոլորովին շուարած եւ դուրս դրուած ըլլալու զգացումը ունենալով մէջս:

Ցաջորդ առոտու լրու շինարարութեան վայր մը գտայ պանդոկիս քով. գործատրներ չկային հոն: Մեծ լրջութեամբ աղօթեցի՝ ակնկալելով Աստուծոյ յանդիմանութիւնը: Անկեղծօրէն հարցուցի. «Տէ՛, վսա հասցուցի՛ եկեղեցիիդ: Ախալ ուսուցիմ մը տուի: Ես քու ժողովուրդդ կապանքի տակ դրի»:

Շարունակեցի աղօթել որոշ ժամանակ մը, եւ մինչ կ’աղօթէի, խօսքերս սկսան փոխուիլ: Սկսայ չկասկածիլ պատգամիս վրայ եւ սկսայ բուռն կերպով հասկացողութիւն խնդրել սուրբ վախի մասին: Ասիկա սիրտիս խորերէն եկող խնդրանք մըն էր, եւ կը զարմանայի եղածներով: Ես Աստուծոյ դժգոհութիւնը զգացի, այլ ընդիհակառակը՝ զգացի, որ գոհ էր իմ ըրածովս: Ան սկսաւ յիշողութեանս մէջ դնել մեծ թիւով համարներ Նոր Կտակարանէն

ինչ կը վերաբերի Տիրոջ վախին: Ժամանակի ընթացքին տեսայ, որ այլեւս շփոթի մէջ չէի, այլ՝ բարձր, կրակոտ ծայնով մը կ'աղաղակէի. «Հայր, կ'ուզեմ գիտնալ Տիրոջ վախը, կ'ուզեմ քալել անոր մէջ»:

Նոր Կտակարանը գրողները իրապէս գրած են այն բառերը, զորս հովիւր մէջբերեց, բայց նաեւ ըրած են ուրիշ հաստատումներ.

- Պողոս Առաքեալ կը գրէ. «Գործադրեցէք ձեր փրկութիւնը՝ ահով ու դողով» (Փիլիպպացիներուն 2.12, շեշտադրումը՝ մեր կողմէ)¹:
- Դարձեալ, ան կը թելադրէ. «Սիրելիներ, այս խոստումները ունենալով՝ մաքրենք մենք մեզ մարմինի ու հոգիի ամէն տեսակ պղծութենէ, եւ կատարելագործենք սրբացումը Ասպուծոյ վախով» (Բ.Կորնթացիներուն 7.1, շեշտադրումը՝ մեր կողմէ)²:
- Եբրայեցիներուն դրկուած նամակը գրողը կ'ըսէ. «Ձոη ունենանք շնորհք, որով կրնանք ծառայել Աստուծոյ ընդունելի ծետվ մը՝ մեծարանքով եւ ասպուածային վախով» (12.28, շեշտադրումը՝ մեր կողմէ)³:
- Պետրոս Առաքեալ կը գրէ. «Եթէ “Հայր” կը կոչէք ան՝ որ անաշառ կերպով կը դատէ իրաքանչիրը իր գործերուն համաձայն, ասպուածավախութեամբ ապրեցէք ձեր պանդխութեան տարիները» (Ա.Պետրոսի 1.17, շեշտադրումը՝ մեր կողմէ):
- Յուղա Առաքեալ կը հոչակէ. «Փրկեցէք ուրիշները, վախով յափշտակելով զանոնք կրակէն» (հմր 23, շեշտադրումը՝ մեր կողմէ)⁴:
- Իսկ Յիսոս մեզի կը թելադրէ. «Մի վախնաք անոնցմէ, որոնք մարմինը կը սպաննեն եւ սակայն հոգին չեն կրնար սպաննել: Բայց դուք վախցէք մանաւանդ անկէ, որ կրնայ թէ հոգին եւ թէ մարմինը կորուստի մատնել դժոխքին մէջ» (Մատթեոսի 10.28):

Կրնամ տակաւին շարունակել, եւ վստահաբար պիտի շարունակեմ մինչ կը յառաջանանք, բայց յուսամ հասկցաք ըսելիքս. *Սուրբ վախը Նոր Կտակարանի ճշմարտութիւն մըն է:* Ասոնք միայն այն կարգ մը համարներն են, զորս Տէրը սիրտիս մէջ դրաւ երբ կ'աղօթէի:

1 Աստուածաշունչ Հին եւ Նոր Կտակարաններու՝ Եբրայերէն եւ Յունարէն Բնագիրներէն Թարգմանուած, 2001

2 Աստուածաշունչ Հին եւ Նոր Կտակարաններու՝ Եբրայերէն եւ Յունարէն Բնագիրներէն Թարգմանուած, 2001

3 Բառացի թարգմանութիւն՝ անգլերէն Նիու Քինկ Ճեյմզ Վըրժըն (NKJV) տարբերակէն

4 Աստուածաշունչ Հին եւ Նոր Կտակարաններու՝ Եբրայերէն եւ Յունարէն Բնագիրներէն Թարգմանուած, 2001

Այդ առոտու անդրադարձայ, որ հովիւր շփոթած էր «վախի հոգի»ին եւ «Տիրոջ վախ»ին միջեւ: Կայ մեծ տարբերութիւն, եւ անիկա կ'երեւի այն պատմութեան մէջ երբ Մովսէս Խորայէլի ժողովուրդը առաջնորդեց Սինա Լեռը՝ Աստուծոյ հետ հանդիպելու համար:

Երբ ամբողջ ժողովուրդը հասաւ, Մովսէս լեռ ելաւ սկզբնական անձնական հանդիպումի մը համար: Ամենակարողը կը յայտնէ նպատակը իր հզօր ձեռքով Խորայէլը ազատագրելուն.

Սահման խօսէ Յակոբի տան, եւ հաղորդէ Խորայէլի որդիներուն.

«Դուք տեսաք ինչ որ ըրի եգիպտացիներուն, ինչպէս ձեզ արծիվ թեւերուն վրայ կրեցի ու քովս բերի»: (Ելքի 19.3–4, շեշտադրումը՝ մեր կողմէ)

Գլխաւոր պատճառը Աստուծոյ այդ հզօր ձեռքով ազատագրումին ամբողջ ժողովուրդը իրեն բերելն էր: Ան զանոնք կը փափաքէր եւ կ'ուզէր հանդիպիլ անոնց հետ, որպէսզի իրենք ալ զինք ճանչնային ինչպէս Մովսէս կը ճանչնար: Սակայն երեք օր ետք երբ Աստուած կ'իջնէ լերան վրայ՝ ինքզինք ծանօթացնելու համար, ժողովուրդը անմիջապէս ետ կը քաշուի: Սարսափահար՝ անոնք Մովսէսին կ'աղաղակեն. «Դուն խօսէ մեզի հետ, ու մտիկ ընենք. բայց Աստուած թող չխօսի մեզի հետ, որպէսզի չմեռնինք» (Ելքի 20.19): Զանոնք միսիթարելու նպատակով, անոնց ղեկավարը կը պատասխանէ. «Մի՛ վախնաք. որովհետեւ Աստուած եկաւ ձեզ փորձարկելու, որպէսզի անոր վախը ձեր առջեւ ըլլայ ու չմեղանչէք» (Ելքի 20.20, շեշտադրումը՝ մեր կողմէ):

Սուաջին նայուածքով այնպէս կը թուի, թէ Մովսէս ինքզինք կը հակասէ. «Մի՛ վախնաք», որովհետեւ Աստուած եկած է, որպէսզի «անոր վախը ձեր առջեւ ըլլայ»: Արդեօք ան խօսքը կը փոխէ եւ շփոթ կը ստեղծէ: Պատասխանը «Ոչ» է: Մովսէս պարզապէս կը զանազանէ «Աստուծմէ վախնալուն կամ սարսափելուն» եւ «Տիրոջ վախ»ին միջեւ: Դարձեալ, այդ երկութին միջեւ հսկայ տարբերութիւն կայ:

Ան, որ կը վախնայ Աստուծմէ, պահելիք բան մը ունի: Յիշենք, որ պարտէզին մէջ երբ Ադամ մեղք գործեց, ինքը եւ Եւան պահուըտեցան Տիրոջ ներկայութենէն: Միայն անոնք չէին, որ այդպէս վարուեցան. ամբողջ Աստուածաշունչին մէջ այդ ձեփի վարմոնք կը տեսնենք անոնց կողմէ, որոնք խաւար ճամբաներու մէջ կը պտտին:

Սակայն այն անձը, որ Աստուծոյ վախը ունի, պահելիք բան մը չունի: Ան կը սարսափի Աստուծմէ հեռու ըլլալին: Ատիկա կը տեսնենք այն իրականութեան մէջ, որ երբ ժողովուրդը ետ քաշուեցաւ, Մովսէս աւելի՛ եւս մօտեցաւ Աստուծոյ: Այն անձը, որ Աստուծոյ վախը ունի,

ինքն իր մէջ չ'ըսեր. «Ո՞րքան կրնամ մօտենալ մեղքի գիծին եւ չինալ մեղքի մէջ»: Ոչ: Ան կ'ըսէ. «Կ'ուզեմ այնքան մօտիկ ըլլալ Աստուծոյ եւ այնքան հեռու այդ գիծն, որ չկարենամ նոյնիսկ տեսնել զանիկա»:

Ուստի նախքան սուրբ վախը սահմանելը եւ անոր օգուտներուն մասին խօսիլը, նախ յստակացնենք, թէ անիկա ինչ չէ: Անիկա Աստուծմէ վախնալ կամ սարսափիլ չէ եւ հեղեւաբար Անկէ եղ քաշուիլ: Ինչպէս կրնանք մտերմութիւն ունենալ մէկու մը հետ, որմէ կը վախնանք: Աստուծմէ ետ քաշուիլ ճիշդ հակառակն է Անոր փափաքածին: Սաղմոսներուն մէջ կը կարդանք. «Երբ ըսիր. “Երեսս փնտուցէք”, իմ սիրոս քեզի ըսաւ. “Քու երեսդ պիտի փնտուեմ, ով Տէր”» (27.8): Կը լսես մտերմութեան կանչը: Ան կ'ուզէ, որ իրեն մօտենաս, յարաբերիս իրեն հետ, խնդաք միասին, բաժնեկցիք իրարու հետ եւ կեանքի մէջ միասին քալէք: Սաղմոսողը նաեւ կը գրէ. «Տէրոջ մտերմութիւնը իրմէ վախցողներուն հետ է» (25.14): Հաստատուն իրականութիւնը հետեւեալն է. Աստուած կ'ուզէ մօտիկ եւ մտերիմ ըլլալ քեզի հետ: Ուստի վստահ եղիր, որ սուրբ վախը չի մարեր մտերմութիւնը: Անիկա ճիշդ հակառակը կ'ընէ. կը բարելաւէ Աստուծոյ հետ մեր յարաբերութիւնը:

Անձնականացնել

Հատուած- «Մի՛ վախնաք. որովհետեւ Աստուած եկաւ ձեզ փորձարկելու, որպէսզի անոր վախը ձեր առջեւ ըլլայ ու չմեղանչէք»: (Ելքի 20.20)

Միուր- Սուրբ վախը Աստուծմէ վախնալը կամ սարսափիլը չէ եւ իրմէ ետ քաշուիլը: Անիկա Աստուծմէ հեռու մնալին սարսափիլն է:

Խոկալ- Ինչ էր Եգիպտոսէն Իսրայէլը ազատելու Աստուծոյ գլխաւոր նպատակը: Ինչ է աշխարհի կապանքներուն ստրկութենէն զիս ազատելու Աստուծոյ գլխաւոր նպատակը:

Աղօթք- Սիրելի Երկնաւոր Հայր, շնորհակալութիւն Տէր Յիսուս Քրիստոսի միջոցաւ զիս վախի հոգիէն ազատելուդ համար: Կը խնդրեմ, որ մէջս դնես սուրբ վախը, որպէսզի քեզի դէմ մեղք չգործեմ, որովհետեւ ատիկա կը գրկէ զիս այն մտերմութենէն, զոր կ'ուզես ունենալ ինծի հետ եւ ես կ'ուզեմ ունենալ քեզի հետ: Ասիկա կը խնդրեմ Յիսուսի անունով: Ամէն:

Դաւանութիւն- Աստուած կանչած է զիս իրեն հետ մտերիմ ըլլալու համար, ուստի ես չեմ վախնար Աստուծմէ, բայց կը փափաքիմ իր վախը ունենալ, որպէսզի չմեղանչեմ:

Աստուծոյ վախը ունենալը
առաջին եւ մեծագոյն
Պարտականութիւններէն
մէկն է իր բանական
Արարածներուն:

– Զարլզ Ինկլիս

Յ | ԻՆՉ Է ՍՈՒՐԲ ՎԱԽԸ

Անկարելի է սահմանել սուրբ վախը մէկ նախադասութիւնով, պարբերութիւնով կամ մէկ գլուխի մէջ: Ատիկա ընելը տարբեր չէ նոյն սահմաններուն մէջ Աստուծոյ ամբողջ լայնութիւնը բացատրել փորձելէն: Ատիկա ընելը գլուխներ պիտի պահանջէ, եւ նոյնիսկ այդ ատեն մեր հասկացողութիւնը բաւարար պիտի չըլլայ: Իրականութեան մէջ, կը հաւատամ, որ մենք ամբողջ յալիտենականութեան ընթացքին շարունակ պիտի յայտնաբերենք թէ սուրբ սիրոյ եւ թէ սուրբ վախի խորութիւնները:

Ատիկա յստակացնելէ ետք, կ'ուզեմ առաջարկել սուրբ վախի սահմանումի ընդհանուր նախագիծ մը: Փորձէ յիշել մանկութիւնդ երբ քեզի ներկելու գիրք եւ ներկեր կու տային: Գիրքը կը բանայիր, էջ մը կ'ընտրէիր եւ հոն կը գտնէիր գծագրութիւն մը, որուն պարապ տեղերը պիտի ներկէիր: Նոյն ձեւով այ, այս գլուխը մեզի պիտի տայ սահմանները, սակայն գիրքին մնացեալ գլուխներով է, որ պիտի ներկենք պարապ տեղերը: Եթէ միայն կարդայիր այս գլուխը, միայն ընդհանուր գաղափար մը պիտի ունենայիր սուրբ վախի մասին, բայց պիտի զրկուէիր անոր փոխակերպող ճշմարտութիւններէն:

Նախորդ գլուխին մէջ ըսինք, որ Տիրոջ վախը մեզ ետ չի պահեր Աստուծոյ ներկայութենէն, այլ՝ ճիշդ հակառակը: Հաւ եւ հրաշալի վախը մեզ աւելի կը մօտեցնէ Անոր, եւ այս ամուր հիմք հաստատելը կենսական է նախքան մեր շարունակելը:

Ոմանք կ'ըսեն, թէ Տիրոջ վախը միայն կը նշանակէ՝ մեծարական ձեւով պաշտել զԱստուած: Ես ճիշդ այդ բառերը լսած եմ հանրածանօթ հովհիւներէ՝ իրենց ամպիոններէն, ինչպէս նաև

Ահարկու Աստուած մը

խօսակցութիւններու ընթացքին եւ առաջնորդներու հետ ճաշի սեղաններու շուրջ: Այդ սահմանումը պարզապէս սկիզբ մըն է, եւ շատ հեռու է ամբողջական պատկերէն: Նոյնը պիտի ըլլար պարագան եթէ Աստուծոյ սէրը սահմանէինք իբրեւ միայն «համբերատար եւ քաղցր» (Ա.Կորնթացիններուն 13.4): Բայց եթէ հոդ կանգ առնենք, պակաս կ'ըլլայ սահմանումը եւ բոլորովին սխալած կ'ըլլանք:

Երբ Լիսան եւ ես քառասուննոցի սկիզբներն էինք, մեծապէս յարգուած դեկավարի մը փեսան մեր տունը այցելեց՝ իր ընկերութեան մէջ ներդրում ընելու առիթի մը մասին բաժնեկցելու համար մեզի հետ: Քանի մը ժամ խօսեցանք, եւ ես որոշակիորէն կը յիշեմ անոր քաղցրութիւնն ու համբերատարութիւնը մեզի հանդէա: Եթէ տեսնէիր անոր վարմունքը, դուն ալ պիտի հաստատէիր, թէ ան սիրալիր մարդ մըն էր: Սակայն քանի մը օր այդ մասին աղօթելէ ետք, Լիսան եւ ես մղում չգգացինք ներդրումը ընելու: Հիմա, տարիներ ետք, ուրախ եմ, որ չըրինք, որովհետեւ ան երկար տարիներ անցուց բանտին մէջ՝ գեղձարարութեան պատճառով:

Ան համբերատար եւ քաղցր էր: Վաստահաբար այո: Սիրոյ մէջ կը քալի՞ր: Վաստահաբար ոչ: Ինչո՞ւ: Որովհետեւ Աստուածաշունչը մեզի կ'ըսէ. «Քանի որ սա է Աստուծոյ սէրը.- պահել անոր պատուիրանները» (Ա.Յովհաննէսի 5.3):¹ Գողնալը անձնասէր արարը մըն է, եւ կը խախտէ Աստուծոյ սիրոյ պատուիրանը (տես Եփեսացիններուն 4.28): Մանուկ բռնաբարող մը կրնայ քաղցր մէկը ըլլալ, եւ նոյնիսկ համբերատար՝ միեւնոյն ատեն կործանելով փոքր անձի մը կեանքը: Ան կը սիրէ այդ պզտիկը: Անշուշտ ոչ...

Նոյնպէս ալ սուրբ վախը միայն մեծարական պաշտամունքի մէջ սահմանափակելը կրնայ պատճառ դառնալ, որ ճիշդ չհասկնանք եւ սխալ ճամբով ընթանանք: Ուստի հիմա գծենք նկարին գիծերը եւ յետոյ կը ներկենք նկարը՝ յառաջիկայ գլուխներուն մէջ մեր առնելիք ուսուցումներով եւ տեսնելիք աստուածաշնչական օրինակներով ու պատմութիւններով: Նախքան մեր սկսիլը կ'ուզեմ զգուշացնել, որ սուրբ վախը սահմանելու ատեն պիտի լսես բառեր, որոնք կրնան վախցնել քեզ, բայց կը վստահեցնեմ, որ իրականութիւնը հակառակն է: Մնայ այս պատգամին հետ մինչեւ վերջ եւ պիտի տեսնես, որ սուրբ վախը սիրոյ եւ պաշտպանութեան նույտ մըն է մեր Ստեղծիչն, որ խորապէս կը հոգայ մեզի եւ կը փափաքի մեզ:

Կան շատ մը Նոր Կտակարանի համարներ, որոնցմով կրնանք սկսիլ, բայց կը հաւատամ, որ ասով սկսիլը ամէնէն յարմարն է.

1 Աստուածաշունչ Հին եւ Նոր Կտակարաններու՝ Եբրայերէն եւ Յունարէն Բնագիրներէն Թարգմանուած, 2001

Հետեւաբար՝ քանի որ կը ստանանք թագաւորութիւն մը, որ անսասանելի է, թող ունենանք շնորհք, որով կրնանք ծառայել Աստուծոյ ընդունելի կերպով՝ ակնածանքով եւ ասդուածային վախով։ Քանի որ մեր Աստուածը սպառող կրակ է: (Եբրայեցիներուն 12.28–29, շեշտադրումը՝ մեր կողմէ)¹

Եթէ ուշադիր ըլլաս, պիտի տեսնես, որ երկու վերագրումներ կան. ակնածանք եւ ասդուածային վախ։ Ասիկա անմիջապէս ցոյց կու տայ, որ աստուածային վախը կարելի չէ սահմանափակել միայն ակնածանքին մէջ։ Եթէ այդպէս ըլլար, նամակը գրողը ինքզինք կրկնած պիտի ըլլար երկրորդ բառը գործածելով։ Ասոնք ոչ միայն երկու տարբեր բառեր են անգլերէնի մէջ, այլև երկու տարբեր բառեր են յունարէնի մէջ եւս. այլո՞ն եւ իվլանէյա։

Ակնածանքը գերազանց թարգմանութիւնն է առաջին յունարէն բառին։ Թոմիկիթ Ուլրիփ Սթափրի *Տիբշընըրի* բառարանը ակնածանքը կը սահմանէ իբրեւ՝ «խորունկ երկրագութիւնով, ահով յարգանք»։ Սիրեցի այդ չորս բառերուն քով քովի գրուիլը։ Երբ կանգ առնենք եւ իրաքանչիւրին մասին մտածենք, մեր հասկացողութիւնը կը բարձրանայ ուրիշ մակարդակի մը։

Երկրորդ եզրը՝ աստուածային վախ, կը նշանակէ՝ *ահ*։ Ահի սահմանումին համար նայեցայ Նոահ Ուեպսթըրը *Տիբշընըրի* բառարանի 1828-ի նախնական հրատարակութեան մէջ եւ ահա թէ ինչ գտայ. «Վախ, սոսկում ներշնչուած մեծ եւ ահաւոր բանէ մը. վախով եւ ակնածանքով լեցուած ըլլալ։ Ազդեցութիւն բանեցնել վախով, սոսկումով կամ յարգանքով»։ Մի մտահոգուիր սոսկում կամ սարսափ բառերով։ Հակառակ անոր որ յունարէն բառարանը եւս կը գործածէ այդ բառերը, յիշէ, որ սուրբ վախը ունի դէպի Աստուած քաշող եւ ոչ թէ Աստուծմէ վանող ազդեցութիւն մը։ Ուստի պէտք է հարց տանք. Արդեօք այդ բառերը ունին դրական եւ առողջ երես մը։ Կը հաւատամ, որ Աստուածաշունչը ցոյց կու տայ, որ ունին, եւ ատիկա պիտի տեսնենք մինչ գոյն կ'աւելցնենք մեր նկարին վրայ յետագային։

Սկսինք թուել մեր սահմանումները։ Աստուծմէ վախնալ կը նշանակէ՝ *ակնածիլ* եւ ամբողջական *ահ* ունենալ Անոր հանդէպ։

Աստուծմէ վախնալ կը նշանակէ՝ *սրբարանել* զինք։ *Սրբարանելը* կը սահմանուի իբրեւ՝ «մեծապէս յարգել»։

Աստուծմէ վախնալ կը նշանակէ՝ *մեծարել*, *յարգել*, *պատուել*, *պաշտել* զինք եւ պատկառանք ցոյց տալ իրեն ամէն մարդէ եւ ամէն բանէ աւելի։

1 Բառացի թարգմանութիւն՝ անգլերէն Նիու Թինկ Շէյմզ Վըրժըն (NKJV) տարբերակէն

Ահարկու Աստուած մը

Երբ կը վախնանք Աստուծմէ, իր սիրտը կ'առնենք մեր մէջ: Կը սիրենք այն ինչ որ ինք կը սիրէ, եւ կ'ատենք այն ինչ որ ինք կ'ատէ: (Նկատի առ, որ չըսինք «չհանիլ» այն ինչ որ ինք կ'ատէ. այլ՝ «ատել» այն ինչ որ ինք կ'ատէ:) Այն ինչ որ կարեւոր է իրեն համար, կարեւոր կը դառնայ մեզի համար եւս: Այն ինչ որ այդքան կարեւոր չէ իրեն համար, մեզի համար ալ այդքան կարեւոր չ'ըլլար:

Աստուծմէ վախնալ կը նշանակէ՛ ատել մեղքը:

Աստուծմէ վախնալ կը նշանակէ՛ ատել անարդարութիւնը:

Աստուծմէ վախնալ կը նշանակէ՛ հեռանալ չարէն ամէն իմաստով. խորհուրդով, խօսքով եւ գործով: Կը նշանակէ՛ ետ կենալ խարէական խօսքերէ: Կը նշանակէ՛ չըսել բան մը կամ չձեւացնել ըլլալ բան մը, որ կեղծ է անձին սիրտին եւ խորհուրդներուն: Կը նշանակէ՛ մեր արտաքին վարմունքը համապատասխանեցնել մեր ներքին խորհուրդներուն, շարժառիթներուն եւ համոզումներուն:

Աստուծմէ վախնալ կը նշանակէ՛ քալել իսկական խոնարհութեան մէջ՝ Աստուծոյ առջեւ եւ մարդոց:

Աստուծմէ վախնալ կը նշանակէ՛ Անոր տալ այն փառաբանութիւնը, երկրպագութիւնը, երախտագիտութիւնը եւ պաշտամունքը, որոնց արժանի է Ան:

Աստուծմէ վախնալ կը նշանակէ՛ իրեն տալ այն ամէնը, որ կը պատկանի իրեն:

Աստուծմէ վախնալ կը նշանակէ՛ դողալ Անոր առջեւ հիացմունքի եւ ահի մէջ: Կը նշանակէ՛ իր խօսքին եւ ներկայութեան տալ մեր ամբողջական ուշադրութիւնը:

Աստուծմէ վախնալ կը նշանակէ՛ հնազանդիլ Անոր: Ատիկա միայն փափաք մը չէ, այլ՝ ներքին ոյժ մը, որ կը մոէ մարդը իր կամքը կատարելու, ինչ գինով ալ որ ըլլայ ատիկա: Մենք եռանդով, պատրաստակամօրէն եւ անմիջապէս կը հնազանդինք, նոյնիսկ եթէ օգուտ մը չտեսնենք ըսուածին մէջ կամ տրամաբանական չըլլայ ատիկա, եւ կ'ընենք պատուիրուածը մինչեւ կատարում:

Աստուծմէ վախնալ կը նշանակէ՛ հրաժարիլ որեւէ ձեւի գանգատէ, մրմուալէ կամ դժգոհութենէ:

Աստուծմէ վախնալ կը նշանակէ՛ յարգել, պատուել եւ ենթարկուիլ Անոր ուղղակի եւ յանձնարարուած իշխանութեան: Նաեւ կը նշանակէ՛ հնազանդիլ յանձնարարուած իշխանութեան,

միակ բացառութիւնը ըլլալով այն, որ եթէ այդ իշխանութիւնը մեզի կ'ըսէ, որ մեղք գործենք:

Տիրոջ վախը կը ձեւակերպէ մեր մտադրութիւնները, խորհուրդները, բառերը եւ արարքները:

Հիմա թուենք սուրբ վախի օգուտներուն մէկ մասը: Ահա բազմաթիւ աստուածաշնչական խոստումներէն ոմանք՝ տրուած անոնց, որոնք կը քալեն անոր մէջ:

Տիրոջ վախը մեկնակէտն է Աստուծոյ հետ մտերիմ յարաբերութեան մը: Մենք կը դառնանք Անոր բարեկամները, եւ Ան իր գաղտնիքները կը բաժնեկցի մեզի հետ:

Տիրոջ վախը իմաստութեան, հասկացողութեան եւ գիտութեան սկիզբն է: Անիկա կու տայ կանխատեսութիւն եւ յստակ աստուածային ուղղութիւն:

Տիրոջ վախը այն միջոցն է, որով կ'աճինք մեր փրկութեան մէջ եւ կը փոխակերպուինք Յիսուսի պատկերին համաձայն:

Տիրոջ վախը մաքուր է. անիկա ճշմարիտ սրբութիւն կ'արտադրէ մեր կեանքին մէջ:

Տիրոջ վախին մէջ մնալը յափունական աւանդ ապահովել է:

Տիրոջ վախը կ'արտադրէ ինքնավստահութիւն, անվախութիւն եւ ապահովութիւն: Անիկա կը կլէ միս բոլոր վախերը՝ ներառեալ մարդոց վախը:

Տիրոջ վախը մեզի կու տայ ինքնութիւն, մեզ արդիւնաւէտ կը դարձնէ եւ կը լիազօրէ մեզ՝ բազմապատկուելու համար:

Տիրոջ վախը կը հայթայթէ հրեշտակային օժանդակութիւն, կատարուած փափաքներ, յարատեւ յաջողութիւն, ազնուականութիւն, ազդեցութիւն, երկայնակեցութիւն, արդիւնաւէտ օրեր, կեանքի մէջ վայելք, ուրախութիւն, աշխատանքի մէջ հաճոյք, մեր մարմինին համար բժշկութիւն եւ շատ աւելին:

Տիրոջ վախը յափունական կը մնայ. անիկա բնաւ պիտի չմարի:

Տիրոջ վախը թանկարժէք նուէր մըն է մեր Երկնաւոր Հօրմէն:

Անձնականացնել

Հատուած- Հետեւաբար՝ քանի որ կը ստանանք թագաւորութիւն մը, որ անսասանելի է, թող ունենանք շնորհք, որով կրնանք ծառայել Աստուծոյ ընդունելի կերպով՝ ակնածանքով եւ աստուածային վախով։ Քանի որ մեր Աստուածը սպառող կրակ է: (Եբրայեցիներուն 12.28-29)¹

Միտք- Տիրոջ վախը սիրել է այն ինչ որ Աստուած կը սիրէ եւ ատել այն ինչ որ Աստուած կ'ատէ: Այն ինչ որ կարեւոր է իրեն համար, կարեւոր կը դառնայ մեզի համար եւս: Այն ինչ որ այդքան կարեւոր չէ իրեն համար, մեզի համար ալ այդքան կարեւոր չ'ըլլար:

Խոկալ- Գործնապէս ինչ տեսք ունի ամէն մարդէ եւ ամէն բանէ աւելի զԱստուած մեծարելը, յարգելը, պատուելը, զԱյն պաշտելը եւ Անոր հանդէա պատկառանք ցոյց տալը:

Աղօթք- Սիրելի Երկնաւոր Հայր, կը խնդրեմ, որ սորվեցնես ինծի, որ վախնամ Քու անունէր, Խօսքէր, Ներկայութենէր եւ Քու ով ըլլալե՛: Թող սիրեմ սուրբ վախը եւ հաճոյը ստանամ անկէ: Սուրբ Հոգի, մինչ կը շարունակեմ այս ճամբորդութիւնը, սորվեցուր ինծի եւ հաղորդէ մէջս Աստուծոյ ձեւերը. թող կարդացածներս սոսկ տեղեկութիւններու ազդեցութիւն չունենան վրաս, այլ՝ թող խօսքերը փոխակերպեն կեանքս մեր Տէր Յիսուս Քրիստոսի պատկերին համաձայն: Ասիկա կը խնդրեմ Յիսուսի անունով: Ամէն:

Դաւանութիւն- Թող խօսքերս եւ սիրտիս խորհուրդները հաճելի ըլլան Աստուծոյ աչքին:

1 Բառացի թագմանութիւն՝ անգլերէն Նիու Քինկ Ճէյմզ Վըրժըն (NKJV) տարբերակէն

Անոր ամբողջ նկարագիրը
մեզմէ ակնածանք կը¹
պահանջէ, որովհետեւ անիկա
գերադասօրէն սուրբ է, եւ
իր անունը մեզի համար
ահ պատճառող խօսք մըն
է, որ երբեք պէտք չէ նշուի
անխորհուրդ կերպով եւ երբեք
պէտք չէ մէջբերուի առանց
լուրջ խորհուրդի եւ անոր առջեւ
սիրտի երկրպագութեան:

– ԶԱՐԼԶ ՀԱՏԸՆ ՍՓԸՐՃԸՆ

4 | ԱՍՏՈՒԾՈՅ ՇՈՇԱՓԵԼԻ ՆԵՐԿԱՅՈՒԹԻՒՆԸ

Ինչպէս նախապէս նշեցինք, Աստուծոյ վախը տրամաբանութեան հակառակ կը թուի ըլլալ: Երբ վախ բառը կը լսենք, մեր միտքը զանիկա կը կապէ վնասակար բանի մը հետ: Բայց կը վստահեցնեմ քեզ, որ Աստուծոյ վախը իրականութեան մէջ մեծագոյն ոյժն է ինքնավստահութեան, միսիթարութեան եւ պաշտպանութեան, որ տրամադրուած է որեւէ էակի տիեզերքի մէջ: Մենք այդ ճշմարտութիւնը պիտի յայտնաբերենք մինչ կը շարունակենք մեր ճամբրութիւնը: Բայց նախ եւ առաջ, սուրբ վախը կրնայ բաժնուիլ երկու գիւաւոր դասակարգումներու.

1. *Դողալ Ասպուծոյ ներկայութեան մէջ, եւ*
2. *Դողալ Անոր Խօսքին դիմաց*

Երկութիւն մասին ալ պիտի խօսինք, բայց եկէք սկսինք լուսարձակի տակ առնելով առաջինը: Սաղմոսողը կը հոչակէ. «Աստուած յոյժ զարհութելի է սուրբերուն խորհրդաժողովին մէջ, եւ ահեղ է բոլոր շուրջը եղողներուն մէջ» (Սաղմոսներու 89.7, շեշտադրումը՝ մեր կողմէ): Նկատի առ, որ միայն չ'ըսեր «զարհութելի» է, այլ «յոյժ» զարհութելի: Ահա հաստատուն ճշմարտութիւն մը. բնաւ պիտի չգտնես Աստուծոյ իրաշալի ներկայութիւնը մթնոլորտի մը մէջ, ուր Ան չի մեծարուիր եւ ահով չի դիմաւորուիր:

Ես այդ ճշմարտութիւնը ճանչցայ 1997-ի Յունուարին: Հրաիրուեցայ Պրազիլի մայրաքաղաքը՝ երկրի բոլոր կողմերէն հաւատացեալներու

մասնակցութեամբ տեղի ունենալիք խորհրդաժողովի մը ընթացքին ծառայելու համար: Չատ խանդավառ էի առաջին անգամ ըլլալով այդ աղոտոր երկիրը այցելելու այդ առիթին համար:

Օդանաւը առտու կանուխ իջաւ Պրազիլ, եւ ամբողջ ցերեկը ունէի սենեակիս մէջ աղօթելու, պատրաստուելու եւ հանգստանալու: Երեկոյեան մինչ ինքնաշարժով ծառայութեան վայր կ'երթայինք, նկատեցի, որ ճամբաները լեցուն էին ինքնաշարժներով: Ակնկալուածին համաձայն, կառատունը լեփ-լեցուն էր՝ ինչ որ նշան էր, որ խորհրդաժողովի ներկաներուն թիւը շատ մեծ պիտի ըլլար:

Ծառայողներու ընկերակցութեամբ հասայ մարզադաշտ, եւ քանի մը առաջնորդի հետ հանդիպելի ետք, ուղղակի բեմ ելայ: Սքանչացած էի այն իրականութեամբ, որ զԱստուած պիտի պաշտէի՝ իմ ակնկալութեանս համաձայն, հազարաւոր Աստուծոյ ներկայութեան անօթի հասատացեաներու հետ: Սակայն խանդավառութիւնս երկար չտեեց, տրուած ըլլալով, որ շուտով նկատեցի, որ Աստուծոյ ներկայութիւնը բացակայ էր մթնոլորտէն: Շուարած էի. ասիկա հաւատացեաներու խորհրդաժողով մըն էր, եւ պաշտամունքի խումբը երկրի լաւագյուններէն մէկն էր: Ուստի ինչո՞ւ Աստուծոյ ներկայութիւնը հոն չէր:

Նախքան շարունակելս, Աստուծոյ ներկայութեան մասին քանի մը բան յստակացնեմ: Աստուածաշունչը կը խօսի երկու տեսակի մասին: Առաջինը Անոր ամենուրեքութիւնն է: Դափիթ կը վկայէ. «Ո՞ւ երթամ քու Հոգիէդ, եւ քու ներկայութենէդ հո՞ւ փախչիմ: Եթէ երկինք ելլեմ, դուն հոն ես, եթէ դժոխքը տարածեմ անկողինս, ահա՞ դուն հոն կը գտնուիս [...] Խսարն ալ քեզի համար մուշ չէ [...]» (Սաղմոններու 139.7–8,12): Այս է Աստուծոյ ներկայութիւնը, որ կը խոստանայ՝ «Բնաւ երեսի վրայ պիտի չձգեմ եւ պիտի չլքեմ քեզ» (Եբրայեցիններուն 13.5):

Երկրորդ տեսակը կը ճանչնանք Յիսուսի հետեւեալ խօսքէն. «Ես ալ պիտի սիրեմ զայն եւ ինքանքս յայդնեմ անոր» (Յովիաննէսի 14.21, շեշտադրումը՝ մեր կողմէ): Յայդնեմ բառը յունարէն էմֆանիզօ բառն է, որ կը նշանակէ՝ «յայտնի դարձնել... արտօնել, որ անձդ մտերմօրէն ճանչցուի եւ հասկցուի»: Ասիկա կը պատահի երբ Աստուած ինքզինք կը յայտնէ մեր միտքին եւ զգայարանքներուն: Յիսուս ըսաւ. «Ուր որ երկու կամ երեք հոգի հաւաքուին իմ անունովս, ես հոն եմ՝ անոնց միջեւ» (Մատթէոսի 18.20): Յստակ է, որ Ան չի խօսիր Աստուծոյ ամենուրեք ներկայութեան մասին, որովհետեւ այդ պարագային ինչո՞ւ պէտք պիտի ունենար այդ խօսքը ըսելու: Ան կը խօսի Աստուծոյ յայտնուող ներկայութեան մասին: Այդ ներկայութիւնը բացակայ էր այդ մարզադաշտին մէջ այդ գիշեր: Խորապէս գիտակից այդ իրականութեան, աչքերս գոցեցի եւ Սուլբ Հոգիին հարցուցի. Ո՞ւ է քու ներկայութիւնդ:

Աչքերս բացի եւ անմիջապէս անդրադարձայ բանի մը, որ վրիպած էր ինձմէ, բայց հիմա արդէն բացայատ էր: Ներկաներուն մեծ մասը պաշտամունքին չէր մասնակցեր: Ոմանք ձեռքերը գրավաներուն մէջ կամ ծալլուած կուրծքին վրայ իրենց շուրջը կը դիտէին անտարբեր կամ ծանծրացած վիճակով: Կիներ իրենց պայուսակներուն մէջ բաներ կը փնտոէին: Շատեր պարզապէս կը ճեմէին մարզադաշտին մէջ կամ կ'երթային ուտելիք գնելու կրապակներէն: Մեծ թիւվ ներկաներ կը խնդային եւ կը խօսէին իրենց շուրջիններուն հետ: Անոնց վարմունքը տարբեր չէր վարմունքն ամբոխի մը, որ կը սպասէ, որ ելոյթը սկսի: Ես ինձի մտածեցի. *Վսկրահաբար շուկով ասիկա պիտի դադրի եւ մարդիկ պիտի մասնակցին պաշտամունքին:* Բայց այդպէս չեղաւ:

Ի զարմանս ինձի, երբ պաշտամունքի երգերը դադրեցան եւ առաջնորդներէն մէկը ելաւ Աստուծոյ խօսքն կարդալու, ոչինչ փոխուեցաւ, բացի անկէ, որ հիմա որ երաժշտութիւն չկար, կրնայիր լսել իրարու հետ խօսակցութեան մէջ եղող մարդոց մրմոալը: Չէի հաւատար տեսածիս եւ սկսած էի բարկանալ:

Ապա լսեցի Սուրբ Հոգիին փսփսութքը սիրտիս մէջ. *Կ'ուզեմ, որ ուղղակիորէն խօսիս այս հարցին մասին:*

Երբ ներկայացուցին զիս, ոտքի ելայ եւ քալեցի դէպի ամպիոն՝ թարգմանիչս կողղիս: Որոշեցի բան մը չըսել, այլ՝ պարզապէս աչքերս սեւեռել ներկաներուն: Եզրակացուցի, որ միակ կարելի ծեւը բոլորին ուշադրութիւնը գրաւելու բեմին վրայ բոլոր գործունէութիւններուն դադրիլն էր: Յաջողեցաւ այդ ծես: Լման մէկ վայրկեանի լրութիւնը բոլորին ուշադրութիւնը գրաւեց: Մարդոց շարժումները դադրեցան, գլուխները դէպի բեմ դարձան եւ մթնոլորտին մէջ լրութիւն տիրեց: Նկատեցի, որ բոլորին աչքերը վրաս էին:

Պատգամս չսկսայ՝ «Շատ ուրախ եմ Պրազիլի մէջ ըլլալովս» կամ «Շնորհակալ եմ ձեր իրաւերին համար»ով: Ոչ ալ ինքզինքս ծանօթացուցի: Փոխարէնը, խստօրէն հարցուցի հետեւեալ հարցումը. «Պիտի ուզէիք, որ մինչ դուք սեղանին շուրջ ձեր դիմացը նստած մէկու մը հետ կը խօսիք, ան անտեսէ ձեզ, առաստաղին սեւեռէ անտարբերութեամբ կամ իր քովինին հետ խօսակցութիւն ունենայ»:

Պահ մը լրութենէ ետք, ես իմ հարցուցած հարցումիս պատասխանեցի. «Պիտի չսիրէիք ատիկա, չէ»:

Տակաւին աւելի եւս խորացայ. «Հապա եթէ ամէն անգամ, որ որացիիդ դուռը զարնես, քեզ դիմաւորեն անտարբեր նայուածքով մը եւ ծանծրոյթ արտայայտող ծայնով մը ըսեն. «Հա դուն ես»: Պիտի շարունակէիր այդ տունը այցելել»:

Ահարկու Աստուած մը

Դարձեալ, պահ մը լուռ մնալէ Ետք, պատասխանեցի. «Անկարելի՞ է»:

Ապա ըսի. «Կը կարծէք, որ տիեզերքի Թագաւորը իր ներկայութիւնը պիտի յայտնէ կամ խօսի վայրի մը մէջ, ուր չէ պատուած եւ մեծարուած»:

Այս անգամ կարծրօրէն պատասխանեցի հարցումիս, ըսելով. «Երբէ՛»: Շարունակեցի. «Եթէ ծեր երկրի նախագահը կեցած ըլլար այս բեմին վրայ, ան պիտի ստանար ծեր ամբողջական ուշադրութիւնը եւ յարգանքը: Կամ եթէ ծեր նախասիրած ֆուրապող խաղողներէն մէկը ինս կեցած ըլլար, մեծամասնութիւնդ ծեր նստարաններուն ծայրը նստած պիտի ըլլայիք խանդավառութեամբ լեցուն՝ անհամբեր սպասելով ամէն բարի, որ պիտի խօսէր: Սակայն մինչ Աստուծոյ խօսքը կը կարդացուէր քանի մը վայրկեան առաջ, ուշադրութիւն չդարձուցիք. կարծես անհետաքրքրական աղմուկ մըն էր»: Եւ յաջորդ ինխուն վայրկեանը ես անոնց խօսեցայ Տիրոջ վախին մասին: Եթէ ասեղ իյնար, ծայնը կը լսուէր այդ մարզադաշտին մէջ: Այնպէս կը թուէր, որ անոնք քիչ մը ցնցուած էին ըսաճներուս պատճառով, բայց կարեւորը ուշադրութեամբ մտիկ կ'ընէին: Երբ խօսքս աւարտեցի, ապաշխարութեան կոչ ուղղեցի. «Եթէ հաւատացեալ ես բայց չունիս սուրբ վախը եւ կ'ուզես ապաշխարել, ոտքի ել»:

Առանց վարանումի, ներկաներուն 75 տոկոսը ոտքի ելաւ: Քանի մը վայրկեանի մէջ, նախքան անոնց հետ աղօթելս, Աստուծոյ յայտնուող ներկայութիւնը լեցուց մարզադաշտը: Մարդիկ սկսան հեծկլտալ եւ լալ մինչ Աստուծոյ հրաշալի ներկայութիւնը դպաւ իրենց կեանքերուն: Սուրբ վախը ետ չկեցուց զիրենք Աստուծմէ. այլ աւելի մօտեցուց զիրենք Աստուծոյ:

Առկէ ետք տեղի ունեցածը ամէնէն հոյակապ փորձառութիւններէն մէկն էր, որ ունեցած եմ քառասուն տարուայ ծառայութեանս ընթացքին: Բայց նախքան որ այդ պատմութիւնը պատմեմ, այս բաժինը փակենք հետեւեալ բառերով.

Մինչ անոր խօսքերուն ծայնը կը լսէի՝ թմրած ինկայ երեսիս վրայ, երեսս դէպի գետին: Եւ ահա ծեռք մը դպաւ ինծի, զիս ցնցեց, եւ ծունկերուս ու ծեռքերուս ակերուն վրայ դրաւ: Ապա ինծի ըսաւ. «Ո՛վ Դանիէլ, սիրելի՛ մարդ, ըմբռնէ քեզի ըսելիք խօսքերս եւ կայնէ եղած տեղէդ, քանի հիմա քեզի դրկուեցայ: Երբ այս խօսքը ինծի ըսաւ, դողալով կայնեցայ»: (Դանիէլի 10.9–11, շեշտադրումը՝ մեր կողմէ)

Դանիէլ սիրելի մարդ էր Աստուծոյ համար, սակայն ատով հանդերձ ան ցնցուեցաւ եւ գետին ինկաւ: Նոյնիսկ երբ օգնութիւն

ստացաւ, որ գետինէն Ելլելով ծունկերուն վրայ կենար եւ ապա ոտքի ելլէր, ան կը դողդղար այդ ամբողջ ժամանակը: Եթէ ատիկա պատահեցաւ պատգամաբերի մը՝ իրեշտակի մը ներկայութեան մէջ, ի՞նչ պիտի պատահի երբ Ինքնին Աստուած գայ:

Անձնականացնել

Հաստուած- Աստուած յոյժ զարհութելի է սուրբերուն խորհրդաժողովին մէջ, եւ ահեղ է բոլոր շուրջը եղողներուն մէջ: (Սաղմուներու 89.7)

Միտք- Մենք Աստուծոյ յայտնուող ներկայութիւնը պիտի գտնենք միայն մթնոլորտի մը մէջ, ուր Անոր հանդէա ծայրագոյն յարգանք կայ:

Խոկալ- Ի՞նչ կը նշանակէ դողալ Աստուծոյ ներկայութեան մէջ: Ինչպէս կ'ընեմ ատիկա գործնապէս իմ առանձնութեանս մէջ, երբ բարեկամներու հետ եմ, երբ հանրային վայրի մը մէջ եմ, երբ Եկեղեցւոյ պաշտամունքի ծառայութեան կը մասնակցիմ:

Աղօթք- Սիրելի Երկնաւոր Հայր, ներողամտութիւնդ կը խնդրեմ այն ժամանակներուն համար երբ պաշտամունքի մթնոլորտի մը մէջ մտած եմ սովորական, անկապ կեցուածքով մը: Կը զղամ Քու ներկայութիւնդ պարզի առնելուս համար, անոր հետ սովորական բանի մը պէս վարուելուս համար: Թող Յիսուսի արինը մաքրէ զիս: Կը խոնարհեցնեմ անձս Քու առջեւ՝ խնդրելով շնորհքդ որպէսզի փոխուիմ: Ես կ'ուզեմ գիտակցիլ Քու ներկայութեանդ ուր որ ալ ըլլամ կամ ի՞նչ ալ ընելու վրայ ըլլամ եւ յարգել զանիկա: Կ'ուզեմ ապրիլ Քեզի հանդէա մեծարական ահի մէջ ամէն ժամանակ: Ասիկա կը խնդրեմ Յիսուսի անունով: Ամէն:

Դաւանութիւն- Ես միշտ ամբողջական ուշադրութիւն պիտի տամ Աստուծոյ խօսքին եւ պիտի պատուեմ Անոր ներկայութիւնը ամէն բանի մէջ, որ կ'ըսեմ եւ կ'ընեմ:

Նախքան աղօթելու,
ջանա՞ անդրադառնալ, թէ
Որո՞ւ ներկայութեան կը
մօտենաս եւ Որո՞ւ հետ պիտի
խօսակցիս՝ ի մտի ունենալով,
թէ Որո՞ւ կը դիմես խօսքերդ:

– ՍՐԲՈՒՀԻ ԹԵՐԵԶԱ ԱԻԻԼԱՅԻ

5 | ԱՆՄՈՌԱԱԼԻ ԵՐԵԿՈՅ ՄԸ

Մարկոսի Անտարանը կը վկայէ աշակերտներուն հետ Տիրոց գործակցութեան մասին. «Եւ իրենց քարոզութիւնը կը հաստատուէր իրենց տրուած բոլոր նշաններով» (Մարկոսի 16.20): Այդ գործակցութիւնը սկսաւ Յիսուսի երկինք համբարնալէն ետք, եւ Նոր Կտակարանին մէջ ոչ մէկ տեղ մեզի կ'ըսուի, թէ անիկա պիտի դադրի նախքան Անոր երկրորդ գալուստը:

Վերադառնանք Պրազիլի մէջ այդ երեկոյին: Երբ զղումի կոչ ուղղեցի ներկաներուն Աստուծոյ հանդէա ակնածանքով չվարուելնուն համար, ներկաներուն 75 տոկոսը ոտքի կեցաւ: Ես իմ գլուխս խոնարհեցուից եւ բարձրաձայն աղօթեցի. «Տէր Աստուած, հաստատէ այս գիշեր հոչակուած Խօսքդ»:

Քանի մը երկվայրկեան ետք սկսայ ժողովուրդին մէջ հեծկլտոցի ձայներ լսել: Յաջորդ քանի մը վայրկեաններուն, Աստուծոյ ներկայութեան այլք մը լեցուց մթնոլորտը՝ թարմացնելով եւ մաքրելով սիրտերը ներկաներուն: Այդ մթնոլորտին վերցուելէն ետք իսկ, հրաշալի խաղաղութիւն մը հանգչած կը մնար այդ վայրին մէջ:

Ներկաները բերանացիօրէն ներողութիւն չէին խնդրած կամ աղօթք մը ըրած, սակայն Աստուծոյ ներկայութիւնը եկաւ՝ անոնց սիրտերուն մէջ տեղի ունեցած փոփոխութեան պատճառով: Յետագային երբ այդ մասին մտածեցի, անդրադարձայ, որ անառակ որդիին հայրը չսպասեց, որ իր որդիին ներողութիւն խնդրէր վազելով անոր քով երթալէն առաջ: Ո՞չ: Որդիին սիրտին մէջ տեղի ունեցած փոփոխութիւնն էր եւ ատոր իբրեւ արդիւնք անոր տուն վերադառնալու քայլը, որ հօրը խանդավառ փաթթուկին եւ

Ահարկու Աստուած մը

համբոյին արժանացուցին որդին: Կարծես նոյնը պատահած էր այդ մարզադաշտին մէջ այդ գիշեր:

Յատուկ պահ մը կ'ապրէինք. ներկաները մեծարական լրութեան եւ փափկասրտութեան մը մէջ էին: Յարմար զգացի իրենց ապաշխարութեան աղօթք առաջարկելու, եւ զանազանութեան ձիրքի պէտք չկար ճանչնալու համար, թէ անոնց բառերը անկեղծ էին եւ սրտանց: Աղօթքէն քանի մը երկվայրկեան յետոյ Աստուծոյ յայտնուող ներկայութեան ուրիշ ալիք մը լեցուց մարզադաշտը: Անգամ մը եւս կը լսէի հեծկլտոցներ եւ լալու ձայներ ներկաներուն մէջ, բայց այս անգամ աւելի շատ էին անոնք: Շատ գեղեցիկ էր այդ ներկայութիւնը, եւ սակայն դարձեալ վերցուեցաւ քանի մը վայրկեան ետք:

Ես երախտապարտ էի այն թարմացումին համար, զոր բոլորս զգացինք՝ Աստուծոյ խաղաղաբեր եւ հրաշալի ներկայութեան այդ երկու դրսետրումներուն ընթացքին: Բոլորս ալ ակնկալութեան վիճակի մը մէջ մնացինք մինչ աստուածային հանդարտութիւն մը թափանցեց մթնոլորտին ներս: Այդ հանդարտութեան մէջ լսեցի Աստուծոյ Հոգին կը փսփսար սիրտիս: Անգամ մը եւս պիտի յայգնուիմ:

Բարձրաձայն ըսի սիրտիս մէջ լսածս, սակայն ոչ մէկս գիտէինք, թէ ինչ պիտի պատահէր ատկէ ետք: Տարբեր ներկայութիւն մը պիտի հանդիպէր մեզի շուտով: Դժուար է բաժնեկցիլ պատահածին մասին, քանի որ բառերը բաւարար չեն զանիկա նկարագրելու համար: Այն ինչ որ պիտի գրեմ կրնայ անհաւանական թուիլ, նոյնիսկ անհրական, բայց ահա քսան տարի ետք, բազմաթիւ մարդիկ հաստատած են այդ վայրին մէջ պատահածը:

Պատկերացուր, որ կեցած ես անտառի մը մէջ երբ զօրատր փոթորիկ մը կը փչէ: Կը լսես հովին բարձր սուլոցի ձայնը ծառերուն մէջ քու վերեւու: Ասոր կը նմանէր ձայնը այն հովին, որ փչեց մարզադաշտին մէջ: Չէինք կրնար զգալ զայն, բայց կը լսէինք: Գրեթէ նոյն աստեն ներկաները սկսան ջերմեռանդօրէն աղօթել եւ աղաղակել: Անոնց ձայները կ'որոտային, բայց հովին ձայնը աւելի բարձր էր քան անոնց ձայները: Ես ցնցուած էի, ահի մէջ էի եւ գրեթէ սարսափած Անոր ներկայութենէն: Չէի կրնար շարժիլ, չէի կրնար խօսիլ, եւ փշաքաղուած էր ամբողջ մարմինս: Մթնոլորտին մէջ կար իշխանութիւն մը, որուն նմանին բնաւ չէի հանդիպած: Մտածեցի: Ասիկա Արքա, Հայր Աստուծոյ ներկայութիւնը չէ, այլ՝ սուրբ, ահաւոր եւ հզօր Թագաւորին ներկայութիւնն է:

Հովին ձայնը տեւեց շուրջ ինխուուն երկվայրկեան: Մինչ անիկա աստիճանաբար մարեցաւ, իր ետին ծգեց լացող մարդիկ, ոմանք ուշաթափ, ուրիշներ փլած իրենց դիմացի նստարաններուն վրայ:

Բայց բոլորս ալ կը դողայինք ահով: Այդ հանդիսաւոր հետագայ ազդեցութիւնը շարունակուեցաւ շուրջ տասը վայրկեան եւս: Չէի կրնար խօսք մը խօսիլ: Բոլորս ալ անշաժ եւ լուր էինք: Ասկէ եւք ծառայութիւնը յանձնեցի պատասխանատու ղեկավարին, եւ ինծի տարին ինքնաշարժ՝ մեկնելու համար:

Այդ գիշերուայ երգչուիին եւ իր ամուսինը ինքնաշարժ ելան ինձմէ քանի մը վայրկեան ետք: Անմիջապէս ան ըսաւ. «Լսեցիր հովին ձայնը»:

Ես չուգեցի ըլլալ այն անձը, որ կը հաստատէր հովին ձայնը: Ուզեցի ուրիշ մէկը հաստատէր պատահածը: Ուստի պատասխանեցի. «Թերեւս ցածէն թռչող ճէթ օդանաւ մըն էր, որ մեր վրայէն կ'անցնէր»: (Այդ մարզադաշտին վերի պատին եւ տանիքին միջեւ բացութիւն կար՝ դաշտը օդասուն պահելու համար: Այդ պատճառով դուրսէն եկած ձայները աւելի բարձր կը լսուէին քան ուրիշ աւելի գոց կառոյցի մը մէջ:)

Ան նստած էր ինքնաշարժին առջեւի նստարանին վրայ, ետեւ դարձաւ զարմացած նայուածքով մը եւ կրակու կերպով պատասխանեց. «Ո՛չ, անիկա Աստուծոյ Հոգին էր»:

Ամուսինը, որ աւելի լուր մարդ մըն էր, միջամտեց, ըսելով. «Ատիկա ճէթ օդանաւ չէր»:

Հարցուցի. «Ի՞նչպէս գիտէք»:

Ան պատասխանեց. «Մարզադաշտին դուրսը կային ոստիկաններ եւ ապահովութեան պաշտօնեաններ, որոնցմէ շատերը անհաւատ էին: Երբ լսեցին հովին ձայնը, վազելով ներս եկան եւ մեր անձնակազմին հարցուցին, թէ ինչ էր այդ բարձր հովի ձայնը, որ մարզադաշտին կ'ելլէր: Առաւել, ես ձայնի կառավարման սենեակն էի (ան հոն էր, որպէսզի վստահ ըլլար, որ ձայնի համակարգը լաւ կը գործէր իր կնոջ երգեցողութեան ընթացքին) եւ ոչ մէկ ձայն կու գար ձայնի համակարգին ընդմէջէն: Զայնի կառավարման գործիքը ոչ մէկ նօր կ'արձանագրէր այն ատեն երբ հովը կը փշէր»:

Կինը շարունակեց՝ արցունքները այտն ի վար հոսեցնելով. «Ես տեսայ կրակի ալիքներ, որոնք կը թափէին շէնքին մէջ, եւ ամէն տեղ իրեշտակներու ներկայութիւնը կը զգայի»:

Խնդրեցի, որ ուղղակի պանդոկ տանէին զիս: Լուր էինք ինքնաշարժին մէջ: Այդ գիշեր ես ժամերով նստայ սենեակիս պատշգամբը, եւ միակ բանը, որ կրնայի ընել զԱստուած պաշտեն էր: Մէջս չէի կրնար պարփակել այդ օրուան պատահածը:

Ցաջորդ առոտու երբ մտանք մարզադաշտ, մթնոլորտը ամբողջովին տարբեր էր: Աստուծոյ յայտնուած ներկայութիւնը, որ իր ազդեցութիւնը ունեցած էր մեր վրայ մէկ գիշեր առաջ, տակալին երեւելի էր: Աստուծոյ վախը վերականգնուած էր մարդոց սիրտերոն

Ահարկու Աստուած մը

մէջ, եւ անոնք կը վայելէին Անոր ներկայութիւնը եւ օրինութիւնները հրաշալի ծետվ մը:

Ինչպէս արդէն ըսինք, շատեր հաստատած են այդ գիշեր պատահածները եւ բաժնեկցած են մեզի հետ իրենց կեանքին վրայ անոր ունեցած ազդեցութիւնը նամակով, ե-նամակով եւ անձնապէս: 2016-ին, այցելեցի Պրազիլի Կոյանիա քաղաք՝ խօսելու համար տասներկու հազար առաջնորդներու: Զիս հիւրընկալող հովիին առաջին խօսքերը ինծի՝ մինչ ձեռքս կը թօթուէր, հետեւեաներն էին. «Քսան տարի առաջ ես ներկայ էի Պրազիլիայի ծառայութեան երբ հովը փչեց: Կեանքս նոյնը չէ եղած ատկէ ի վեր»: Ան առաջնորդ մըն է եկեղեցական ցանցի մը մէջ, որ տասնվեց տարուայ մէջ աճած է ունենալու 300 հազար անդամ:

Երբ կինս Պրազիլ այցելած էր 2019-ին՝ խորհրդաժողովի մը ընթացքին ծառայելու համար, տարբեր շարժումի մը առաջնորդներէն մէկը ըսած էր, թէ ինքն ալ ներկայ եղած էր այն ծառայութեան, ուր հովը փչած էր աւելի քան քսան տարի առաջ: Ան ալ ըսած էր, թէ իր կեանքը յախտենապէս փոխուած էր այդ օրուընէ ի վեր:

Աստուծոյ ներկայութեան մէջ ըլլալը շատ կարեւոր է ամէն հաւատացեալի հոգեւոր առողջութեան համար: Կար հանգրուան մը երբ աղօթքի ժամանակ Աստուծոյ ներկայութեան մտնելը դժուար էր ինծի համար: Բայց օր մը գրեթէ պատահաբար սկսայ ընել բան մը: Որոշեցի աղօթքի ժամանակս սկսիլ ոչ թէ երգելով կամ խօսքեր խօսելով, այլ՝ պարզապէս խոկալով մեր Աստուծոյ հրաշալիութեան եւ սրբութեան մասին: Գրեթէ անմիջապէս իր ներկայութիւնը հանդիպեցաւ ինծի: Յաջորդ օրը որոշեցի դարձեալ նոյն բանը ընել եւ նոյն արդինքը ստացայ: Եւ երրորդ օրը, նորէն նոյնը եղաւ:

Շուարած էի: Հարցուցի. «Տէր, ինչո՞ւ վերջին երեք օրերուն այդքան դիւրին եղաւ ինծի քու ներկայութեանդ մէջ մտնելը»:

Լսեցի, որ Աստուծոյ Հոգին ըսաւ. Յիսուս իր աշակերպներուն ինչպէս աղօթել սորվեցուց:

Սկսայ միտքէն ըսել Տէրունական աղօթքը. «Հայր մեր, որ երկինքն ես, սրբաբանուի քու անունդ»: Պոռացի. «Գիտցայ: Յիսուս իր աշակերտներոն սորվեցուց, որ Աստուծոյ ներկայութեան գան սուրբ ահով եւ ակնածանքով»: Եւ հասկցայ եղածը:

Դակիթ կը հաստատէ այդ ճշմարտութիւնը, երբ կ'ըսէ. «Քու վախովի պիտի երկրպագեմ քու սուրբ տաճարիդ մէջ» (Սաղմոսներու 5.7, շեշտադրումը՝ մեր կողմէ): Աստուած մեր Հայրն է, Յիսուս մեր Տէրը եւ Փրկիչն է եւ Աստուծոյ Հոգին մեզ շատ կը սիրէ: Բայց նաև յիշէ, որ Նոր Կտակարանին մէջ Աստուած կը կոչուի՝ «լավող կրակ»

(Եբրայեցիներուն 12.29): Յիսուսի յայտնութիւնը Յովհաննէսին պատճառ դարձաւ, որ Յովհաննէս՝ սիրելի առաքեալը, որ ամէնէն մօտիկն էր Իրեն, մեռելի պէս իյնար անոր ոտքերուն առջեւ (տես Յայտնութիւնը 1.17), եւ Աստուծոյ Հոգին է, որ Աստուծոյ զօրութիւնը կը դրսեւորէ՝ ամբողջ քաղաքի մը ուշադրութիւնը գրաւելու համար (տես Գործերը 2), շէնքեր շարժելու համար (տես Գործերը 4) եւ ուրիշ հրաշալի գործեր ընելու համար:

Ահա եզրափակիչ ճշմարտութիւնը. հոն, ուր Տէրը կը մնձարուի,
Անոր ներկայութիւնը կը յայդնուի:

Անձնականացնել

Հատուած- Ես ձեզի հետ եղայ տկարութեամբ, ահով ու շատ դողով. եւ իմ խօսքս ու քարոզութիւնս՝ ոչ թէ մարդկային իմաստութեան համոզիչ խօսքերով էին, հապա՝ Հոգիին եւ զօրութեան ապացոյցով. որպէսզի ձեր հաւատըը ըլլայ ոչ թէ մարդոց իմաստութեամբ, հապա՝ Աստուծոյ զօրութեամբ: (Ա.Կորնթացիներու 2.3–5)

Միուր- Տիրոջ վախսը մթնոլորտներ կը փոխէ: Անիկա մթնոլորտ մը կը մշակէ, ուր Սուրբ Հոգիին զօրութիւնը կը փոխէ մեր եւ ուրիշներու կեանքերը:

Խոկալ- Արդեօք ես կ'ակնկալեմ Աստուծոյ ներկայութեան եւ զօրութեան յայտնուիլը եւ կը հաւատամ անոր: Աղօթքի կեանքս ի՞նչպէս պիտի փոխուի երբ սուրբ ահով մօտենամ Իրեն: Ի՞նչպէս կրնամ ապրիլ այդ փոփոխութիւնը:

Աղօթք- Սիրելի Երկնաւոր Հայր, եթէ ես արգելք եղած եմ Քու ներկայութեանդ յայտնուելուն անցեալի փորձառութիւններու պատճառով կամ ազդուած եմ Քու ընելիքներուդ վերաբերեալ ուրիշներու սահմանափակումներէն, ներողամտութիւնդ կը խնդրեմ: Ես Քու ներկայութեանդ պիտի մտնեմ սուրբ ահով եւ ոչ մէկ արգելք դնեմ Քու առջեւէ: Կը խնդրեմ, որ Քու զօրութիւնդ յայտնելու մէջ անելին ընես քան իմ խնդրածս, մտածածս կամ յուսացածս: Կը խնդրեմ, որ ատիկա ընես փառաւորելու համար իմ Տէր Յիսուս եւ որպէսզի ծառայեմ իմ աղդեցութեանս աշխարհին մէջ գտնուող մարդոց: Ասիկա կը խնդրեմ Յիսուսի անունով: Ամէն:

Դաւանութիւն- Ամէն քան կարելի է եթէ ես միայն հաւատամ եւ մօտենամ Աստուծոյ սուրբ վախով:

Երբ զինք տեսնենք դէմ առ դէմ՝
իր ամբողջ հրաշալի սրբութեան
եւ բոցավառ փառքին մէջ,
անհաւատալի պիտի թուի մեզի,
որ երբեւէ անփոյթ խորհուրդ
մը ունեցած ենք իրեն հետ
կապուած:

– ՃՈՅ ՏՈՍԸՆ

6 | ՏԵՍՆԵԼ ԶԻՆՔ

Մեր սուրբ վախը կ’աճի Աստուծոյ մեծութեան նկատմամբ մեր հասկացողութեան հետ համեմատաբար: Սակայն իրականութիւնը այն է, որ՝ «Անոր մեծութիւնը անհետազօտելի է» (Սաղմոսներու 145.3), որովհետեւ անոր փառքը հասկացողութենէ անդին է: Անոր փառքը անքննելի է, չունի սահմաններ, չունի սահմանափակումներ եւ անբաղդատելի է: Ատով հանդերձ մենք պէտք է ջանանք աւելցնել մեր հասկացողութիւնը:

Այն տարին, որ Յուդայի Ոգիա Թագաւորը մեռաւ, շուրջ Ն.Ք. 742 թուականին, Եսայի մարգարէն երկինք յափշտակուեցաւ: Ան տեսաւ Տէրը նստած իր գահին վլայ, մեծապէս բարձրացած, իր ամբողջ փառքին մէջ: Անոր հոյակապութիւնը լեցուցած էր ամբողջ վայրը, որ շատ հաւանաբար կրնար ընկալել աւելի քան մէկ միլիառ էակ:

Եսայի ոչ միայն սքանչացած էր Ստեղծիչով եւ յուզուած, այլեւ ան շատ սիրեց Սերովբէ կոչուած հզօր հրեշտակները, որոնք կը գտնուեին Աստուծոյ գահին վերեւ: Այդ ահ պատճառող էակներուն շրջունքներէն Եսայի լսեց հետեւեալը.

«Սուրբ, սուրբ, սուրբ է զօրքերու Տէրը. ամբողջ երկիրը անոր փառքով լեցուն է»: (Եսայի 6.3)

Շատերս ծանօթ ենք «Սուրբ, Սուրբ, Սուրբ» անունով իին օրիներգին, որ կը պարունակէ ճիշդ այդ բառերը եւ գրուած է 1800-ականներուն Ճոն Պաքուս Տայքսի կողմէ: Անիկա միշտ երգուտղ կրկներգ մը դարձած է եկեղեցին մէջ վերջին երկու հարիւր

Ահարկու Աստուած մը

տարիներուն, եւ հետեւաբար՝ պիտակուած իբրեւ պաշտամունքի մեղմ մեղեղի մը: Սակայն ատիկա շատ հեռու է Եսայիի տեսածն:

Այդ հսկայ էակները մեղմ, քաղցր երգ մը չեն երգեր, որպէսզի Աստուած ինքինք լաւ զգայ: Այլ՝ անոնք կը հակազդեն իրենց տեսածին: Աստուծոյ մեծութեան թարմ, նոր երեսները շարունակ կը յայտնաբերուին, եւ միակ բանը, որ անոնք կրնան ընել՝ «Սուլբ, սուլբ, սուլբ» գոչել է:

Երովդէները երեք անգամ չեն կրկներ «սուլբ» բառը: Երբ եբրայեցի գրող մը, ինչպէս Եսային, ուզէր շեշտել բառ մը, անիկա երկու անգամ կը գրէր: Ատիկա կը տեսնենք Յիսուսի հետեւեալ խօսքին մէջ ես. «Զկարձէք, թէ ով որ ինծի “Տէր, Տէր” կ’ըսէ, երկինքի արքայութինը պիտի մտնէ» (Մատթէոսի 7.21): Եթէ Մատթէոսը ըլլայիր, որ նստած Յիսուսի մտիկ կ’ընէիր, պիտի նկատէիր ինչպէս անոր ծայնը կը բարձրանար Տէր բառը ըսելու ատեն: Իր այդ շեշտը արտացոլացնելու համար, Մատթէոս երկու անգամ գրած է այդ բառը: Անգլերէն լեզուին մէջ մենք հաստ գիր կը գործածենք կամ շեղակի կը գրենք այն բառը, զոր կ’ուզենք շեշտել:

Հատ հազուադէպօրէն եբրայեցի գրող մը շեշտ դնելու համար երեք անգամի կը դիմէ: Իրականութեան մէջ անիկա միայն քանի մը անգամ կը տեսնենք Աստուածաշունչին մէջ: Ատիկա այդ բառին բարձրագոյն աստիճանի շեշտ կու տայ: Իր էութեան մէջ, այդ հրեշտակներուն ծայները կ’որոտան այն աստիճան, որ կը շարժին այդ հսկայ վայրի սեմերուն իհմերը [անգլերէն թարգմանութեան համաձայն՝ դրանդիքները- Թարգմանիչ]:

Երբ ընտանիքով Ֆլորիտա փոխադրուեցանք, գիտցանք, որ տուները ստորահակեր չունէին՝ ընդյատակեայ ջուրին բարձր ըլլալուն պատճառով: Մեր տունը շինողը մեզի ըսաւ. «Եթէ փոթորկահով մը սպառնայ շրջանին, ներքին սենեակներէն մէկուն դրանդիքներուն տակը կեցէք, քանի որ ամէնէն կայուն բաժինն է այս կառոյցի»: Գլխէ վեր բան մըն է, որ Եսայի ճիշդ այդ դրանդիքներուն մասին կը խօսի, ըսելով, որ անոնք կը շարժէին այդ երկնային հսկայ վայրին մէջ: Ուրեմն ամբողջ կառոյցն էր, որ կը դրոդար այդ հզօր հրեշտակներուն գոչումներէն:

Ի՞նչ էր Եսայիի կեցուածքը Տիրոջ փառքը տեսնելուն դիմաց: Ան ըսաւ. «Օ՛, Տէրը հոն է»:

Ո՛չ: Ան աղաղակեց. «Վայ ինծի, ահա կը կորսուիմ, որովհետեւ ես պիղծ շրթունք ունեցող մարդ մըն եմ» (Եսայիի 6.5): Նկատի առ այն իրականութինը, որ ատիկա բարեպաշտ մարդ մըն է՝ մարգարէ մը, մէկը, որ իր գիրքի նախորդ գլուխին մէջ աղաղակեց. «Վայ անոնց, որոնք չարին բարի կ’ըսեն եւ բարիին՝ չար, վայ անոնց, որոնք հպարտ

են, վայ անոնց, որոնք գինով են»: (Եսայիի 5.20–22, հեղինակին բառերով): Սակայն հիմա՝ մէկ գլուխ ետք, մէկ ակնարկ Աստուծոյ մեծութեան վրայ եւ անոր աղաղակը այլեւ «վայ մեղատրներուն» չէ, այլ՝ «վայ ինծի, ահա կը կորսուիմ» է (Եսայիի 6.5): Ան կը կարծէր, թէ կը ճանչնար զԱստուած, բայց հիմա աւելի գիտակից է Ամենազօր Աստուծոյ ով ըլլալուն: Ան նաեւ լաւ գիտէ, թէ ինք ով է այդ սուրբ Աստուծոյ առջեւ: Ինչ էր արդինքը այդ հանդիպումին: Անոր սուրբ վախը քանի մը մակարդակ աւելցաւ:

Աստուածաշունչին մէջ նոյնանման կեցուածքներ կը տեսնենք մարդոցմէ, որոնք կը տեսնեն Տէրը իր փառքին մէջ: Յոթը, օրինակի համար: Ամենակարողը անոր մասին կ'ըսէ. «Իմ ծառայիս՝ Յոթի ուշադրութին դարձուցիր: Երկրի վրայ անոր պէս պարկեշտ եւ ուղիղ, աստուածավախ եւ չարութենէ հեռացող մարդ չկայ» (Յոթի 1.8): Կրնա՞ս պատկերացնել, որ Աստուած ատիկա կ'ըսէ քեզի եւ ինծի համար: Մենք ուրախութենէն վեր վար այտի ցատկէինք: Եւ սակայն այդ մարդը կը հանդիպի Աստուծոյ փառքին եւ կ'աղաղակէ. «Ես քու համբաւդ ականջովս լսեր էի, բայց հիմա աչքս կը տեսնէ քեզ: Ուրեմն իմ անծս կ'անարգեմ» (Յոթի 42.5–6):

Իսկ Եզեկիէլը... Ան տեսաւ Տէրը եւ գրեց. «Ասիկա Տէրոց փառքին նմանութեան երեւոյթն էր. երբ տեսայ, երեսիս վրայ գետին ինկայ» (Եզեկիէլի 1.28):

Ինչ կրնա՞ք ըսել Աբրահամի մասին: Կը կարդանք, որ երբ զԱստուած տեսաւ՝ «Աբրամ իր երեսին վրայ ինկա» (Ծնունդներու 17.3):

Երբ Աստուած փառաւոր կերպով յայտնուեցաւ Սինա Լերան վրայ, «Այնքան ահաւոր էր տեսարանը, որ Մովսէս ալ կ'ըսէր. «Զարհուրանքէս կը դողամ»» (Եբրայեցիներուն 12.21):

Յովիհաննէս՝ այն առաքեալը, զոր Յիսուս կը սիրէր, կը գրէ մեր փառաւորեալ Յիսուսի հետ իր հանդիպումին մասին. «Եղը տեսայ, մեռելի նման ինկայ անոր ոտքերուն առջեւ» (Յայտնութիւնը 1.17):

Վերի օրինակներու ցանկը ամբողջական չէ անշուշտ: Մեծաթիւ նոյնանման դէպքեր կան արձանագրուած Աստուածաշունչին մէջ:

Եկեղեցւոյ աւելի նոր պատմութեան մէջ, շուրջ 1266–ի եւ 1273–ի միջեւ Թոմըս Աքուայնը կը գրէր «Սումմա Թէոլոգիյէ»ն, զոր կը համարէր իր ամէնէն կարեւոր գործը: Բայց օր մը ան ունեցաւ Աստուծոյ հետ հանդիպում մը, որ այնքան հզօր էր, որ յախտենապէս փոխեց իր ամբողջ տեսակէտը, եւ ան ամբողջութեամբ դադրեցուց գրելը: Իր բարեկամը՝ Ռեմինըլտ պնդեց, որ ան շարունակէր, բայց Աքուայնը պատասխանեց. «Իմ աշխատանքիս վերջը հասած է: Բոլոր գրածներս կը թուին հարթ ըլլալ ինծի յայտնուածէն ետք»:

Ահարկու Աստուած մը

Իսրայէլի պատմութեան մէջ ատեն մը Աստուած կը փորձէ բարձրացնել իր ժողովուրդին սուրբ վախի մակարդակը՝ անոնց կարճ, որոշակի հարցումներ հարցնելով։ Եսայի՝ որ տեսաւ Տիրոց փառքը, կը հարցնէ. «Ո՞վ չափեց Տէրոց Հոգին, եւ անոր խորհրդատու ըլլալով՝ անոր սորվեցուց։ Ան որո՞ւ խորհուրդ հարցուց, ո՞վ անոր իմաստութիւն տուաւ [...] Աստուած որո՞ւ կը նմանցնենք, կամ զինք ինչ նմանութեան հետ կը բաղդատենք» (Եսայիի 40.13–14,18):

Ապա Աստուած ուղղակի կը հարցնէ. «Ուրեմն զիս որո՞ւ կը նմանցնէք, որ ես անոր հաւասարը ըլլամ» (Եսայիի 40.25):

Եթէ երբեք եղած է ժամանակ մը պատմութեան ընթացքին երբ այդ հարցումներուն մասին խորապէս պէտք է մտածուի եւ ոչ միայն անոնց վրայէն անցուի, ատիկա հիմա է։ Այս օրերուս շատերս այնքան բազմազբաղ ենք տեղեկութիւններու կատաղի հոսքին պատճառով՝ որ շարունակ կը լեցնէ մեր միտքը, որ չենք ունենար ժամանակը կամ վայրը խոկալու այդ ճակատագրական հարցումներուն մասին։ Արգելքներ կան մեր սուրբ վախ զարգացնելուն դէմ, եւ հետեւաբար մեծ թիւով հաւատացեալներ խոցելի կ'ըլլան եւ դիրութեամբ կը գրաւուին ցանկութեան, շահի եւ մարդկային իրագործումներով հպարտանալու աշխարհի համակարգին մէջ։

Նոյնակս, մենք շարունակ կը հանդիպինք տաղանդաւոր մարզիկներու, Հոլիուտի գեղեցիկ աստղերուն, շնորհալի երաժշտական արուեստագէտներու, առաջատար գործարարներու, հեղինակաւոր առաջնորդներու եւ այլ կարեւոր անձնաւորութիւններու մասին գովասանքներու։ Անոնց համբաւը կը գովաբանուի ընկերային հաղորդամիջոցներու, աւանդական մամույի եւ շատ մը ուրիշ հանրային բեմերու վրայ։ Ցաւալի իրականութիւնը այն է, որ այդ անվասա թուացող տեղեկութիւնները եւ մարդկային իրագործումները կը շեղեն մեզ եւ նոյնիսկ ետ կը պահեն մեզ Աստուծոյ մօտենալու եւ Անոր նայելու հոյակապ հրաւերէն։

Եթէ միայն կանգ առնենք, դէպի ներս կեղրոնանանք եւ մեր աչքերը սեւեռնք Անոր մեծակառութեան, պիտի հարստանանք, զօրանանք եւ խաղաղինք։ Մեզի խոստացուած է։

Որովհետեւ Աստուած ինք, որ ըսաւ՝ «Խսաւարին մէջ լոյս թող ծագի», ինք մեր սիրտերուն մէջ ծագեցաւ, որպէսզի լուսատրուինք եւ Աստուծոյ փառքը ճանչնանք՝ Յիսուս Քրիստոսի անձին մէջ։ (Բ.Կորնթացիներուն 4.6)

Երբ հանդարտ կ'ըլլանք մեր հոգիին մէջ եւ Սուրբ Հոգիին հետ

միութեան մէջ, կրնանք տեսնել Յիսուսը մինչ կը խոկանք իր խօսքին վրայ: Անոր դէմքին սեւեռելը կը լուսաւորէ Աստուծոյ փառքը մեր սիրտին մէջ, ինչ որ կը բարձրացնէ մեր սուրբ ահը: Կ'ըլլանք Եսայիի նման եւ վերը նշուած միւս մեծերուն, որոնք հանդիպում ունեցան Անոր հետ, քալեցին Անոր հետ, հաճելի եղան Անոր, ուխսի խոստումներ ստացան եւ լաւ կերպով աւարտեցին իրենց կեանքը: Ամէնէն լաւը, սակայն, այն խոստումն է, որ զինք տեսնելով՝ «նոյն այդ պատկերով [պիտի փոխակերպուինք]՝ հետզհետէ աճող փառքով» (Բ.Կորնթացիներուն 3.18):

Որին պատկերով կը փափաքիս փոխակերպուիլ. մեր օրուայ հոչակաւոր անձնաւորութիւններին կամ Անոր՝ որ ստեղծած է տիեզերքը: Իմաստութեամբ ընտրէ, եւ ուշադրի եղիր, թէ ինչ կը լսես եւ ինչ բանի կու տաս ուշադրութիւնդ:

Անձնականացնել

Հատուած- Տէրո՞ց երկրպագեցէք սուրբ զարդարանքով. սարսափեցէք անոր առջեւ, դուք բոլորդ՝ երկրի բնակիչներ: (Սաղմուներու 96.9)

Միտք- Մեր սուրբ վախը կ'աճի Աստուծոյ մեծութեան մեր ըմբռնումին հետ համեմատաբար:

Խոկալ- Ինչ պիտի պատահէր եթէ ես օրական երեք անգամ տասը վայրկեաննոց դադարներ առնէի՝ անջատուելով ամէն արտաքին ազդեցութենէ, խոկալու համար Աստուծոյ մեծութեան մասին: Կ'արժէ այդպիսի բանի մը ժամանակ տալ: Արդեօք ես աւելի ազդու պիտի ըլլայի իմ առօրեայ կեանքիս մէջ իմ սուրբ վախս աւելցնելով՝ ինչ որ վերջաւորութեան զիս աւելի իմաստուն պիտի ընէ:

Աղօթք- Սիրելի Երկնաւոր Հայր, կը խնդրեմ, որ ինձի տաս թարմ տեսիլք մը Յիսուսի: Քու խօսքդ կը խոստանայ, թէ՝ մինչ ես զԱյն կը տեսնեմ իմ սիրտիս մէջ, պիտի փոխակերպուիմ իր պատկերով՝ հետզհետէ աճող փառքով: Թող իմ սուրբ վախս աւելնայ մինչ Անոր փառքը աւելի իրական կը դառնայ: Ասիկա կը խնդրեմ Յիսուսի անունով: Ամէն:

Դաւանութիւն- Ես կը փոխակերպուիմ Յիսուսի պատկերով՝ հետզհետէ աճող փառքով:

Մարդիկ մէկզմիւը կը մեծարեն,
սակայն ոչ զԱստուած:

– ՀԵՆՐԻ ՏԷՅՎԻՏ ԹՈՐՈՒԻ

7 | ԱՍՏՈՒԾՈՅ ՓԱՌՔԸ

Չես կրնար խօսակցութիւն ունենալ սուրբ վախի մասին առանց կեդրոնանալու Աստուծոյ փառքին վրայ: Նախորդ դասին մէջ քիչ մը խօսեցանք այդ մասին, բայց հիմա աւելի անդին պիտի երթանք:

Մահկանացու մարմինը չի կրնար կենալ Աստուծոյ փառքին ներկայութեան մէջ: Ամբակում մարգարէն անոր մասին կ'ըսէ՝ «Անոր պայծառութիւնը լոյսի պէս էր. անոր ծեռքէն կայծակներ կը ժայթքէին. անոր զօրութիւնը հոն պահուած էր» (3.4): Պողոս կը գրէ, թէ Յիսուս «անմարչելի լոյսին մէջ կը բնակի, զոր մարդոցմէ ոչ ոք տեսած է եւ ոչ ոք ալ կրնայ տեսնել» (Ա.Տիմոթէոսի 6.16, շեշտադրումը՝ մեր կողմէ): Նոյնահին բան մըն ալ կ'ըսէ Երրայեցիներուն Գիրքը գրողը, նշելով՝ «Մեր Աստուածը լափող կրակ է» (12.29):

Այդ հաստատումները կարդալով, մի կարծեր, թէ հոն կը խօսուի վառող փայտի կրակին մասին, որ կը լափէ, բայց տակալին մատչելի է: Միտքդ բեր աւելի փայլուն սպառող կրակ մը. արեւը, օրինակի համար, որ կը լուսաւորէ մեր աշխարհը: Անիկա լափող է եւ անմատչելի, բայց նոյնիսկ արեւին օրինակը լման պատկերը չի տար, քանի որ մեզի նաեւ կ'ըսուի, թէ՝ «Աստուած լոյս է, բնաւ խաւար չկայ անոր մէջ» (Ա.Յովիաննէսի 1.5): Արեւը, որ այդքան փայլուն է, սեւ կէտեր ունի իր վրան: Իրականութեան մէջ, Պողոս կը գրէ. «Ճամքու ընթացքին, կէսօր ատեն տեսայ, ովքայ, արեւէն աւելի զօրաւոր լոյս մը՝ որ երկինքէն փայլատակեց իմ եւ հետո գացողներուն շուրջը» (Գործերը 26.13):

Պողոս չի տեսներ Յիսուսի իրական դէմքը. ան միայն կը տեսնէ Անկէ ելլող լոյսը, որ աւելի զօրաւոր էր քան միջին արեւելեան արեւը: Եւ ոչ առաւօտեան կամ ուշ յետմիջօրէի արեւը, այլ՝ կէսօրուայ արեւը:

Ես շատ ճամբորդութիւններ ըրած եմ աշխարհի զանազան կողմերը: Երբեմն մոռցած կ'ըլլամ արեւի ակնոցներս հետս առնելու: Մեծմասամբ վայրերու մէջ հարց չ'ստեղծեր ատիկա, կրնամ առանց անոնց շարունակել կեանքս, բայց ոչ Միջին Արեւելքի մէջ: Երբ առաջին անգամ այցելեցի հոն, յայտնաբերեցի արեւի ակնոցներուն անհրաժեշտութիւնը. առանց անոնց աչքերս հազիւ ճեղք մը կրնայի բանալ արեւին ազդեցութենէն: <ո՞ն արեւը աւելի փայլուն է երեք պատճառներով. չոր անապատային կիմային, հոդին բաց գոյնին եւ արտացոլացնող բնոյթ ունենալուն ինչպէս նաեւ հասարակածին քով գտնուելուն պատճառով: Հակառակ առտու եւ յետմիջօրէին այդքան սուր չըլլալուն, կուրցնող գօրութիւն ունէր կէսօրին եւ կարելի չէր շարունակել առանց պաշտպանող ոսպնեակներու:

Մտածենք մեր վերը կարդացածին մասին: Պողոս ըսաւ, որ Յիսուսէն ելլող լոյսը աւելի պայծառ էր քան միջին արեւելեան կէսօրուայ արենը... Անոր փառքը կը գերազանցէ արեւին պայծառութիւնը շատ անգամներով:

Առկէ կրնանք հասկնալ, թէ ինչո՞ւ թէ Յովէլ եւ թէ Եսայի կ'ըսեն, թէ արեւը պիտի խաւարի եւ աստղերը իրենց լոյսը պիտի չտան այն օրը երբ Յիսուս վերադառնայ (տես Եսայիի 13.9–10: Յովէլի 2.31–32): Արտօնէ բացատրեմ: Եթէ դուրս ելլենք գիշեր մը երբ երկինքը ջինջ է, ինչ կը տեսնենք: Աստղերով լեցուն երկինք մը: Բայց ինչ կը պատահի երբ առտու արեւը ծագի: Աստղերը կ'անհետանան: Պէտք է հարց տանք: Արդեօք բոլոր աստղերը արագօրէն կը փախչին երբ արեւը կը ծագի, եւ ապա, երբ արեւը մար մտնէ, յանկարծ ետ կը վագեն առնելու իրենց տեղերը: Այդ հարցումին պատասխանը բացայատ է, որ «Ոչ» է: Ինչ կը պատահի: Աստղերուն փառքը մակարդակ մըն է, բայց արեւին փառքը՝ շատ աւելի բարձր մակարդակ մը: Ուստի երբ արեւը կը ծագի, քանի որ անիկա շատ աւելի պայծառ է քան աստղերը, կը մթագնէ զանոնք:

Երբ Յիսուս վերադառնայ, Անոր փառքը շատ աւելի մեծ պիտի ըլլայ քան արեւինը եւ Ան պիտի մթագնէ արեւը, հակառակ անոր որ արեւը տակաւին պիտի շարունակէ վառիլ... Սկսանք աւելի լաւ հասկնալ Անոր փառքը: Կը հաւատամ, որ աստոր համար մեզի կ'ըսուի, թէ երկրի բոլոր մարդիկը լեռներուն եւ ժայռերուն պիտի ըսեն՝ «Մեր վրայ ինկէք ու ծածկեցէք մեզ անոր աչքէն, անոր՝ որ գահին վրայ կը նստի. ազատեցէք մեզ Գառնուկին բարկութենէն» (Յայտնութիւնը 6.16):

Ուստի հիմա գլխաւոր հարցումը հետեւեալն է. Ինչ է Տիրոց փառքը: Այդ հարցումին պատասխանելու համար, երթանք կարդալու Մովսէսի

խնդրանքը. «Կ’աղերսեմ, քու փանքդ ցոյց տուր ինծի» (Ելքի 33.18):

Փառք բառին եթրայերէնը քապուզն է: *Սթրոնկազ Պայպու* *Տիքշընըրի* բառարանը զանիկա կը սահմանէ իբրեւ՝ «բանի մը կշիռքը»: Անիկա նաեւ կը խօսի մեծափառութեան եւ պատիի մասին: Ուստի Մովսէս կ’ըսէ՝ «Ցոյց տուր ինքզինքդ քու ամբողջ շքեղութեանդ մէջ»: Ուշադրութեամբ կարդանք Աստուծոյ պատասխանը.

«Իմ ամբողջ բարութիւնս քու առջեւէդ պիտի անցընեմ, ու *Տէրոց անունը* քու առջեւդ պիտի կանչեմ»: (Ելքի 33.19, շեշտադրումը՝ մեր կողմէ)

Աստուծոյ փառքը տեսնելու Մովսէսի դիմումը Աստուած կը բնորոշէ իբրեւ՝ «Իմ ամբողջ բարութիւնս»: Բարութիւն բառին եթրայերէնը կը սահմանուի իբրեւ՝ «բարի՝ ամէնէն ընդարձակ իմաստով»: Այլ խօսքով, ոչ մէկ բան եւս կը պահուի:

Տեսոյ Աստուած կ’ըսէ. «Տէրոց անունը քու առջեւդ պիտի կանչեմ»: Նախքան որ երկրատր թագաւոր մը իր գահի սենեակը մտնէ, արարողապետ մը նախ կը հոչակէ անոր անունը: Փողերը կը հնչեն եւ թագաւորը կը մտնէ գահի սենեակը՝ իր ամբողջ շքեղութեամբ: Թագաւորին մեծութիւնը կը յայտնուի, եւ իր պալատին մէջ ամէն մարդու համար յստակ է, թէ ո՞վ է թագաւորը: Սակայն եթէ այդ թագաւորը սովորական կերպով շրջէր իր երկրին փողոցներուն մէջ՝ սովորական հագուատներ հագած, առանց իր օգնականներուն, կրնար մէկը չճանչնալ զինք:

Նախորդ դասին մէջ տեսանք, թէ Աստուծոյ փառքը կը յայտնուի Յիսուս Քրիստոսի դէմքին վրայ: Շատեր կ’ըսեն, թէ տեսիլի մէջ Յիսուսը տեսած են: Ատիկա հաւանական է, բայց ոչ Անոր ամբողջական փառքին մէջ: Պօղոս այսպէս կը նկարագրէ իր այդ փորձառութիւնը. «Մենք այժմ զԱստուած կը տեսնենք աղօս կերպով, կարծես հայելիի մը մէջէն, բայց երբ ամէն բանի կատարումը գայ՝ զայն պիտի տեսնենք դէմ առ դէմ» (Ա.Կորնթացիներուն 13.12): Անոր փառքը ծածկուած է, ինչպէս մարախուղով մը ծածկուած էր Հին Կտորականին մէջ: Ինչո՞ւ: Ոչ մէկ մարմին կրնայ նայիլ Անոր քողազերծուած փառքին եւ շարունակէ ապրիլ:

Առաջին անձը, որուն հետ Յիսուս խօսեցաւ իր յարութենէն ետք Մարիամ Մագդաղենացին էր, որ սակայն զայն պարտիզպանը կարծեց (տես Յովհաննէսի 20.15-16): Աշակերտները ծովկ նախաճաշեցին Յիսուսի հետ ծովեզերքը, բայց սկիզբը չճանչցան զինք (տես Յովհաննէսի 21.9-10): Երկու աշակերտներ Յիսուսի

Ահարկու Աստուած մը

հետ քալեցին Եմմառուի ճամբուն վրայ, բայց «անոնց աչքերը [...] ծածկուած էին» (Ղոկասի 24.16): Այդ բոլորը տեսան Անոր դէմքը, որովհետեւ Ան բացայատօրէն չցուցադրեց իր փառքը:

Կային ոմանք, որոնք Տէրը տեսան Հին Կտակարանին մէջ, բայց Ան չէր բացայատուած իր փառքով: Տէրը Աբրահամին երեւցաւ Մամբրէի կաղնիներուն քով, բայց ոչ իր փառքով (տես Ծնունդներու 18.1-2): Յակոր գօտեմարտեցաւ Աստուծոյ հետ, բայց ոչ իր փառքին մէջ: Երիքովի մօս Յեսու տեսաւ Տէրը մերկ սուրով եւ ուզեց գիտնալ, թէ Ան հսրայէի կրղմն էր կամ ոչ: Գիտնալէ ետք, որ Տէրն էր, Յեսու իր երեսին վրայ գետին ինկաւ եւ երկրագագեց Անոր: Յանկը կրնանք շարունակել Գեղենով, Սամփսոնի ծնողներով եւ շատ ուրիշներով:

Ասոնց հակառակ, Յովիաննէս Առաքեալ Տէրը տեսաւ Հոգիով՝ իր ամբողջ փառքով, Պատմոս կղզիին վրայ: Յովիաննէս Անոր դէնքը նմանցուց կէսօրուայ արեւին՝ որ կը փայլի, եւ մեռելի նման ինկաւ Անոր ոտքերուն առցեւ: Յովիաննէս ինչպէս կրնար նայիլ Անոր: Ան իր մարմինին մէջ չէր, այլ՝ հոգիին մէջ: Նոյնն է պարագան Եսայիի եւ քանի մը ուրիշներու: Մովսէս, միս կրղմէ, չէր կրնար Աստուծոյ երեսին նայիլ, որովհետեւ Մովսէս իր մահկանացու մարմինին մէջն էր:

Տիրոց փառքը այն ամէնն է, որ Աստուած Աստուած կ'ընէ: Անոր բոլոր յատկանիշները, իշխանութիւնը, զօրութիւնը, իմաստութիւնը, բառացիօրէն՝ անչափելի կշիռը եւ մեծութիւնը Աստուծոյ: Ոչ մէկ բան ծածկուած է կամ ետ պահուած: Ասիկա Ան է, որ աստղերը դրաւ իրենց տեղը իր մատներով եւ ամէն մէկուն անուն մը տուաւ: Ան է, որ չափեց ամբողջ տիեզերքը իր թիզով: Ան, որ ամբողջ երկիրը կրնայ վերցնել աւագի հատիկի մը պէս: Ան, որ իր ափով ջուրերը կշոեց: Ան, որ երկիրը եւ լեռները նժարով կշոեց: Ասիկա Ան է, զՈր կրնանք տեսնել մեր սիրտերուն մէջ եւ հետեւաբար փոխուիլ իր պատկերին նմանութեամբ՝ հետզհետէ աճող փառքնվ:

Ասիկա Ան է, որ խորապէս կը սիրէ մեզ. այնքան կը սիրէ, որ ընտրեց մեր մեղքերուն սոսկախ դատաստանին գինը, որպէսզի մաս կազմենք իր ընտանիքին: Չեմ գիտեր քու պարագայի՛, բայց ասիկա իրապէս կը խանդավառէ զիս...

Անձնականացնել

Հասուած- Ան՝ որ երանելի է եւ միակ հզօրը, թագաւորներու Թագաւորը եւ տէրերու Տէրը, միակը՝ որ անմահ է. ան՝ որ անմատչելի լոյսին մէջ կը բնակի. զոր մարդոցմէ ոչ ոք տեսած է եւ ոչ ոք ալ կրնայ տեսնել: Յափտեան անորն են պատին ու զօրութիւնը: Ամէն: (Ա.Տիմոթէոսի 6.15–16)

Միոք- Տիրոջ փառքը այն ամէնն է, որ Աստուած Աստուած կ'ընէ: Անոր բոլոր յատկանիշները, իշխանութիւնը, զօրութիւնը, իմաստութիւնը. բառացիօրէն՝ անչափելի կշիռը եւ մեծութիւնը Աստուծոյ: Ոչ մէկ բան ծածկուած է կամ ետ պահուած:

Խոկալ- Պատկերացնիր լոյս մը այնքան պայծառ եւ մաքուր, որ ոչ մէկ խաւար, շուք, աղօտութիւն կամ մթագնութիւն կրնայ գոյութիւն ունենալ անոր մէջ: Պատկերացու՛ր, որ այդ լոյսը կը փայլի սիրտիս մէջ: Ինչո՞ւ երբեւէ մտածեմ կամ ուզեմ որեւէ բան պահել իրմէ: Անկարելի է:

Աղօթք- Սիրելի Երկնաւոր Հայր, կը խնդրեմ, որ ինծի տաս սուր ըմբռնում մը քու փառքիդ: Չեմ ուզեր, որ ասիկա ըլլայ չնչին իրականութիւն մը, սովորական բան մը կամ բան մը, որուն մասին պարբերաբար կը մտածեմ. այլ՝ կ'ուզեմ, որ անոր մեծութիւնը միշտ ներկայ ըլլայ եւ աւելի իրական ըլլայ քան զիս շրջապատող աշխարհը: Թոռ քու փառքդ շարունակ ըլլայ իմ սիրտիս եւ միտքիս առջեւ: Ասիկա կը խնդրեմ Յիսուսի անունով: Ամէն:

Դաւանութիւն- Քրիստոսով, ես աշխարհի լոյսն եմ եւ կ'արտացոլացնեմ իր փառքը բոլոր անոնց, որոնց կը հանդիպիմ:

ՅԱՅՏՆԱԲԵՐՈՒԱԾ՝ ԻՇԽՊԵՍ ՈՐ ԵՆՔ

ԵՐԿՐՈՐԴ ՇԱԲԱՁ

Մենք պէտք է Աստուծմէ
վախնանք՝ զինք սիրելնուս
համար, եւ ոչ թէ սիրենք զինք՝
իրմէ վախնալնուս պատճառով:

– ՍՈՒՐԲ ՖՐԱՆՍԻՍ ՍԱԼԵՑԻ

8| ՔՈՒ ԱՐԺԵՔԴ

Այս բաժինը պիտի պարունակէ կարգ մը ծանր եւ հաւանաբար նաեւ դատապարտող (սխալներ մէջտեղ հանող) նիւթեր: Ուստի նախքան որ շարունակենք, պահ մը կանգ առնենք եւ աւելի խորոնկ կերպով հասկնանք մեզի հանդէպ Աստուծոյ սէրը: Բացումը պիտի ընեմ զօրաւոր եւ գրեթէ վախնալիք Յիսուսի մէկ խօսքովը, որ կարեւոր մէկ մասը պիտի ըլլայ այս բաժինին մէջ մեր խօսելիքներուն: Իրենց պարունակին մէջ չկարդացուելու պարագային, Անոր խօսքերը կրնան սխալ հասկցուիլ, եւ հաւանաբար մեր մէջ դնել ոչ-առողջ վախ մը: Ուստի կը խնդրեմ, որ անոնք կարդաս Աստուծոյ հանդէպ ենթարկուած սիրտով եւ մեծարանքով:

Ըսեմ, թէ որմէ պէտք է վախնաք: *Վախցէք Ասպուծմէ*, որ ձեզ սպաննելէ Ետք իշխանութիւն ունի դժոխք նետելու: Այն, կ'ըսեմ ձեզի, անկէ վախցէք: (Ղուկասի 12.5, շեշտադրումը՝ մեր կողմէ)

Յիսուս մեզի կ'ըսէ, որ *Ասպուծմէ վախնանք*: Եւ Ան մէկ անգամ միայն չ'ըսեր ատիկա. Ան կը շեշտէ այդ պատուէրը՝ զանիկա կրկնելով: Իրական ուշադրութիւն գրաւող Անոր այս խօսքերն են՝ «իշխանութիւն ունի դժոխք նետելու»: Ասիկա խիստ լեզու է: Սակայն տես Անոր յաջորդ խօսքը.

Հինգ ճնճղովը տասը դահեկան չ'արժեր, եւ սակայն անոնցմէ մէկն իսկ Աստուծոյ կողմէ մոռցուած չէ: Գալով ձեզի, ձեր գլխուն իրաքանչիւր մազն իսկ համրուած է: *Ետեւաբար մի՛ վախնաք*, որովհետեւ դուք բոլոր ճնճղովկներէն աւելի արժէք ունիք Աստուծոյ աչքին: (Ղուկասի 12.6-7, շեշտադրումը՝ մեր կողմէ)

Յայտնաբերուած՝ Ի՞նչպէս որ ենք

Նկատի ան, որ ես 5-րդ համարին մէջ շեշտեցի «Վախցէք»ը, իսկ 7-րդ համարին մէջ՝ «Մի՛ վախնաք»ը: Անգամ մը եւս կը տեսնենք տարբերութիւնը սուրբ վախի եւ անսուրբ վախի միջեւ: Շեշտեմ, որ սուրբ վախը չի նշանակեր Աստուծմէ վախնալ եւ հետեւաբար եւ կենալ Անկէ: Աստիկա անսուրբ վախն է: Շատ կարեւոր է, որ գիտնանք տարբերութիւնը եւ հաստատուինք այդ ճշմարտութեան մէջ:

Յիսուս իր խօսքը կը սկսի ցնցիչ, գրեթէ սարսափեցուցիչ հաստատումով մը, եւ սակայն անմիջապէս եռք կը հոչակէ Աստուծոյ համար մեր չափազանց արժէքաւոր ըլլալը: Ան կը յայտնէ, թէ Աստուած խորապէս կ'արժեւորէ մեզ եւ հետեւաբար մեզի կու տայ սուրբ վախի պարզեւը: Այդ պարզեւը կը պահպանէ մեզ՝ մեզ մօտիկ պահելով կեանք Տուողին եւ մեզ հեռու պահելով անկէ, որ կրնայ կործանել մեզ. մարդոց վախը, որ ուղղակի հակառակ քեւոն է սուրբ վախին: Այդ երկուքը մեծ մասը պիտի կազմեն յառաջիկայ էջերուն մէջ մեր խօսելիքներուն, բայց նախքան որ սկսինք, պիտի խօսինք մեր արժէքին մասին:

Ըստ Յիսուսի, Աստուած այնքան խորունկ ձեւով կը սիրէ քեզ, որ Ան գիտէ գլխուդ վրայի մազերուն համրանքը: Գիտութիւնը կ'ըսէ, թէ մարդոց մեծ մասը շուրջ 100 հազար մազ ունի գլխուն վրայ: Եթէ 10 հազար մարդ դնես սենեակի մը մէջ, կրնան գիտնալ, թէ ո՞վ է, որ գլխուն վրայ 99,569 մազ ունի: Նոյնիսկ եթէ ճիշդ ենթադրութիւնը ըրիր, քանի մը վայրկեանէն նորէն սխալ պիտի ըլլաս, քանի որ միջին հաշիտվ մարդ 50-էն 100 մազ կը կորսնցնէ ամէն օր: Աստուած մեր մազի ճիշդ թիւը գիտէ ամէն երկվայրկեան... Ինչ կ'ըսէ ատիկա մեր մասին: Այնքան արժէքաւոր ենք, որ Ան շարունակ մեր մասին կը մտածէ: Դաւիթ կը գրէ.

Ո՞րչափ պատուական են ինծի քու մտածումներդ, ո՞վ Աստուած, ո՞րչափ մեծ է անոնց թիւը: Եթէ հաշուեմ զանոնք՝ աւագէն շատ են: (Սաղմոսներու 139.17–18)

Ամբողջ աւագէն... Միտքդ բեր երկրի ամբողջ աւագը.. ամէն ծովեզերք, անապատ եւ կոլֆի դաշտ: Աստիկա հսկայական քանակ է: Գիտութեան եւ ուսողութեան մասնագէտներ մեզի կ'ըսեն, թէ՝ իրենց չափին եւ որքան խիտ կերպով շարուած ըլլալուն համաձայն, շուրջ կէս միլիառէն մէկ միլիառ աւագի հատիկներ կան մէկ խորանարդ քառակուսի ոտք ծովեզերքի մէջ: Մեր միտքը դժուարութիւն կ'ունենայ ըմբռնելու միայն Ֆլորիտայի ծովեզերքներուն աւագի հատիկներուն չափը: Բայց մտածէ պահ մը. Եթէ մեր մոլորակի աւագի բոլոր հատիկները գումարես, տակափին պիտի չունենաս թիւը այն մտածումներուն, զորս Աստուած ունի քու մասիդ:

Դուն քեզի հետեւեալ հարցումը հարցուր. ամէնէն շատը ի՞նչ բանի մասին կը մտածես: Չես մտածեր բանի մը մասին, որ արժէք չունի քեզի համար: Լիսան եւ ես ունինք ապրանքներ, որ ամէն տարի Ծնունդի եղանակին կը յայտնաբերեմ մեր պահեստին մէջ: Կը գործածեմ յայդնաբերել բառը, քանի որ մոռցած կ'ըլլամ, որ ունինք զանոնք: Ամբողջ տարուան ընթացքին մէկ անգամ իսկ չեմ մտածեր այդ ապրանքներուն մասին, որովհետեւ արժէքաւոր չեն: Սակայն եթէ հաշուէի բոլոր խորհուրդները, զորս Լիսայի մասին ունեցած եմ մեր ամուսնութեան քառասուն տարիներուն, եւ եթէ ամէն մէկը աւազի հատիկ մը ըլլար, հաւաքած աւազս կրնար կօշիկի տուփի մը կէսը լեցնել: Աստիկա շուրջ երկու հարիւր միլիոն խորհուրդ կ'ընէր, ինչ որ կը նշանակէ՝ խորհուրդ մը ամէն 6.3 երկվայրկեանը: Ամուսին մը, որ յաճախ իր կնոջ մասին կը մտածէ, կը համարուի իր կնոջ սիրահարուած ամուսին մը:

Քու մասիդ Աստուծոյ խորհուրդները աւելի՛ են քան երկիր մոլորակի աւազի բոլոր հատիկները: Կը հասկնամս ըսուածը: Ահա, թէ ի՞նչը ապշեցուցիչ է. Աստուած չի կրնար չափազանցել: Հակառակ անոր որ բոլորս ալ եղած ենք մարդոց շուրջ, որոնք կը չափազանցեն եւ ճշմարտութենէն հեռու եղող բաներ կ'ըսեն, Աստուած չի կրնար մէկ դոյզն ինչ շեղիլ ճշմարտութենէն. Ան չի կրնար ստել: Ուստի երբ կ'ըսէ, թէ քու մասիդ Աստուծոյ խորհուրդները աւելի շատ են քան երկիր մոլորակի ամբողջ աւազը, ատիկա շատ մեծ քան մըն է:

Քիչ մը աւելի անդին երթանք: Ճիշդ ի՞նչ է մեր արժէքը: Արժէքը կ'որոշուի գնողին կողմէ: Տղաս մարզաշխարհի աճուրդի մը մասնակից եղաւ, քանի որ այնընկերութիւնը, որուն մէջ ի՞նք կ'աշխատի, ուր հետաքրքրուած էր 1960–ականներուն տեղի ունեցած ախոյանութեան մը ընթացքին Պիլ Ռասըլի հագած մարզական շապիկը գնելով: Անոնք չկրցան գնել զանիկա, քանի որ ուրիշներ ամէնէն բարձր գինը առաջարկեցին, որ էր՝ 1,044,000 տոլար: Որքան ալ որ լաւ խաղող էր Պիլ Ռասըլ, ես անձնապէս քանի մը հարիւր տոլարէն աւելի պիտի չվճարէի անոր մարզական շապիկին համար կամ ունէ ուրիշ էն. Պի.Էյ.-ի խաղողի մարզական տարագին համար: Անիկա պարզապէս կտոր մը հագուստ է:

Հարցը այն չէ, թէ մեր արժէքը ի՞նչ է մարդոց քով, որովհետեւ ատիկա կրնայ տարբերիլ մարդէ մարդ: Առաւել, աշխարհը մարդոց պէտք եղած ծեւով արժէք տալու մէջ լաւ անցեալ մը չունի: Միլիոնաւոր մանուկներ սպաննուած են իրենց մօր արգանդին մէջ: Մարդիկ արժէք տուին այդ մանուկներուն կեանքերուն: Եւ ի՞նչ կրնանք ըսել այն աղջիկներուն եւ կիներուն մասին, որոնք

Յայտնաբերուած՝ Ի՞նչպէս որ ենք

սեռային մաքսանենգութեան զոհ կ'երթան, ներառեալ պոռնիկները: Եթէ անոնց արժէքը չափենք այն մարդոց համաձայն, որոնք այդ պայմաններուն մէջ դրին զիրենք, անոնց արժէքը պակսեցուած է քանի մը հարիւր տոլարի:

Աստուած է Ան, որ արժէքի իրական չափը կը ճշդէ այս տիեզերքին մէջ, ոչ մարդիկը: Եւ նոյնիսկ այն բաներուն համար, զորս կ'արժեւորենք Յիսուս մեզի կը յիշեցնէ, թէ՝ «Մարդոց աչքին փառաւորը Աստուածոյ աչքին անարդ է» (Ղուկասի 16.15): Ան նաեւ կ'ընէ հետեւեալ նշանակալից հաստատումը. «Ի՞նչ օգուտ, եթէ մարդ ամբողջ աշխարհը շահի, բայց իր կեանքը կորսնցնէ, որովհետեւ ի՞նչ փրկագին պիտի տայ իր կեանքը եւս առնելու համար» (Մատթէոսի 16.26):

Պահ մը նկատի առ աշխարհի ամբողջ հարստութիւնը: Նկատի առ բազմամիլիոն տոլարի ապարանքները, գեղեցիկ կալուածները, գոհարները, թանկարժէք մետաղները, աղոտր ինքնաշարժները, նաւերը եւ օդանաները: Գրեթէ աներեւակայելի է: Վերջին ուսումնասիրութիւնները ցոյց կու տան, թէ աշխարհի արտադրութիւններու ընդհանուր գումարը 84.97 եռիլիոն տոլար է: Ասիկա անըմբոնելի չափի դրամ է: Սակայն Յիսուս մեզի կ'ըսէ, թէ եթէ կեանքդ տայիր այդ բոլորին փոխարէն, վսասով պիտի ելլէիր:

Ուստի ի՞նչ է քու արժէքը: Պողոս կը գրէ. «Աստուած քեզ գնեց բարձր գինով մը» (Ա.Կորնթացիներուն 6.20)¹: Աստուածոյ առաջարկած գինը քեզի համար կը գտնուի հետեւեալ բառերուն մէջ. «Որովհետեւ Աստուած այնքան սիրեց աշխարհը, որ մինչեւ իսկ իր միաձին Որդին պուա» (Յովիաննէսի 3.16, շեշտադրումը՝ մեր կողմէ): Ուանու, ատիկա շատ աւելին է քան Պիլ Ռասըլի մարզական շապիկը: Աստուած մեր արժէքը հաւասար համարեց իր ամէնէն թանկարժէք ստացուածքին: Ահա հիանալի ճշմարտութիւնը. եթէ մենք Աստուածոյ համար Յիսուսի արժէքէն մէկ դահեկան պակաս արժէք ունենայինք, ապա այդ փոխանակումը պիտի չկատարուէր, որովհետեւ Աստուած անշահաւէտ համաձայնութիւն մը պիտի չընէր. աւելի արժէքաւոր բան մը տար նուազ արժէքաւոր բան մը առնելու համար: Կ'ըմբռնեն հրքան թանկագին ես Աստուածոյ համար:

Ո՛րքան հսկայական սէր ունի Աստուած քեզի հանդէպ: Յիսուս ամէնէն ցնցիչ արտայայտութիւնը կ'ունենայ աղօթքի մը ընթացքին.

«Աշխարհը պիտի գիտնայ, թէ դուն [Աստուած] որկեցիր զիս Յիսուս Քրիստոս], եւ թէ կը սիրես զիրենք այնքան որքան զիս կը սիրես»: (Յովիաննէսի 17.23, շեշտադրումը՝ մեր կողմէ)²

1 Բառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

2 Բառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

Ասիկա հասկնալը գրեթէ վեր է մեր կարողութենէն... Աստուած կը սիրէ քեզ այնքան որքան կը սիրէ Յիսուսը... Տակափն կրնաս մտածել. Ան միայն կը խօսի աշակերտներուն մասին: Ասիկա ճիշդ չէ, որովհետեւ Յիսուս կը յստակացնէ. «Զեմ աղօթեր միայն իրենց համար, այլ նաեւ անոնց համար՝ որոնք անոնց քարոզութեամբ ինձի պիտի հաւատան» (Յովհաննէսի 17.20): Եթէ կը հաւատաս Յիսուս Քրիստոսի, ասիկա ուղղակիօրէն կամ անուղղակիօրէն աշակերտներուն վկայութեան շնորհի է: Աստուծոյ սիրոյ խորքը եւ այն արժէքը, որ Ան կու տայ քեզի անըմբռնելի են:

Այս ճշմարտութիւնը ամրօրէն հաստատելէ ետք, շարունակենք պարզել, թէ ինչո՞ւ սուրբ վախի այդ պարգևելը այդքան կարեւոր է Աստուծոյ հետ մեր յարաբերութեան մէջ:

Անձնականացնել

Հատուած- Անոնք չեն կրնար իրենք զիրենք մահին ազատել՝ Աստուծոյ փրկագին մը վճարելով: Փրկութիւնը այդքան դիրութեամբ չի գար, որովհետեւ ոչ ոք կրնայ երբեւէ վճարել այնքան, որ յախտենապէս ապրի: (Սաղմոններու 49.7–9)¹

Միտք- Իմաստուն մարդ մը անշահաւէտ համաձայնութիւն մը չ'ըներ. աւելի արժէքաւոր բան մը տալ նուազ արժէքաւոր բանի մը փոխարէն: Նոյնպէս, Աստուած ալ երբեք անշահաւէտ համաձայնութիւն մը չ'ըներ: Այն գինը, որ Աստուած վճարեց քեզի համար իր միածին Որդիին կեանքն էր, ինչ որ կը նշանակէ, թէ Ան քեզի կու տայ այն արժէքը, զոր կու տայ Յիսուսի:

Խոկալ- Նկատի առնելով Յիսուսի համար մեծ արժէք ունենալս, հիմա ինքզինքս ինչպէս կը տեսնեմ: Ասիկա ինչպէս կը փոխէ ամէն օր տեսած մարդոցս հանդէպ վարմունքս:

Աղօթք- Սիրելի Երկնաւոր Հայր, շնորհակալ եմ, որ իմ կեանքս այնքան արժէքաւոր կը համարես, որ Յիսուսը տուիր, որ իմ տեղս մեռնի: Յիսուս, շնորհակալ եմ, որ զիս Քու Անձէդ աւելի արժէքաւոր համարեցիր՝ իմ տեղս առնելով եւ իմ վրաս եղած դատապարտութիւնը վրադ առնելով: Սուրբ Հոգի, կը խնդրեմ, որ իմ սիրտիս եւ միտքիս մէջ դնես այն անդրադարձը, թէ Դուն հրքան կը սիրես եւ կ'արժեւորես զիս, եւ թող ես ալ ուրիշները նոյնպէս սիրեմ: Յիսուսի անոնքով: Ամէն:

Դաւանութիւն- Ես պիտի սիրեմ եւ արժեւորեմ ուրիշները նոյն ձեւով, որ Աստուած կը սիրէ եւ կ'արժեւորէ զիս:

1 Բառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

Երբ Աստուծոյ սէրը կը
քարոզենք,
կայ այն վտանգը, որ մոռնանք,
թէ Աստուածաշունչը
նախ կը յայտնաբերէ ոչ թէ
Աստուծոյ սէրը,
այլ՝ Աստուծոյ բուռն, վառող
սրբութիւնը՝
Անոր սէրը ըլլալով այդ
սրբութեան կեդրոնը:

– ՕՇՈՒՌԸ ԶԷՅՄՊԸՐՁ

9 | ՄԱՀԱՑՈՒ ԲԱԽՈՒՄԸ

Առաջին բաժինին մէջ խօսեցանք Աստուծոյ փառքին մասին, եւ տակաւին միայն մակերեսը տեսանք: Այս գլուխին մէջ պիտի կեղրոնանանք Աստուծոյ ներկայութեան տարբեր չափերուն կամ տեսակներուն վրայ: Սկսինք՝ երթալով ժամանակաշրջան մը երբ Ամենակարողը ընտրեց ապրիլ վրանի մը մէջ. այն ատեն հսրայէի ժողովուրդը կ'ապրէր անապատին մէջ:

Ժամանակ սպառող, մանրակրկիտ եւ նուրբ աշխատանքէ մը ետք, վրանին շինութիւնը աւարտեցաւ՝ խոմբ մը աշխատաւորներու շնորհիւ: Անիկա շինուեցաւ ճիշդ լերան վրայ Աստուծոյ կողմէ Մովսէսի տրուած ծրագիրին համաձայն եւ անիկա նման էր երկնային խորանին (տես Եբրայեցիներուն 8.1-5): Երբ գործը աւարտեցաւ, Աստուած յայտնեց իր փառաւոր ներկայութիւնը.

Ամպ մը ծածկեց Հանդիպումի Վրանը, ու Տէրոջ փառքը լեցուց խորանը: Մովսէս չէր կրնար մտնել Հանդիպումի Վրանը, որովհետեւ ամպը անոր վրայ կը կենար ու Տէրոջ փառքը լեցուցեր էր խորանը: (Ելքի 40.34-35)

Անգամ մը եւս Աստուած ամպով մը հսրայէլը պահեց իր փառքին: Ան իր ժողովուրդին միջեւ պիտի ապրէր այն ձեւով, որ անոնք կրնային տանիլ: Միայն քահանայապետին արտօնուած էր տարին մէկ անգամ՝ անասունի մը արինով, մտնել Ամէնէն Սուլը Տեղը: Այդ պաշտօնին համար մարդիկ Աստուծոյ կողմէ կ'ընտրուէին, եւ առաջինը Ահարոնն էր՝ Մովսէսի եղբայրը:

Յայտնաբերուած՝ Ի՞նչպէս որ ենք

Օր մը Ահարոնի երկու որդիները, որոնք եւս քահանաներ էին, Հանդիպումի Վրան մտան՝ «օտար կրակ [մատուցանելով], որ ինք չէր պատուիրեր անոնց» (Ղետացիներու 10.1): Կան տարբեր կարծիքներ այդ ատեն պատահածին մասին, բայց մեր նիւթին հետ կապը պահելու համար, չխօսինք անոնց արարքներուն մասին, այլ՝ կեղոնանանք անոնց շարժադիթներուն վրայ: Հոս գործածուած օդար բարին մէկ սահմանումն է՝ «սուրբ բանի մը հետ անպատկառ ձեւով վարուիլ»: Կը նշանակէ՝ սուրբ բանի մը հետ վարուիլ իբրև սովորական բան մը: Այլ խօսքով, Ահարոնի որդիները Աստուծոյ փառաւոր ներկայութեան մէջ մտան առանց ակնածանքի: Ասիկա ընելէ ետք անոնց հետ պատահածը սթափեցուցիչ է եւ նոյնիսկ վախնալիք.

Ուստի Տէրոց առջեւէն կրակ ելաւ եւ սպառեց զանոնք, ու Տէրոց առջեւ մեռան: (Ղետացիներու 10.2)

Այդ երկու մարդիկը՝ որոնք իրաւասութիւն ունէին Աստուծոյ ներկայութեան մտնելու, անմիջապէս մեռան իրենց անպատկառ վարմունքին պատճառով: Արդեօք Աստուծոյ դաժանօրէն յարձակեցաւ անոնց վրայ: Ո՛չ, անոնք իրենք զիրենք վտանգի մէջ դրին: Այս ձեւով մտածէ. երկիրը 93 միլիոն մղոն հեռու է արեւէն: Ծովեզերքը արեւին տակ պառկիլը հաճելի է շատերու համար, բայց եթէ այդ արեւի լոգանքը ընես նոյն արեւէն միայն 10 հազար մղոն հեռաւորութեան վրայ, անմիջապէս կը մեռնիս:

Անոնց սխալը այն էր, որ Աստուծոյ սուրբ եւ փառաւոր ներկայութեան վարժուեցան եւ հետեւարար վարուեցան այնպիսի ձեւով մը, որ փորձանք բերաւ իրենց վրայ: Մովկէ ըրէ, թէ Մովսէս ինչ ըսաւ ուղղակի Ահարոնին՝ անոր որդիներուն մահէն ետք.

Մովսէս Ահարոնի ըսաւ. «Այս է, որ Տէրը խօսեցաւ՝ ըսելով. “Ինձի մօտեցողներուն մէջ սուրբ պիտի ըլլամ, եւ ամբողջ ժողովուրդին առջեւ պիտի փառաւորուիմ”»: (Ղետացիներու 10.3)

Մովսէսի ըսածը տիեզերական եւ յախտենական իրովարտակ մըն է: *Տիեզերական* կը նշանակէ, թէ անիկա կիրարկելի է ամէն ստեղծուած արարածի վրայ՝ ըլլայ անիկա մարդ կամ իրեշտակ: *Տիեզերական* կը նշանակէ, թէ անիկա միշտ եղած է եւ միշտ ալ պիտի ըլլայ. բնաւ պիտի չփոխուի: Կրնաս Անոր ներկայութեան գալ միայն ակնածանքով լեցուն սիրտով եւ վարմունքով:

Ետ երթանք Պրազիլի մէջ այդ երեկոյին: Աստուծոյ ահաւոր

Ներկայութեան մէջ երբ հովը կը փչէր, ես անդամալուծուած էի սուրբ վախով: Հետեւեալ խորհուրդը կը դառնար միտքիս մէջ. Ճոն Պղվիր, Եթէ մէկ սիսալ քայլ առնես, մէկ սիսալ քառ խօսիս, կը մեռնիս...

Այդախիս բան իրապէս կրնար պատահիլ: Չեմ գիտեր, բայց ինչ որ կրնամ վստահութեամբ ըսել այն է, որ Նոր Կտակարանին մէջ տղամարդ մը եւ կին մը սիսալ քայլ մը առին նոյնանման մթնոլորտի մը մէջ եւ երկուքն ալ ինկան մեռան: Այն, «մեռան» այն իմաստով, որ 2 մերթ գետնին տակը թաղուեցան (տես Գործերը 5.1-10): Այդ զոյգը իրենց նուիրատուութիւնը բերին եկեղեցւոյ դեկավարներուն եւ հաւատակիցներուն առջեւ: Սակայն երկուքն ալ իսկոյն մեռան եւ թաղուեցան նոյն օրը: Երբ ատիկա պատահեցաւ, միևն հաւատացեալներուն հակազդեցութիւնը ինչ եղաւ:

Մեծ վախ մը պատեց ամբողջ եկեղեցին եւ բոլոր անոնք՝ որ լսեցին այս դէպքը: (Գործերը 5.11)

Քանի մը նշումներ ընեմ: Չ’ըսեր, թէ «մեծ վախ մը պատեց ամբողջ քաղաքը»: Ո՛չ, կ’ըսէ՛ «Մեծ վախ մը պատեց ամբողջ եկեղեցին»: Երկրորդ՝ նկատի առ, որ չ’ըսեր միայն «վախ», այլ՝ «մեծ վախ»: Երբայցի գրողները չեին չափազանցեր ինչպէս մենք յաճախ կ’ընենք արեւմտեան մշակոյթին մէջ: Երբ Սուլը Գիրքը կ’ըսէ «մեծ», այսինքն՝ շատ սաստիկ սուրբ վախ:

Առաքեալներուն Գործերը 2-ին մէջ երբ Աստուծոյ Հոգին առաջին անգամ հնքգինք յայտնեց Պենտէկոստի Օրը, վայրին մէջ եղող շատերը եզրակացուցին, թէ աշակերտները գինիով գինովցած էին առտու ժամը 9-ին: Կանգ առ եւ պահ մը մտածէ, թէ գինով մարդ մը ինչպէս կը վարուի: Ընդհանրապէս լուռ եւ վերապահ չ’ըլլար: Ընդհակառակը շատ յաճախ շատ կը խնդայ եւ ուրախ կ’ըլլայ: Այդպէս էր այդ օրուան մթնոլորտը: Մեր սիրայիր Աստուծոյ ներկայութիւնը թարմացնող եւ զուարժ ազդեցութիւն մը ունէր: Բայց երբ Անոր ահաւոր, եւ նոյնիսկ սոսկայի, ներկայութիւնը կը յայտնուի նոյն այդ մարդոց միջեւ, եկեղեցին մեծ վախով եւ ահով կը պատուի: Այդ դէպքը մեծապէս աւելցուց Աստուծոյ սրբութեան վերաբերեալ անոնց գիտակցութիւնը:

Ինձի յաճախ հարցուած է, թէ՝ «Ինչո՞ւ մեր արդի ժամանակներուն մարդիկ չեն իյնար մեռնիր»: Լաւ եւ ճիշդ հարցում մըն է: Այդ զոյգը սուս խօսեցաւ Պետրոսին եւ վերջաւորութեան Սուլը Հոգին: Շատ հովիներու սուս խօսուած է 21-րդ դարուն, ուստի ինչո՞ւ այդ յանցանքը գործողները նոյն ճակատագիրը չեն ունեցած: Նայինք, թէ ինչ պատահեցաւ անմիջապէս այդ զոյգին մեռնելէն ետք.

Յայտնաբերուած՝ Ի՞նչպէս որ ենք

Պետրոսի անցած ատեն՝ մարդիկ պատգարակներով ու մահիճներով հիւանդներ կը բերէին եւ հրապարակներու վրայ կը դնէին, որպէսզի գոնէ անոր շուրջ իյնայ անոնցմէ մէկուն վրայ [...] [Եւ] բոլորն ալ թժշկուեցան: (Գործերը 5.15–16)

Ատիկա խելքէ հանող բան մըն է: Նկատի առ, որ կ’ըսէ «հրապարակներու վրայ» (յոգնակի): Եւ ոչ «ոմանք», այլ՝ «քոլորը» թժշկուեցան: Եթէ արդիականացնենք պատահածը, կրնանք պատկերացնել, որ Պետրոս Առաքեալ կը մտնէ մեծ հիւանդանց մը եւ ամէն յարկի բոլոր անկողինները կը պարպէ պարզապէս միջանցքներէն քալելով: Այդ չափի գօրութիւն միայն կը գտնուի Տիրոց փառքի մթնոլորտին մէջ:

Աւելի եւս հաստատենք այդ մէկը՝ մէկ ուրիշ աստուածաշնչական օրինակով: Ահարոնի որդիներուն հետ պատահածէն հարիւրատոր տարիներ ետք, ուրիշ զոյգ մը եղբայրներ, որոնք եւս քահանաներ էին՝ Ովինի եւ Փենեհէս, շնուրթիւն կ’ընէին կիներու հետ, որոնք կը հաւաքուէին նոյն վրանին դրան դիմաց: Ատիկա կ’ընէին միայն շուրջ 25 մեթր հեռու այն վայրէն, ուր Ահարոնի որդիները մեռան: Կարծես անոնց ըրածը բաւարար չէր, անոնք նաեւ նեղութիւն կու տային զոհ մատուցանելու համար եկողիներուն՝ բռնի կերպով անոնց անասունները անոնց ձեռքէն առնելով: Անոնք «անպիտան մարդիկ էին, որոնք ոչ մէկ յարգանք ունէին ոչ Տիրոց հանդէպ ոչ ալ իբրեւ քահանայ իրենց պարտականութիւններուն» (Ա.Թագաւորներուն 2.12–13): Աստուած այդ մարդոց մասին ըսաւ. «Երդում ըրի, որ Հեղիի տան անօրէնութեան յախտեան քաւութիւն չըլլայ՝ զոհերով կամ ընծաներով» (Ա.Թագաւորներուն 3.14): Բնաւ պիտի չուզէիր այդ բառերը լսել Ամենակարող Աստուածոց բերանէն:

Անոնց վարմունքը չափազանց ծանր կամ վիրաւորական էր Աստուածոյ համար՝ Ահարոնի որդիներուն ըրածէն քանի մը աստիճան աւելի անպատկառ, եւ սակայն այդ մարդիկը անմիջապէս չմեռան նոյն այդ վրանին դիմաց: Ինչո՞ւ: Պատասխանը կը գտնուի հետեւեալ բառերուն մէջ. «Այդ օրերը Տէրոց խօսքը հազուագիւտ էր, ու յայտնի տեսիլք չկար» (Ա.Թագաւորներուն 3.1, շնշտադրումը՝ մեր կողմէ): Աստուածոյ յայտնութեան պակասը կը խօսի Անոր ներկայութեան բացակայութեան մասին. գոյութիւն չունէր, ինչպէս էր կացութիւնը Պրազիլի ծառայութեան սկիզբը: Սակայն Մովսէսի օրերուն այդ ներկայութիւնը ամբողջութեամբ հոն էր:

Ի՞նչ կրնանք եզրակացնել այդ օրինակներէն: Որքան մեծ ըլլայ Աստուածոյ յայտնուած փառքը, այդքան մեծ եւ արագ կ’ըլլայ անպատկառ

Վարմունքի դատաստանը: Հետեւաբար ուշացուած դադասպան չի նշանակեր չկայ դադասպան: Այդ պատճառով Պօղոս կը գրէ.

Շատ մը մարդոց մեղքերը յայտնի կ'երեւին, նոյնիսկ որեւէ դատաստանէ առաջ, իսկ ուրիշներու պարագային Ետքը կը յայտնուին: (Ա.Տիմոթէոսի 5.24)

Իմաստութիւն է բնաւ չարտօնել՝ որեւէ պայմանի տակ, անպատկառ, սովորական կամ ծանօթ բանի մը հետ վարուելու պէս վարմունքը Աստուծոյ հանդէա: Իրականութեան մէջ վտանգը աւելի մեծ է երբ իր փառքը չի յայտնուիր: Ինչո՞ւ: Քանի որ դատաստանի բացակայութեան պատճառով աւելի դիրիխն է անպատկառութեան վիճակի մէջ իյնալ՝ այն խարուսիկ համոզումին պատճառով թէ՝ ընդունուած ենք: Եթէ ատիկա պատահի, մենք կրնանք դիրութեամբ իյնալ այն համոզումին մէջ, թէ Աստուծոյ հոգը չէ մեր անպատկառութիւնը, ինչպէս պիտի տեսնենք յաջորդ գլուխին մէջ:

Անձնականացնել

Հատուած- «Ինծի մօտեցողներուն մէջ սուրբ պիտի ըլլամ, եւ ամբողջ ժողովուրդին առջեւ պիտի փառաւորուիմ»: (Ղետացիներու 10.3)

Միտք- Որքան մեծ ըլլայ Աստուծոյ յայտնուած փառքը, այդքան մեծ եւ արագ կ'ըլլայ անպատկառ վարմունքի դատաստանը: Հետեւաբար ուշացուած դադասպան չի նշանակեր չկայ դադասպան:

Խոկալ- Ի՞նչպէս կրնամ Տիրոջ մօտենալ աղօթքով, եկեղեցիին մէջ, պաշտամունքի ընթացքին, մինչ Աստուծոյ խօսքը կ'ուսուցանովի կամ ամենօրեայ կեանքի մէջ: Արդեօք սովորական ձեւով կը նայիմ Իրեն մօտենալուն: Արդեօք մոոցած եմ այն իրականութիւնը, որ Աստուած միայն իմ Հայրս չէ, այլեւ սուրբ Աստուածն է, որ լափող կրակ է:

Աղօթք- Սիրելի Երկնաւոր Հայր, ներողութիւն կը խնդրեմ Քեզի սովորական եւ անպատկառ ձեւով մօտենալուս համար: Մոոցած եմ, թէ Դուն ճիշդ ով ես եւ շատ ծանօթ դարձած ես ինծի: Կը զղամ, եւ այլես Քեզ պիտի չտեսնեմ իբրեւ «քարեկամ մը», այ՝ պիտի պատուեմ Քեզ իբրեւ այն սուրբ Աստուածը, որ ես: Շնորհակալ եմ, որ այդքան ազնի ես եւ գթառատ եւ անպատկառ վարմունքիս համար ինծի ներելուր համար: Յիսուսի անունով կ'աղօթեմ: Ամէն:

Դաւանութիւն- Պիտի պատուեմ զԱստուած որքան ալ հզօր կամ մեղմ կերպով յայտնէ իր ներկայութիւնը:

Արդարեւ մարդուն
ճամբաները Տէրոջ աչքերուն
առջեւ են, Եւ ինք անոր բոլոր
քայլերը կը քննէ:

– ԱՌԱԿՆԵՐՈՒ 5.21

10| ԱՍՏՈՒԱԾ ՉԻ ՏԵՍՆԵՐ

Ինչպէս արդէն ըսինք, մեր սուրբ վախը կ'աճի Աստուծոյ փառքի մեր ըմբռնուամբն հետ համեմատաբար: Հակառակն ալ ճիշդ է. որքան քիչ վախնանք իրմէ այդքան կը պակսեցնենք Անոր մեծութիւնը՝ նոյնիսկ մարդկային սահմանափակումներու մակարդակին:

Աշխարհի համակարգը կը նմանի գետերու ամէնէն ալիքոտ տեղերուն, ուր գետը իր ամէնէն կատաղի ընթացքին մէջ է եւ զօրութեամբ կը զարոնի մարդուն շունչին կամ ներքին անձին՝ փորձելով փարատել անոր Աստուծոյ փառքի գիտակցութիւնը: Այդ գետին նիւթը խօսքեր են, խորհուրդներ, պատկերներ, վիշտներ կամ որևէ ուրիշ միջոց, որ կրնայ գործածովի բարձրացնելու համար մահկանացու մարդը՝ պակսեցնելով մեր Ստեղծչին մեծութիւնը:

Ան, որ չունի սուրբ վախ դիկուրթեամբ տեղի կու տայ այդ ոյժին դիմաց եւ կը սահի այն մտայնութեան մէջ, որ կը հաւատայ, թէ Աստուած նկատի չ'առներ իր ըրածները կամ հոգը չէ: Այս ձեւի խորհուրդներ կը սկսին կազմուիլ՝ Ես բացառութիւն մըն եմ, Ես զերծ եմ դադապարպութենէ, Ես մարդոց մեծամասնութենէն դարբեր չեմ, Ասրուած աչք կը խփէ իմ շարժատիթներուս, խօսքերուս կամ արարքներուս... մինչեւ՝ Այնքան բան կը պատահի, որ Ասրուած որո՞ն պիտի հասնի...

[Ամբարիշտը] իր սիրտին մէջ կ'ըսէ. Աստուած մոռցեր է. իր երեսը ծածկեր է, որպէսզի ամենեւին չտեսնէ: (Սաղմոսներու 10.11)

Շատ մը տարբերակները կան այդ սխալ եւ վտանգաւոր մտայնութեան, բայց բոլորն ալ վերջաւորութեան կը տանին մտածելու,

Յայտնաբերուած՝ Ի՞նչպէս որ ենք

որ Աստուծոյ կարողութիւնները աւելի ստորադաս են քան ինչ որ իրապէս են: Տարբեր չէ անկէ, որ կը մտածենք, թէ ծնող մը, գործատէր մը, ուսուցիչ մը, մարզիչ մը կամ ոեւէ ուրիշ դեկավար մը կրնայ չնկատել մեր վարմունքը կամ չկարենայ հետեւիլ անոր: Այդ ծուղակին մէջ բռնուած անձերը իրենք զիրենք կը միսիթարեն մտածելով, թէ՝ հետեւելիք չափազանց շատ մանրամասնութիւններ կան եւ այդպիսով կը պօտիկցնեն Աստուծոյ կարողութիւնը:

Մէկ քայլ անդին երթանք: Եթէ մէկը շարունակէ քալել ոչ միայն սուրբ վախ չունենալու այլեւ անկէ փախուստ տալու այդ սահուն ճամբուն մէջ, Վտանգին տակ կ'ըլլայ այն սատանայական համոզումին թէ՝ Ասպուած չի տեսներ իմ շարժադիթներս, խօսքերս կամ արարքներս: Բան մըն է հաւատալը, թէ Աստուած չի տեսներ թեզ, անպատկառութեան ուրիշ մակարդակ մըն է մտածելը, թէ Ան անկարո՞ղ է տեսնելու...

Կարեի է ծածկել կամ պահել մեր խօսքերը, արարքները եւ շարժադիթները ուրիշ մարդ արարածներէ: Կրնանք բաներ ընել գաղտնի՝ մութին մէջ, շուքին մէջ, ուր ուրիշներ չեն տեսներ: Բայց երբ կը հաւատանք, թէ կրնանք մեր խորհուրդները կամ ճամբաները ծածկել Ամենակարող Աստուծմէ՝ ինքնախաբէութեան մէջ ենք: Այդ սխալ ենթադրութիւնը՝ ըլլայ անիկա գիտակցաբար կամ անգիտակցաբար, կը բնակի ամէն շունչի կամ անձի մէջ, որ զուրկ է սուրբ վախէ: Աստուածաշունչը մեզի կ'ըսէ.

Վայ անոնց, որ խորունկ տեղ կը փնտռեն՝ իրենց ծրագիրները Տէրոշմէն պահելու համար, իրենց գործերը խաւարին մէջ կը կատարեն ու կ'ըսեն. «Մեզ հվ կը տեսնէ, մեզ հվ կը ճանչնայ»: (Եսայիի 29.15)

Սկիզբը կրնաս մտածել, թէ Եսայի կը խօսի ամբարիշտներուն մասին. անհաւատներուն, որոնք չեն ուզեր եկեղեցի մտնել կամ պաշտամունքի մը ներկայ ըլլալ: Սակայն Վերի տողերը յատուկ կերպով գրուած են Քրիստոսը դաւանող հաւաքացեալներու համար: Իրապէս: Բանի որ այդ հաստատումէն առաջ կը կարդանք.

Հետեւաբար Տէրը կ'ըսէ. «Քանի այս ժողովուրդը իր բերանով կը մօտենայ ինձի, միայն իր շրջունքով կը պատուէ զիս. բայց իրենց սիրտը ինձմէ հեռացած է, եւ ինձմէ ունեցած իրենց վախը մարդոց սորվեցուցած պատուիրան մըն է»: (Եսայիի 29.13)

Արդիականացնենք այդ խօսքը: Այդ մարդիկը կը դաւանին

Յիսուսի հետ յարաբերութեան մէջ ըլլալը, որովհետեւ փրկուած են Անոր շնորհքով: Անոնք բերանացիօրէն կը պատուեն զԱյն, ներկայ կը գտնուին Քրիստոնէական խորհրդաժողովներու, Սփոթիֆայի վրայ մտիկ կ'ընեն պաշտամունքի երգեր, սակայն իրենց ներքին անձին մէջ համոզուած են, որ Տէրը կարող չէ տեսնելու կամ լսելու այն ինչ որ կը մտածեն կամ կ'ընեն: Անոնց մտային վիճակը աւելի վատ է քան այն շատերունը, որոնք բնաւ չեն հետեւիր Յիսուսի: Անոնք կը հաւատան սուտի մը, եւ աւելի վատը այն է, որ գիտակից չեն իրենց սխալին:

Կրնաս ըսել. «Անկարելի՞ է: Այդպիսի բան չի կրնար ըլլալ»: Ետ երթանք Նոր Կտակարանի այդ զոյգին, որոնց մասին խօսեցանք նախորդ գլուխին մէջ. Անանիան եւ Սափիրան (կարդա Գործերը 5): Անոնց պատմութեան ետին գտնուող իրականութիւնները կարեւոր դեր կը խաղան այդ զոյգի սխալ վարմունքը հասկնալու մէջ: Անոնց պատմութիւնը իրականութեան մէջ կը սկսի 4-րդ գլուխին մէջ.

Բառնաբաս [...] Կիարոս ծնած Ղետացի մըն էր, որ իր ունեցած արտը ծախեց եւ որամը բերաւ առաքեալներուն յանձնեց: (Գործերը 4.36–37)

Այդ ժամանակաշրջանին Կիարոս շատ հարուստ կղզի մըն էր. հարուստ՝ թանկարժէք քարերով, պղինձի եւ երկաթի հանքերով եւ փայտի մեծ պաշարով: Անիկա հոչակաւոր էր իր ծաղիկներով, պտուղներով, գինիով եւ իտրով: Եթէ Կիարոսի մէջ հողաշերտ մը ունենայիր, շատ հաւանաբար բարեկեցիկ էիր:

Հետեւալը պատկերացուր. Կիարոսէն հարուստ Ղետացի մը կը բերէ մեծ գումար մը՝ իր հողատարածքի վաճառքէն ձեռք ծգուած, եւ ամբողջ Եկեղեցին դիմաց առաքեալներուն կու տայ զանիկա: Ատկէ ետք ինչ կը պատահի:

Բայց Անանիա անունով մէկը, որուն կինն էր Սափիրա, իր կալուածը ծախեց: (Գործերը 5.1)

Նկատի առ առաջին բառը՝ «Բայց»: Անիկա շաղկապ մըն է, որ կը կապէ գաղափարները եւ կը շարունակէ նախադասութեան միտքը: Այս պարագային նոր գլուխը այդ շաղկապով սկսիլը կը դարբեցնէ պատմութեան շարունակականութիւնը:

Այդ հարուստ նորեկը Եկեղեցին կը միանայ եւ կ'ընէ շատ մեծ նուիրատուութիւն մը, որուն ականատես կ'ըլլան բոլորը: Անոր այդ նուէրը հակազդեցութիւն մը կը յառաջացնէ այդ զոյգին մէջ: Անոնք անմիջապէս կալուած կը ծախեն եւ...

Իր կնոջ գիտութեամբ [Անանիա] դրամին մէկ մասը մէջէն վերցնելով՝ մնացեալ մասը բերաւ յանձնեց առաքեալներուն: (Գործերը 5.2)

Ի՞նչն էր պատճառը անոնց այդ արարքին կամ հակազդեցութեան: Կրնայ ըլլալ, որ այդ զոյգը մինչեւ այդ ժամանակ եկեղեցին մէջ ամէնէն մեծ նուիրատութիւն ընողներն էին: Եթէ այդպէս էր, արդեօք անիկա գրաւած էր ղեկավարներուն եւ ժողովուրդին ուշադրութիւնը: Պէտք է յիշենք, որ տալը պարգեւ մըն է, եւ ճիշդ ինչպէս շատեր նկատի կ'առնեն կամ կը գնահատեն զանազան պարգեւները, ինչպէս՝ ծառայելը, քարոզելը, հիւրընկալութիւնը, ուսուցանելը, ղեկավարութիւնը եւ ուրիշներ, առատաձեռնութեան պարագային ալ նոյնն է. անիկա կը գնահատուի (տե՛ս Բ.Կորնթացիներուն 9.12-13): Արդեօք այդ զոյգը պէտք եղածէն աւելի հաճոյք կը ստանար իր ստացած յարգանքն եւ ուշադրութենէն: Արդեօք իրենց անապահովութիւնները գրգռուեցան երբ զգացին, որ եկաւ նոր մէկը, որ իրենցմէ աւելին ըրաւ: Արդեօք ամրող ժողովուրդը կը տօնէր այդ մարդուն հսկայական նույրը եւ թէ անիկա հրքան օգտակար պիտի ըլլար իրենց աւետարանչութեան եւ աղքատներուն օգնելու գործին, ինչ որ անոնց ուշադրութիւնը շեղած էր Անանիային եւ իր կնոշմէն:

Թերեւս այդ զոյգը կը ցանկար իր կորսնցուցած ուշադրութիւնը, ուստի հողաշերտ մը ծախսեց. թերեւս իրենց մեծագոյն կալուածն էր անիկա: Անոնք մտածեցին. «Ասիկա շատ մեծ գումար մըն է, բոլորը չենք կրնար տալ: Բայց կ'ուզենք այնպէս երեւիլ, թէ կու տանք բոլորը: Ուստի եկուր միայն մէկ մասը տանք, բայց ըսենք, թէ անիկա լման գինն է»: Այդ խարէական մտածելակերպը կրնար ինքն իրեն համար արդարացում գտած ըլլար այն պատճառաբանութեան մէջ, թէ՝ իրենց այդ ըրածը կրնար քաջալերել ուրիշները, որ աւելի մեծ նույրներ տային:

Երեւոյթը աւելի կարեւոր էր քան ճշմարտութիւնը եւ հետեւաբար առաջնորդեց խարէութեան: Ի՞նչպէս կրնայ ըլլալ, որ այդ զոյգը բնաւ մտածած էր, թէ Աստուած պիտի չտեսնէր իրենց այդ ըրածը:

Անոնք կանխամտածեցին, որոշեցին եւ համաձայնեցան այդ մօտեցուածին շուրջ: Հաւատալով, որ կրնային իրենց ծրագիրը ծածկել Տիրոջմէ, անոնք իրենց չար արարքը ըրին խաւարին մէջ... եւ տեղ մը իրենց ներքին անձին մէջ մտածեցին. Տէրը չի գիտեր եղածը... (Եսայիի 29.15-ին մէջ մեր կարդացածին նման:) Անոնք իրենց կեանքով վճարեցին իրենց այդ արարքին գինը. Երկուքն ալ նոյն օրը թաղուեցան...

Ինչպէս կրնայ ըլլալ, որ երկու Քրիստոսը դաւանող հաւատացեալներ, որոնք ականատես եղած էին նախորդ գլուխներուն մէջ մեր կարդացած հրաշքներուն՝ հովին փչելուն եւ ամբողջ քաղաքին ուշադրութիւնը գրաւելուն, մէկ անակնկալ հաւաքի ընթացքին հազարաւորներու փրկութեան, անդամալոյծի մը հրաշքով ելլել-քալելուն, Աստուծոյ գօրութեամբ շէնքի մը շարժելուն եւ շատ ուրիշներու, մտածեն, որ կրնան իրենց շարժառիթները պահել Ամենակարող Աստուծմ:

Կամ ինչպէս Աղամը եւ Եւան՝ որոնք Աստուծոյ իետ քալեցին պարտէզին մէջ, կրցան հաւատալ, թէ կրնային պահուըտիլ Իրմէ մեղք գործելնէն ետք (տե՛ս Ծնունդներու 3.8):

Ինչպէս կրցաւ հսրայէլի ժողովուրդը ըսել. «Տէրը մեզ չի տեսներ» (Եգեկիէլի 9.9):

Կամ ինչ կը մտածէք իետեւեալ ցնցիչ հաստատումին մասին. «Մարդու որդի, կը տեսնեմ, թէ ինչն էլ կ'ընեն հսրայէլի տան երէցները խաւարին մէջ. իրաքանչիւրը իր ծածուկ պատկերատան մէջ. որովհետեւ կ'ըսեն. “Տէրը մեզ չի տեսներ. Տէրը երկիրը լքած է”» (Եգեկիէլի 8.12):

Ո՞րքան յաճախ անմտօրէն կը մտածենք, թէ կրնանք Տիրոջմէ ծածկել մեր հեռացած սիրտերը:

Մէկ խօսքով, այդ բոլոր պատմութիւնները ունին հասարակաց արմատ մը, որ ծնունդ կու տայ այդ սխալին. այդ արմատը սուրբ վախի պակասն է: Ինչ աստիճանի, որ է անոր պակասը մեր մէջ, այդ չափով ալ մեր ներքին անձին կամ հոգեքանութեան մէջ պզտիկ կամ նուազ կը տեսնենք Աստուծոյ կարողութիւնները: Եւ ամէնէն վախնալիք բանը այն է, որ մենք անգիտակից կ'ըլլանք մեր վիճակին. մեր զանազանութեան կարողութիւնը կը բթանայ: Այդ պարագային մասին է, որ պիտի խօսինք յաջորդ քանի մը գլուխներուն մէջ:

Անձնականացնել

Հատուած- Բոլոր եկեղեցիները պիտի գիտնան՝ թէ նև եմ որ կը ճանչնամ մարդոց ցանկութիւններն ու մտածումները, եւ իրաքանչիւրին կը հատուցանեմ իր գործերուն համաձայն: (Յայտնութիւնը 2.23)

Միտք- Աստուած գիտէ ոչ միայն մեր ըրածները, այլեւ մեր ըրածներուն ետին գտնուող մեր շարժառիթները:

Յայտնաբերուած՝ Ի՞նչպէս որ ենք

Խոկալ- Արդեօք ես շարունակ կ'ապրիմ այն գիտակցութեամբ, թէ Աստուած գիտէ իմ ամէնէն խորունկ խորհուրդներս, շարժառիթներս եւ մտադրութիւններս: Ի՞նչպէս կրնամ աւելցնել այդ ճշմարտութեան վերաբերեալ իմ արթնութիւնս:

Աղօթը- Սիրելի Երկնատր Հայր, կը խնդրեմ, որ իմ շարժառիթներս եւ մտադրութիւններս ըլլան Յիսուսի շարժառիթներուն եւ մտադրութիւններուն չափ մաքուր: Թող զտեմ բոլոր խորհուրդներս, փափաքներս, խօսքերս եւ արարքներս այն հասկացողութեամբ, որ Դուն շարունակ կը քննես իմ ճամբաններս: Թող բնաւ չնուազեցնեմ այդ ճշմարտութիւնը Քու մասիդ իմ ըմբռնումիս մէջ: Յիսուսի անունով: Ամէն:

Դաւանութիւն- Կեանքս պիտի ապրիմ գիտնալով, որ Աստուած ամբողջապէս տեղեակ է մտադրութիւններէս, խորհուրդներէս, խօսքերէս եւ արարքներէս:

Ինչի՞ւ այս Երուսաղէմի
Ժողովուրդը մշտատեւ
ուխտադրժութեամբ շեղեցաւ:

– ԵՐԵՄԻԱՅԻ 8.5

11| ԱՀ ՈՒ ԴՈԴ

Աստուծոյ ահաւոր ներկայութիւնը եւ ատոր իբրեւ արդինք Անանիայի եւ Սափիրայի վրայ եկած դատաստանը «մեծ վախ» բերաւ եկեղեցին վրայ: Դարձեալ պէտք է շեշտենք, թէ քաղաք բառը չէ գործածուած, այլ՝ եկեղեցի. սուրբերուն հաւաքոյթը: Երբ սերտենք մեծ վախ եզրին յունարէնը, աւելի խոր կերպով կը հասկնանք, թէ ինչ կ'ըսուի մեզի:

Սուաջին բառը՝ մեծ, յունարէն մե՛կաս բառն է, որ Կրիք-Ինկիշ Լեքդիքոն աֆ ყը Նիու Թեսթիմընթին համաձայն կը սահմանուի իբրեւ՝ «կշիռքի մը վերի սահմանը... մեծ չափով, սաստիկ, սոսկալի»: Մեր անգլերէնի մեկա (շատ մեծ, հսկայ) բառը անկէ կու գայ: Շատ յստակ է մեզի հաղորդուածը. կրնանք ըսել՝ «մեկա վախ»: Ի մտի ունեցիր, որ Աստուածաշունչը գրողները չեն չափազանցեր:

Երկրորդ բառը՝ վախ, յունարէն ֆ�այու բառն է, որ ամբողջ Նոր Կտակարանին մէջ յաճախ կը գործածուի սուրբ վախ ըսելու համար: Անիկա կը սահմանուի իբրեւ՝ «վախ, սոսկում, ակնածանք, յարգանք, պատիւ»: Կրիք-Ինկիշ Լեքդիքոն աֆ ყը Նիու Թեսթիմընթ. Պէսր ան Սեմանթիք Տոմէյնզը զանիկա կը սահմանէ իբրեւ՝ «խորունկ յարգանք եւ ահ աստուծոյ մը հանդէա. ակնածանք, ահ»: Դարձեալ կը հանդիպինք ահ եւ սոսկում բառերուն, որոնք բարձր աստիճանի վախ կ'ենթադրեն: Պօղոս կը գործածէ նոյն բառերը երբ կը գրէ.

Հետեւաբար, սիրելիներս, ինչպէս ամէն ատեն հնազանդեցաք, ո՞չ միայն իմ ներկայութեանս մէջ, հապա ալ աւելի հիմա՝ իմ բացակայութեանս ատեն, գործադրեցէք ձեր փրկութիւնը՝

ահով ու դողով: Որովհետեւ Աստուած է որ ձեր մէջ կը ներգործէ թէ՝ կամենալը եւ թէ՝ ընելը՝ իր բարեհաճութեան համաձայն: (Փիլիպպեցիներուն 2.12–13, շեշտադրումը՝ մեր կողմէ)¹

Մեր փրկութիւնը չի գործադրուիր սիրով եւ ազնուութեամբ, այլ՝ ահով ու դողով, ինչ որ մանրամասնօրէն պիտի քննարկենք յետագային: Անգամ մը եւս մեզի հաղորդուածին լրջութիւնը կամ խստութիւնը մէկ աստիճան եւս կը բարձրանայ նոր բառով մը՝ դողով: Անիկա յունարէն թրիմու բառն է, որ կը սահմանուի իբրեւ՝ «դողալ վախի, սոսկումի... կամ խորունկ ակնածանքի, յարգանքի, սարսափի կամ ահի պատճառով»: Միայն հոս չէ գործածուած այդ եզրը. Պողոս առաքեալ այդ երկու բառերը միասին կը գործածէ չորս անգամ Նոր Կտակարանին մէջ:

Հակառակ անոր որ սուրբ վախի մասին մեր քննարկումը ամբողջական ձեւով չենք կատարած, հասած ենք տեղ մը, ուր կրնանք հարց տալ, թէ Աստուծոյ Խօսքի ունէ ուսուցիչ ի՞նչպէս կրնայ զանիկա սահմանափակել միայն «մեծարական պաշտամունք» սահմանումին մէջ: Միայն այս գլուխին մէջ եւ այն քանի մը համարներուն, զորս լուսարձակի տակ առինք, դէմ յանդիման գտնուեցանք բաւական զօրաւոր բառերու: Ահա անոնց ցանկը. մեկա (շատ մեծ կամ հսկայական) վախ, ահ, սոսկում, խորունկ յարգանք, դող եւ սարսափ:

Ասոնք միայն բառեր չեն, որոնք կը նկարագրեն Քրիստոսի մէջ մեր կեանքի մէկ պատիկ բաժինը. այլ՝ անոնք կը թելադրեն, թէ մեր փրկութիւնը ի՞նչպէս կը գործադրուի. Եզր մը, որ կը նկարագրէ, թէ ի՞նչպէս մեր ջանքերը՝ Սուրբ Հոգիին հետ համագործակցաբար եւ Անոր կողմէ լիազօրուած, իրենց ամբողջական հասունութեան կը հասցնեն այն ինչ որ Յիսուս ծրիաբար կը հայթայթէ մեզի: Ասկէ անդին այսպէս պիտի ըստնք. մեր փրկութիւնը կը հասուննայ ահով ու դողով:

Ասիկա ի մտի ունենալով, ինչո՞ւ սուրբ վախը այն ամէնէն առաջին ճշմարտութիւններէն մէկը չէ, որ կը սորվեցուի մեր եկեղեցիներուն, տնային խմբակներուն եւ Աստուածաշունչի Դպրոցներուն մէջ: Կրնայ ըլլալ, որ ասիկա է պատճառը արեւմտեան աշխարհին մէջ այդքան մեծ թիւով գաղջ Քրիստոնեաներու գոյութեան: Եւ կրնայ ըլլալ, որ այդ պատճառով է, որ Աստուածաշունչը կը զգուշացնէ վերջին օրերուն «հաւատքի մեծ նահանջ»ի մը մասին: Պողոս կը գրէ, թէ Նեոր կամ հակաՔրիստոսը պիտի ցայտնուի մինչեւ որ «ապստամբութիւնը չըլլայ

1 Աստուածաշունչ Հին եւ Նոր Կտակարաններու՝ Եբրայերէն եւ Յունարէն Բնագիրներէն Թարգմանուած, 2001

[Մինչեւ որ չգայ ակնկալուած հաւատքի մեծ նահանջը անոնց, որոնք իրենց Քրիստոնեայ ըլլալը դաւանած են]» (Բ.Թեսաղոնիկեցիներուն 2.3): Կրնայ ըլլալ, որ այդ հաւատքի նահանջին պատճառը մեր կողմէ սուրբ վախը պարզի առնելն է: Քառասուն տարի աղօթքի եւ սերտողութեան նովիրուած ըլլալով եւ Ամերիկայի բոլոր նահանգներուն ինչպէս նաեւ վաթուն երկրի մէջ ծառայած ըլլալով, կը հաւատամ, որ այդպէս է:

Մէկ քայլ անդին երթանք: Եկեղեցւոյ ամէնէն նախնական կամ հիմնական ուսուցումներէն մէկը «յափտենական դատաստան»ն է: Ուշադրութեամբ կարդա հետեւեալ բառերը.

Ուստի, քրիստոնէական հաւատքի նախագիրելիքները ձգելով՝ գանք չափահասներու յատուկ գիտելիքներուն: Չենք ուզեր վերստին խօսիլ այն հիմնական գիտելիքներուն մասին [...] յափտենական դատաստանին: (Երրայեցիներուն 6.1-2, շեշտադրումը՝ մեր կողմէ)

Իրականութիւնը այն է, որ բոլորս ալ հաշիւ պիտի տանք երկրի վրայ մեր ապրելու ծեփին համար: Այդ դատաստանի արդիւնքը յաներժական է՝ յափտենական: Հաւատացեալին համար անիկա կը կոչուի՝ «Քրիստոսի դատարանը»:

Խօսինք երկու շեշտադրուած բառերուն մասին: Առաջին՝ նախագիրելիք: Պղտիկ մը ի՞նչ կը սորվի նախակրթարանին մէջ: Ինչպէս կարդալ, գրել, գումարել, հանել եւ ուրիշ հիմնական հմտութիւններ: Այլ խօսքով, ծեռք կը ձգենք մեր կրթութիւնը յառաջ տանելու համար անհրաժեշտ աղիւսները: Կրնան պատկերացնել երկրորդական վարժարան կամ գոլէճ անցնիլ առանց կարդալու, գրելու, գումարելու կամ հանելու կարողութիւններուն: Անկարելի է:

Յայտնաբերած եմ, որ մեծ թիւով հաւատացեալներ անտեղեակ են այն դատաստանէն, զոր պիտի դիմագրաւեն, կամ, լաւագոյն պարագայի, միայն ծանօթ են այդ բարին, բայց լման չեն քննած, թէ ի՞նչ է անիկա: Կը նմանի անոր, որ կը գիտնաս, թէ նախակրթարանին մէջ սորվելիք հմտութիւնները կարեւոր են, բայց բնաւ չեն սորվիր զանոնք: Շատ կարեւոր հարցում մը, զոր պէտք է հարցնենք հետեւեալն է: հաւատացեալները ինչպէս կը կերտեն իրենց կեանքերը Քրիստոսի մէջ առանց այդ նախնական ճշմարտութեան:

Նկատի առնենք միւս շեշտադրուած բառը. հիմնական: Կրնան պատկերացնել շէնք մը կառուցանել առանց հիմներու: Եթէ կիման

¹ Քառացի թարգմանութիւն՝ անգլերէն *St. Ամիլիֆայր Պայպը, Քլասիք Էփիշըն (AMPC)* տարբերակէն

Յայտնաբերուած՝ Ի՞նչպէս որ ենք

հանդարտ է, շէնքը կրնայ բարձրանալ եւ ոտքի մնալ: Բայց երբ զօրաւոր փոթորիկ մը ելլէ, կը փի շէնքը: Ատիկա կրնայ ներկայացնել հաւատքէն հեռանալը: «Պարնա Կրուսի՛ վիճակագրութիւններ ընող աւետարանական Քրիստոնէական կազմակերպութիւն մը, կը տեղեկացնէ, թէ աւելի քան քառասուն միջին ամերիկացիններ հաւատքէն հեռացած են 2000-ի եւ 2020-ի միջեւ: Անոնց կէսը ներկայիս կ'ըսեն, թէ Քրիստոնէայ չեն. անաստուած կամ անգիտական (ակնութիր) են: Կրնայ ըլլալ, որ մեր հիմնական ուսուցումի պակասը կը նպաստէ այդ աղիտալի վիճակագրութեան:

Արագ ձեւով նայինք, թէ ի՞նչ բանի հետ կապ ունի մեր դատաստանը:

Բայց վստահութիւն ունինք, եւ շատ աւելի պիտի ուզէինք այս մարմիններ դուրս գալ եւ Տիրոջ քով ըլլալ: (Բ.Կորնթացիներուն 5.8)

Անմիջապէս կը գիտնանք, թէ Պողոս կը խօսի միայն հաւատացեալներու: Երբ անհաւատ մը կը ձգէ իր մարմինը, ան Աստուծոյ ներկայութեան մէջ չ'ըլլար:

Ուստի, այս մարմինին մէջ մնանք թէ հեռանանք, մեր միակ ձգուումն է՝ Աստուծոյ հաճելի ըլլալ: (Բ.Կորնթացիներուն 5.9, շեշտադրումը՝ մեր կողմէ)

Երբ մեր տղաքը դեռահաս տարիքի մէջ էին, Լիսան եւ ես միշտ առիթներ կը փնտռէինք զիրենք բարեպաշտութեան մէջ մարգելու: Անոնց մարզումին մէջ կարեւոր էր, որ սորվէին իրենք զիրենք բնականաբար ամէն առանձնաշնորհումի կամ յատուկ վարմունքի արժանի չտեսնել: Երեկոյ մը անոնց ըսի. «Տղաք, չկայ քան մը, որ կրնաք ընել, որ պատճառ ըլլայ, որ ձեր մայրը եւ ես ձեզ աւելի կամ պակաս սիրենք քան որքան որ հիմա կը սիրենք»:

Իրենց քով արձանագրուեցաւ մեր անպայմանական սէրը: Ատիկա ըսելէս ետք, հետեւեալը ըսի. «Բայց դուք էք պատասխանատուն ձեր մեզի որքան հաճելի ըլլալուն»: Ատիկա զարմացուց զիրենք եւ նորութիւն մըն էր իրենց համար:

Ահա ճշմարտութիւնը: Մենք չենք կրնար որեւէ բան ընել, որպէսզի Աստուած մեզ սիրէ աւելի շատ կամ քիչ, բայց մենք ենք պատասխանատուն մեր Անոր որքան հաճելի ըլլալուն: Ատոր համար Պողոս կ'ըսէ, թէ իր նպատակն է «Աստուծոյ հաճելի ըլլալ»: Ի՞նչ՞ո՞վ:

Որովհետեւ պէտք է որ բոլորս ալ [հաւատացեալներս] ներկայանանք Քրիստոսի դատարանին առցեւ, որպէսզի

իրաքանչիւրը ստանայ այն բաներուն համեմատ՝ որ իր մարմինին մէջ եղած ատեն ըրած է, բարի կամ չար: Ուրեմն՝ գիտնալով *Տիրոց Վախը*¹ կը համոզենք մարդիկը: (Բ.Կորնթացիներուն 5.10–11, շեշտադրումը՝ մեր կողմէ)²

Այդ դատարանին առջեւ պիտի չդատովինք այն մեղքերուն համար, որոնց համար զղացած ենք. անսնք արդէն իսկ ջնջուած են Յիսուսի արինով: Աստուած «Ո՛չափ արեւելքը արեւմուտքն իեռու է, այնչափ իեռացուց մեզմէ մեր յանցանքները» (Սաղմոսներու 103.12): Դարձեալ, Աստուած կ'ըսէ՝ «Ես պիտի քաւեմ իրենց անիրաւութինները, ալ պիտի չիշեմ իրենց մեղքերն ու անօրէնութինները» (Եբրայեցիներուն 8.12):

Ուրեմն ինչպէս պիտի ըլլայ մեր դատաստանը: Պիտի քննուի իբրեւ հաւատացեալներ մեր ապրած կեանքը. թէ՛ լաւը եւ թէ՛ վապը պիտի քննուի:

Մեր ներկայի նիւթին համար կարեւոր բանը այն է, որ Պողոս Տիրոջմէ վախնալը կը կապէ հաւատացեալին դատաստանին իետ: Ինչպէս նախապէս նշեցինք, վախին յունարէնը ֆ�'պոսն է, որ գործածուեցաւ նկարագրելու համար Անանիայի եւ Սափիրայի իետ պատահածին նկատմամբ եկեղեցիին հակազդեցութինը: Ասիկա մեզ կը մղէ հարցնելու կարեւոր հարցում մը. այդ գոյգին իետ պատահածը կրնայ նախապատկերը ըլլալ հաւատացեալի դատաստանին: Այդ հաւանականութինը պիտի քննենք յառաջիկայ քանի մը գլուխներուն մէշ:

Անձնականացնել

Հատուած- Որպէսզի ընթանաք (ապրիք եւ դուք ձեզ պահէք) Տիրոց արժանի կերպով՝ ամբողջութեամբ հաճելի իրեն եւ ամէն բանի մէջ զինք հաճեցնելու փափաքով, պտուղ տալով ամէն բարի գործի մէջ: (Կողոսացիներուն 1.10)²

Միտք- Զկայ բան մը, որ կրնաս ընել, որուն պատճառով Աստուած քեզ աւելի կամ պակաս պիտի սիրէ քան որքան որ իիմա կը սիրէ: Բայց դուն ես պատասխանատուն անոր թէ՛ նրքան հաճելի ես իրեն:

1 Աստուածաշունչ Հին եւ Նոր Կտակարաններու՝ Եբրայերէն եւ Յունարէն Բնագիրներէն Թարգմանուած, 2001

2 Բառացի թարգմանութին՝ անգլերէն *She Ամփիլֆայր Պայպը, Քլասիք Էպիշըն (AMPC)* տարբերակէն

Յայտնաբերուած՝ Ի՞նչպէս որ ենք

Խոկալ- Արդեօք կեանքս հաճելի՞ է Աստուծոյ: Ի՞նչպէս կրնամ գիտնալ, թէ ինչ բանը կը հաճեցնէ զինք եւ ինչ բանը՝ ոչ:

Աղօթք- Սիրելի Երկնաւոր Հայր, կը խնդրեմ, որ Խօսքին միջոցաւ եւ Սուրբ Հոգիովդ յայտնես ինձի այն ինչ որ հաճելի է քեզի եւ այն ինչ որ չէ: Տուր ինձի սիրոտ մը եւ միտք մը, որոնք ամէն բանէ աւելի կ'ուզեն Քեզ հաճեցնել եւ ուրախացնել: Ասիկա ընելով, թող զամ ճանչնալու Քու սիրտդ եւ ապրիլ այնպէս, որ պատիւ կը բերէ Քեզի: Թող իմ այս խնդրանքներս պատրաստեն զիս օր մը Քու դատաստանիդ առջեւ կենալու եւ ստանալու այն յափտենական վարձատրութիւնները, զորս կ'ուզես ինձի տալ: Յիսուսի անունով կ'աղօթեմ: Ամէն:

Դաւանութիւն- զԱստուած հաճեցնելը կեանքի մէջ թիւ մէկ առաջնահերթութիւնս է: Ան իմ մէջս կը գործէ թէ՛ կամենալը եւ թէ՛ կատարելը իր կամքը եւ իրեն հաճելի եղածը:

Աստուծոյ իետ կապուած
նշանակալի բանը այն է, Որ Երբ
Աստուծմէ կը վախնաս, ուրիշ
որեւէ բանէ չես վախնար: Մինչ
Երբ Աստուծմէ չես վախնար,
ուրիշ ամէն բանէ կը վախնաս:

– ՕԶՈՒՈԼՏ ԶԷՅՄՊԸՐՋ

12| ՎԱՐԱԿԻՉ ԿԵՂԾԱԽՈՐՈՒԹԻՒՆ

Անհրաժեշտ է յստակացնել կարեւոր կէտ մը այն զոյգին վերաբերեալ, որոնք իրենց կեանքը կորսնցուցին Առաքեալներուն Գործերը գիրքին մէջ: Հարցը Անանիայի եւ Սափիրայի արարքները չեն. անոնք պարզապէս սիրոյ նուէր տուին եկեղեցւոյ ծառայութեան ատեն: Բարեպաշտ, սուրբ եւ գեղեցիկ արարք մըն է Աստուծոյ գործին համար ֆինանսական նուէր տալը: Անոնց մեղքը անոնց շարժառիթն էր. որոշ տպաւորութիւն մը ձգելու փափաքը:

Ասիկա կը մղէ, որ հարցնենք կարեւոր հարցում մը. արդեօք միայն մեր խօսքերը եւ գործերը պիտի քննուին դատարանին առցեւ: Կամ մեր խորհուրդները եւ շարժառիթներն ալ պիտի ներառուին:

Սկսինք՝ կարդալով այն զգուշացումը, որ Յիսուս տուաւ իր աշակերտներուն.

Մինչ հազարաւոր մարդիկ սկսան Յիսուսի շուրջ խռնուիլ, այնքան որ իրար կը կոխսկոտէին, Յիսուս իր աշակերտներուն ըսաւ. «Նախ եւ առաջ զգուշացէք Փարիսեցիներուն թթխմորէն, այսինքն՝ անոնց կեղծաւորութենէն: Զկայ ծածուկ բան, որ յայտնուի եւ ոչ ալ գաղտնի բան՝ որ չգիտցուի»: (Ղուկասի 12.1-2, շեշտադրումը՝ մեր կողմէ)

Շատ բաներ ըսուած են այս երկու համարներուն մէջ: Պատկերացուր, որ Աւետարանի ծառայող մըն ես եւ քեզ լսելու կը հաւաքուի այնպիսի մնձ բազմութիւն մը, որ կարգ մը Աստուծաշունչի տարբերակներու մէջ արձանագրուած է իբրեւ «անհամար»: Ասիկա քարոզիչներուն մնձ մասին երազն է: Եւ

Յայտնաբերուած՝ Ի՞նչպէս որ ենք

սակայն ի՞նչ կ'ընէ Յիսուս: Իր խումբին չի փսփսար, ըսելու համար. «Տղաք, ես այս գործին համար եկած եմ: Մէկ կողմ կեցէք եւ ձգեցէք, որ գործ ընեմ»: Ոչ: Փոխարէնը ան կ'ընէ երեք բաներ.

Առաջին՝ Ան այդ իրականութիւնը իբրեւ կենդանի օրինակ կը գործածէ՝ աշակերտուներուն տալու համար ուսուցում մը թէ՝ ի՞նչ ընեն, որ այդ պահին ազդեցութեան կամ հակակշիռին դակ չըլլան: Ան այդ ապագայ դեկավարուներուն թէ՝ օրինակով եւ թէ՝ ուսուցումով կը զգուշացնէ կեղծաւորութեան դէմ: Անիկա յունարէն հիփիքրիսի բառն է եւ կը սահմանուի իբրեւ՝ «տալ տպաւորութիւն մը՝ որոշ նպատակներ կամ շարժադիթներ ունենալու մինչ իրականութեան մէջ ունենալ բոլորովին ուրիշ նպատակներ կամ շարժադիթներ»:

Փարիսեցիները կեղծաւորութեան մասնագէտներ էին. ցուցադրութեան եւ ծեակերպութեան համար բաներ կ'ընէին: Յիսուս կը զգուշացնէ չիյնալ այդ ծուղակին մէջ՝ միշտ մաքուր շարժադիթներ ունենալով: Այլ խօսքով, Ան կը թելադրէ, որ չարտօնենք, որ ժողովրդականութիւնը կամ մարդոց հաւանութիւնը ըլլան մեզ մղողները, այլ՝ Սուրբ Հոգիով առաջնորդուինք՝ ամուր կառչելով ճշմարտութեան թէ մեր սորվեցուցած բաներուն մէջ եւ թէ մեր ապրելու ծեփն մէջ:

Երկրորդ՝ Յիսուս կը մատնանշէ, թէ նրան արագ կեղծաւորութիւնը կրնայ տարածուիլ: Ան զանիկա կը նմանցնէ թթխմորի, որ կը տարածուի ամբողջ խմորին մէջ եւ կ'ուտեցնէ զանիկա: Յիսուսի օրինակէն կը հասկնանք, թէ՝ կեղծաւորութիւնը փոխանցիկ է, բայց անիկա թթխմորին պէս չէ, այլ՝ շատ վնասակար է մեր բարօրութեան:

Երրորդ՝ Ան կը շեշտէ, թէ կեղծաւորութիւնը ծածուկ չի մնար: Վստահաբար մէկու մը խօսքերուն կամ արարքներուն ետին եղող մտադրութիւնը վերջ ի վերջոյ կը բացայայտուի: Յիսուսի ըրած յաջորդ հաստատումը կը յայտնաբերէ, թէ ի՞նչն է, որ մեզ կը պաշտպանէ անմաքուր շարժադիթներէն.

Սիրելիներ, ծեզի կ'ըսեմ.- Մի վախնաք անոնցմէ, որոնք մարմինը կը սպաննեն եւ ապա ուրիշ բան չեն կրնար ընել: Ըսեմ, թէ որմէ պէտք է վախնաք: Վախսէք Աստուծմէ, որ ծեզ սպաննելէ ետք իշխանութիւն ունի դժոխը նետելու: Այն, կ'ըսեմ ծեզի, անկէ վախսցէք: (Ղուկասի 12.4-5)

Անգամ մը եւս Յիսուս հզօր բառեր կը գործածէ վախի վերաբերեալ: Հոս գործածուածը յունարէն ֆոպէ՛ բառն է, որ նման է ֆոպովին, զոր լուսարձակի տակ առինք նախորդ գլուխին մէջ: Ֆոպէ՛ն կը սահմանուի իբրեւ՝ «Վախսի մէջ դնել, սոսկում պատճառել,

վախցնել»: Յիսուս դժոխք նետուիլը կը կապէ սուրբ վախը անտեսելուն հետ: Ասիկա սարսափելի խորհուրդ մըն է, որ պէտք չէ թեթեւի առնուի: Դարձեալ, կը տեսնենք սուրբ վախի կարեւորութիւնը, եւ անգամ մը եւս կը հաստատուի, որ անիկա մեծարական պաշտամունք չէ միայն:

Յիսուս մեզի կ'ըսէ, որ վախնանք Աստուծմէ, ոչ մարդոցմէ: Պարզ ձեւով ըսելով, Ասպուծոյ վախը մեզ կ'ազալէ մարդոց վախէն, եւ մարդոց վախը կը գերէ մեզ՝ Ասպուծմէ վախնալու մեր կարողութիւնը վերցնելով մեր մէջէն: Վստահ եղէք, որ երբ կը վախնանք մարդոցմէ, մեր շարժառիթները կ'ազդուին: «Մարդոց վախ»ը կը նմանի «Աստուծոյ վախ»ին այն իմաստով, որ անիկա անպայմանօրէն մարդոցմէ փախուստ տալը չէ, այլ՝ ընդհակառակը անիկա ունեցողը կը ջանայ գոհ պահել մարդիկը՝ իր այդ արարքին ետին ունենալով անձնական գոհացումի, պաշտպանութեան կամ շահի մը շարժառիթը: Մարդոց վախը մեզ կը ձգէ կեղծաւորութեան թթխմորի ծուղակին մէջ: Անիկա կ'առաջնորդէ մեզ ապրելու մարդոց հաւանութեան համար:

Դարձեալ, Անանիայի եւ Սափիրայի արարքը շատ ճիշդ կամ տեղին կը թուէր ըլլալ: Սակայն անոնց շարժառիթը մղեց զանոնք, որ որոշ պատկեր մը դրսեւորեն իրենց համայնքին դիմաց, եւ ատիկա էր, որ զանոնք կործանեց: Մարդիկ կրնան ընել բաներ եւ խօսիլ խօսքեր, որոնք բարեպաշտ են, բայց առանց սուրբ վախի անոնք կրնան մեռք գործել իրենց մտադրութիւններով:

Երբ ես կը ծառայէի իմ տեղական եկեղեցիիս մէջ 1980-ականներուն, սոսկալիօրէն կապուած էի մարդոց վախով: Չէի անդրադարձած ատոր մինչեւ որ Սուրբ Հոգին բացայացտեց իմ շարժառիթներս: Այդ ատեն ես բարձր դիրք մը ունէի մեր մեծ եկեղեցիին մէջ: Միշտ ազնուութեամբ կը վարուէի անոնց հանդէա, որոնց հետ գործակցութեան մէջ էի եւ շարունակ գովասանքի խօսքեր կ'ըսէի, նոյնիսկ եթէ ըսածներս ճիշդ չէին: Չէի սիրեր խնդիրներ դիմագրաւելը, եւ կը խուսափէի անկէ ինչպէս մէկը կը խուսափի ժանտախստէն: Կը լսէի, որ իմ մասիս կ'ըսէին, թէ ամէնէն սիրալիր մարդոցմէ մէկն եմ եկեղեցիին մէջ: Ասիկա ուրախութիւն եւ գոհունակութիւն կու տար ինձի:

Օր մը աղօթքի ատեն լսեցի, որ Տերը կ'ըսէ. «Տղաս, մարդիկ կ'ըսեն, թէ դուն սիրալիր եւ ազնիս մարդ մըն ես»: Յատուկ կերպով կը յիշեմ այն ոճը, որով Աստուծած ատիկա ըսաւ ինձի սիրտիս մէջ. բնաւ չզգացի, որ կը հաստատէ ատոնց ճիշդ ըլլալը:

Ուստի զգուշաւոր կերպով ըսի. «Այո, այդպէս կ'ըսեն»:

Յայտնաբերուած՝ Ի՞նչպէս որ ենք

Ան պատասխանեց. «Գիտեմ ինչո՞ւ աղուոր ձեւով կը խօսիս Եւ գովասանքի խօսքեր կ'ըսես մարդոց նոյնիսկ որ ատոնք ճիշդ չեն»:

«Ի՞նչո՞ւ»:

«Որովհետեւ կը վախնաս, որ մերժեն քեզ: Ուստի ո՞վ է քու սիրոյդ կեղրոնք. դուն կամ իրենք: Եթէ իրապէս կը սիրես մարդիկը, ճշմարտութիւնը կը խօսիս Եւ չես ստեր, նոյնիսկ մերժումի գնով»: Ցնցուեցայ: Ամէն մարդ զիս սիրալիր մարդ կը համարէր, բայց երեւոյթին տակը գտնուող ճշմարտութիւնը բաւական տարբեր էր:

Նոյնպէս ալ, առաջին Եկեղեցւոյ անդամները շատ հաւանաբար Անանիան Եւ Սափիրան կը համարէին բարեպաշտ մարդիկ, յատկապէս, որ անոնք մեծ նուէր մը ըրին իրենց հովիւխն Եկեղեցւոյ ամբողջ համայնքին առջեւ: Բայց անոնց իրական շարժառիթները բացայացուեցան: Նոյնպէս ալ իմ շարժառիթներս ինքզինքս բարձրացնել, ինքզինքս պաշտպանել Եւ ինքզինքս վարձատրել էին: Իմ այդ վարմունքիս իրական պատմութիւնը կեղծաւորի մը պատմութիւնն էր:

Դիւրին է ընել բարեպաշտ, օգտակար գործեր մարդոց դիմաց Եւ այդ ամբողջ ընթացքին ունենալ քու օգուտիդ ծառայոդ ծածուկ շարժառիթներ: Մենք կրնանք դաշիլ մարդոց սիրտերուն աղուոր քարոզով մը, բայց ներքնապէս մեր շարժառիթը անձնասէր փառասիրութիւնը ըլլայ (տես Փիլիպպեցիներուն 1.15–16): Կրնանք մեծ նուէրներ ընել աղքատներուն, բայց ատիկա ընել առանց սիրոյ (տես Ա.Կորնթացիներուն 13.3): Կրնանք մարդիկը պաշտամունքի առաջնորդել, բայց ճանչցուած կամ հոչակաւոր ըլլալու ծածուկ մտադրութիւնը ունենալ: Կրնանք ազնի ըլլալ մարդոց հետ մեր վարմունքին մէջ, բայց ներքնապէս քննել Եւ քննադատել զանոնք: Կրնանք ցաւ արտայայտել հովիւի մը համար, որմէ խնդրուած է, որ իրաժարի իր պաշտօնէն անքարոյութիւն գործած ըլլալուն համար, բայց ներքնապէս ուրախանալ, թէ ան ստացաւ այն, ինչին որ արժանի էր: Կրնանք համեստ երեւիլ Եւ հոչակել՝ «Ամէն փառք Յիսուսին կը պատկանի», մինչ ներքնապէս սիրել մարդոց գովասանքը: Յանկը անվերջանալի է:

Ահա պարզ ճշմարտութիւնը. առաջին՝ ոչ մէկ շարժառիթ կամ մտադրութիւն կը ծածկուի Աստուծմէ, Եւ երկրորդ՝ վերջ ի վերջոյ պիտի յայտնաբերուի: Կարեւոր հարցումը հետեւեալն է. մեզմէ ծածկուած է: Տիրոջ վախը մեզ կապի մէջ կը պահէ մեր սիրտի շարժառիթներուն հետ՝ ինչ որ չափազանց կարեւոր է, քանի որ ատոր պակասը մեզ խոցելի կը դարձնէ կեղծաւորութեան խարկանքին դիմաց:

Եկեղեցւոյ անդամները բոլորը ցնցուեցան Անանիայի

դատաստանէն, բայց ոչ աւելի քան ինքը՝ Անանիա եւ ապա Սափիրա: Այդ զոյգին սուրբ վախ չունենալը կուրցուցած էր զիրենք իրենց շարժառիթներուն չարութեան նկատմամբ: Դարձեալ, պէտք է հարց տանք, թէ արդեօք անոնց պատմութիւնը նախապատկեր մըն է Քրիստոսի դատարանին առցեւ պատահելիքներուն: Յաջորդ գլուխին մէջ պիտի տեսնենք:

ԱՆՁՆԱԿԱՆԱԳՆԵԼ

Հատուած- Որովհետեւ Աստուծոյ խօսքը կենդանի է եւ ազդու, աւելի հատու՝ քան որեւէ երկայրի սուր [...] [որ] կը քննէ մտածումներն ու սրտին խորհուրդները: (Եբրայեցիներուն 4.12)

Միտք- Տիրոջ վախը մեզ կապի մէջ կը պահէ մեր սիրտի շարժառիթներուն հետ՝ ինչ որ չափազանց կարեւոր է, քանի որ ասոր պակասը մեզ խոցելի կը դարձնէ կեղծաւորութեան խարկանքին դիմաց:

Խոկալ- Ի՞նչ ձեւերով կը միտիմ ուրիշները հաճեցնել անձնական գոհացում, պաշտպանութիւն կամ շահ ապահովելու ծածուկ շարժառիթով: Արդեօք ատիկա բան մըն է, որուն կ'ուղղուիմ երբ ճնշումի տակ ըլլամ: Ի՞նչ մարզերու մէջ այդ միտումս պատճառ դարձած է, որ զիջիմ պարկեշտութենէս:

Աղօթք- Սիրելի Երկնաւոր Հայր, կը խնդրեմ, որ ներես ինձի իմ օգուտիս համար ուրիշներուն հաճելի ըլլալ ջանալու համար: Սուրբ Հոգի, կը խնդրեմ, որ բացայատես իմ կեանքիս այն բոլոր մարզերը, որոնց մէջ դիլութեամբ տեղի կու տամ այդ ճնշումին: Կը զջամ մարդիկը իմ զուարթութեան եւ ուրախութեան աղքիւս դարձնելու համար փոխանակ Յիսուսը իմ աղքիւս դարձնելը: Կը խնդրեմ, որ սիրտս լեցնես սուրբ վախով, որպէսզի շարունակ ուրիշները սիրեմ ճշմարտապէս եւ որպէսզի շանձնուիմ կեղծաւորութեան: Յիսուսի անունով կ'աղօթեմ: Ամէն:

Դաւանութիւն- Ես պիտի սիրեմ անոնք, որոնց հետ կը գործակցիմ՝ ճշմարտութիւնը խօսելով եւ իմրնիս փոխարէն իրենց օգուտը փնտոելով:

Որովհետեւ բոլորս ալ պէտք
է երեւինք եւ յայտնաբերուինք
ինչպէս որ ենք Քրիստոսի
դատարանին դիմաց:

– Բ.ԿՈՐՆԹԱՑԻՆԵՐՈՒՆ 5.10¹

1 Բառացի թարգմանութիւն՝ անգլերէն *St. Ամիլիֆայր Պայպը, Քլասիք Էփիշըն* (AMPC) տարբերակէն

13| ԵՐԵՔ ՊԱՏԿԵՐՆԵՐ

Մօտէն նայինք «յայտնաբերուինք ինչպէս որ ենք» եզրին՝ նախորդ էջին վրայ նշուած համարին մէջ: Ամէն մարդ արարած ունի երեք պատկերներ իր անձին համար. հասկցուած պատկերը, դրսեւորուած պատկերը եւ իրական պատկերը:

Հասկցուած պատկերը մեր այն պատկերն է, զոր ուրիշները կը տեսնեն: Դրսեւորուած պատկերը այն պատկերն է, որով կ'ուզենք երեւիլ մարդոց: Իրական պատկերը մեր իսկական էութիւնն է, որ կրնայ ծածկուիլ կամ չնկատուիլ ուրիշներու կողմէ, բայց ամբողջապէս տեսանելի է Աստուծոյ համար: Այդ պատկերով է, որ պիտի յայտնուինք դատարանին դիմաց:

Նկատի առ Յիսուսը: Ան սխալ հասկցուած էր, սուտ ամբաստանութիւններու ենթարկուած, գինով եւ որկրամոլ համարուած, հերետիկոս պիտակուած եւ նոյնիսկ ամբաստանուած իբրեւ դիւային մղումներով գործող մէկը: Ան մերժուած էր կրօնաւոր դեկավարներու եւ ուրիշներու կողմէ: Անոր հասկցուած պատկերը նպաստաւոր պատկեր մը չէր շատերու աչքին, յատկապէս նշանաւոր մարդոց:

Յիսուսի մօր կողմէ եղբայրները, որոնք իր վրայ կասկածներ ունէին օրին, ճնշում կը բանեցնէին վրան, որ որոշ պատկերով մը դրսեւորէր ինքզինք. «Հրէաստան գնա, որպէսզի հետեւորդներդ ալ տեսնեն քու կատարած գործերդ: Որովհետեւ ով որ կ'ուզէ հրապարակի վրայ յայտնի ըլլալ՝ գաղտնաբար չի գործեր [...] Դուն քեզ ճանչցուր աշխարհին» (Յովհաննէսի 7.3-4): Իրենք կը կառավարուէին իրենց մասին ուրիշներու կարծիքով եւ կը փորձէին

Յայտնաբերուած՝ Ի՞նչպէս որ ենք

Յիսուսն ալ նոյն գերութեան տակ դնել. մարդոց վախին:

Եւ սակայն Յիսուսի հրական պատկերը բաւական տարբեր էր շատերու հասկցած կամ ըմբռնած պատկերէն, որովհետեւ «Քրիստոս ինք՝ տեսանելի պատկերն է աներեւոյթ Աստուծոյ» (Կողոսացիներուն 1.15): Մինչ շատեր կը մերժէին զինք, Ամենակարող Աստուած լսելի ձայնով հաստատեց. «Ասիկա է իմ սիրելի Որդիս, որուն ես հաճեցայ» (Մատթէոսի 3.17): Յիսուսի հասկցուած պատկերը չէր, որ մնաց, այլ՝ Անոր հրական պատկերը:

Իր երկրաւոր առաքելութեան ընթացքին, Ան մերժեց ինքզինք ծանուցանել եւ ինքն իրեն համար համբաւ շահելու որեւէ առաջարկ: Երբ կարիքաւոր մը կը բժշկէր, յաճախ կ'ըսէր՝ «Զգոյշ եղէք, որ մարդ չիմանայ» (Մատթէոսի 9.30): Ան խուսափեցաւ ժողովրդականութիւն շահելէ, հանրածանօթ ըլլալէ եւ մարդոց գովաբանութենէն ու անոնց հաճութիւնը շահելէն (տես Ղուկասի 5.14: Յովհաննէսի 6.15: Փիլիպպէցիներուն 2.7: Եբրայեցիներուն 5.4–6 եւ Եսայի 42.2): Երբ մարդիկ կ'ուզէին զինք բարձրացնել եւ թագաւոր ընել, Ան կը հեռանար այդ վայրէն: Չունէր դիմակներ եւ Անոր մէջ չկար պատրանք կամ խարէութիւն: Ան Տիրոց վախով հրճուեցաւ (տես Եսայի 11.3, ըստ անգլերէն Նիու Ինթըրնաշընը Վըրժն (NIV) տարբերակին), ինչ որ զինք կեղրոնացած պահեց Հօր վրայ:

Մենք ալ պէտք է ըլլանք Յիսուսի պատկերը: Ազատութիւնը կը գտնուի մեր ներքին անձին մէջ ճշմարտութեան համաձայն ապրելուն մէջ՝ խուսափելով ինքզինք ծանուցանելէ: կամ ինքնապահպանումէ: Ինքզինքին վրայ կեղրոնացած վարմունքի ծագումը կը տեսնենք Աղամի եւ Եսայի մէջ: Կը կարդանք, թէ այն պահուն, որ ինկան, «Անոնց երկութին աչքերը բացուեցան, ու գիտցան թէ մերկ էին» (Ծնունդներու 3.7): Անոնց կեղրոնացումը Աստուծմէ շեղեցաւ եւ ուղղուեցաւ դէափ իրենց անձերը, որմէ ետք սկսան փորձել մեղմացնել իրենց նոր յայտնաբերուած թերութիւնները: Առաջին զոյգը փորձեց ծածկել իրենց մերկութիւնը: Մեր պարագային անիկա տարբեր ձեւով կրնայ դրսեւորուիլ, բայց արմատի հարցը տակաւին նոյնն է: Եթէ ինքզինքիս վրայ կեղրոնացած եմ, ապա պիտի փորձեմ դրսեւորել պատկեր մը, որ պիտի ծածկէ իմ յայտնի անատակութիւններս: Յիսուս իր կեանքը տուաւ մեզ ազատելու համար այդ ստրկութենէն: Պողոս գրեց. «Անշուշտ չենք համարձակիր մենք մեզ բաղդատել կամ դասել անոնց հետ՝ որոնք ծեր դիմաց իրենք գիրենք կը գովեն: Այնքան անմիտ են, որ իրենք իրենցմով կը չափեն եւ իրենք իրենց հետ կը բաղդատեն իրենց անձերը» (Բ.Կորնթացիներուն 10.12):

Եթէ մենք մեզ ենթարկենք բաղդատութեան ճնշումին, ընդգծած կ'ըլլանք մեր թերութիւնները եւ այդ պատճառով մենք մեզ կը գովենք, կը ծանուցանենք կամ մենք մեզ պաշտպանելու ջանք կ'ընենք, եւ

այդ բոլորը կը սկսին մեր շարժադիթներուն եւ մտադրութիւններուն մէջ: Այսօրուան աշխարհին մէջ մեր հասկցուած պատկերը աւելի ծանր կը կշռէ քան մեր իրական պատկերը: Պարզ ձեւվ ըսելով, մեր համբաւն է, որ պիտի փորձենք պաշտպանել: Մեր ջանքերը պիտի կեղրոնանան երեւյթներու, կարգավիճակի, տիտղոսներու, ժողովրդականութեան, ընդունելութեան, համբաւի եւ այդ ձեւի բաներու վրայ, որովհետեւ անոնք կը ծածկեն մեր թերութիւնները:

Այդ պատկերը չէ, որ պիտի բացայայտուի եւ քննուի դատաստանի ատեն. այլ՝ մեր իրական պատկերը, որ կը կեղրոնանայ մեր շարժադիթներուն եւ մտադրութիւններուն վրայ:

Ուստի դուք ալ ոեւէ մէկը մի՛ դատէք ժամանակէն առաջ, մինչեւ գայ Տէրը, որ մարդոց մութ գաղտնիքները լոյսին պիտի բերէ եւ երեւան պիտի հանէ միտքերուն մէջ ծածկուած խորհուրդները: Ահա այն ատեն իրաքանչիւրը Աստուծմէ պիտի ստանայ արժանի գովասանքը: (Ա.Կորնթացիներուն 4.5, շեշտադրումը՝ մեր կողմէ)

Շատեր կը զեղչեն այս համարը, մտածելով, որ անիկա կը խօսի անհաւատներու դատաստանին մասին: Բայց այդպէս չէ, քանի որ անհաւատները գովասանք պիտի չստանան իրենց դատաստանի ատեն: Ասիկա կրնայ միայն խօսիլ հաւատացեալներու մասին:

Երբ լսես, թէ քու «մութ գաղտնիքներ»դ եւ «ծածկուած խորհուրդներ»դ պիտի բացայայտուին ամբողջ երկինքին դիմաց, հաւանաբար առողջ վախ մը կը զգաս մէջդ: Ասիկա կրնայ պատճառներէն մէկը ըլլալ, որ Պողոս հաւատացեալներուն դատաստանը «Տիրոջ վախը» կը կոչէ ««Տիրոջ սարսափը», ըստ անգլերէն Քինկ Ճէյմզ Վըրժըն (KJV) տարբերակին- Թարգմանիչ»: Անոր իրական ըլլալուն վերաբերեալ մեր գիտակցութիւնը սուրբ վախ մը կը ստեղծէ մեր մէջ, որ իր կարգին մեզ զուսպ կամ հակալշիրի տակ կը պահէ եւ կարող կը դարձնէ մեզ ապրելու մեր իրական պատկերին համաձայն: Սակայն հակառակն ալ ճիշդ է. որքան չունենանք Տիրոջ վախը, այդքան կը յենինք մեր դրսեւորուած պատկերին վրայ:

Այդ էր այն մահացու ծուղակը, որուն մէջ ինկան Անանիան եւ Սափիրան: Անոնք աւելի հետաքրքրուած էին անով, թէ ինչպէս կը հասկցուէին իրենց մրցակիցներուն, բարեկամներուն, եկեղեցւոյ անդամներուն եւ ղեկավարներուն կողմէ:

Անոնց պատմութիւնը մեզի համար աւելի հասկնալի դարձնելու համար, զիրենք անկուսի առաջնորդող այդ ճամբորդութիւնը պատկերացնենք այնպէս որ կարծես պատահած ըլլար մեր ներկայի

Յայտնաբերուած՝ Ի՞նչպէս որ ենք

օրերուն: Եկեղեցին տակալին քանի մը ամիս միայն գոյութիւն ունէր: Առաքեալները եւ Եկեղեցւոյ անդամները բոլոր կը հետեւէին տեսնելու, թէ որո՞նք օժտուած էին դեկավարի ծիրերով եւ պիտի յայտնուէին ըլլալու դեկավարներ տարբեր մարզերու մէջ:

Այդ գոյգը շատ ուրախ էր այն օրը երբ Յիսուսը ընդունեցին եւ իրենց բոլոր մեղքերը ներուեցան: Անոնք ազդուած էին Աստուծոյ սէրէն եւ իրենց հաւատակիցներու համայնքի սէրէն:

Սակայն անոնց կերրոնացումը վերջաւորութեան շեղեցաւ: Հետաքրքրականօրէն ատիկա հաւանաբար սկսաւ երբ Աստուծու սկսաւ գործել իրենց միջոցաւ. հաւանաբար մղեց, որ նուէր տան Եկեղեցին, քաջալերեց զիրենք ծետվ մը կամ ալ պաշտամունքի խումբին մէջ սկսան ծառայել... հաւանականութիւնները անհամար են: Սկսան հաճոյք առնել այն գրիունակութեան զգացումէն, որ կ'ունենային երբ իրենց ծառայութիւնները կը ճանչցուէին: Լաւ տրամադրութիւն տուող հորմոնները (էնվորֆինզ) մեծ քանակութեամբ կը թափէին իրենց արեան շրջագայութեան մէջ՝ իրենց հետ բերելով ուրախութեան եւ գրիունակութեան զուարճալի զգացումներ:

Անոնք աւելի ճանաչում գտան համայնքին մէջ: Սակայն իրենց նոր ծեղք ծգած համբաւը պահելու համար, պէտք ունէին ծածկելու կարգ մը կասկածելի վարմունքներ՝ անվսաս թուացող խօսքերով եւ արարքներով: Թերեւս իրենք զիրենք գտան ընտանեկան բուռն անհամաձայնութեան մը մէջ, որուն յաջորդեց կոիս մը: Անոնց բարկութիւնը եւ վիճաբանութիւնները սկսան տգեղնալ եւ երկարեցան, բայց երբ ժամանակը եկաւ հաւատացեալներուն հետ համախմբութելու, անոնք ամբողջովին փոխեցին իրենց վարմունքը՝ իրենց թերութիւնը ծածկելու համար: Զոյգը չուզեց, որ իրենց բարեկամները գիտնային, թէ անհամաձայնութեան եւ կոիսի մէջ էին՝ ինչ որ պիտի սպառնար իրենց հասկցուած պատկերին, ուստի դրսեւորեցին սիրալիր եւ հոգատար վերաբերում իրարու հանդէաւ:

Ինսթակրամի եւ Թիբ՛թոքի վրայ նկարներ եւ վիպէններ կը հրապարակեն, որոնց մէջ իրարու փաթթուկ կ'ընեն, կը ժայտան եւ հաճելի ժամանակ կ'անցընեն: Անոնց տակը կը գրեն՝ «Երազային պահեր», «Կատարեալ յարաբերութիւն» կամ «Կը սիրեմ կեանքը ապրիլ իրեն հետ»: Կան շարք մը ուրիշ հրապարակումներ, որոնք ցոյց կու տան իրենց յաջող կեանքը (որ տագնապի մէջ էր), աճող գործը (որ անկումի մէջ էր), գեղեցիկ զաւակները (որոնք անհնազանդ էին, առանձնաշնորհումներ կը պահանջէին եւ անձնասէր էին) եւ այլ յաջողութիւններ: Իրենց դրսեւորած այդ պատկերը կը թուէր յաջող ըլլալ, քանի որ իրենց ընկերային

հաղորդամիջոցներու հետեւորդներուն թիւը արագօրէն կ'աճէր:

Անանիա եւ Սափիրա իրենց դրսեւրուած պատկերը պահելու ետեւէն էին: Այդ բոլորը անվաս կը թուէին ըլլալ, սակայն անոնց աստուածային վախը աստիճանաբար կը պակսէր իրաքանչիւր կերծաւորութեան արարքի հետ: Անոնք այլեւ յանցաւոր չէին զգար իրենց երկերեսութեան համար: Ամէն բան լաւ կը թուէր ըլլալ եւ բարի համբաւ կը վայելէին՝ յատկապէս իբրեւ եկեղեցւոյ ամէնէն առատաձեռն տուողները:

Օրը եկաւ երբ Բառնաբաս իր նուէրը բերաւ եկեղեցիին: Անոնց բարեկամներուն ուշադրութիւնը յանկարծ շեղեցաւ: Բառնաբաս իրենցմէ աւելին ըրեր էր, եւ իրենց հասկցուած պատկերը սպառնալիքի տակ էր: Ցաւօք սրտի, իրենց ստեղծած պատկերին վրայ իրենց դրած շեշտը արդէն բաւական յառաջ գացած էր: Եւ մնացեալը պատմութիւն է:

Այդ բոլորը անվաս եւ ներշնչիչ թուեցան բոլորին, բայց զիրենք տարին վտանգաւոր եւ կործանարար ճամբով մը: Արդեօք Սուրբ Հոգին այդ զոյգին պատմութիւնը Սուրբ Գիրքին մէջ տուաւ մեզի, որպէսզի զգուշացնէ մեզ եւ մեզի տայ ակնարկ մը, թէ որքան լուրջ պիտի ըլլայ դատաստանը: Պողոս կը գրէ.

Կարգ մը մարդոց մեղքերը ակներեւ են (բացայատ են բոլորին) եւ իրենց առջեւէն կ'երթան դէպի դատաստան[ի] [աթոռ] եւ սկիզբէն կը հոչակեն անոնց վճիռը. բայց ուրիշներու մեղքերը յետագային կ'երեւին [մեղատրին ետեւէն կը հասնին դատաստանի աթոռին առջեւ եւ հոն կ'երեւին]: (Ա.Տիմոթէոսի 5.24, շեշտադրումը՝ մեր կողմէ):¹

Անանիայի եւ Սափիրայի մեղքը բոլորին յայտնի եղաւ այդ յիշատակալից օրը: Անոնց դատաստանը սկիզբէն հոչակուեցաւ: Սակայն ինչ որ աւելի սրափեցուցիչ պէտք է ըլլայ այն է, որ մարդոց մեծ մասին մեղքերը յետոյ պիտի բացայատուին: Կը խնդրեմ, որ յիշես, որ Աստուծոյ վճիռը կը վերաբերէր անոնց գաղտնի շարժադիթին, ոչ թէ անոնց արարքին:

Ահա լաւ լուրը. կրնանք ապաշխարել մեր խաւար շարժադիթներէն, եւ Աստուած ոչ միայն պիտի ներէ, այլեւ եթէ աղաղակենք Աստուծոյ՝ սուրբ վախը ունենալու համար եւ նորոգենք մեր միտքը Սուրբ Գիրքով, կրնանք օրինուիլ մաքուր շարժադիթներով:

1 Բառացի թարգմանութիւն՝ անգլերէն *St. Ամիլիֆայր Պայպը, Քլասիք Էփիշըն (AMPC)* տարբերակէն

Անձնականացնել

Հատուած- Չկայ ծածուկ բան, որ յայտնուի եւ կամ գաղտնի բան՝ որ չգիտցուի եւ երեւան չգայ: (Ղուկասի 8.17)

Միտք- Ամէն մարդ արարած ունի երեք պատկերներ իր անձին համար. *հասկցուած* պատկերը, *դրսեւորուած* պատկերը եւ *իրական* պատկերը:

Խոկալ- Ի՞նչ պատկերի կը յարիմ: Կ'ապրիմ ճշմարտութեամբ կամ արդեօք սուտ կամ խարէական բաներ կ'ըսեմ՝ համբաւ պաշտպանելու համար: Արդեօք անկեղծ եւ ուղիղ եմ անոնց հանդէպ, որոնց հետ յարաբերութեան մէջ եմ:

Աղօթք- Կ'ապաշխարեմ հասկցուած եւ դրսեւորուած պատկերիս վրայ աւելի շեշտ դնելուս համար քան իրական պատկերիս: Ես զիջում ըրած եմ իմ պարկեշտութեանս մէջ, եւ ներողամտութիւնդ կը խնդրեմ: Մաքրէ շարժառիթներս եւ մտադրութիւններս: Թող իմ կեղրոնացումս ըլլայ Յիսուսի եւ ուրիշներու վրայ, ո՛չ իմ:

Դաւանութիւն- Ես պիտի արտօնեմ, որ Աստուծոյ Խօսքին երկսայրի սուրը բացայայտէ իմ սիրտիս խորհուրդները եւ մտադրութիւնները:

Մահուան եւ դատաստանի
վախը մեզմէ կ'ելլէ մինչ
Աստուծոյ ճշմարիտ վախը կու
գայ մեր մէջ, եւ այդ վախը չի
տանջեր, այլ՝ թեթեւ եւ դիւրին
լուծ մըն է շունչին համար. վախ
մը, որ մեզ կը հանգստացնէ
փոխանակ սպառելու:

– ԱՅՏԸՆ ՈՒԻԼՍԸՆ ԹՈԶԸՐ ԵՒ
ՀԵՐԻ ՎԵՐՓԼՈՒԿ

14 | ՅԱԻՍՏԵՆԱԿԱՆ ՈՐՈՇՈՒՄՆԵՐ

Յափառենականութեան հետ բաղդատաբար, այս ներկայի կեանքը մշուշի պէս է: Բայց եթէ աւելի ճշգրիտ պիտի ըլլանք, այս կեանքը ոչինչ է, տրուած ըլլալով, որ պարզ ուսողութիւնը (mathematics) կը հաստատէ, թէ որեւէ հունաւոր թիւ (finite number) երբ կը բաժնենք անհունութիւնով (infinity), կը ստանանք զերօ: Հետեւաբար ինխուն կամ աւելի տարին եթէ բաղդատենք յափառենականութեան հետ, ոչինչ է: Այդ ցնցիչ իրականութեան լրսին տակ, իմաստուն կ'ըլլանք եթէ պատրաստուինք յաւերժականին համար:

Դատաստանի ատեն մեզի համար Յիսուսի տուած որոշումները յափառենական են (Եբրայեցիներուն 6.1-2): Այսինքն՝ Անոր յայտարարած վճիռին մէջ որեւէ փոփոխութիւն, վերանայում կամ վերափոխում պիտի չըլլայ: Ուստի իմանականօրէն խաչին հանդէպ մեր կեցուածքը պիտի որոշէ մեր յափառենականութիւնը ուղարկելու: Սակայն իբրև հաւատացեալներ մեր ապրելու ձեւը պիտի որոշէ, թէ ինչպէս պիտի ապրինք յափառենականը:

Երկինքի վերաբերեալ շատերու գաղափարը այն է, որ անիկա անմարմին, ոչ-Փիզիքական փորձառութիւն մըն է՝ սիրոյ, խաղաղութեան եւ առանց տանջանքի վիճակի մը մէջ: Անոնք կ'ակնկալեն, որ սուրբերը ըլլան եթերային էակներ, որոնք կը ծփան ամպերու վրայ, տափող կը նուագեն եւ խաղող կ'ուտեն: Տակափին ուրիշներ երկինքը կը համարեն ձանձրացուցիչ, չդադրող պաշտամունքի ծառայութիւն մը: Այդ գաղափարները ունեցողներուն համար դժուար է խանդավառ ըլլալ այդ ձանձրացուցիչ յափառենական գոյութեամբ:

Բայց ատոնք առասպելներ են, որոնք գոյութիւն չունին

Յայտնաբերուած՝ Ի՞նչպէս որ ենք

Աստուածաշունչին մէջ: Այս կեանքի լաւագոյնը միայն շուք մըն է յափտենականին քով: Յափտենական կեանքին մէջ պիտի ըլլան համայնքներու կազմակերպում, քաղաքներու շինութիւն, ազգերու վերակացութիւն, ծիր կաթիններու հետախուզում եւ զարգացում ու անսահմանօրէն աւելի բաներ, որոնք կը համընկնին ապրելու այն ձեւին հետ, որուն համար ստեղծուած ենք: Պատասխանատուութեան դիրքեր կան, որոնք պէտք է գրաւուին Տիրոջ յափտենական քաղաքին մէջ: Ուստի Քրիստոսի դատարանը կրնաս նկատի առնել իբրեւ հարցաքննութիւն եւ արժեւորում՝ որոշելու համար յափտենական դիրքդ նոր երկինքի եւ նոր երկիրի իր մայրաքաղաքին մէջ:

Ասիկա ի մտի ունենալով, ետ երթանք քննարկելու, թէ մեր այսօրը եւ հոսը ի՞նչպէս պիտի քննուին դատաստանի ատեն.

Որովհետեւ բոլորս ալ պէտք է ներկայանանք եւ բացայատուինք ի՞նչպէս որ ենք Քրիստոսի դատարանին առջեւ, որպէսզի իրաքանչիւրս ստանայ [իր վճարումը] այս մարմինին մէջ եղած ատեն իր կատարածներուն, բարի կամ չար նկատի առնելով, թէ ի՞նչ եղած է իր նպատակը եւ շարժառիթը, եւ ի՞նչ իրագործած է, ի՞նչով գրաղած է կամ լեցուցած է իր ժամանակը եւ իր անձն ու ուշադրութիւնը ի՞նչ ընելու տրամադրած է]: (Բ.Կորնթացիներուն 5.10)¹

Իբրեւ հաւատացեալներ, մեր մեղքերը՝ որոնք մեզ դժոխքի պիտի արժանացնէին, ջնջուած են Յիսուսի արիւնով եւ յափտենապէս մոռցուած են (տես Եբրայեցիներուն 8.12): Սակայն տակախին կան չար կամ վաստ վարմունքներ, որոնց համար պէտք պիտի ունենանք հաշիւ տալու դատաստանի ատեն: Ասիկա պէտք է գրաւէ մեր ուշադրութիւնը:

Չար բառը յունարէն քարն բառն է, որ կը սահմանովի իբրեւ՝ «վաստ ըլլալու հետ առնչուած՝ վնասակար կամ կործանարար իմաստով» եւ «տեղի տալ, ետ քաշովի, նահանջել ճակատամարտի ատեն»: Այդ բառին իմաստը կապ ունի վնաս հասցնելու հետ, որոն պատճառը կրնայ ըլլալ ոչ միայն այն ինչ որ կ'ընենք, այլեւ երբ ետ կը քաշուինք կամ կը նահանջենք, կամ աւելի պարզ ձեւով ըսելով՝ երբ բան մը, որ պէտք է ընենք չենք ըներ: Հետեւաբար անիկա կը պարունակէ ոչ միայն այն ինչ որ ըրած ենք, այլեւ այն առիթները, զորս փախցուցած ենք: Սուրբ վախը մեզ զգաստ կը պահէ Շագաւորութեան պատասխանատուութիւններուն մէջ ի՞նչպէս

1 Բառացի թարգմանութիւն՝ անգլերէն *St. Ամիլիֆայր Պայպը, Քլասիք Էփիշըն (AMPC)* տարբերակէն

նաեւ որեւէ աննպաստ շարժառիթներու կամ վարմութքներու նկատմամբ, որոնք վնաս կը հասցնեն կեանքերուն անոնց, զորս Աստուած կը սիրէ:

Աստուածաշունչը յաճախ մեզ կ'անուանէ՝ «Հինողներ»: Կրնաք ատիկա հասկնալ իբրեւ ենթակապալառուներ (պայմանագիր կնքած աշխատաւորներ), որոնք կը կառուցանեն Աստուծոյ յատուկ տունը, որուն մէջ պիտի բնակի Ան յափտեան: Անոր տունը ունի անոն մը՝ *Սիոն* (տես Սաղմոսներու 132.13-14), եւ անոր նիթերը կը բաղկանան կենդանի քարերէ՝ իր բոլոր սուրբերէն (տես Ա.Պետրոսի 2.5): Յիշուաը ըլլալով պատուական անկինի քարը (տես Եսայիի 28.16):

Պողոս յստակօրէն կը նշէ մեր պարտականութիւնները. «Աստուծոյ նոր ստեղծագործութիւնն ենք մենք, քանի Քրիստոս Յիշուաի միացած ենք. ստեղծուած՝ կատարելու համար այն բարի գործերը, որոնց համար Աստուած սկիզբէն մեզ պատրաստեց, որպէսզի անոնցմով լեցնենք մեր կեանքը» (Եփեսացիներուն 2.10): Անգերէն տարբերակը կ'ըսէ, թէ՝ «պէտք է ընենք այդ գործերը»: Եթէ ետ կենանք մեր պարտականութիւններէն՝ ընտրելով ապրիլ ձեւով մը, որուն շարժառիթ ժամանակաւոր անձնասէր շահն է, ատիկա պիտի համարուի «չար» վարմունք մը:

Պողոս նաեւ կը գրէ. «Ամէն ոք զգոյշ պէտք է ըլլայ, սակայն, թէ ինչպէս կը շինէ» (Ա.Կորնթացիներուն 3.10): Յատակ է, որ մեր ինչպէս շինելը շատ կարեւոր է: Արդեօք կը շինենք Աստուծոյ յափտենական Խօսքին հիման վրայ կամ մտիկ կ'ընենք այս դարու հոգիին: Արդեօք կը շինենք Աստուծոյ Հոգինվ կամ կը ծառայենք մեր անձնասէր փափաքներուն: Պողոս կը շարունակէ, ըսելով.

Այդ հիմին վրայ շինուածը կրնայ ոսկի, արծաթ կամ թանկագին քար ըլլալ, եւ կամ կրնայ փայտ, խոտ կամ եղէգ ըլլալ: Իրաքանչիրին գործը դատաստանի օրը պիտի յայտնուի, եւ ատիկա կրակը պիտի յայտնէ, որովհետեւ իրաքանչիրին գործին որակը կրակով պիտի փորձուի: (Ա.Կորնթացիներուն 3.12-13)

Կան այլազան ձեւեր, զորս կրնանք ընտրել՝ Աստուծոյ կողմէ մեզի տրուած ժամանակը գործածելու համար: Եթէ ապրինք մեր անձնական օգուտին՝ ժամանակաւորին համար շինելով, ատիկա կրակով պիտի այրի: Եթէ ապրինք անձնուրաց կերպով՝ իր յափտենական Թագաւորութիւնը շինելու համար, ատիկա պիտի ըլլայ նիւթ մը, որ կրակէն չ'այրիր, այլ՝ կը մաքրուի անով: Մեր կեանքերը քննող կրակը պիտի ըլլայ Աստուծոյ Խօսքը, այլ խօսքով՝ թէ ինչպէս մեր շարժառիթները, խօսքերը եւ վարմունքը կը համընկնի անոր հետ:

Յայտնաբերուած՝ Ի՞նչպէս որ ենք

Պողոս կը շարունակէ, ըսելով. «Եթէ մէկուն շինածը կրակին դիմանայ՝ ենթական [շինողը, ըստ անգլերէն Նիու Լիվինկ Թրանսլյյշն (NLT) տարբերակին] պիտի վարձատրուի» (հմր 14): Եթէ մեր վարմունքը եւ աշխատանքը իմանուած են իր Խօսքին եւ մեր կեանքերուն համար իր կամքին վրայ, մեր իրագործումները պիտի մնան յափենան: Երկու բան կայ նշելու. առաջին՝ մեր իրագործումներուն մէջ կան մեր ուրիշներու կեանքերուն մէջ ունեցած ազդեցութիւնը եւ թէ մեր աստուածատուր տաղանդները ի՞նչպէս գործածեցինք իր Թագաւորութիւնը շինելու համար: Երկրորդ՝ մեր յափենական վարձատրութիւնը պիտի որոշէ իր Թագաւորութեան մէջ մեր յափենական դիրքը:

Պողոսի յաջորդ ըսածը հետաքրքրական է.

Բայց եթէ գործը այրի, շինողը մեծ կորուստ պիտի ապրի: Շինողը պիտի փրկուի: Բայց բոցավառ պատի մը մէջէն հազի՞ փախուստ տուող մէկու մը պէս: (Ա.Կորնթացիներուն 3.15, շեշտադրումը՝ մեր կողմէ)¹

Շատ բան կայ նկատի առնելիք այս համարին մէջ: Առաջին՝ կը կարդանք, թէ շինողը կը փրկուի: Ասիկա չի վերաբերիր անհաւատի մը, որ յափենապէս դատապարտուած է կրակի լիճին, այլ՝ անոր, որ յափենապէս պիտի բնակի Աստուծոյ Թագաւորութեան մէջ:

Երկրորդ՝ կորուստը մեծ է: Հոս գործածուած յունարէն բառը կրնայ նշանակել պատիժ կամ կորուստ: Ուսումնասիրողներուն մեծ մասը չի հաւատար, որ անիկա պատիժի իմաստը ունի: Նոյնպէս եւ ես: Սակայն այդ բառը կ'ենթադրէ խորունկ կորուստ: Ի մտի ունեցէք, որ այդ սաստիկ կորուստը ոչ միայն պիտի զգացուի դատաստանի ատեն, այլև պիտի ազդէ մեր յափենապէս ապրելիք կեանքին վրայ:

Երրորդ՝ կ'ըսուի, թէ ան կրակի մէջէն անցած մէկու մը պէս պիտի փրկուի: Կրնանք հետեւեալ ձեւով արդիականացնել ատիկա: Արեւուտքցիները յաճախ կը պատրաստուին հանգստեան կոչուելու համար: (Ես անձնապէս չեմ բաժնեկցիր այդ մտայնութիւնը, տրուած ըլլալով, որ հանգստեան կոչուիլը կը խօսի պատրականութենէ մը նահանջելու մասին՝ ինչ որ «չար»ի (քաքն) մէկ սահմանումն է: Սակայն մեր նիւթին յարմարելուն պատճառով պիտի տամ այդ օրինակը):

Պատկերացուր, որ մէկու մը հանգստեան կոչուած օրը, դրամատունը սնանկութիւն կը հոչակէ: Հանգստեան կոչուած անձին

1 Բառացի թարգմանութիւն՝ անգլերէն Նիու Լիվինկ Թրանսլյյշն (NLT) տարբերակէն

ամբողջ խնայողութիւնը կը կորսուի, եւ այդ մարդուն միակ ունեցածը իր գրապանին մէջի քանի մը տոլարը կ'ըլլայ: Այդ նոյն օրը Ընկերային Ապահովութիւնը եւ իր հանգստեան կոչուելուն համար հաւաքուած գումարները պահող բոլոր ընկերութիւններն ալ կը սնանկանան: Ոչ միայն այդքան, բայց հանգստեան կոչուող այդ մարդուն տունն ալ կ'այրի եւ գետնին հաւասար կ'ըլլայ, եւ ան փախուատ կու տայ իր վրայի հագուատներով միայն: Ան ամէն բան կը կորսնցնէ: Ատիկա պարագայ մըն է, որ աղէտ կը համարուի: Սակայն այդ է այն նկարագրութիւնը, զոր Պօղոս կը գործածէ բացատրելու համար, թէ կարգ մը հաւատացեալներ ինչպէս յափտենականութիւն պիտի մտնեն: Եւ ատիկա քսանիինք տարուայ համար չէ (հանգստեան կոչուելէ ետք կեանքի միջին ժամանակաշրջանը). ատիկա յափտեան է:

Դարձեալ, Պօղոս կ'ըսէ, թէ հաւատացեալը պիտի փրկուի, բայց իր բոլոր գործերը պիտի այրին եւ յափտենապէս կորսուին: Յիշէ, որ անիկա յափտենական դատաստան մըն է (որոշում մը): Կը խնդրեմ, որ սխալ չհասկնաք. փրկուիլը աննշան բան մը չէ: Անիկա անսահմանօրէն աւելի լաւ է քան կրակի լիճին մէջ յափտենապէս կորսուիլը: Բոլորս ալ պիտի ցնծանք մեր հիմա ըմբռնածէն աւելի, բայց մարդիկ պիտի ըլլան, որոնք պիտի մտածեն թէ որքան աւելի տարբեր կրնար ըլլալ իրենց վիճակը:

Զարմանալի չէ, որ Պօղոս ատկէ ետք կ'ըսէ. «Ուրեմն՝ գիտնալով *Տէրոջ վախը՝* կը համոզենք մարդիկ» (Բ.Կորնթացիներուն 5.11, շեշտադրումը՝ մեր կողմէ): Կը խնդրեմ, որ լսես սիրտիս աղաղակը. կը յուսամ, որ այդ սուրբ վախը, որոն մասին կը խօսի Պօղոս համոզէ թեզ, որ ժամանակդ չվատնես բաներու վրայ, որոնք օգուտ մը չունին, կամ զանիկա սպառես կեդրոնացած ըլլալով քու դրսեւորուած եւ հասկցուած պատկերներուտ վրայ: Կը յուսամ, որ ժամանակի պարգևել կը գործածես իր խօսքին եւ Հոգիին հնազանդելու համար:

Անձնականացնել

Հատուած- Որովհետեւ պէտք է որ բոլորս ալ ներկայանանք Քրիստոսի դատարանին առջեւ, որպէսզի իրաքանչիւրը ստանայ այն բաներուն համեմատ՝ որ իր մարմինին մէջ եղած ատեն ըրած է, բարի

1 Աստուածաշնչ Հին եւ Նոր Կտակարաններու՝ Եբրայերէն եւ Յունարէն Բնագիրներէն Թարգմանուած, 2001

Ահարկու Աստուած մը

կամ չար: Ուրեմն՝ գիտնալով Տիրոջ վախո՛ կը համոզենք մարդիկ: (Բ.Կորնթացիներուն 5.10-11)

Միտք- Խաչին հանդէա մեր կեցուածքը կ'որոշէ մեր յափտենականութիւնը ո՞ւ անցընելը: Սակայն իբրեւ հաւատացեալ մեր ապրելու ձեւը կ'որոշէ,թէ ինչպէս պիտի ապրինք յափտենականը:

Խոկալ- Արդեօք ամէն օր կը կեղրոնանամ յափտենականին համար շինելու վրայ՝ ուղիշներու կեանքերուն մէջ ճշմարտութեամբ եւ սիրով շինութիւն բերելու վրայ, կամ իմ ոյժս, եռանդս եւ ժամանակս կը տրամադրեմ ինձի համար բան մը շինելու:

Աղօթք- Սիրելի Երկնաւոր Հայր, Ներէ ինձի՝ իմ կեղրոնացումս, ուշադրութիւնս, եռանդս, ոյժս եւ ժամանակս ժամանակաւորին մէջ բաներ շինելու տրամադրելուս համար: Կը խնդրեմ, որ ինձի ցոյց տաս ինչպէս կերտել Յիսուսի Թագաւորութեան համար ամէն օր: Կը խնդրեմ, որ զօրացնես զիս, որ ազդեցութիւն բերեմ մարդոց կեանքերուն մէջ յափտենականին համար: Ծնորհակալ եմ, Յիսուսի անունով: Ամէն:

Դաւանութիւն- Ես պիտի փնտոեմ եւ օգտագործեմ յափտենական առիթներ, եւ ոչ միայն առիթներ, որոնք պիտի կորսուին այս կեանքին հետ:

ԱՆԴԻՄԱԴՐԵԼԻ ՍՐԲՈՒԹԻՒՆ

ԵՐՐՈՐԴ ՇԱԲԱՁ

Մարմնաւոր անձը կը վախնայ
մարդոցմէ, ոչ Աստուծմէ:
Զօրաւոր Քրիստոնեան
կը վախնայ Աստուծմէ, ոչ
մարդէն: Տկար Քրիստոնեան
մարդոցմէ շատ կը վախնայ,
իսկ Աստուծմէ՝ քիչ:

– ՃՈՆ ՖԼԱԻԷԼ

15| ՄԱՐԴՈՑ ՎԱԽԸ

Ճշմարիտ սրբութիւն կը նշանակէ՝ ամբողջութեամբ Աստուծոյ ըլլալ: Սրբութեան նախնական սահմանումներէն մէկը «Աստուծոյ համար զատուած կամ անջատուած ըլլալ»ն է (Տը Քոմիլիթ Ուզրոյ Մթափի Տիքշընըրի): Անոր իմաստը այնքան ընդարձակ է, որ հատորներ կրնան գրուիլ անոր մասին: Հոս միայն պիտի խօսինք կարեւոր կէտերուն մասին, տրուած ըլլալով, որ Աստուծոյ վախը անբաժանելի մէկ մասն է սրբութեան: Սակայն սկսելի առաջ, կարեւոր է, որ յստակօրէն ըսենք հետեւեալը. իսկական սրբութիւնը կապանք չէ, անիկա ճշմարիտ ազատութիւն է:

Բաւական հաւանական է, որ Անսանիայի եւ Սափիրայի դատաստանը ներածական մըն է անոր, զոր ամէն մարդ արարած պիտի դիմագրաւէ օր մը. դատաստան: Յամեցող հարցումը հետեւեալն է՝ արդեօք այդ զոյգը օրինակ մըն է անոնց, որոնք «մնձ կորհ՛ւա» պիտի ունենան երկինքի մէջ, կամ արդեօք անոնք իրենք զիրենք գտան դժոխքի մէջ:

Այս աստուածաշնչական համարը, որ կը գործածովի այդ զոյգին յախտենական դատապարտութիւնը բացատրելու համար կը գտնուի քանի մը գիրք առաջ՝ Աւետարաններուն մէջ Յիսուսի խօսքերուն մէջ. «Բայց յախտեան պիտի չներէ անոր՝ որ Սուլրը Հոգիին կը հայիոյէ» (Մարկոսի 3.29): Այդ տեսակէտին սխալ ըլլալը կը բացայացուի հայիոյութեան սահմանումին միջոցաւ, որն է՝ «խօսիլ մէկու մը դէմ այնպիսի ձեւով մը, որ կը վսասէ անոր համբաւին» (Լաու եւ Նիտա, Կրիք-Ինկլիշ Լեքզիրոն, էջ 433): Այդ զոյգը սղեց Սուլրը Հոգիին, բայց սահմանումին համաձայն, անոնք չհայիոյեցին: Ատիկա անորոշ կը դարձնէ անոնց վախճանը: Ամէն պարագայի, ոչ մէկս պէտք է նախանձի անոնց վախճանին:

Ուստի ունինք օրինակը Աստուածաշոնչէն մէկու մը, որուն մասին

գիտենք, որ Երկինքն է, բայց որոշ կորուստ մը պիտի ունենայ դատաստանի ատեն: Կը հաւատամ, որ այն, ունինք: Նիւթը սկսինք Պողոսի հետեւեալ խօսքով.

Արդեօք ըսածս այնպէս կը հնչէ, թէ կը փորձեմ մարդոց հաւանութիւնը շահիլ: Իրապէս ոչ: Իմ ուզածս Աստուծոյ հաւանութիւնն է: Արդեօք ես կը փորձեմ ժողովրդականութիւն շահիլ: Եթէ ես տակալին այդպիսի բան մը կը փորձէի ընել, Քրիստոսի ծառայ:

Ինչ զօրաւոր խօսք: Կը կորսնցնենք Քրիստոսի ծառան ըլլալու առանձնաշնորհումը Եթէ Ենթարկուինք ժողովրդականութիւն փնտոելու մղումին: Եթէ ատիկա ընենք, մենք մեզ պիտի փորձենք ներկայացնել մարդոց հաճելի պատկերի մը մէջ: Պողոս չէր ուզեր գործ ունենալ այդպիսի բանի մը հետ, մենք ալ պէտք չէ ատկէ տարբեր ըլլանք:

Պողոս բարձր մակարդակի սուրբ վախի մէջ կը քալէր: Յիշէ, որ ան էր, որ գրեց. «Գործադրեցէ՛ ձեր փրկութիւնը՝ ահով ու դողով» (Փիլիպպեցիներուն 2.12)²: Ան կեղրոնացած մնաց իր իրական պատկերին վրայ՝ այն, որ պիտի յայտնուի դատաստանին, եւ ոչ թէ իր դրսեւորուած պատկերին վրայ: Ասիկա զինք պահեց իսկական սրբութեան եւ Քրիստոսի հնազանդութեան մէջ, նոյնիսկ Երբ հանդիպեցաւ յուսախարութեան, անհաւանութեան կամ մերժումի:

Պէտք է ամէն ժամանակ մեր առջեւը պահենք հետեւեալ ճշմարտութիւնը. Կը ծառայես անոր, որմէ կը վախնաս... Եթէ կը վախնաս Աստուծմէ, պիտի հնազանդիս Անոր: Եթէ կը վախնաս մարդոցմէ, վերջաւորութեան մարդոց փափաքներուն պիտի հնազանդիս: Յաճախ աւելի կը մտահոգուինք մեր առջեւը գտնուող մարդը վիրաւորելով քան Ան, զոր ֆիզիքապէս չենք տեսներ, յատկապէս Երբ մեր այդ դիմացի անձին սէրը կամ բարեկամութիւնը կը փափաքնք: Այդ պատճառով է, որ մեզի կ'ըսուի՝ «Մարդոց վախը որոգայթի մէջ կը ձգէ» (Առակներու 29.25). Ծուղակ մը, որուն մէջ ինկան Անանիան եւ Սակիրան:

Ես միայն կրնամ պատկերացնել, թէ ինչպէս ուրիշ դեկավարներու հետ հանդիպումը քարիղ թափեց Պողոսի կրակին վրայ՝ մղելով զայն, որ գրէ հետեւեալ ճակատում Ենթադրող բառերը նոյն նամակի

1 Բառացի թարգմանութիւն՝ անգլերէն Կուլոր Նիուզ Թրանսլյշն (GNT) տարբերակէն

2 Աստուծաշունչ Հին եւ Նոր Կոտակարաններո՛ Եբրայերէն եւ Յունարէն Բնագիրներէն Թարգմանուած, 2001

շարունակութեան մէջ.

Երբ Պետրոս Անտիռը եկաւ, ես դէմ առ դէմ ճակատում մը ունեցայ իրեն հետ, որովհետեւ ան յստակօրէն սխալ էր: Հետեւեալն էր պատահածը. ատկէ առաջ՝ նախքան Յակոբոսի քովէն կարգ մը մարդոց ժամանելը, Պետրոս շարունակ ճաշի կը նստէր ոչ-հրեաներուն հետ: Բայց երբ պահպանողականներու խումբը եկաւ Երուասիէմէն, ան զգուշաւոր կերպով ետ քաշուեցաւ եւ կրցածին չափ հեռու մնաց իր ոչ-հրեայ բարեկամներէն: Այնքան կը վախնար այդ պահպանողական հրեաներու խմբակցութենէն, որ կը փորձէր թվատութեան հին օրէնքը յառաջ տանիլ: Դժբախտաբար, Անտիռի եկեղեցւոյ մնացեալ հրեաներն ալ միացան այդ կեղծաւոր վարմունքին, այնքան որ նոյնիսկ Բառնաբաս հետեւեցաւ անոնց այդ ցուցադրութեան մէջ:

Բայց երբ տեսայ, որ անոնք ուղիղ եւ կայուն ընթացք մը չէին պահեր Պատգամին սկզբունքներուն մէջ, անոնց քոլորին առջեւ ըսի Պետրոսին. «Եթէ դուն՝ հրեայ մը, ոչ-հրեայի մը պէս կ'ապրիս երբ Երուասիէմի դէտերուն աչքերուն առջեւը չես, ինչ իրաւունք ունիս ոչ-հրեաներէն պահանջելու, որ համակերպին հրեական սովորութիւններուն՝ պարզապէս լաւ տպաւորութիւն ծգելու համար Երուասիէմի հին բարեկամներուդ վրայ»: (Գաղատացիներուն 2.11–14)¹

Պետրոսը, Բառնաբասն ու միւս հրեայ հաւատացեալները կը վախնային իրենց յարգած մարդոց անհաւանութենէն: Ընդունուելու իրենց փափաքը պատճառ դարձաւ կեղծաւոր վարմունքի նախ Պետրոսի կողմէ ետքը նաեւ միւսներուն: Իրենց դրսեւորած պատկերը աւելի առաջնահերթ եղաւ քան իրենց պարկեշտութիւնը, ինչ որ պատճառ դարձաւ անսուրբ վարմունքի մը: Առակներու 29.25-ի անգլերէն ուրիշ տարբերակ մը կ'ըսէ. «Վտանգաւոր է մտահոգ ըլլալ ուրիշներու քու մասիդ ունեցած կարծիքներով» (Բառացի թարգմանութիւն՝ անգլերէն Կուլի Նիուզ Թրանսլյյուզն (GNT) տարբերակէն):

Պօղոս՝ որ պահեց իր պարկեշտութիւնը, յանդիմանեց Պետրոսը դէմ առ դէմ, նաեւ Բառնաբասը եւ միւսները, որոնք տեղի տուին իրենց բարեկամներուն ճնշումներուն: Պօղոս նշեց, որ պահպանողական հրեայ դեկավարներուն բացակայութեան, Պետրոս եւ միւսները կ'ապրէին ճշմարտութեան համաձայն՝ իրենց

1 Բառացի թարգմանութիւն՝ անգլերէն *Syri Մասէճ* (MSG) տարբերակէն

իրական պատկերով: Անոնք լիազօրուած էին ըլլալու ճշմարիտ ներկայացուցիչներ Յիսուս Քրիստոսի՝ սիրելով նորադարձ հեթանոս կամ ոչ-հրեայ հաւատացեալները եւ բարեկամանալով անոնց հետ: Բայց երբ կացութինը փոխուեցաւ, Պետրոս եւ Միաները ուզեցին դրսեւորել պատկեր մը՝ գոհ ծգելու համար իրենց ժամանակակիցները: Անոնց այդ վարմունքին հետեւանքները շինութիւն չերին, այլ՝ վնասակար էին:

Պետրոս սուրբ մըն է. ան երկինքն է: Սակայն ասիկա օրինակ մըն է այն չար կամ վնասակար շարժառիթներուն, խօսքերուն եւ արարքներուն, որոնք պիտի քննուին դատաստանի ատեն: Եթէ մենք ապրինք Յիսուսին հաճելի ըլլալը ունենալով իբրեւ մնայուն նպատակ, պիտի չիյնանք մեր մասին ուրիշներու հասկցած պատկերով կառավարուելու ծուղակին մէջ. Փոխարէնը, պիտի ապրինք ճշմարտութեան մէջ: Ասիկա կարեւոր երես մըն է ճշմարիտ սրբութեան: Ուշադրութեամբ կարդա հետեւեալը.

Աստուծոյ Խօսքը ողջ է ու կը գործէ եւ աւելի սուր է քան երկսայրի սուր մը: Անիկա կը կտրէ մինչեւ մեր ընդերքը՝ ուր մեր շոնչը եւ հոգին միացած են, մինչեւ մեր յօդերուն եւ ոսկորներուն կեդրոնը: Եւ անիկա կը դատէ խորհուրդները եւ զգացումները մեր սիրտի: Ոչ մէկ քան ամբողջ աշխարհի մէջ կրնայ ծածուկ մնալ Աստուծմէ: Ամէն քան յստակ է եւ քաց անոր առցեւ, եւ իրեն է, որ պիտի բացատրենք, թէ ինչպէս ապրեցանք: (Եբրայեցիներուն 4.12–13)¹

Ներս առի՞ր այս խօսքերը: Եթէ պարզապէս անոնց վրայէն անցար քանի որ ծանօթ էին արդէն քեզի, անգամ մը եւս կարդա զանոնք դանդաղօրէն եւ խոկա իրաքանչիր հաստատումի վրայ:

Նկատի առ, որ Աստուծոյ Խօսքը կը թափանցէ մինչեւ մեր ամէնէն խորունկ խորհուրդները եւ փափաքները: Անիկա կը բացայատէ մեր ճիշտ ով ըլլալը, եւ ոչ թէ այն պատկերը, որով կ'ուզենք դրսեւորել մենք մեզ: Եթէ մտիկ ընենք եւ հնազանդինք Աստուծոյ Խօսքին, անիկա կը պաշտպանէ մեզ ինքնախաբէութենէ, ինչպէս՝ *Տէրը մեզ չի դրեսներ խորհուրդը*, որ պատճառ կը դառնայ անքարեպաշտ կամ անսուրբ վարմունքի:

Աստուծոյ Խօսքին ուշադրութեամբ մտիկ ընելը Տիրոջ վախը վառ կը պահէ մեր սիրտին մէջ: Անիկա մեզ ամբողջութեամբ արթուն կը պահէ այն իրականութեան, թէ՝ «Զկայ արարած մը, որ Աստուծոյ

1 Բառացի թարգմանութիւն՝ անգլերէն Նիու Սենչըրի Վըրժըն (NCV) տարբերակէն

տեսողութենէն վրիպի: Անիկա պարզ ու յստակ կը տեսնէ ամէն ինչ, իրենց ամբողջ մերկութեամբ» (Եբրայեցիներուն 4.13): Հիմա աւելի լաւ կը հասկնանք, թէ ինչո՞ւ Սուրբ Հոգին կը խրատէ մեզ.

Որդեակս [Դուստրս], եթէ իմ խօսքերս ընդունիս եւ պատուիրաններս քովդ պահես, որպէսզի ականջդ իմաստութեան ուշադիր ըլլայ ու սիրտդ հանճարին բանաս, եթէ դուն խելացութիւնը քեզի կանչես եւ ձայնդ հանճարին ուղղես, եթէ զայն արծաթի պէս խնդրես, այն ատեն Տիրոց վախը պիտի հասկնաս եւ Աստուծոյ գիտութիւնը պիտի գտնես: (Առակներու 2.1-5)

Իմաստութիւն է իր խօսքը փնտոելը մեր խոր անձին մէջ. այն տեղը, ուրկէ մեր շարժառիթները եւ մտադրութիւնները կը կառավարուին: Երբ Աստուծոյ խօսքը կը տեսնենք իրեւ մեծագոյն գանձը, զոր կարելի է գտնել եւ կը հնազանդինք յայտնուածին, կը մտնենք ապահովութեան գօղին: Երբ ամենայն լրջութեամբ կը ջանանք գիտնալ իր ճամբանները այն ձեւով, որ կարծես աւելի գերադաս վարձատրութիւն չկայ, այն ատեն կը գիտնանք եւ կը հասկնանք Տիրոց վախը եւ կը խուսափինք սխալ պատկեր մը արտացոլացնելու կամ դրսեւորելու խարկանքէն: Այդ ատեն է, որ զօրացած կ'ըլլանք ապրելու պարկեշտութեամբ եւ ճշմարտութեամբ եւ ապահովաբար հաստատած կ'ըլլանք մեր ոտքերը սրբութեան ճամբուն մէջ:

Անձնականացնել

Հատուած- Երկինքի Բանակներուն Տէրը սուրբ ըրէք ձեր կեանքին մէջ: Անկէ է, որ պէտք է վախնաք: Ան է, որ ձեզ պէտք է դողացնէ: Ան ձեզ ապահով պիտի պահէ: (Եսայիի 8.13-14)¹

Միտք- Կը ծառայես անոր, որմէ կը վախնաս: Եթէ կը վախնաս Աստուծմէ, պիտի հնազանդիս Անոր: Եթէ կը վախնաս մարդոցմէ, վերջաւորութեան մարդոց փափաքներուն պիտի հնազանդիս: Եթէ ջանաս հնազանդիլ ուրիշներու փափաքներուն, չես կրնար Յիսուս Քրիստոսի ճշմարիտ ծառայ մը ըլլալ:

Խոկալ- Ինչո՞ւ աւելի ջանք կը թափեմ չնեղացնելու դիմացի անձս քան Ան, զոր ֆիզիքապէս չեմ տեսներ: Ինչո՞ւ սէր, ընդունելութիւն եւ բարեկամութիւն կը փափաքիմ մարդոցմէ աւելի քան Աստուծմէ: Ինչպէս կրնամ փոխել ատիկա:

Աղօթք- Սիրելի Երկնաւոր Հայր, կը խնդրեմ, որ ներես ինծի այն ժամանակներուն համար երբ ես մարդոց հաւանութիւնը փնտուած եմ աւելի քան Քուկդ: Յիսուս, կը զղամ մարդոց մէջ ժողովրդականութիւն փնտոելուս համար աւելի քան Քու հաւանութիւնդ: Կ'ընտրեմ ըլլալ սուրբ՝ Քեզի համար զատուած: Այս պահէն անդին Դուն են Ան, զոր պիտի փորձեմ հաճեցնել: Յիսուսի անունով: Ամէն:

Դաւանութիւն- Ես Քրիստոսի ծառայ մըն եմ: Ես Անոր հաւանութիւնը կը փնտոեմ աւելի քան ուրիշներունը:

1 Բառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

Հոն, ուր Աստուծոյ վախը կը
տիրէ սիրտին մէջ, անիկա պիտի
երեւի թէ՛ բարեգործութեան եւ թէ՛
բարեպաշտութեան ձեւով,
եւ մէկը միւսին արգելք
պիտի չըլլայ:

– ՄԱԹԻՈՒ ՀԵՆՐԻ

16| ԻՐԱԻՈՒՆՔ ՀԱՄԱՐԵԼ

Գաղատացիներուն Գիրքը գրուած է շուրջ Ք.Ե. 49 թուականին, ուստի կրնանք եզրակացնել, որ Պողոսի կողմէ Պետրոսի եւ միւս հրեայ ղեկավարներուն յանդիմանութիւնը ատկէ առաջ էր: Աւելի քան տասը տարի ետք, շուրջ Ք.Ե. 63 թուականին, Պետրոս գրեց իր առաջին նամակը: Վատահ եմ, որ այդ առճակատումը, որ ծանօթ եղաւ ամբողջ Գաղատիայի եկեղեցին, տակալին վառ էր անոր յիշողութեան մէջ երբ գրեց հետեւեալ բառերը.

Մի սահիք նորէն ձեր առաջուայ կեանքի ձեւերուն՝ ձեր ցանկութիւնները գոհացնելու համար: Այն ատեն աւելի լաւ ընել չէիք գիտեր [...] Եւյիշեցէք, որ Երկնաւոր Հայրը, որուն կ'աղօթէք աշառութիւն չ'ըներ: Ան պիտի դատէ կամ վարձատրէ ձեզ ձեր ըրածներուն համեմատ: Ուստի պէտք է ապրիք մեծարական վախով իբրեւ «Ժամանակաւոր բնակիչներ» Երկրի վրայ ձեր ունեցած ժամանակին ընթացքին: (Ա.Պետրոսի 1.14,17)¹

Յստակ է, որ Պետրոս կը գրէ հաւատացեալներու. անոնց, որոնք ուրացած են իրենք զիրենք, խաչուած են աշխարհին եւ ամբողջովին նուիրուած են հետեւելու Յիսուսի: Այդ հիմներէն դուքս որեւէ ձեփ դարձ հարազատ չէ (տես Մատթէոսի 16.24: Մարկոսի 8.34: Ղուկասի 9.23: Գաղատացիներուն 6.14): Վերասին ծնունդէն ետք աստուածային բնութիւն մը կը շինուի մեր մէջ: Այդ բնութեան յանձնուիլը կ'ազատէ մեզ մեր զգացումներուն թելադրանքներէն եւ կը զօրանանք ընելու այդ մէկը Աստուծոյ Հոգին եւ Աստուծոյ յայտնուած Խօսքին միջոցաւ (Բ.Պետրոսի 1.4):

1 Բառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

Անդիմադրելի Մրբութիւն

Առաքեալը կը զգուշացնէ մեզ, որ ետ չերթանք եւ ապրինք մեր ցանկութիւններուն համաձայն, որոնք նախապէս կը կառավարէին մեզ: Մեծագոյն մղումներէն մէկը, զոր պէտք է ուրանանք եւ խաչենք՝ ինքնապահպանութիւնն է: Անիկա հիմնական մղումն է ուրիշներու կողմէ լաւ տեսնուելու համար մենք մեզ որոշ ձեռով մը դրսեւորելու ետին. այլ խօսքով՝ մարդոց վախին: Ասիկա պատճառ դարձաւ ոչ միայն Պետրոսի Պատարակար վարմունքին, այլեւ Անանիայի, Սափիրայի, Բառնաբասի եւ ուրիշներու:

Պետրոս կը զգուշացնէ, որ մեր դատաստանը մեզի նպաստաւոր պիտի չըլլայ, ոչ այս կեանքին մէջ ոչ ալ յաջորդին, եթէ տեղի տանք այդ մղումներուն: Իսկ հակառակը, այսի վարձատրուինք Աստուծոյ փափաքներուն մօտէն կառչած մնալնուս համար: Այդ թելադրանքներուն հետ միասին ան կ'ընէ խիստ զգուշացում մը. Ասպուած աչառութիւն չ'ըներ: Մտածենք, թէ ինչ կրնար ըլլալ այդ խօսքին պատճառը:

Այդ առաքեալը հզօր առաքելութիւն մը ստացած էր Յիսուսին: Ան առաջին եկեղեցւոյ գլխաւոր ղեկավարներէն մէկն էր, սակայն տարիներ առաջ Անտիոքի մէջ եղած ատեն ինք եւ իր հրեայ ղեկավար բարեկամները ինկած էին այդ ինքնասպասարկող ծուղակին մէջ: Թերեւս Պողոսի աչք-բացող առճակատումը մղեց զինք, որ անկեղծ գնահատում մը ընէ իր սեփական շարժառիթներուն եւ արարքներուն վերաբերեալ: Հիմնականօրէն Պետրոս պէտք ունէր դիմագրաւելու իր կեղծաւորութեան ետին գտնուող «ինչո՞ւ»ն:

Թերեւս այդ առճակատումին ատեն ան մտածեց ուրիշ աստուածաշնչական ղեկավարներու, ինչպէս՝ Սաւուղ Թագաւորի եւ Դափիթ Թագաւորի, սխալ վարմունքներուն մասին: Սաւուղ անհնազանդ գտնուեցաւ երկինքէն իրեն եկած յստակ թելադրանքի մը՝ իր բանակին հաճութիւնը շահելու համար. մարդոց վախն էր պատճառը: Դափիթ շնուրթիւն գործեց եւ ապա սպաննեց այդ կնոջ ամուսինը՝ իր համբաւը փրկելու համար. մարդոց վախն էր պատճառը: Երկու ղեկավարներուն ալ սխանքը իրենց երեսին ըսուեցան եւ երկուքն ալ տարբեր տեսակի դատաստաններ բերին իրենք իրենց վրայ: Սաւուղի պարագային, ատիկա եղաւ իր թագաւորութիւնը կորսանցնելը: Դափիթի պարագային, սուրը երբեք չհեռացաւ իր տունէն: Իյնալով Աստուծոյ հաճութիւնը շահած ըլլալ կարծելու ծուղակին մէջ, երկուքն ալ զիշեցան իրենց առողջ անձնական սահմաններէն եւ հետեւաբար շեղեցան անքարեպաշտ կամ անհնազանդ վարմունքի մէջ:

Պետրոս գիտէր, թէ որքան դիլութեամբ կրնար ատիկա

պատահիլ: Ան զգուշացուց մեզ, որ խուսափինք «մեզի իրաւոնք համարելու» խորհուրդներէն, որոնց պատճառով կը կարծենք, թէ զերծ ենք դատաստանէ, ինչպէս՝ «Ես ժրաջանօրէն կ'աշխատիմ Աստուծոյ համար», «Ես շատ տուած եմ Իր Թագաւորութիւնը կերտելու համար», «Ես տարիներ անցուցած եմ բարեխօսելով, աղօթելով» կամ «Ես շատ բան իրագործած եմ իբրեւ Եկեղեցւոյ ղեկավար մը»: Անկեղծ ըլլանք, այս խարէական պատճառաբանութիւնները անվերջ են, բայց բոլորը կը յանգին անոր, թէ՝ Անցնելու ազադ իրաւոնք դրուած է ինձի: Այդ մտայնութիւնը կը լըէ սուրբ վախի գանձը:

Պետրոս սկսաւ աելի ամբողջական ձեւով հասկնալ Յիսուսի հետեւեալ խօսքին կշիռը. «Անպիտան ծառաներ ենք, ինչ որ պարտաւոր էինք ընել՝ կատարեցինք» (Ղուկասի 17.10): «Անպիտան»ին տեղ գործածուած յունարէն բառը կը սահմանուի իբրեւ՝ «յատուկ գովաբանութեան արժանի չեղող, որոշակի գովասանքի արժանի չեղող» (Լառ եւ Նիտա, Կրիք-Ինկիշ Լեքզիքոն, էջ 429): Անկախ անկէ, թէ ո՞րքան ժրաջանօրէն ծառայած ենք Աստուծոյ, բնաւ պէտք չէ իյնանք որեւէ բան մեզի իրաւոնք համարելու կեցուածքի ծուղակին մէջ: Ատիկա այն խարէական հոգեբանութիւնն է, որ դիւրութեամբ թակարդը կ'իյնացնէ բոլորս, յատկապէս ղեկավարները:

Իր նամակներուն մէջ Պետրոս իհմա արդէն կը գրէ փորձառութենէ եւ յայտնութենէ մղուած: Ան գիտէ, որ մարդոց վախի դարմանը Աստուծոյ հանդէաւ մեծարական վախի մէջ ապրիլն է: Դարձեալ, ատիկա խորունկ յարգանքի եւ ահի մասին կը խօսի: Պետրոս մեզի կու տայ բանալին, որ մեզ կը դնէ Աստուծմէ վարձատրութիւն ստանալու դիրքին մէջ, փոխանակ Ենթարկուելու մեզի նպաստաւոր չեղող դատաստանի մը:

Այդ լոյսին տակ, եթէ քննենք Յիսուսի «նեղ դրան եւ դժուար ճամբուն» ուսուցումը, մեր առջեւ պարզուած կը տեսնենք ցնցիշ իրականութիւն մը, որ կը վրիահի շատերէն:

Մտէք նեղ դռնէն, քանի կորուստի տանող դուռը լայն է եւ ճամբան՝ ընդարձակ, եւ շատեր կը մտնեն անկէ: Մինչ դէաի կեանք տանող դուռը նեղ է եւ ճամբան դժուարին, եւ քիչեր միայն կը գտնեն զայն: (Մատթէոսի 7.13-14)

Յիսուս կը խօսի նեղ դրան մասին, զոր շատեր կը հաւատան, որ յախտենական կեանքի մուտքն է՝ Յիսուսի տիրութեան միջոցաւ: Համաձայն եմ:

Անդիմադրելի Սրբութիւն

Սակայն ես յայտնաբերած եմ, որ շատերու համաձայն, «ճամբան» անհաւատին ուղին է, որ կ'առաջնորդէ կործանումի: Բայց եթէ մօտէն նայիս, պիտի տեսնես, թէ Ան հաւանաբար չի խօսիր դուռը գտնելէտ առաջ ճամբուն մասին, այլ՝ դուռէն ներս մտնելէտ եղք ճամբուն մասին: Լէոն Մորիս կը գրէ. «Մենք դուռէն կը մտնենք ամէնէն սկիզբը (այսինքն՝ կը նուիրուինք Քրիստոսին հետեւելու) եւ ատկէ ետք է, որ կ'առնենք մեր առջեւ եղող ճամբան»: Յիսուս կը խօսի մեր փրկութելն ետք Քրիստոսի մէջ մեր կեանքին մասին: Ան կ'ըսէ, թէ անհիկա դժուար է (կամ նեղ):

Արեւմտեան եկեղեցիին համար շատ ծանօթ եղող Աստուծոյ շնորհիքն նիվթ լայնցուցած է այդ ճամբան: Անիկա կը հոչակէ. «Մեր բոլոր մեղքերը՝ անցեալի, ներկայի եւ ապագայի ներուած են»: Ատիկա ճիշդ է իր պատշաճ պարունակին մէջ, բայց ներկայի քարոզներուն մէջ յաճախ կ'ըսուի, թէ այդ ճշմարտութիւնը անոր համար է, որ մենք լայն կեանքը ապրինք՝ ոչ շատ տարբեր կորսուած աշխարհէն, եւ նոյն ատեն ընկերութեան մէջ մնանք Աստուծոյ հետ: Ատիկա ճիշդ չէ, քանի որ Պետրոսի վերի գրութեան շարունակութիւնը կ'ըսէ.

Մի սահիք նորէն ձեր առաջուայ կեանքի ձեւերուն՝ ձեր ցանկութիւնները գոհացնելու համար: Այն ատեն աւելի լաւ ընել չէիք գիտեր: Բայց իհմա պէտք է սուրբ ըլլաք ամէն բանի մէջ, որ կ'ընէք, ճիշդ ինչպէս Աստուծած՝ որ ընտրեց ձեզ, սուրբ է: Քանի որ Սուրբ Գիրքերը կ'ըսեն. «Պէտք է սուրբ ըլլաք, որովհետեւ ես սուրբ եմ»: (Ա.Պետրոսի 1.14–16, շեշտադրություն՝ մեր կողմէ)¹

Սրբութիւնը «լաւ է, որ ըլլայ»յի պէս յանձնարարութիւն մը չէ, այլ՝ «պէտք է ըլլայ»յի պէս պատուէր մը: Իմաստուն կ'ըլլանք եթէ մտիկ ընենք առաջինին, բայց անմիտ կ'ըլլանք եթէ թեթեւօրէն առնենք Աստուծոյ պատուէրները: Առաւել, Պետրոս չի խօսիր Քրիստոսի մէջ մեր դիրքին մասին, այլ՝ մեր արարքներուն: Մենք պէտք է ապրինք ֆո՞պոսով (սուրբ վախով): Այդ կենցաղը ունենալու համար: Աստուծած երկու մեծ ոյժեր տուած է մեզի, որպէսզի մեզի օգնեն, որ հեռու մնանք այն փոսերէն, որոնց մէջ կրնանք իյնալ նեղ ճամբուն երկու կողմէներուն: Առաջին փոսը օրինապաշտութիւնն է, իսկ երկրորդը՝ անօրէնութիւնը:

Տարիներ առաջ եկեղեցիին մէջ շատեր օրինապաշտութեան փոսին մէջն էին: Այդ օրերուն սրբութիւնը կը կեղրոնանար մարդուն կողմէ հնարուած կենցաղային պահանջներու վրայ,

1 Բառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

որոնք աստուածաշնչական չեին: Անոնք գործերով փրկութեան սուս աւետարան մը քարոզեցին: Անիկա սոսկալի կապանք մըն էր եւ շատերուն վրդովում պատճառեց եւ ոմանց նոյնիսկ առաջնորդեց հաւատքէն հեռանալու: Մեծ յայտնութիւն մը ազատեց մեզ այդ ահաւոր փոսէն: Ասպուած բարի Ասպուած մըն է: Մեր Երկնաւոր Հօր սէրը իրական դարձաւ եւ շատերը քաշեց-հանեց օրինապաշտութեան փոսէն:

Բայց մենք ըրինք այն ինչ որ մարդ արարածները յաճախ կ'ընեն. որոշեցինք այնքան հեռու երթալ օրինապաշտութեան փոսէն, որ շեղելով գացինք դէպի հակառակ կողմը եւ ինկանք անօրէնութեան փոսին մէջ: Այդ փոսը այն ծուլակն է, որ մեզի հաւատալ կու տայ, թէ փրկուած ենք ոչ-աստուածաշնչական շնորհքով մը, որ կ'արտօնէ մեզ, որ ապրինք մնացեալ աշխարհին նման. այդ մտայնութիւնը կ'ըսէ, թէ՝ կրնանք ապրիլ մեր զգացումներէն բխող ցանկութիւններուն համաձայն փոխանակ խաչեալ կեանք մը ապրելու, որ իր զօրութիւնը կ'առնէ իր մէջը գտնուող Քրիստոսի զօրութենէն: Ատիկա սուս մըն է, որ արգելք կ'ըլլայ շատերուն, որ ապրին Աստուծոյ ներկայութիւնը, օրինութիւնը եւ զօրութիւնը:

Սրբութիւնը կապանք մը չէ, այլ՝ այն ճշմարիտ ազատութիւնն է, որ ճամբայ կը բանայ, որ վայելենք թէ զԱստուած եւ թէ այս կեանքը: Մենք կանչուած ենք ապրելու կեանք մը, որ արժանի է Անոր, որ փրկեց մեզ: Տիրոջ վախով է, որ կը քալենք անոր մէջ, եւ այդ ճշմարտութեան մասին աւելի պիտի խօսինք յաջորդ քանի մը գլուխներուն մէջ:

Անձնականացնել

Հատուած- Հոն պողոտայ ու ճամբայ պիտի ըլլայ, եւ ան Սրբութեան պողոտայ պիտի կոչուի: Անկէ անմաքուր մէկը պիտի չանցնի, հապա ան միայն անոնց համար պիտի ըլլայ. այդ ճամբայէն գացողները-մինչեւ անգամ յիմարները- պիտի չմոլորին: (Եսայիհ 35.8)

Միտք- Աստուծոյ սէրը մեզ կը պաշտպանէ օրինապաշտութեան փոսէն: Իսկ միւս կողմէ Տիրոջ վախը կը պաշտպանէ մեզ անօրէնութեան փոսէն: Սուրբ վախը կը զօրացնէ զիս մնալու ճշմարիտ սրբութեան մայրութիւն վրայ:

Խոկալ- Ինչ ձեւերով կ'անտեսեմ սուրբ վախը եւ կը հանդուրժեմ անսուրբ վարմունք իմ կեանքիս մէջ: Թագաւորութեան մէջ իմ

Անդիմադրելի Մրբութիւն

ծառայութիւնս ինչ ձեւով արտօնութիւն տուած է ինծի անտեսելու Աստուծոյ նման սուրբ ըլլալու պատուէրը: Եւ ինչ իրաւոնքի զգացում պատճառ դարձած է, որ սխալիմ եւ իյնամ անօրէնութեան փոսին մէջ:

Աղօթք- Սիրելի Տէր, ներէ ինծի Քու Շագաւորութեանդ մէջ ծառայելուս պատճառով Աստուծոյ դատաստանէն զերծ ըլլալ ենթադրելուս համար: Կը զղօամ եւ մտիկ պիտի ընեմ Քեզի պէս սուրբ ըլլալու պատուէրին: Կ'ընտրեմ ընդունիլ ինծի հանդէպ Քու սէրդ ինչպէս նաեւ Քեզի հանդէպ սուրբ վախը: Երկուքը ընտրելով, Քու Խօսքդ կը խոստանայ, որ պիտի մնամ կեանքի առաջնորդող մայրուղիին վրայ: Յիսուսի անունով: Ամէն:

Դաւանութիւն- Ես կ'ընտրեմ ըլլալ սուրբ ինչպէս Աստուած սուրբ է:

Զաւակներ, Աստուծմէ վախցէք.
այլ խօսքով, սուրբ ահ ունեցէք
ձեր միտքին մէջ,
որպէսզի խուսափիք
անկէ, որ չար է, եւ անշեղ
հետաքրքրութիւն՝ ընդունելու
եւ ընելու այն ինչ որ բարի է:

– ՈՒԻԼԻԱՄ ՓԵՆ

17 | ՀԵՌԱՑԻՌ ՉԱՐԷԼ

Տիրոջ վախը պարգեւ մըն է մեր սիրող Երկնային Հօրմէն, որ կը պաշտպանէ մեզ Յիսուսէն բաժնուելէն: Ան է աղբիւրը յափտենական կեանքի, սիրոյ, ուրախութեան, խաղաղութեան, բարութեան, յոյսի եւ անոր բոլոր սքանչելիքներուն: Իրմէ հեռանալ կը նշանակէ՝ մօտենալ դէպի մահ, խաւար եւ վերջաւորութեան յափտենական գերեզման: Մեզի կ'ըսուի. «Տիրոջ վախով մարդ չարութենէն կը հեռանայ» (Առակներու 16.6):

Պատմեմ ձեզի, թէ այդ ճշմարտութիւնը ե՞րբ իրական դարձաւ ինձի համար: 1980-ականներու վերջերը հեռատեսիի վրայ հոչակատր աւետարանիցի մը փստածութիւնը լայնօրէն իրապարակուեցաւ: Ան աշխարհի ամէնէն հանրածանօթ անձերէն մէկը դարձաւ, եւ սխալ պատճառներով: Այդ ատեն անոր առաքելութիւնը ամէնէն մեծն էր աշխարհի մէջ, թէ՝ հասողութեամբ եւ թէ ֆինանսներով, բայց անոր մեծ համբաւը աւելի ընդարձակեցաւ երբ ամէն գլխաւոր լրատուամիջոց օրական դրութեամբ սկսաւ հաղորդել անոր ոճիրներուն պատմութիւնը, դատավարութիւնը, վճիռը եւ վերջաւորութեան անոր բանտարկութիւնը:

Ան դատապարտուեցաւ քառասունինգ տարի բանտարկութեան, որ յետագային պակսեցուեցաւ հինգ տարուայ: 1994-ին՝ իր բանտարկութեան չորրորդ տարին, օգնականս ստացաւ անակնկալ հեռածայն մը: Հակառակ անոր որ ես անծանօթ մըն էի այդ նախսկին աւետարանիչին համար, մէկը իրեն տուած էր իմ առաջին գիրքս՝ Յաղթանակ Անապատին մէջ վերնագիրով (զոր յետագային փոխեցինք Ասպուած, Ո՞ւ Ես Դունի): Ան զանիկա կարդացած էր բանտին մէջ եւ խորապէս ազդուած: Ան իր օգնականէն խնդրած էր,

որ հետս կապուէր եւ հարցնէր եթէ կ'ուզէի այցելութիւն տալ իրեն:

Գացի եւ բնաւ չեմ մոռնար մեր հանդիպումը: Ան այցելուներու սրահ մտաւ իր բանտի տարազով: Մօտեցաւ ինձի, ձեռքերը մեկնեց եւ խոշոր փաթթուկ մը տուաւ ինձի, որ շուրջ մէկ վայրկեան տեւեց: Ապա ան բռնեց զիս իմ ուսերէս, արցունքու աչքերով նայեցաւ աչքերուս մէջ եւ անկեղծօրէն հարցուց. «Դ՞ո՞ւ գրեցիր գիրքը կամ քու թելադրութեամբդ ուրիշ մէկը գրեց»:

Պատասխանեցի. «Ես գրեցի զանիկա: Ես տառապանք կրած եմ, բայց ոչ այնքան որքան դուն կրած ես»:

Ապա ան ըսաւ. «Շատ խօսելիք ունինք եւ միայն ինխուն վայրկեան»: Ես տակափն քիչ մը կը քաշուէի, քանի որ առաջին անգամն էր, որ կը հանդիպէի իրեն հետ: Այդ մարդուն մասին այնքան զրպարտութիւն եւ վարկաբեկիչ բաներ լսած էի, որ անկեղծօրէն չէի գիտեր, թէ ճիշդ որո՞ւ հետ կը խօսիմ: Բայց երբ նստանք, ան իր առաջին իսկ խօսքէն զինաթափ ըրաւ զիս: Աչքերուս մէջ նայելով, ըսաւ. «Ճո՞ն, այս բանտը Աստուծոյ դատաստանը չէր իմ կեանքիս համար. Անոր գուրքն էր: Եթէ ես շարունակէի քալել այն ճամբով, որով կ'ընթանայի, վերջաւորութիւնս դժոխքը պիտի ըլլար յափտեան»:

Այդ խօսքով ան իմ լման ուշադրութիւնս գրաւեց: Պատմեց, թէ ո՞րքան չարութիւն ըրած էր ինք եւ ո՞րքան մեծ էր Աստուծոյ ազատագրութիւնը իր կեանքին մէջ: Շուտով անդրադարձայ, որ կը խօսէի անկեղծ, կոտրուած եւ ճմլուած սիրտով Աստուծոյ մարդու մը հետ: Ան պատմեց նաեւ, թէ Աստուծած ինչպէս ազատած էր զինք խաւարէն իր բանտարկութեան առաջին տարին:

Ըսաւ, թէ ամէն օր ժամեր կ'անցնէր՝ առանձին եւ խումբի մը հետ, Աստուածաշունչ կարդալով եւ աղօթելով: Խանդավառօրէն պատմեց իրենց բանտի եկեղեցիին եւ իրենց հովիլին մասին, որ իրենց պէս բանտարկեալ մըն էր: Մտածելով, որ ինք աւելի ատակ էր այդ ծառայութիւնը յանձն առնելու համար, հարցուցի, թէ ինք ինչո՞ւ հովուութիւն չէր ըներ: Ան բացատրեց, թէ որեւէ ղեկավարութեան պաշտօն չէր ուզեր առնել մինչեւ որ իր փոխակերպումը ամբողջական ըլլար: Ըսաւ. «Ճո՞ն, ես վարպետ խարող մըն եմ եւ չեմ ուզեր առիթ տալ, որ այդ յատկանիշս մէջտեղ ելլէ նորէն»:

Անոր այդ խօսքին ճիշդ ըլլալը փաստուեցաւ մէկ տարի ետք երբ բանտէն ելլելէն ետք ան միացաւ միսիննարական կազմակերպութեան մը, որ կը գործէր Լոս Անճելըս քաղաքի կերպոնին մէջ: Ան կը ծառայէր ճամբաներուն մէջ՝ հոգ տանելով անտուններուն: Կը սիրէր ատիկա ընել, քանի որ փողոցի մարդիկը երկրին մէջ այն քիչերէն էին, որոնք չին գիտեր իր ով ըլլալը:

Շուրջ քսան վայրկեան զինք մտիկ ընելէ ետք, բաւարար հանգիստ զգացի հարցումներ հարցնելու իրեն: Սկսայ ամենէն կարեւորէն, որ կրնայի մտածել. «Երբ դադրեցար Յիսուսը սիրելէն»:

Ես այդ հարցումը հարցուցի, քանի որ իր ծառայութեան սկիզբը Յիսուսի սէրը կը ճառագայթէր իրմէ: Անոր կրակը եւ բուռն սէրը յայտնի էին բոլոր անոնց, որոնք կը լսէին իր քարոզները: Կ'ուզէի գիտնալ, թէ երբ իր սէրը պաղեցաւ եւ աւելին՝ թէ ինչո՞ւ պաղեցաւ:

Աչքերու մէջ նայելով, մնձ անկերծութեամբ ըսաւ. «Ես բնաւ չդադրեցար Յիսուսը սիրելէն»:

Տնցուեցայ եւ քիչ մը զայրացայ իր այդ խօսքէն: *Ինչպէս կը համարձակի այդպիսի բան մը ըսել, մտածեցի, եւ անմիջապէս հակադարձեցի.* «Ինչ կ'ըսես: Դուն շնուրին գործեցիր զեղծարարութիւններդ մէջտեղ ելլելէն եւ բանտ դրուելէդ եօթը տարի առաջ: Ինչպէս կրնաս ինծի ըսել, թէ կը սիրէիր Յիսուսը այդ եօթը տարիներուն ընթացքին»:

Առանց աչքերը աչքերէս շեղելու, հանդարտորէն ըսաւ. «Ճոն, ես այդ լման ժամանակը կը սիրէի Յիսուսը»:

Շփոթս բացայայտ էր: Ան կանգ առաւ եւ ապա ըսաւ. «Ճոն, ես Աստուծոյ վախը չունէի»: Անգամ մը եւս կանգ առաւ եւ ապա աւելի յստակօրէն պարզեց. «Ես կը սիրէի Յիսուսը, բայց Աստուծոյ վախը չունէի»:

Ամիսու մնացի, եւ անկերծօրէն, ահի մէջ էի անոր այդ ըսածին պատճառով: Շուրջ 15 երկվայրկեան լրութիւն տիրեց մեր միջեւ, եւ այդ լման ատենը միտքս կ'աշխատէր: Ապա ան ըսաւ բան մը, որ տակալին կ'արձագանգէ էութեանս մէջ. «Ճոն, միլիոնաւոր ամերիկացիներ կան ճիշդ ինծի պէս. կը սիրեն Յիսուսը, բայց Աստուծոյ վախը չունին»:

Կարծես Աստուած խօսեցաւ իր շրջունքներուն մէջէն: Բազմաթիւ հարցումներ յանկարծ պատասխանուեցան այդ հաստատումով: Տնցուած էի եւ չէի գիտեր ինչ ընել, եւ մեծագոյն յայտնութիւնը եղաւ այն, որ իր պատմութիւնը պարզեց մեր երկրին մէջ բազմաթիւ մարդոց հաւատքէն նահանջելու արմատական պատճառը: Եւ դժբախտաբար, այն ատեն ընթացքի մէջ եղող հաւատուրացութեան այդ ալիքը աւելի եւս մեծցած է ներկայիս:

Աստուածաշունչը շատ յստակօրէն կ'ըսէ, թէ զԱստուած մտերմօրէն ճանչնալու մեկնակէտը Տիրոջ վախն է: Առանց անոր, մենք կ'ունենանք կեղծ յարաբերութիւն մը շինծու Յիսուսի մը հետ. ան, որ փառքի Տէրը չէ: Կը հաւատանք անիրական փրկիչի մը: Ես այդ ճշմարտութեան մասին խորունկ կերպով պիտի խօսիմ այս գիրքին մէջ յետագային: Բայց նախ փաստեր ներկայացնեամ՝ երկու արագ օրինակներով:

Մինչ կը գրեմ այս գիրքը, տակաւին այս շաբաթ լսեցի սրտաճմիկ լուրը Երիտասարդուիի մը, զոր մանկութենէն ի վեր կը ճանչնամ: ան հաւատացեալ ընտանիքի մը մէջ հասակ նետած է եւ կը դաւանէր Քրիստոսի հետեւորդ ըլլալը, բայց կ'ապրի անառակ կեանք մը՝ իր տարեկից Երիտասարդներուն քով «դիմուն» ըլլալու համբաւը ունենալով: Վերջերս ան իր հնսթակրամի էջին վրայ հրապարակեց, թէ Յիսուս իր ձեռքը բռնած էր իր վիժում ընելու ընթացքին: Ինչ Յիսուսի մասին կը խօսի ան:

Ուրիշ Երիտասարդուիի մը, որ ամուսնացած էր բարեպաշտ տղամարդու մը հետ Երեսիս ըսաւ, որ Յիսուս իրեն խոստացած էր հոգ տանիլ եթէ որոշէր ամուսնալուծովիլ իր ամուսինէն: Ան ամուսնալուծուեցաւ եւ իր ետին կործանում ծգեց իր ամուսինին, ազտիկներուն, ընտանիքին եւ ընկերներուն կեանքերուն մէջ: Ամուսնալուծման անոր պատճառը խայտառակութիւն մը չէր. ան պարզապէս այլեւս չէր սիրեր իր ամուսինը: Չկային բռնաբարում, անբարոյութիւն, նիփական խնդիրներ. այս բոլորը ինք անձամբ ըսաւ: Իրականութեան մէջ ըսաւ, որ ամուսինը ազնի, հոգատար ամուսին մը եւ հայր մըն էր: Ինչ Յիսուսի մասին կը խօսէր ան:

Ասոնք պարզապէս Երկուքն ալ այն անհամար օրինակներէն են, որ կրնամ տալ մարդոց մասին, որոնք կը դաւանին Յիսուսը, բայց կ'ապրին այնպիսի ծեւով մը, որ հակառակը կը խօսի:

Ինչպէս է, որ այդ Երկուքը եւ շատ ուրիշներ այդքան խարուած են: Կը հաւատամ, որ սուրբ վախի բացակայութիւնն է:

Սիրելի բարեկամներս, դուք միշտ հնազանդ էիք Աստուծոյ Երբ ես ծեր հետ էի: Հիմա որ ձեզմէ հեռու եմ, աւելի կարեւոր է, որ հնազանդ ըլլաք: Շարունակեցէք աշխատիլ ծեր փրկութեան համար ահով ու դողով: (Փիլիպպեցիներուն 2.12)¹

Պողոս չգրեց, թէ պէտք է մեր փրկութեան մէջ աճինք սիրով եւ քաղցրութեամբ: Շատեր պիտի հաստատին, թէ այդ Երկու Երիտասարդուիիներն ալ սիրալիր եւ քաղցր էին: Անոնք պիտի հաստատին անոնց տարիներ շարունակ եկեղեցի յաճախելը եւ Յիսուսի նույիրումի դաւանութիւնը: Բայց անոնք ինչպէս կրցան իրենց գլուխն ի վար սուզուիլ այդպիսի անօրէն վարմունքներու մէջ: Անոնցմէ կը բացակայէր այն ինչ որ այդ հոչակաւոր աւետարանիչէն կը բացակայէր: Տիրոջ վախով է, որ մենք կը հեռանանք չարէն, ոչ թէ

1 Բառացի թարգմանութիւն՝ անգլերէն Նիու Սենչըրի Վըրժըն (NCV) տարբերակէն

Աստուծոյ սիրով: Աստուծոյ սէրը մեզ դէպի իրեն կը քաշէ. Աստուծոյ վախը մեզ հեռու կը պահէ չարէն, որ կը ջանայ կործանել մեզ:

Անձնականացնել

Հատուած- Տէրոջը վախը՝ չարութիւնը ատելն է. Ես կ'ատեմ ամբարտաւանութիւնը, խրոխտութիւնը, չար ընթացքը, նաեւ նենգաւոր բերանը: (Առակներու 8.13)

Միտք- Տիրոջ վախը պարզեւ մըն է մեր սիրող Երկնային Հօրմէն, որ կը պաշտպանէ մեզ իրմէ բաժնուելէն: Այն պահուն, որ հանդուրժողութիւն կը ցուցաբերենք մեղքին նկատմամբ, փոխանակ ատելութիւն ունենալու, այն պահն է, որ կը սկսինք Անկէ հեռանալը:

Խոկալ- Հաւատքէն նահանջելը չի պատահիր այն պահուն երբ անձ մը ինքզինք անկողինին մէջ կը գտնէ ուրիշի մը հետ, որուն հետ ամուսնական ուխտ չունի: Անիկա չ'սկսիր այն պահուն երբ անձ մը կը սկսի դրամ շորթել իր գործատէրէն: Անիկա կը սկսի ատկէ շատ առաջ երբ կը սկսինք հանդուրժել այն բաները, որոնցմէ մեզ ազատելու համար Յիսուս իր կեանքը տուալ: Ինչն է, զոր կը հանդուրժեմ, որմէ զիս ազատելու համար Յիսուս մեռալ:

Աղօթք- Սիրելի Տէր, կը խնդրեմ, որ ներես ինձի մեղքը հանդուրժելու համար ոչ միայն իմ կեանքիս մէջ, այլեւ այն հաւատացեաներուն, որոնց հետ յարաբերութեան մէջ եմ: Ներէ ինձի, որ անոնց հետ մեղմութեամբ եւ սիրով լեցուն սիրտով չեմ խօսած, որպէսզի չշարունակեն քալել սիսալ ճամբու մը մէջ: Կը զղամ այդ հանդուրժողութեանս համար: Շնորհակալ եմ ինձի ներելուդ համար: Յիսուսի անունով: Ամէն:

Դաւանութիւն- Ես պիտի սիրեմ մարդիկը, որովհետեւ Աստուած կը սիրէ մարդիկը: Պիտի ատեմ մեղքը, որ կը կործանէ սիրած անձերս:

Պահէ՛ քայլերս քու
արահետներուդ մէջ,
որպէսզի ոտքերս չսահին:

– ՍԱՂՄՈՍՆԵՐՈՒ 17.5

18 |

ԵՐԿԱՅՆԱԿԵՑՈՒԹԻՒՆ

1994 տարուան ընթացքին ունեցած երկու նշանակալից փորձառութիւններէս ետք՝ եկեղեցւոյ խորհրդաժողովը, ուր Աստուծոյ վախին մասին պատգամս սրբագրեց հովիլ եւ հեռատեսիլի հանրածանօթ աւետարանիչին տուած բանտի այցելութիւնս, մէջ բուռն փափաք մը արթնցաւ հասկնալու սուրբ վախը եւ անոր մէջ աճելու: Երկու դէպքերն ալ ունէին նոյնանման պատգամներ, բայց երկու տարբեր տեսանկիւններէ:

Այդ եկեղեցին, որ ամէնէն մեծ եւ ազդեցիկ եկեղեցին էր շրջանին մէջ, այլեւս գոյութիւն չունի: Եւ անոր հովիլ, որ Նոր Կտակարանի հաւատացեալներուն կը սորվեցնէր, թէ այսոք չունէին վախնալու Աստուծմէ, այլեւս ծառայութեան մէջ չէ: Այն ծառայողը, որուն հետ հանդիպում ունեցայ բանտին մէջ, կորսնցուց իր հսկայ առաքելութիւնը, բայց սուրբ վախը յայտնաբերելէն եւ զանիկա ընդրունելէն ի վեր մնացած է Աստուծոյ եւ մարդոց հաւատարմօրէն ծառայելու ընթացքի մը մէջ: Ան ներկայիս ունի ուրիշ ծառայութեան կազմակերպութիւն մը, որ ազդեցութիւն կը բերէ շատերու կեանքերուն մէջ:

Այդ երկու իրարմէ անջատ պատահարները ցոյց կու տան, թէ Տիրոց վախը նրքան կարեւոր է՝ խուսափելու համար մեզ ծուղակը իյնացնել ջանացող Չարէն, որ կրնայ կարճեցնել իբրեւ Քրիստոսի ազդու դեսպաններ մեր պաշտօնավարութիւնը: Նիւթան կրնանք ամփոփել մէկ բառի մէջ. երկայնակեցութիւն: Վերջերս յարգուած հովի մը ինծի հետ բաժնեկցեցաւ իր ունեցած մէկ գորոյցը Աստուծաշունչի համալսարանի դասախոսի մը հետ, որ ընդարձակ կերպով ուսումնասիրած էր Աստուծաշունչին մէջ այն անհատները, զորս Աստուծ

կանչած էր եւ յանձնաբերած: Ան յայտնաբերած էր, որ ընտրուած պատգամաբերներուն 75 տոկոսին ազդութիւնը ընդհատուած էր որոշ ժամանակ մը ետք եւ անոնցմէ շատերը լաւ կերպով չէին աւարտած իրենց կեանքը: Մեր ներկայի օրերուն տեղի ունեցող ծառայութեան ողբերգութիւններուն եւ այդ դասախոսին ուսումնասիրութեան արդինքներուն լոյսին տակ, երկայնակեցութիւնը մարտահրաւիր մըն է, զոր բոլորս ալ պէտք է աւելի լուրջի առնենք:

1990-ականներու վերջաւորութեան երկայնակեցութեան մէջ սուրբ վախի կարեւորութիւնը անգամ մը ես հաստատուեցաւ ուրիշ նշանակալից փորձառութեամբ մը եւ անկէ յառաջ եկած յայտնութեամբ: Կը ծառայէի Քուալա Լամփուրի մէջ, Մալիզիա: Տասը ծառայութիւններէն վերջինն էր, եւ վայրը խոնուած էր հաւատացեալներու մեծ բազմութեամբ մը, որոնք եկած էին երկրին բոլոր կողմերէն: Պատգամը աւարտելիս ետք շատեր ընդառաջեցին ծառայութեան նուիրուելու կանչին: Խիստ բազմութիւն մը կեցած էր լայն բեմին առջեւ՝ սպասելով աղօթքի:

Ես սկսայ բեմի աստիճաններէն վար իշնել երբ յանկարծ Աստուծոյ ներկայութիւնը եկաւ սրահին մէջ շօշափելի եւ նշանակալից ծեւով մը: Անիկա յատկանշուեցաւ Աստուծոյ սիրով եւ երջանկութեամբ: Իմ առջեւս կեցած մարդիկը սկսան ժպտալ, որ շուտով վերածուեցաւ խնդութի, եւ այդ երջանկութիւնը արագօրէն տարածուեցաւ մինչեւ որ առջեւ եկողներուն բոլորը այդ ազդեցութեան տակ եղան: Այնպէս կը թուէր, թէ Աբրա Հայրը ուզեց թարմացնել իր զաւակները: Երկար ժամանակ չառաւ, որ հասկնամ, թէ ես պէտք չունէի բան մը ընելու, ուստի նստայ բեմին ծայրը եւ ուրախութեամբ կը դիտէի հնչպէս Աստուծ կը զօրացնէր եւ կ'օրինէր իր զաւակները:

Հինգէն եօթը վայրկեան ետք Անոր գեղեցիկ ներկայութիւնը վերցուեցաւ եւ հանդարտութիւն մը տիրեց մթնոլորտին մէջ: Բոլորս ալ լուս էինք եւ կը վայելէինք սրահին մէջ տիրող նշանակալից խաղաղութիւնը: Սակայն քանի մը վայրկեան ետք Աստուծոյ ներկայութիւնը ինքափնք յայտնեց տարբեր ծեւով մը, որուն նմանը կը յիշեմ, որ ունեցած էինք Պրազիի մէջ: Ուժքի ելայ՝ փոփոխութիւն մը տեսնելու ակնկալութեամբ: Այդ ներկայութիւնը աւելի եւ աւելի զօրացաւ. հով չէր փշեր այս անգամ, բայց Անոր իշխանութիւնը եւ հրաշալիութիւնը բացայատօրէն իրական էին: Անոնք, որոնք քանի մը վայրկեան առաջ կը խնդային, յանկարծ միեւնոյն ատեն սկսան աղաղակել եւ լալ, ոմանք՝ շատ սաստիկ կերպով:

Ներկայութիւնը աւելի զօրացաւ եւ լալը աւելի շատցաւ: Կարծես այդ լուս ասիացիները կը մկրտուէին Աստուծոյ կրակով: Դարձեալ,

կարեի չէ նկարագրել այդ ներկայութեան դրսեւորումը եւ ատիկա ալ չէ նպատակս այդ սուրբ պահը բաժնեկցելու, այլ՝ կարեւորը Անոր ներկայութեան հոյակապութիւնն էր: Անիկա զօրացաւ այնքան, որ սկսայ մտածել, որ այլեւս պիտի չդիմանայինք:

Այդ հանդիպումին ընթացքին ես քաջատեղեակ եղայ մեր շունչին եւ հոգիին տարբերութեան: Աստուածաշունչը կ'ըսէ, թէ՛ Աստուծոյ Խօսքը «կը թափանցէ մարդու շունչին ու հոգիին մէջ» (Եբրայեցիներուն 4.12): Միտքս (շունչ) կը մտածէր՝ Ասկէ աւելի չեմ կրնար դանիլ: Ասպուած, ասիկա շար շար է... եւ սակայն սիրտս (հոգիս) կ'աղաղակէր՝ Ասպուած, հաճիս մի՛ վերցներ ներկայութիւնդ, կը խնդրեմ, որ չդադրիս:

Անգամ մը եւս մտածեցի. Ճոն Պըվիր, մէկ սիսալ քայլ, մէկ սիսալ բառ, կը մեռնիս: Ինչպէս Պրազիլի պարագային, վստահ չեմ կրնար ըսել, որ այդպիսի բան կրնար պատահիլ, բայց գիտէի, որ անպատկառութիւն պիտի չհանդուրժուէր այդ մթնոլորտին մէջ:

Անոր հրաշալի ներկայութեան ամբողջ դրսեւորումը տեւեց երեք կամ չորս վայրկեան եւ ապա վերցուեցաւ: Երբ վերցուեցաւ, առանց որեւէ ցուցմունք ստանալու, ներկաները անգամ մը եւս միակամօրէն լոեցին: Ես լուր մնացի քանի մը վայրկեան Աստուծոյ ներկայութենէն ետք տիրող այդ հանդարտութեան եւ խաղաղութեան մէջ:

Երբ դուրս կու գայինք այդ վայրէն, մթնոլորտը հանդիսաւոր, լուր եւ ակնածու էր: Կանգ առի խօսելու տղամարդու մը եւ իր կնոջ հետ, որոնք Հնդկաստանէն էին եւ մեծապէս ազդուած էին Աստուծոյ ներկայութենէն: Պարզապէս իրարու նայեցանք հիացմունքի եւ լուրթեան մէջ քանի մը երկվայրկեան, որմէ ետք կինը մեղմօրէն ըսաւ. «Ճոն, ներսս շատ մաքուր կը զգամ»: Ամուսինը գլուխը շարժեց հաւանութեամբ:

Երբ ան այդ բառերը ըսաւ, սիրտս տեղին ցատկեց: Վերջապէս մէկը ճշգրտօրէն նկարագրեց այն ինչ որ զգացած էի Պրազիլի մէջ եւ հիմա՝ Մալիզիայի մէջ: Զգացումներս զսպելով, պատասխանեցի. «Ես ալ»: Այլեւս չխօսեցանք, բայց անոր այդ խօսքը շարունակեց մէջս արձագանգել ամբողջ գիշերը:

Յաջորդ առողու պանդոկի սենեակս էի եւ կը պատրաստուէի պասքէթաղի խաղալու երթալու եկեղեցւոյ եւ Աստուածաշունչի դպրոցի անձնակազմին մէջ ծառայող երիտասարդներուն հետ: Յանկարծ լոեցի, որ Սուլբ Հոգին ինծի ըսաւ. «Տղան, Սաղմոն 19-ը կարդա»:

Բացի Աստուածաշունչս, գտայ այդ հատուածը եւ սկսայ կարդալ: Երբ հասայ 9-րդ համարը, կարդացի.

Տիրոջ վախը մաքուր է, յափառեան կը գոյապենէ: (Սաղմոսներու 19.9, շեշտադրումը՝ մեր կողմէ)¹

Պոռացի սենեակիս մէջ. «Ա’յս է: Ահա հոս գրուած է»: Ահ մը տիրեց վրաս: Ճիշդ ատիկա էր, որ այդ կինը ըսած էր ինծի նախորդ օրը: Աննկարագրելի մաքրութիւն մը կար, խորունկ անբծութիւն մը, որ զգացինք մեր շունչին մէջ:

Ապա «յափառեան կը գոյատենէ» բառերը ցատկեցին եջէն դուրս: Սուրբ Հոգին անմիջապէս խօսեցաւ սիրտիս, ըսելով.

Տղաս, Արուսեակը պաշտամունք կը ղեկավարէր ճիշդ Իմ գահիս առջեւ, եւ ան երկինքի ամբողջ բանակը կ’առաջնորդէր, քանի որ օծուած էր ապիկա ընելու: Ան մօրիկ էր ինծի, կը դեսնէր Իմ փառքս, բայց Իմ վախս չունէր: Հերեւաբար ան չգոյապենց Իմ գահիս առջեւ յափառեան: (Տես Եղեկիէլի 28.13-17)

Հրեշտակներուն մէկ երրորդը, որ կը դեսնէր Իմ փառքս, Արուսեակի կողմը անցաւ: Անոնք Իմ վախս չունէին իրենց մէջ, ուստի չգոյապենցին Իմ ներկայութեանս մէջ յափառեան: (Տես Յայզնութիւնը 12.4,7)

Ադամ եւ Եւա Իմ ներկայութեանս փառքին մէջ քալեցին օրուան զով ապենը: Անոնք Իմ վախս չունէին, ուստի չգոյապենցին Եղեսի պարզէզին մէջ յափառեան:

Տղաս, ամէն սկենծուած արարած՝ որ յափառենապէս պիտի ըլլայ Իմ գահիս շուրջը, անցած պիտի ըլլայ Տիրոջ վախի սուրբ քննութենէն: (Տես Ծնունդներու 3.8)

Աչքերս բացուեցան այդ ճշմարտութեան: Ակսայ մտածել այն բոլոր հովիւներուն մասին, որոնց ծառայութեան ազդեցութիւնը դադրած է կամ որոնք իրենց ծառայութիւնը կամ կեանքը լաւ կերպով չեն աւարտած: Շատերը սկսան բուռն փափաքով, մեծապէս սիրեցին Յիսուսը, հնազանդեցան եւ զոհուեցան՝ Աստուծոյ ժողովուրդին ծառայելու համար, բայց սպառեցան, մարդոց վրայ իրենց վստահութիւնը կորսնցուցին եւ շատերը ձգեցին ծառայութիւնը. չդիմացան:

Ուրիշներ տակաւին ծառայութեան մէջ էին, բայց անիկա կը գործածէին իբրեւ շահի միջոց եւ զանազան ուրիշ անձնասէր նպատակներով: Ուրիշներ սեռային յափշտակիչներ դարձան՝ իրենց ղեկավարութեան ոիկը գործածելով անմեղ կիներ ծուլակը ձգելու համար: Ուրիշներ դարձան խորհրդականներ եւ սկսան

1 Բառացի թարգմանութիւն՝ անգլերէն Նիու Թինկ ճէյմզ Վըրժըն (NKJV) տարբերակէն

գանձել մեծ գումարներ՝ հմտութեամբ պատրաստելու համար խարեւայական պատգամներ իովիներու համար, որոնք կ'ուզէին իրենց հետեւորդներուն խարելով համոզել, որ մեծ գումարներ նուիրեն: Ուրիշներ սկսան ստել Աստուծմէ Եկած մարգարէական խօսքերու վերաբերեալ՝ անձնական տեղեկութիւններ ծեռք ձգելու ձեւեր գտնելով այն անձերուն մասին, որոնց սկզբունքով կը ծառայեն, եւ ապա այդ տեղեկութիւններուն հիման վրայ հոչակումներ ընելով՝ իբրեւ թէ Աստուծոյ կողմէ յայտնուած ըլլային անոնք: Փոտած վարմունքի ցանկը գրեթէ անվերջանալի է:

Ի՞նչպէս է, որ անոնք, որոնք այդքան մաքուր կը սկսին այդքան կ'ապականին: Ի՞նչո՞ւ համար չունին ազդուութեան Երկայնակեցութիւն: Սուրբ վախի բացակայութիւնն է: Այն ինչով, որ Յիսուս կը իրճուէր պարզի կ'առնուի կամ կը մերժուի, ինչպէս Միացեալ Նահանգներու հարաւարեւելի այդ հովիին պարագային: Այն ինչ որ Աստուած «Իր գանձը» կը կոչէ, անոնք անոր հակառակին ճիշդ ըլլալով կը համոզեն իրենք զիրենք եւ ուրիշները: Բայց տեսէք Աստուած ինչ կ'ըսէ սուրբ վախի եւ Երկայնակեցութեան մասին.

Ո՞րքան երջանիկ են անոնք, որոնք կը վախնան Տիրոջմէ [...] Անոնց բարի գործերը յափուեան պիտի մնան: Այդպիսի մարդիկը [...] Երկար ատեն պիտի յիշուին: (Սաղմոսներու 112.1,3,6)¹

Պէտք չունինք ողբերգութիւններ ապրելու, որպէսզի գիտնանք, թէ ո՞րքան կարեւոր է սուրբ վախը: Կը խնդրեմ՝ Աստուծոյ փառքին եւ քու Երկայնակեցութեանդ սիրոյն, սուրբ վախը քու գանձդ ըրէ:

Անձնականացնել

Հատուած- Տիրոջ սէրը յափուեան կը մնայ անոնց հետ, որոնք կը վախնան իրմէ: (Սաղմոսներու 103.17)²

Միտք- Միայն Աստուծմէ վախցողները յափուեանապէս պիտի ըլլան Աստուծոյ գահին շուրջը:

Խոկալ- Լաւ ապրելու մէկ բաժինը լաւ վերջացնելն է: Տիրոջ վախը յափուեան կը մնայ: Ի՞նչպէս կրնամ սուրբ վախը ամրակ մը դարձնել

1 Բառացի թարգմանութիւն՝ անգլերէն Նիու Լիվինկ Թրանսլյյշն (NLT) տարբերակէն

2 Բառացի թարգմանութիւն՝ անգլերէն Նիու Լիվինկ Թրանսլյյշն (NLT) տարբերակէն

Անդիմադրելի Մրբութիւն

կեանքիս մէջ: Ինչ գործնական ձեւերով կրնամ սուրբ վախը իբրեւ զտիչ գործածել բոլոր ըսածներուս եւ ըրածներուս համար:

Աղօթք- Սիրելի Երկնաւոր Հայր, Խօսքդ կ'ըսէ, թէ Դուն կարող ես զիս պահելու, որպէսզի չիյնամ, եւ զիս մեծ ուրախութեամբ Քու փառաւոր ներկայութեանդ մէջ այսու բերես՝ առանց մէկ թերութեան: Գիտեմ, որ Տիրոջս՝ Յիսուսի փրկագործութեամբ եւ սուրբ վախը ունենալով է, որ կրնամ ունենալ այդ յափտենական յարաբերութիւնը: Կը խնդրեմ, որ սուրբ վախը միշտ բնակի մէջս, որպէսզի յափտենապէս ապրիմ Քու ներկայութեանդ մէջ: Ասիկա կը խնդրեմ Յիսուսի անունով: Ամէն:

Դաւանութիւն- Սուրբ վախով պիտի ապրիմ Տիրոջ տան մէջ, իր ներկայութեան մէջ, յափտեան:

Եթէ չիրճուիս այն
իրականութեամբ, որ Հայրդ
սուրբ, սուրբ, սուրբ է, ապա
ուրեմն հոգեւորապէս մեռած
ես: Կրնաս Եկեղեցիի անդամ մը
ըլլալ: Կրնաս Քրիստոնէական
դպրոց մը յաճախած ըլլալ: Բայց
Եթէ շունչիդ մէջ իրճուանք չկայ
Աստուծոյ սրբութեան համար,
չես ճանչնար զԱստուած: Չես
սիրեր զԱստուած: Աստուծոյ
հետ կապ չունիս: Քնացած ես
Անոր նկարագիրին նկատմամբ:

– ՈՌՊԸՐՁ ԶԱՐԼՋ ՍՓՐՈԸԼ

19 | ՄԱՔՐԵԼ ՄԵՐ ԱՆՁԵՐԸ

Տիրոջ վախը մաքուր է, յափառեան կը գոյափենէ (Սաղմոսներու 19.9, շեշտադրումը՝ մեր կողմէ): Սաղմոսողը կը նշէ սուրբ վախսի երկու նշանակալից պտուղներ, զորս պէտք չէ շրջանցենք կամ թեթևութեամբ առնենք. մաքրութիւն եւ երկայնակեցութիւն: Խօսինք առաջինին մասին, իսկ երկրորդը պիտի ծգենք յաջորդ գլուխներէն մէկուն: Պողոս կը գրէ.

Հետեւաբար, սիրելիներ, այս խոստումները ունենալով, եկէք մաքրենք մենք մեզ ամէն մարմնական եւ հոգեկան պղծութենէ՝ կատարելագործելով մեր սրբութիւնը Աստուծոյ վախով: (Բ.Կորնթացիներուն 7.1, շեշտադրումը՝ մեր կողմէ)²

Հոս կը տեսնենք նոյն այն ճշմարտութիւնը, զոր սաղմոսողը կը հաղորդէ, սակայն աւելի խորունկ կերպով: Նախ կ'ուզեմ մատնանշել, թէ սրբութիւնը իր հասունութեան կը հասնի Տիրոջ վախսին միջոցաւ, եւ ոչ՝ Աստուծոյ սիրոյն: Ցիշեցնեմ այն հիշակալոր աւետարանիչին մասին, որ անբարեպաշտ կեանք մը կ'ապրէր մինչ կը սիրէր Յիսուսը: Մէյ մը, որ ան ճանչցաւ սուրբ վախը, ինքզինք մաքրեց եւ շարունակեց ընթացքը՝ ազատ իր նախկին անմաքրութիւններէն: Աստիկա զինք առաջնորդեց Յիսուսի հետ աւելի հարազատ կամ իսկական յարաբերութեան մը, որ ատկէ առաջ բնաւ չէր ունեցած: Անոր փորձառաբար սորվածը կը տեսնենք Աստուածաշունչին մէջ:

1 Բառացի թարգմանութիւն՝ անգլերէն Նիու Թինկ ճյմզ Վըրժըն (NKJV) տարբերակէն

2 Բառացի թարգմանութիւն՝ անգլերէն Նիու Թինկ ճյմզ Վըրժըն (NKJV) տարբերակէն

Ինչպէս ասկէ առաջ ըսինք, սրբութիւնը ամէնէն շատ խօսուած նիւթերէն մէկը չէ այս օրերուս: Շատերու համար անիկա տիաճ է, որովհետեւ զուարճալի չէ եւ արգելքներ կը դնէ մարդուն կեանքին մէջ: Անոր կը նային կամ իբրեւ օրինապաշտական կապանք մը կամ ալ իբրեւ արժանիք մը, որ ազնուական է, բայց անհասանելի: Սի. Հս. Լուիս այդ տղիտութեան մասին հետեւեալը գրեց. «Ո՞րքան քիչ բան գիտեն այն մարդիկը, որոնք կը կարծեն, թէ սրբութիւնը ձանձրացուցիչ բան մըն է: Երբ մարդ իրականին կը հանդիպի... անիկա անդիմադրելի է»: Ուստի դուն քեզ պատրաստէ անդիմադրելիին համար մինչ կը սուզուինք նիւթին մէջ:

Ինչպէս ասկէ առաջ ըսի, սրբութեան հիմնական սահմանումը «Աստուծոյ համար զատուիլը կամ անջատուիլ»ն է, եւ ատիկա վստահաբար կը պարունակէ մաքրութիւնը: Պատկերացուր հարս մը: Ան ինքզինք կ'անջատէ կամ կը զատէ իր ամուսինին համար՝ մերժելով փափաքիլ ուրիշ մը կամ գործ ունենալ ուրիշի մը հետ: Ասիկա սրբութեան մաքրութեան երեսն է: Ասով հանդերձ Պողոս մեզի կը թելադրէ, որ մաքրենք մենք մեզ: Ան չ'ըսեր. «Յիսուսի արինը պիտի մաքրէ մեզ»: Հետեւեալ կէտը յստակացնեմ. Յիսուսի արինը իրապէս կը մաքրէ մեզ ամէն մեղքէ. սակայն շփոթի կը մատնուինք երբ արդարութեան գործը կը խառնենք սրբութեան գործին հետ:

Երբ ապաշխարեցինք եւ Յիսուս Քրիստոսը իբրեւ մեր Տէրը ընդունեցինք, մեր մեղքերը ներուեցան եւ ամբողջովքամբ մաքրուեցանք: Աստուած մեր մեղքերը թաղեց մոռացութեան ծովուն մէջ: Ան չի յիշեր զանոնք: Այդ գործը ամբողջացած է, կատարեալ է եւ կարելի չէ անելի բարելաւել: Մենք բան մը չըրինք այդ հոյակապ իրականութեան արժանի ըլլալու համար. անիկա նուէր մըն էր Աստուծմէ: Այդ է արդարացման գործը:

Բայց այն պահուն, որ մենք արդարացում ստացանք, սրբագործման (սրբութեան) ընթացքը սկսաւ: Այդ ատեն է, որ մեր ներսը կատարուած գործը դուրսը կը գործադրուի. մեր նոր բնութիւնը արտաքին իրականութիւն մը կը դառնայ (կամ երեւելի կը դառնայ) մեր ապրած ձեւին միջոցաւ: Ճիշդ այդ մասին է, որ կը խօսի Պողոս երբ կ'ըսէ.

Գործադրեցէք ձեր փրկութիւնը՝ ահով ու դողով. որովհետեւ Աստուած է, որ ձեր մէջ կը ներգործէ թէ կամենալը եւ թէ ընելը՝ իր բարեհաճութեան համաձայն: (Փիլիպպեցիներուն 2.12–13, 2Եշտադրումը՝ մեր կողմէ)¹

1 Աստուածաշունչ Հին եւ Նոր Կտակարաններու՝ Եբրայերէն եւ Յունարէն Բնագիրներէն Թարգմանուած, 2001

Յստակօրէն անիկա Աստուծոյ շնորհքին գործն է, բայց պէտք է համագործակցինք այն զօրութեան հետ, որ Ան կու տայ թէ՛ կամենալու եւ թէ՛ ընելու: Ճիշդ ինչպէս ահն ու դողը Պրազիի ժողովուրդը դրաւ Աստուծոյ ներկայութեան մէջ մտնելու եւ Անկէ ստանալու դիրքին մէջ, նոյնպէս ալ սուրբ վախը եւ դողը կայծ կու տան եւ կը դիրքաւրեն մեզ, որ զօրանանք Իր շնորհքով՝ հնազանդութեան համար:

Արեւմտեան Եկեղեցիին մէջ մեծ թիւով ուսուցիչներու սխալը այն է, որ կը հոչակեն թէ՛ սրբութեան գործը նոյնն է ինչպէս արդարութեան գործը: Այլ խօսքով՝ մենք պէտք չունինք բան մը ընելու, Յիսուս ամէն բան ըրաւ: Ուստի առարկութիւնը այն է, թէ՛ նոյնիսկ որ մենք կը շարունակենք ապրիլ աշխարհին ոչ տարբեր ծետով մը՝ մեր զանազան կիրքերով կառավարուելով, մենք սուրբ ենք, որովհետեւ Յիսուս մեր սրբութիւնն է: Ինչ որ աւելի խրթին կը դարձնէ հարցը այն է, որ իրապէս կան աստուածաշնչական հատուածներ Նոր Կտակարանին մէջ, որոնք կը թուին նեցուկ կանգնիլ անոնց թեզին: Սակայն անոնց սխալը կը բխի անկէ, որ իրարու հետ կը խառնեն մեր դիրքային սրբութիւնը եւ մեր վարմունքային սրբութիւնը: Բացատրեմ:

Դիրքային սրբութիւնը մեզի համար Յիսուսի շնորհի է միայն եւ կը խօսի Քրիստոսի մէջ մեր դիրքին մասին: Անիկա Քրիստոսի կատարած արդարութեան գործի օրինութիւններէն մէկն է. «Նոյնիսկ նախքան որ աշխարհը ստեղծէր, Աստուած սիրեց մեզ եւ ընտրեց մեզ Քրիստոսով, որպէսզի սուրբ ըլլանք եւ առանց թերութեան իր աչքին» (Եփեսացիներուն 1.4, շեշտադրումը՝ մեր կողմէ)¹: Մենք երբեք չէնք կրնար աշխատանքով շահիլ այդ դիրքը: Դարձեալ Պողոս կը գրէ. «Քրիստոս մեզ հաշտեցուց Աստուծոյ հետ. ան մեզ մաքուր եւ սուրբ ըրաւ եւ ազատեց մեզ մեղքէն» (Ա.Կորնթացիներուն 1.30)²:

2 Հոկտեմբեր 1982-ին Լիսա Թուքանոն եւ ես ամուսնական ուխտ մը կնքեցինք, եւ ան դարձաւ Լիսա Պըվիր: Այդ օրը ան ստանձնեց իմ կինս ըլլալու դիրքը: Ան այսօր աւելի իմ կինս չէ քան այն օրը որ ամուսնացայ իրեն հետ. ոչ ալ ան աւելի իմ կինս պիտի ըլլայ ասկէ քառասուն տարի ետք: Դիրքի առումով, ան ամբողջովին իմ կինս եղաւ այդ պսակի օրը. գործը ամբողջացաւ այդ օրը: Նոյնպէս ալ, Քրիստոսով մենք սուրբ եւ մաքուր եղանք մեր փրկութեան օրը, եւ մենք տակաւին աւելի սուրբ պիտի չըլլանք բնաւ:

Բայց երբ Լիսան իմ կինս եղաւ, անոր վարմունքը սկսաւ համապատասխանել իր դիրքին: Նախքան որ ան իմ կինս ըլլայ, ան

1 Բառացի թարգմանութիւն՝ անգլերէն Նիու Լիվինկ Թրանսլյյշն (NLT) տարբերակէն

2 Բառացի թարգմանութիւն՝ անգլերէն Նիու Լիվինկ Թրանսլյյշն (NLT) տարբերակէն

դուրս կ'ելլէր տղաներու հետ, հեռաձայնի թիվը կու տար անոնց, իր ցանկութիւններուն համար կ'ապրէր եւ կ'ընէր այն բոլոր բաները, որ միւս չամուսնացած աղջիկները կ'ընէին: Բայց ամուսնանալին ետք, ան այլեւս այդ բաները չ'ըներ: Անոր արարքները սկսան համապատասխանել մեր միասին ըրած ուխտին: Ժամանակի ընթացքին այդ վարմունքը հասունալով՝ աւելի եւս համապատասխանած է մեր ուխտին: Տես Պետրոս Առաքեալ ինչ կը գրէ:

[Ապրեցէք] [Աստուծոյ] հնազանդութեան զաւակներու պէս.
մի՛ փոխակերպուիք այն չար ցանկութիւններուն համաձայն
[որոնք կը կառավարէին ձեզ] ձեր նախկին տգիտութեան մէջ
[երբ տեղեակ չէիք Աւետարանի պահանջներէն]: Բայց ինչպէս
Ան, որ կանչեց ձեզ սուրբ է, դուք ալ սուրբ եղէք ձեր բոլոր
վարմունքներուն եւ ապրելակերպին մէջ: Որովհետեւ գրուած
է՝ Սուրբ Եղիշ, քանի որ ես սուրբ եմ: (Ա.Պետրոսի 1.14–16,
շեշտադրումը՝ մեր կողմէ)¹

Նկատի առ, որ Պետրոս չի խօսիր մեր դիրքային սրբութեան մասին, այլ՝ կը խօսի մեր վարմունքային սրբութեան մասին, որ ճիշդ այն է, որոն կ'ակնարկէ: Պօղոս երբ մեզի կ'ըսէ մաքրենք մեր անձերը ամէն պղծութենէ: Այդ է սրբագրոծման գործնթացը, ոչ թէ արդարացած ըլլալու ձրի դիրքային պարգենը:

Կան ուրիշ հատուածներ Նոր Կտակարանին մէջ, որոնք կը խօսին վարմունքային սրբութեան մասին: Պատասխանը «Այո» է: Ցանկը շատ երկար է եւ չենք կրնար բոլորը նշել, բայց մէկ հատ եւս նշեմ.

Աստուծոյ կամքը՝ ձեր սրբացումն է, որ ետ կենաք պոռնկութենէ, ու ձեզմէ իւրաքանչիւրը գիտնայ իր անօթին տիրանալ սրբութեամբ եւ պատիւով. ոչ թէ ցանկութեան կիրքով, ինչպէս հեթանոսները՝ որ չեն ճանչնար Աստուծ: (Ա.Թեսաղոնիկեցիներուն 4.3–5, շեշտադրումը՝ մեր կողմէ)²

Վերջերս, Կիրակի առաւտեան ծառայութենէ մը ետք մարդ մը ինձի ըսաւ. «Ես ամուրի Քրիստոնեայ մըն եմ: Կը պառկիմ կիներու հետ, քանի որ անկարելի է ամուրի կեանքը ապրիլ: Կը դադրիմ քանի մը

1 Բառացի թարգմանութիւն՝ անգլերէն *St. Ամիկիֆայր Պայպը, Քլասիք Էպիշըն (AMPC)* տարբերակէն

2 Աստուծաշունչ Հին եւ Նոր Կտակարաններու՝ Եբրայերէն եւ Յունարէն Բնագիրներէն թարգմանուած, 2001

ամիս, բայց յետոյ կը վերադառնամ նոյն սովորութեան: Բայց ատիկա չէ այն գլխաւոր հարցը, որուն մասին եկած եմ խօսելու: Գլխաւոր հարցում է՝ ինչո՞ւ այդքան խնդիրներ կը դիմագրաւեմ գործիս մէջ»:

Ցնցուեցայ: Արդեօք շնորհիքի վերաբերեալ մեր անհաւասարակշռուած պատգամները մարդիկը հասցուցած են այն համոզումին, թէ՝ պիտի բնակին Աստուծոյ ներկայութեան եւ օրինութիւններուն մէջ մինչ կ'ապրին բացայայտ մեղքի մէջ: Եկեղեցիի մը կիներու խորիրդաժողովի մը ընթացքին կատարուած հարցում-պատասխանի պահի մը ընթացքին կին մը հարցուց կնոջս. «Ես իրավէս կը սիրեմ ամուսինս, բայց ան շատ կը ճամբորդէ եւ ես շարունակ ուրիշ տղամարդոց հետ կը պառկիմ: Ինչ պէտք է ընեմ: Պէտք է ըսեմ իրեն»:

Այդ երկուքը կը հաւատան, թէ իրենք յարաբերութեան մէջ են Յիսուսի հետ, բայց արդեօք ատիկա այն Յիսուսն է, որ Աստուծոյ աջին նստած է կամ շինծու Յիսուս մըն է: Այդ օրինակները պարզապէս ծայրն են սաոցալերան: Ես նոյնանման հանդիպումներ կամ զրոյցներ ունեցած եմ ուրիշ շատերու հետ: Արդեօք սուրբ կեանք մը ապրելու կոչը այնքան լոեցուցած ենք, որ ամէն յանցաւորի զգացնիմ ալ լրած է: Եւ սակայն Պողոս կը գրէ. «Ով որ սրբութեան այս պատուէրը կ'արհամարհէ՝ մարդ մը անարգած չ'ըլլար, այլ՝ նոյնինքն զԱստուած, որ իր Սուրբ Հոգին կու տայ մեզի» (Ա.Թեսաղոնիկեցիներուն 4.8):

Միտքդ պահէ, որ կայ սրբութեան անդիմադրելի երեսը, եւ մենք ատիկա յստակօրէն պիտի տեսնենք մինչ կը շարունակենք հետապնդել զանիկա:

Անձնականացնել

Հատուած- Ով որ կ'ըսէ՝ «Ես կը ճանչնամ զայն», բայց անոր պատուիրանները չի կատարեր, սուտ կը խօսի եւ իր մէջ ճշմարտութիւն չկայ: (Ա.Յովիաննէսի 2.4)

Միտք- Սրբագործութիւնը այն է երբ մեր ներսը կատարուած գործը դուրս կը գործադրուի. մեր նոր բնութիւնը արտաքին իրականութիւն մը կը դառնայ (կամ երեւելի կը դառնայ) մեր ապրած ձեւին միջոցաւ:

Անդիմադրելի Մրբութիւն

Խոկալ- Մրբութիւնը Աստուծոյ շնորհքին մէկ գործն է, բայց պէտք է գործակցիմ այն զօրութեան հետ, որ Ան կու տայ թէ՛ կամենալու եւ թէ՛ կատարելու այն ինչ որ Ան կը փափաքի ինծի համար: Կը հաւատամ ատոր: Արդեօք անտեսամծ եմ այդ ճշմարտութիւնը եւ սուրբ կեանք մը ապրելու Անոր պատուէրը որովհետեւ դիրքային սրբութիւնը կը շփոթեմ վարմունքային սրբութեան հետ: Կամ արտօնած եմ, որ անցեալի ձախորդութիւնները յաղթեն իմ մէջս զօրութիւն ներգործելու Աստուծոյ կատարելիք գործին հանդէպ հաւատքիս: Ի՞նչպէս կրնամ վերադառնալ առաջուան հաւատքիս, որպէսզի անիկա իրականութիւն մը դառնայ կեանքիս մէջ:

Աղօթք- Սիրելի Երկնաւոր Հայր, կը խնդրեմ, որ գործադրես մէջս քու հաճութեանդ համաձայն թէ՛ կամենալը եւ թէ՛ կատարելը: Կը փափաքիմ արտաքնապէս ապրիլ այն ինչ որ դուն արդէն կատարած ես ինծի համար ներքնապէս: Յիսուսի անունով: Ամէն:

Դաւանութիւն- Ես կը գործադրեմ փրկութիւնս սուրբ վախով եւ որորվ:

Ուղիղ ճամբայ մը
պատրաստեցէք ձեր ոտքերուն
համար [...] Եւ աշխատեցէք
ապրիլ սուրբ կեանք մը:

– ԵԲՐԱՅԵՑԻՆԵՐՈՒՆ 12.13–14¹

1 Բառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

20 | ԻՆՉ ԲԱՆԻ ՀԵՏԱՄՈՒՏ ԸԼԼԱԼ

Սրբութիւնը ինքնանպատակ չէ: Այլ՝ անիկա անցումի ճամբայ մըն է դեահ աւելի կարեւորը: Հիմա խօսինք անոր անդիմադրելի երեսին մասին՝ նկատի առնելով Վերը՝ այս գլուխին սկիզբը, նշուած համարին մէկ ուրիշ թարգմանութիւնը.

Հետամուտ եղէք [...] սրբութեան՝ առանց որուն ոչ մէկը պիտի տեսնէ Տէրը: (Եբրայեցիներուն 12.14)¹

«Հետամուտ ըլլալ» եզրը յունարէնի մէջ դիրքո բառն է, որ կը սահմանովի իբրեւ՝ «ընել բան մը մեծ ջանքով եւ որոշակի նպատակով» (Լաու եւ Նիտա, Կրիք-Ինկիշ Լերզիքոն, էջ 662): Երկու թարգմանութիւնները կարդալին եւ դիրքոյի սահմանումը տեսնելին ետք, կասկած չկայ, որ այդ հաստատումը կը խօսի բուռն փափաքով սրբութեան հետամուտ ըլլալու մասին՝ զանիկա բռնելու նպատակով:

Մեր առաջին հարցումը պէտք է ըլլայ՝ ատիկա դիրքային սրբութիւն է կամ վարմունքային սրբութիւն: Ես երթանք Լիսայի եւ իմ ամուսնութեան օրինակին: Կրնան պատկերացնել, որ օր մը Լիսան իր մտերիմ բարեկամուիիներէն մէկուն ըսէ. «Ես մեծ ջանքով հետամուտ եմ, որ Ճոնին կինը ըլլամ»:

Բարեկամուիին պիտի խնդրայ եւ պիտի ըսէ. «Դուն արդէն են: Դուն անոր կինը եղար ձեր պսակի օրը»:

Կին մը հետամուտ չ'ըլլար իր ամուսինին կինը ըլլալու դիրքին, զոր արդէն կը գրաւէ: Բայց կին մը կրնայ հետամուտ ըլլալ իտէալ կնոշ մը

1 Աստուածաշոնչ Հին եւ Նոր Կտակարաններու՝ Եբրայերէն եւ Յունարէն Բնագիրներէն Թարգմանուած, 2001

Վարմունքին: Նոյնն է պարագան սրբութեան. մենք հետամուտ չենք ըլլար դիրքի մը, զոր արդէն ունինք, այլ՝ այն վարմունքին, որ «Տիրոց վայել» է (Կողոսացիներուն 1.10):

Մեզի ամենայն վստահութեամբ կ'ըսուի, թէ այդ պատուէրը անտեսելու հետեւանքը Տէրը չփեսնելն է: Ասիկա սթափեցնող խորհուրդ մըն է: Անիկա վստահ որ մեր վրայ կ'ազդէ յահտենապէս, բայց ատիկա չէ մեր նիւթին կեղրոնացումը իհմա: Ինչ որ կարեւոր է մեր քննարկած նիւթին հետ կապակցաբար այն է, թէ ինչպէս ատիկա կ'ազդէ մեր վրայ հոս եւ իհմա:

Քանի որ ես Ամերիկայի Միացեալ Նահանգներու քաղաքացի մըն եմ, կրնամ ըսել, որ «յարաբերութիւն» մը ունիմ նախագահին հետ: Ես անոր իշխանութեան տակ եմ եւ կ'ազդուիմ անոր տուած որոշումներէն, ինչպէս որ է պարագան 332 միլիոն միւս ամերիկացի քաղաքացիներուն: Բայց նոյնիսկ որ այդ յարաբերութիւնը ունիմ նախագահին հետ, մինչեւ այսօր ես հրաւէր մը չեմ ստացած անձնապէս հանդիպելու նախագահի մը հետ: Պարզ կերպով եթէ պիտի ըսենք, ես մեր նախագահներէն ունի մէկուն ներկայութեան մէջ չեմ եղած կամ անոր հետ որեւէ խօսակցութիւն չեմ ունեցած:

Միս կողմէ, կան ուրիշ ամերիկացիներ, որոնք հերթական դրութեամբ կը դժեսնեն նախագահը. անոնք կամ անոր բարեկամներն են կամ ալ մօտէն կ'աշխատին անոր հետ: Երկու պարագաներուն ալ, անոնք կը ճանչնան Սպիտակ Տան մէջ բնակող այդ մարդը շատ աւելի լաւ կերպով քան ես: Անոնք զայն կը ճանչնան մտերիմ ծեւով, իսկ ես զայն կը ճանչնամ միայն իբրեւ մեր երկրի ղեկավարը:

Նոյնպէս ալ կան միլիոնաւոր հաւատացեալներ, որոնք Յիսուս Քրիստոսի իշխանութեան տակ են: Ան կը պաշտպանէ, կը սիրէ զանոնք, կը հայթայթէ անոնց եւ կը պատասխանէ անոնց խնդրանքներուն: Սակայն հարցումը այն է, որ անոնք կը դժեսնեն գինք: Այլ խօսքով, կ'ըլլամ Անոր յայդնուած ներկայութեան մէջ:

Պրագիլի բազմահազար հաւատացեալները զուրկ էին այն վարմունքէն, որ զիրենք պիտի բերէր Տիրոց ներկայութեան մէջ: Երբ ապաշխարեցին, անոնք հրաւրուեցան Թագաւորին հետ հանդիպումի: Ասիկա կրնայ պատահիլ ամէն օր, եւ նոյնիսկ ամէն վայրկեան: Եթէ չունինք բարեպաշտ վախ, չենք ունենար մղոմը հետամուտ ըլլալու սուրբ վարմունքի, որ մեզի պիտի տայ պատիւը կամ առանձնաշնորհումը ըլլալու Անոր յայտնուած ներկայութեան մէջ: Յիսուս կ'ըսէ. «Ով որ կ'ընդունի իմ պատուիրաններս եւ կը գործադրէ զանոնք [...] ես ալ պիսի սիրեմ զայն եւ ինքզինքս յայտնեմ անոր» (Յովհաննէսի 14.21):

Կ'արժէ կրկնենք. առանց վարմունքային սրբութեան, չենք դժեսներ

Տէրը: Ինչո՞ւ ատիկա այդքան կարենոր է: Առաջին, եթէ տեսնենք զի՞նք՝ եթէ զուրկ ըլլանք Անոր յայտնուած ներկայութենէն, չենք կրնար զի՞նք մտերմօրէն ճանչնալ: Կրնանք միայն գիտնալ իր մասին, ինչ որ նման է Միացեալ Նահանգներու նախագահներուն հետ իմ յարաբերութեանս: Կամ, աւելի վատ պարագայի, կը խարենք մենք զմեզ՝ ստեղծելով շինծու Յիսուս մը: Այդ խարկանքը ամէնէն վտանգաւորն է, որովհետեւ կը հաւատանք, թէ կը ճանչնանք Մէկը, զոր իրականութեան մէջ չենք ճանչնար: Յակորոս մեզի կ'ըսէ. «Այդ պատովիրանները լսելով մի՛ գոհանաք, այլ՝ կատարեցէք զանոնք. այլապէս դուք ձեզ խարած կ'ըլլաք» (1.22): Խարուած անձը կը հաւատայ, թէ կը ճանչնայ մէկը կամ բան մը, բայց իրականութեան մէջ չի ճանչնար:

Երկրորդ պատճառը նոյնքան կարենոր է: Առանց զի՞նք տեսնելու՝ առանց Անոր ներկայութեան մէջ ըլլալու, չենք կրնար փոխուիլ կամ փոխակերպուիլ իր պատկերին եւ նմանութեան պէս: Պօղոս կը նշէ, թէ անոնք, որոնք Տէրը կը տեսնեն՝ «նոյն այդ պատկերով կը փոխակերպուիլն» հետզիետէ աճող փառքով մը» (Բ.Կորնթացիներուն 3.18): Այդ փոխակերպումը կը սկսի մեր ներսիդին, եւ դուրսը կը գործադրուի հոն, ուր ուրիշներ կը տեսնեն զանիկա:

Մեր մաքրութիւնը չի կրնար փարիսեցիներուն պէս ըլլալ: Յիսուս ըսաւ. «Արտաքնապէս մարդոց արդար կ'երեւիք, բայց ներքնապէս լեցուն էք կեղծաւրութեամբ եւ անօրէնութեամբ» (Մատթէոսի 23.28): Անոնց շարժադիմները նոյնքան անմաքուր եւ պիղծ էին որքան դիակ մը: Անոնք չունեին Տիրոց վախը, ինչ որ իր կարգին պատճառ եղաւ, որ հետամուտ ըլլան արդարութեան մը, որ միմիայն իհմնուած էր արտաքին վարմունքներու վրայ՝ մարդոց ուշադրութիւնը դարձնելով իրենց որսեւրած պատկերին: Ասիկա արգելք կ'ըլլար ներքին փոխակերպումն, որ դուրս կը բերէ համապատասխան վարմունք մը: Անոնք կը կարծին, թէ կը ճանչնային զԱստուած, բայց իրականութիւնը այն է, որ անոնք չէին ճանչնար իրենց Ստեղծիչը՝ որ իրենց առջեւ կանգնած էր, եւ հետեւաբար տեղեակ չէին Անոր փափաքներէն: Անոնք իրենք զիրենք կը խարէին:

Նոյնպէս ալ այսօր, այն սրբութիւնը, որուն հետամուտ ենք, պէտք է ծնունդ առնէ մեր սիրտին մէջ. մեր խորհուրդներուն, շարժադիմներուն եւ մտադրութիւններուն: Եւ անկէ է, որ պիտի բխի մեր արտաքին վարմունքը: Ասոր համար Յիսուս կ'ըսէ. «Երանի անոնց, որոնք սիրտով մաքուր են, որովհետեւ անոնք զԱստուած պիտի տեսնեն» (Մատթէոսի 5.8): Առանց զի՞նք տեսնելու, ներքին փոխակերպում՝ իսկական սրբութիւն, չենք ունենար, եւ հետեւաբար չենք տեսներ զի՞նք: Այդ երկու հանգամանքները ուղղակիորէն կապուած են իրարու:

Բաւարար չէ ունենալ բարեպաշտութեան արտաքին երեւյթը բայց

ուրանալ մեր ներքին փափաքներուն փոխակերպումին օգրովթիւնը: Պէտք է ճշմարտովթիւնը ցանկանք մեր ներքին բաժիններուն մէջ (շարժառիթներուն եւ մտադրութիւններուն). ատիկա պէտք է ըլլայ մեր հետապնդումը: Յակոբոս Առաքեալ խստ ձետվ կ'արտայայտուի անոնց, որոնք սրբովթիւնը թեթեւութեամբ կ'առնեն: Ան կը գրէ.

Ձեր շարժառիթները բոլորովին սխալ են. միայն կ'ուզէք այն ինչ որ հաճոյք պիտի պատճառէ ձեզի: Ծնացողնե՛ր: Չէք անդրադառնար, որ աշխարհին հետ բարեկամութիւնը Աստուծոյ թշնամի կը դարձնէ ձեզ: (Յակոբոսի 4.3–4, շեշտադրումը՝ մեր կողմէ)

Յակոբոս կը գործածէ շնացողներ բառը. եզր մը, որ կը գործածուի ամուսնական ուխտի խափանումի պարագային: Աստուծ յաճախ ամուսնութեան հետ կապուած պատկերներ կամ օրինակներ կու տայ՝ իրեն հետ մեր ուխտը նկարագրելու համար. Յիսուս փեսան է, իսկ մենք՝ Անոր հարսը: Պողոս կ'ըսէ, թէ տղամարդու մը եւ կնոջ մը միջեւ ամուսնութիւնը օրինակ մըն է, թէ ինչպէս Յիսուս Քրիստոս եւ Եկեղեցին միացած են իրարու (տես Եփեսացիներուն 5.31–32):

Աշխարհը կ'ապրի անձնասէր շահի կամ հպարտովթիւն գրգռող իրագործումներու համար, եւ հետեւարար կը կեղորնանայ դրսեւրուած եւ հասկցուած պատկերներուն վրայ: Երբ սրբութեան հետապնդումը անտեսելով մենք մեզ կը համապատասխանեցնենք աշխարհի ցանկութիւններուն, շնացողներ կը դառնանք: Մեծ նախատինք է մեր Ամուսինին երբ մենք մեզ կը յանձնենք իր թշնամիներուն: Հետեւարար Յակոբոս կը շարունակէ, ըսելով. «Մաքրեցէք ձեր սիրտերը, քանի որ ձեր հաւատարմութիւնը բաժնուած է Աստուծոյ եւ աշխարհին միջեւ» (4.8)¹: Կրնանք մեր սիրտերը մաքրել միայն Տիրոջ վախը ճանչնալով, ինչ որ մեզ կը մղէ հետապնդ ըլլալու իրական սրբութեան:

Ես Լիսային հետ ամուսնացած եմ աելի քան քառասուն տարիէ ի վեր, եւ կարգ մը լուրջ պատճառներով է որ ես անոր հանդէպ շնութիւն չեմ գործած: Առաջին պատճառը այն է, որ ես կը վախնամ Աստուծմէ: Ես Անոր հետ ուխտ մը ըրի սիրելու Լիսան եւ հոգ տանելու անոր՝ հակառակ անոր կեցուածքներուն կամ վարմունքին:

Երկրորդ պատճառը այն է, որ չեմ ուզեր մտերմութիւնս կորսանցնել այդ հիանալի կնոջ հետ: Կը սիրեմ այն իրականութիւնը, որ ան կը վստահի ինձի եւ իր ամէնէն խորունկ գաղտնիքները եւ փափաքները կը բաժնեկցի ինձի հետ: Հիմնականօրէն, կը սիրեմ մեր մօտիկութիւնը:

Նոյն է պարագան Յիսուսի հետ յարաբերութեանս: Անոր դէմ

1 Բառացի թարգմանութիւն՝ անգլերէն Նիու Լիվինկ Թրանսլյշըն (NLT) տարբերակէն

շնուրին ընելէ բուռն կերպով կը խուսափիմ, որովհետեւ չեմ ուզեր կորսնցնել մեր մտերմութիւնը: Կը սիրեմ Անոր ներկայութեան մօտիկութիւնը եւ այն մտերմիկ խօսակցութիւնները, զորս կ'ունենանք իրարու հետ: Կը սիրեմ երբ Ան ինձի հետ կը բաժնեկցի գաղտնիքներ, որոնք ատկէ առաջ չէի գիտեր: Թերեւս ատոր համար է, որ մեզի կ'ըսուի.

Տիրոջ գաղպնիքը իրմէ վախցողներուն հետ է, եւ Ան անոնց ցոյց պիտի տայ իր ուխտը: (Սաղմոսներու 25.14, շեշտադրումը՝ մեր կողմէ)

Հիմա մենք տակաւին նոր կը սկսինք յայտնաբերել սրբութեան անդիմադրելի երեսը: Պիտի շարունակենք քողազերծել անոր գեղեցկութիւնը յաջորդ գլուխին մէջ:

ԱՆՁՆԱԿԱՆԱԳՆԵԼ

Հասուած- Սիրտի մաքրութիւն սիրողին շրթունքին վրայ շնորհը կայ, եւ թագաւորը անոր բարեկամ կ'ըլլայ: (Առակներու 22.11)

Միտք- Առանց հետամուտ ըլլալու վարմունքային սրբութեան՝ զանիկա բռնելու նպատակով, չենք կրնար Տիրոջ ներկայութեան մէջ մտնել: Հարցը մեր երբ կատարեալ սրբութեան հասնիլը չէ, այլ՝ կարեւոր անիկա մեր սիրտին փափաքը ընելը եւ անոր հետամուտ ըլլալն է:

Խոկալ- Ասուած գիտէ, թէ ես հետամիւտ եմ սուրբ վարմունքի կամ շարունակ պատրուակներ կու տամ աշխարհային բաներ սիրելուս, աշխարհային փափաքները հանդուրժելուս եւ իրագործումներու հպարտութիւնը ունենալուս համար: Ամէն բան կը սկսի սիրտիս մտադրութիւններով: Հետամուտ պիտի ըլլամ սիրտի եւ միտքի մաքրութեան, որ կ'առաջնորդէ արարքներու մէջ փոփոխութեան: Պիտի ընմմ ատիկա նոյնիսկ երբ ինձի մօտիկ եղող անձերը չեն ըներ:

Աղօթք- Սիրելի Երկնաւոր Հայր, ներէ ինձի սրբութեան հետամուտ չըլլալուս համար: Անտեսած եմ անոր կարեւորութիւնը, բայց իհմա կը տեսնեմ, որ անիկա պէտք է իմ փափաքը ըլլայ, որովհետեւ անիկա է միջոցը Քու ներկայութեանդ մէջ ըլլալու: Կը խնդրեմ, որ ներես ինձի իմ աշխարհային վարմունքիս եւ հետապնդումներուս համար եւ մաքրես զիս Յիսուսի արինով: Կը զղամ սրբութեան նկատմամբ իմ սովորական վերաբերումիս համար: Յիսուսի անունով: Ամէն:

Դաւանութիւն- Ես սրբութեան հետամուտ եմ՝ ամբողջովին մտադրած ըլլալով բռնել զանիկա: Իմ նպատակս է ըլլալ սուրբ ինչպէս Ասուած սուրբ է:

Բայց անոնց համար, որոնք
արդար են, ճամբան զարիվեր եւ
խորտութորտ չէ: Դուն Աստուած
մըն ես, որ կ'ընէ այն ինչ որ
ճիշդ է եւ Դուն կը հարթես
անոնց դիմացը գտնուող
ճամբան:

– ԵՍԱՅԻԻ 26.7¹

1 Բառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

21 | ՓԱՓԱՔ ԵՒ ԶՈՐՈՒԹԻՒՆ

Թերեւս հիմա կ'ողբաս այն իրականութեան համար, որ փորձած ես ապրիլ սուրբ կեանք մը, բայց, եթէ անկեղծ ըլլանք, ծախողած ես աւելի քան յաջողած ես: Կ'ուզես Աստուծոյ հետ մտերմութիւն, բայց դժուարութիւն ունիս հնազանդութեան հետ: Կը խնդրեմ, որ սկիզբէն գիտնաս ասիկա. Ան քեզի հետ մտերմութիւն կ'ուզէ աւելի քան դուն կ'ուզես ատիկա: Ցնծա, որովհետեւ Աստուած քու կողմդ է, քեզի հետ է: Թող այս ճշմարտութիւնը մեղմացնէ ճնշումը:

Ծատ հաւանական է, որ հարցը այն է, որ փորձած ես: Մովսէսի օրէնքը փաստեց Աստուծոյ պատուէրները պահելու մեր անկարողութիւնը. մենք պէտք ունինք աստուածային օգնութեան: Այդ օժանդակութիւնը, որուն պէտք ունինք, ինքնին Աստուծոյ շնորհըն է: Հաւատացեալներէն շատեր գիտեն, թէ Յիսուս Քրիստոսի շնորհըն կ'ազատէ մեզ Օրէնքին պահանջներէն, բայց ինչ որ շատեր չեն գիտեր այն է, թէ անիկա մէկ քայլ անդին եւս կ'երթայ. անիկա մեզի կու տայ նոր բնութիւն մը՝ մեզի տալով մեղքէ ազատ ապրելու կարողականութիւնը (տես Հռոմայեցիներուն 6.6-7):

Եթէ նայինք մենք մեզ մարմինի եւ հոգիի ամէն աղծութենէ մաքրելու Պողոսի պատուէրին, անիկա կու գայ հաստատումէ մը ետք, որ յաճախ կ'անտեսուի: Ասէկէ քանի մը պարերութիւն առաջ ան կը գրէ.

Արդ, որովհետեւ Աստուծոյ գործակիցներն ենք, կ'աղաքենք ծեզի, մի՛ վատնէք Աստուծմէ ծեր ստացած շնորհըն: Որովհետեւ Աստուած կ'ըսէ. «Երբ յարմար ժամանակը եկաւ՝ [...] օգնեցի քեզի»: (Բ.Կորնթացիներուն 6.1-2)

Յարմար ժամանակը հասած է. մենք կրնանք սուրբ կեանք մը ապրիլ իր օգնութեամբ: Դժբախտաբար, Աստուծոյ շնորհքին մասին անոր իրական կարողականութենէն աւելի պակաս ձեւով կը խօսուի: Անիկա կը մէջքերուի յափունական փրկութեան, մեղքերու թողութեան, մեղքի պատիժէն ազատ ըլլալու եւ մեր անոր արժանի չըլլալոն մասին նիփերու մէջ: Մինչ այդ իրականութիւնները ամբողջովին ճիշդ են, այն ինչ որ նոյնքան ընդարձակ կերպով չէ խօսուած անոր զօրացնելու կարողութիւնն է: Աստուած Պողոս Սուաքեալին կը խօսի, ըսելով. «Իմ շնորհք կը բաւէ քեզի. որովհետեւ իմ զօրութիւնս ամբողջապէս կը յայտնուի՝ մարդուս տկարութեանը մէց» (Բ.Կորնթացիներուն 12.9): Պարզ ձեւով ըսելով, «Պողոս, այն ինչ որ քու անձնական կարողութիւնովդ չէիր կրնար ընել, հիմա պիտի կրնաս ընել իմ զօրութիւնովս՝ որ կը կոչուի շնորհք»:

Պետրոս կը հաստատէ այդ ճշմարտութիւնը. «Շնորհքը թող շատնայ] ձեր վրայ [...] Արդարեւ իր աստուածային զօրութիւնը [շնորհքը] պարգեւեց մեզի ամէն ինչ՝ որ կը վերաբերի կեանքի ու բարեպաշտութեան» (Բ.Պետրոսի 1.2-3): Ուրիշ թարգմանութիւն մը՝ Նիու Լիվինկ Թրանսլյյշնը (NLT), աւելի ուղղակի կերպով կ'ըսէ. «Եր աստուածային զօրութեամբ [շնորհքով] մեզի պարգեւեց ամէն ինչ որ անհրաժեշտ է աստուածապաշտ կեանքի մը համար» [բառացի թարգմանութիւն- Թարգմանիչ]: Աստուած կը զօրացնէ մեզ՝ կարենալ ապրելու համար սուրբ կեանք մը:

Ինչո՞ւ համար այդ ճշմարտութիւնը այդքան կարեւոր է: Քրիստոնէութիւնը հաւատքի կեանք է: Ամբողջ պատգամը կը կոչուի՝ «հաւատքի պատգամը» (Հռոմայեցիներուն 10.8): Այլ խօսքով, մենք Աստուծմէ բան մը պիտի չստանանք եթէ չհաւատանք, եւ չենք կրնար հաւատալ այն ինչ որ չենք գիտեր: Ուստի եթէ անգիտակից ենք շնորհքի զօրութեան, պիտի շարունակենք փորձել զԱստուած հաճեցնել մեր սեփական կարողութիւնով: Եւ ատիկա պիտի տանի անպտուղ, թշուառ կեանքի մը:

Նկատի առ վերածնունդի օրինակը: Կան բազմաթիւ չփրկուած մարդիկ, որոնք կը խոստովանին, թէ Աստուած կրնայ փրկել զիրենք: Սակայն մինչեւ որ չապաշխարեն եւ Աւետարանին չհաւատան, անոնք փրկող շնորհք չեն ունենար: Նոյն է պարագան մեր սրբութեան հետամուտ ըլլալոն: Կան բազմաթիւ Քրիստոնեաներ, որոնք կը հաւատան, թէ Աստուած կրնայ տալ սուրբ կեանք մը ապրելու կարողութիւնը, բայց մինչեւ որ ամբողջ սրտով չհաւատան թէ՝

1 Աստուածաշունչ Հին եւ Նոր Կտակարաններու՝ Եբրայերէն եւ Յունարէն Բնագիրներէն Թարգմանուած, 2001

շնորհը զօրութիւն կու լրայ, պիտի չօգտուին:

Պողոս կ'աղաքէ կորնթացի հաւատացեալներուն, ըսելով՝ «Մի վատնէք Աստուծմէ ծեր ստացած շնորհը» (Բ.Կորնթացիներուն 6.1): Ինչ կը նշանակէ բան մը վատնել: Պարզապէս կը նշանակէ՝ բան մը իր ամբողջական կարողականութեամբ չգործածէլ: Եթէ մարդու մը հողագործութեան գործիքներ տաս եւ հունտեր, ան կրնայ ուտեստեղէն աճեցնել, ուտել եւ ապրիլ: Բայց եթէ ան չգործածէ իրեն հայթայթուածը, սովահար կ'ըլլայ եւ կը մեռնի: Մեռնելին ետք, ինչ պիտի ըսէր իր դրացին... «Ան վատնեց իր ստացած գործիքները եւ հունտերը»:

Այ՞դ է, որ Պողոս կ'ըսէ. Աստուած քեզի շնորհը տուած է, որպէսզի օգնէ, որ ապրիս այնախի ծեւով մը, որ պիտի չկարենայիր ապրիլ քու սեփական կարողութեամբդ: Անիկա քեզի զօրութիւն կու տայ հետամուտ ըլլալու սուրբ կենցաղի մը եւ ծեռք ծգելու զանիկա: Մի անտեսեր այդ զօրութիւնը գործածելը անհաւատութեան պատճառով:

Եթէ Աստուծոյ շնորհը միայն այն է ինչ որ կ'ուսուցանուի Արեւմտեան մշակոյթին մէջ, այսինքն՝ ոչ աւելին գան փրկութիւնը, ներում եւ դէպի երկինք տոմսակ մը, ինչպէս կրնայ մէկը վատնել զանիկա: Բան մը չկայ վատնուելու, ուստի Պողոսի ըրած հաստատումը անհմաստ կ'ըլլայ:

Եթէ հետեւինք առաքեալին մտածողութեան գիծին, ամէն բան յստակ կը դառնայ: Կորնթոսի եկեղեցին աշխարհային էր. թերի էին սրբութեան հետամուտ ըլլալու մէջ: Այդ կէտը հաստատելու համար, Պողոս նոյն նամակին մէջ քիչ մը աւելի վար կը գրէ. «Ձեզմէ շատերը չեն հրաժարած իրենց իին մեղքերէն: Չէք ապաշխարած ծեր պղծութիւններէն, սեռային անրարութենէն եւ հեշտասէր հաճոյքի ձգտումէն» (Բ.Կորնթացիներուն 12.21)¹: 6-րդ գլուխին մէջ Պողոս հաւատացեալներուն կ'աղերսէ, որ չվատնեն Աստուծոյ շնորհը, ապա կը մէջբերէ անոնց հանդէա իր սէրը եւ կը հարցնէ, թէ ինչո՞ւ չէին փոխադարձեր զանիկա: Ապա կը վերադառնայ գլխաւոր միտքին, թէ՝ ինչպէս յայտնի էր, որ Աստուծոյ շնորհը կ'անտեսէին, բանի որ կ'արտօնէին, որ անբարեպաշտ մարդիկ ազրէին իրենց վրայ.

Դուք նոյնը չէք ինչպէս անոնք, որոնք չեն հաւատար: Ուստի մի՛ միանաք անոնց հետ: Բարին եւ չարը իրարու քով չեն պատկանիր: Լոյսը եւ խաւարը չեն կրնար բան մը բաժնեկցիլ իրարու հետ: (Բ.Կորնթացիներուն 6.14)²

1 Բառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

2 Բառացի թարգմանութիւն՝ անգլերէն Նիու Սենչըրի Վըրժըն (NCV) տարբերակէն

Պէտք է յիշենք, որ տարբերութիւն կայ անհաւատները Քրիստոսի բերելու համար աշխարհ երթալուն եւ անոնց հետ անպատշաճ նոյնութեան մէջ ըլլալուն միջեւ: Աստիկա միայն պիտի արտադրէ վարմունք մը, որ կրնայ հանել մեզ կեանքի արահետէն: Դարձեալ, ատիկա կը համարուի հոգեւոր շնութիւն:

Ապա Պօղոս այդ մարմնաւոր հաւատացեալներուն կը յիշեցնէ, թէ անոնք Աստուծոյ բնակութեան վայրն են եւ թէ Անոր փափաքն է, որ՝ «ապրի իրենց մէջ եւ քայէ իրենց միջեւ: Ես իրենց Աստուածը պիտի ըլլամ, եւ իրենք՝ իմ ժողովուրդս: Հետեւաբար դուրս ելքը անհաւատներուն մէջէն, եւ անջատեցէք դուք ձեզ անոնցմէ», կ'ըսէ Տէրը: Մի դաշիք անոնց պիհծ բաներուն, եւ ես պիսի ողջունեմ ձեզ» (Բ.Կորնթացիներուն 6.16–17, շեշտադրումը՝ մեր կողմէ):

Դարձեալ, կը տեսնենք Աստուծոյ յայտնուած ներկայութեան խոստումը, բայց աւելի բարձր մակարդակի վիայ: Ան չի խօսիր պարբերաբար մեզի այցելելու մասին, այլ՝ մեր մէջ բնակելու եւ մեզի հետ բնակելու մասին: Անգամ մը եւս կը տեսնենք, որ զԱստուած տեսնելու խոստումը (Անոր յայտնուած ներկայութիւնը) պայմանական է: Եթէ հեռու մնանք անձնասէր եւ հպարտ փափաքներէ, որոնց կառչած է աշխարհը, մեզի կը խոստացուի մնայուն ներկայութիւնը Թագաւորին: «Եւ ես պիտի ողջունեմ ձեզ»: Հակառակն ալ ճիշդ է: Եթէ մենք մեզ ապականենք աշխարհի պղծութիւնով, Անոր ներկայութիւնը պիտի չունենանք: Պօղոս կ'եզրակացնէ հետեւեալ գլխաւոր գաղափարով.

Ուրեմն ունենալով այդ խոստումները, սիրելիներ, թող մաքրենք մեր անձերը մարմինի եւ հոգիի ամէն ապականութենէ՝ կատարելագործելով սրբագործումը Աստուծոյ վախով: (Բ.Կորնթացիներուն 7.1)²

Հիմա կրնանք աւելի ամբողջական կերպով հասկնալ փիլիպպեցիներու եկեղեցին ուղղուած Պօղոսի խօսքը, որ կ'ըսէ. «Գործադրեցէք ձեր փրկութիւնը՝ ահով ու դողով. որովհետեւ Աստուած է, որ ձեր մէջ կը ներգործէ թէ կամենալը եւ թէ ընելը՝ իր բարեհաճութեան համաձայն» (Փիլիպպեցիներուն 2.12–13, շեշտադրումը՝ մեր կողմէ):³ Աստուծոյ վախը կը մղէ մեզ, որ կամենանք (մեզի կու տայ փափաքը), եւ Տէր Յիսուս Քրիստոսի

1 Բառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

2 Բառացի թարգմանութիւն՝ անգլերէն Եանկ'զ Լիթորը Թրանսլյշն (YLT) տարբերակէն

3 Աստուածաշունչ Հին եւ Նոր Կտակարաններու՝ Եբրայերէն եւ Յունարէն Բնագիրներէն թարգմանուած, 2001

շնորհքը մեզ կարող կը դարձնէ ընելու (կը գօրացնէ մեզ):

Մէկ քայլ անդին երթալով, հոն ուր փափաք չկայ (սուրբ Վախի պակասի պատճառով), գօրանալը առաջնահերթութիւն պիտի չըլլայ, ուստի պիտի չգործածուի. պիտի վատնուի: Այդ պատճառով է, որ սուրբ Վախը այդքան կարեւոր է մեր ազդութեան եւ երկայնակեցութեան համար:

Կը յուսամ, որ յստակ դարձաւ արդէն, որ մաքրակենցաղութիւնը մեծ մասն է սրբութեան, բայց ոչ անոր ամբողջական սահմանումը: Դարձեալ, սրբութեան գիւաւոր սահմանումը Աստուծոյ համար նուիրագործուած ըլլալն է, ամբողջապէս հրը ըլլալը: Սրբութեան բուն իմաստին մասին աւելի ամբողջական օրինակ մը տամ. Եթբ հարս մը կ'ամուսնանայ փեսայի մը հետ, ան ինքզինք ամբողջութեամբ անոր կու տայ: Այդ նուիրագործուածին մէջ կայ մաքրութիւն թէ անոր դիրքին եւ թէ անոր վարմունքին մէջ: Մաքրութիւնը վերջնական նպատակը չէ. նպատակը իր փեսային համար նուիրագործուած հարս մը ըլլալն է, որ կը պարունակէ մաքրակենցաղութիւն:

Հետեւաբար ճշմարիտ սրբութիւնը վերանցական, նուիրագործուած մաքրակենցաղութիւն մըն է, որ դուռ կը բանայ Աստուծոյ հետ խորունկ մտերմութեան: Այս է այն անդիմադրելիութիւնը, զոր պիտի շարունակենք քննարկել մինչեւ այս գիրքին աւարտը: Բայց նախ պէտք է շարունակենք խօսիլ անոր մասին, թէ գործնապէս ինչ երեւոյթ ունի մեր Փեսային համար նուիրագործուած ապրիլը: Պատասխանը կը գտնուի մէկ բառի մէջ. *հնազանդութիւն*:

Անձնականացնել

Հատուած- Քրիստոս Յիսուսի շնորհքովը գօրացի: (Բ.Տիմոթէոսի 2.1)

Միտք- Եթէ գիտակից չըլլանք շնորհքի գօրութեան մասին, պիտի շարունակենք զԱստուած հաճեցնել մեր անձնական կարողութիւնով եւ այդպիսով վատնած պիտի ըլլանք Աստուծոյ շնորհքը:

Խոկալ- Արդեօք ես փորձած եմ սուրբ կեանք մը ապրիլ եւ ձախողած եմ աւելի քան յաջողած: Արդեօք փորձած եմ իմ սեփական կարողութեամբս: Արդեօք Աստուծոյ շնորհքին վստահած եմ՝ սուրբ կեանք մը ապրելու մէջ զիս գօրացնելու համար: Եթէ ոչ, ինչպէս կրնամ փոխել ատիկա:

Աղօթք- Սիրելի Երկնաւոր Հայր, կ'անդրադառնամ, որ միայն Քու շնորհքիդ զօրութեամբ է, որ կրնամ ապրիլ բարեպաշտ կեանք մը. կեանք մը, որ կ'ողջունէ Քու փառաւոր ներկայութիւնդ: Ներէ ինծի ատիկա իմ սեփական կարողութիւնովս ընել փորձելուս համար: Այս պահէն անդին պիտի զօրանամ Քու շնորհքովդ՝ ապրելու համար Քեզի համար զատուած կամ անջատուած կեանք մը, որ կը փառաւորէ Յիսուսը: Յիսուսի անունով կ'աղօթեմ: Ամէն:

Դաւանութիւն- Ես մղուած եմ սուրբ վախով՝ սրբութեան հետամուտ ըլլալու համար եւ անիկա պիտի իրագործեմ Աստուծոյ շնորհքին զօրութեամբ:

ԻՆՉՊԵՍ ԿԸ ՊԱՏԱԽԱՆԵԼՔ ԱՄՏՈՒԾՈՅ ԽՈՍՔԻՆ

ԶՈՐՌՈՐԴ ՃԱԲԱԹ

Օգնէ, որ քալեմ Քու
պատուիրաններուդ ճամբով,
որովհետեւ ինն է, ուր իմ
ուրախութիւնս կը գտնուի:

– ՍԱՂՄՈՍՆԵՐՈՒ 119.35¹

1 Բառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

22 | ԴՈՂԱԼ ԱՍՏՈՒՇՈՅ ԽՈՍՔԻՆ ԴԻՄԱՑ

Մեր առաջին բաժինին մէջ ըսկնք, թէ Տիրոջ վախին կարելի է տալ երկու դասակարգային սահմանումներ. դողալ Աստուծոյ ներկայութեան մէջ եւ դողալ Անոր Խօսքին դիմաց: Խօսեցանք Աստուծոյ փառաւոր ներկայութեան մասին, անշուշտ ոչ սպառիչ կերպով, որովհետեւ մենք շարունակ այդ ահին մէջ պիտի ըլլանք ամբողջ յախտենականութեան ընթացքին: Այս բաժինին մէջ մեր կերրոնացումը պիտի ըլլայ իր Խօսքին նկատմամբ մեր կեցուածքին վրայ:

Սկսելու համար, նկատի առնենք ժամանակաշրջան մը երբ Աստուծոյ ժողովուրդը շեղեցաւ Աստուծոյ հետ հարազատ կամ իրական յարաբերութենէ մը եւ զանիկա փոխարինեց սուկ ձեւակերպութիւններով: Անոնց ուշադրութիւնը գրաւելու համար, Աստուած կը հարցնէ. «Երկինքը իմ գահս է, եւ Երկիրը՝ իմ ոտքերուս պատուանդանը: Կրնար այդքան լաւ տաճար մը կառուցանել ինձի համար» (Եսայիհ 66.1)¹:

Եթէ կարդանք առաջին հինգ համարները մեր նիւթին պարունակին մէջ, կը տեսնենք, որ Ամենակարողը կը խօսի մարդոց, որոնք փորձած են իրենց պայմաններով յարաբերութիւն մը մշակել իրեն հետ: Անոնք գաղջ կերպով շարունակած են քալել Անոր ճամբաներուն մէջ՝ Ենթադրելով, որ ատիկա բաւարար պիտի ըլլար զԱյն գոհացնելու համար: Աստուած կը յստակացնէ, թէ իրենց

1 Բառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

Ի՞նչպէս կը Պատասխանենք Աստուծոյ Խօսքին

ընտրած ճամբան անարգական է, եւ ուղղակիօրէն անոնց կու տայ այն ինչ որ պէտք է՝ իրական յարաբերութեան մը մէջ մտնելու համար.

Պիտի օրինեմ անոնք, որոնք խոնարի եւ զջացած սիրտ ունին, որոնք կը դողան խօսքիս դիմաց: (Եսայիի 66.2, շեշտադրումը՝ մեր կողմէ)¹

«Պիտի օրինեմ» եզրը եբրայերէն նապաթ բայն է, որ կը սահմանովի իբրեւ՝ «նայիլ, դիտել, զնել: Բանի մը կեղրոնացած ձեւով նայելու իմաստը ունի»: Հիմնականօրէն Աստուած կ’ըսէ. «Այդ է այն անձը, որուն մօտէն ուշադրութիւն պիտի ընեմ»: Երեք արժանիքներ կը նշուին. խոնարհութիւն, զջացած սիրտ եւ անոնք, որոնք «պիտի դողան իմ խօսքիս դիմաց»: Ասոնք պիտի ըլլան մեր կեղրոնացումը այս բաժինին մէջ:

Ան, որ կը դողայ Աստուծոյ Խօսքին դիմաց, միշտ Անոր ըսածը կը մեծարէ ամէն բանէ վեր: Ոչ մէկ բան աւելի կարեւոր կ’ըլլայ: Ատիկա է սուրբ վախի ճշմարիտ ապացոյցը: Այդ անձը ամէնէն աւելի օրինուած կ’ըլլայ: Այդ իմաստով Պօղոս կը գրէ.

Հետեւաբար, սիրելիներս, ինչպէս ամէն ատեն հնազանդեցաք, ո՞չ միայն իմ ներկայութեանս մէջ, հապա այ աւելի հիմա՝ իմ բացակայութեանս աղեն, գործադրեցէք ձեր փրկութիւնը՝ ահով ու դողով: (Փիլիպպեցիներուն 2.12–13, շեշտադրումը՝ մեր կողմէ)²

Այս հաստատումը առ ոչ այնպէս իբրեւ Պօղոս կը խօսի Փիլիպպէի հաւատացեալներուն, այլ՝ իբրեւ Աստուած ուղղակի մեզի կը խօսի: Կեղրոնացիր «ամէն ատեն հնազանդեցաք» բառերուն վրայ, որ կը նշանակէ՝ անպայմանական ձեւով: Այսինքն՝ Անոր ներկայութիւնը զգաս կամ ոչ, կեանքիդ մէջ Անոր գործելը տեսնես կամ ոչ, աղօթքո քու ակնկալած ժամանակամիջոցիդ մէջ պատասխանուի կամ ոչ:

Դիլիխն է հնազանդիլ Աստուծոյ երբ խորհրդաժողովի մը մթնոլորտին մէջ ես, ուր մարդիկ ազնիւ են իրարու հանդէա եւ ուր Աստուծոյ ներկայութիւնը զգալի է: Բայց եթէ Վստահելի գործակից մը սուս խօսի քու մասիդ եւ կորսնցնես քու պաշտօնդ... Պիտի ներես Աստուծոյ Խօսքին համաձայն կամ պիտի փորձես վլէժ լուծել:

Եթէ գործի բերումով ճամբորդած ես եւ առանձին կը զգաս, կը սկսիս յիշել, թէ ամուսինդ կամ կինդ նրբան քննադատող դարձած է

1 Բառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

2 Աստուածաշունչ Հին եւ Նոր Կոտակարաններո՛ Եբրայերէն եւ Յունարէն Բնագիրներէն Թարգմանուած, 2001

քեզի հանդէպ վերջերս: Եւ յանկարծ հակառակ սեղին պատկանող գործընկերներէդ մէկը կը գովէ քեզ՝ խօսելով ճիշդ քու պէտքիդ համաձայն, եւ ապա հրապուրիչ ձեւով մը կը հրավիրէ քեզ, որ գիշերը միասին անցընէք պանդոկի սենեակին մէջ: Ոչ ոք պիտի գիտնայ: Փախուստ կու տաս կամ կ'ընդունիս:

Եթէ ուշ ժամի տակալին կ'աշխատիս՝ համացանցին վրայ փնտուսութներ կ'ընես գործիդ համար, երբ յանկարծ պոռնկարանութեան կը հանդիպիս: Կը դիտես:

Ասոնք դէպքեր են, ուր Աստուծոյ ներկայութիւնը կը թուի բացակայ ըլլալ: Եթէ կը դողաս Անոր Խօսքին դիմաց՝ հնազանդ կ'ըլլաս անոր որեւէ պայմանի մէջ, որովհետեւ չկայ աւելի կարեւոր կամ առաջնահերթ բան: Ասիկա ցոյց կու տայ, որ դուն սուրբ վախի մէջ կը քալես, որովհետեւ «Տէրոց վախով մարդ չարութենէ կը հեռանայ» (Առակներու 16.6):

Սաղմոսողը կը գոէ.

Երանի այն մարդուն՝ որ Տէրոցմէ կը վախնայ, եւ անոր պատուիրաններէն յոյժ կ'ախորժի: (Սաղմոսներու 112.1)

Աստուծոյ վախը ունեցող տղամարդը կամ կինը ոչ միայն կը հնազանդի, այլև յոյժ կ'ախորժի ատիկա ընելով: Հնազանդութիւնը քեռ մը չէ: ուրախութիւն է: Այդ անձը ունի այն հիմնական հասկացողութիւնը թէ՝ Աստուծ մեր Ստեղծիչն է, եւ հետեւաբար Ան գիտէ, թէ ինչ բանը շինութիւն կը բերէ մեզի եւ ինչ բանը՝ կործանում:

Կը յիշեմ երբ մեր չորս որդիները տակալին շատ փոքր էին: Ծնունդի Օրը հիմնականօրէն գործի օր էր: Փոքր տարիքի զաւակներ ունեցող հայրերուն մեծ մասը լաւ պիտի հասկնայ յաջորդ ըսելիքս: Երբ բոլոր նուէրները կը բացուէին, անոնց մէջ կը գտնուէին նուէրներ, որոնց փոքր մասերը պէտք էր կազմուէին: Ես՝ ընդհանրապէս բոլոր հայրերուն պէս, տուփը կը բանայի, մասերը գետին կը թափի, տուփը եւ ցուցմունքներու ձեռագիրքը մէկ կողմ կը դնէի եւ կը սկսէի կազմել: Անշուշտ նուէրէ նուէր կը տարբերէր, բայց ընդհանրապէս շուրջ մէկ ժամ ետք կը վերջացնէի: Բայց՝ ի զարմանս ինծի, տակալին տասը կտոր մասցած կ'ըլլար գետինը: Կոճակը կը կոխէի եւ բան մը չէր պատահեր: Ինչ կ'ընէի: Կը գտնէի ցուցմունքներու ձեռագիրքը, կը քակէի խաղալիքը եւ կը վերաշնէի զանիկա՝ խաղալիքը հնարողներուն ցուցմունքներուն համաձայն: Եւ ահա, կ'աշխատէր:

Աստուծոյ վախը ունեցող անձը միշտ կը հնազանդի: Այդ անձը՝ իր էութեան խորքը, անշեղ կը մնայ հետեւեալ հիմնական ճշմարտութիւններէն.

Ի՞նչպէս կը Պատասխանենք Աստուծոյ Խօսքին

1. Աստուած գիտէ, թէ ինչ բանը ճիշդ է ինձի համար:
2. Աստուած մաքուր սէր է, եւ ես Անոր սիրոյն կեղրոնն եմ:
3. Աստուած ինձի բնաւ պիտի ջրսէ, որ ընեմ բան մը, որ վնասակար է: Ինչ որ ինք ըսէ, վերջաւորութեան լաւագոյնը պիտի ըլլայ:
4. Հետեւաբար ինչ ալ ըսէ Ան, ուրախութեամբ կ'ընտրեմ հնազանդիլ անոր:

Իսրայէլի որդիները շարունակ կը գանգատէին: Դժգոհ էին իրենց ղեկավարութելու ծեւէն եւ իրենց կեանքին մէջ պատահածներէն: Անոնք զԱստուած մեղադրեցին իրենց անհանգիստ պայմաններուն, կարօտութեան եւ որեւէ բանի համար, որ չէր գոհացներ զիրենք: Անոնց կը պակսէր սուրբ վախը եւ չէին դողար Աստուծոյ Խօսքին դիմաց: Աստուած ըսաւ.

Քանի որ ուրախութեամբ եւ յօժար սիրպով Տէրոջ՝ քու Աստուծոյդ չծառայեցիր՝ ամէն բանի առաջութեան մէջ [...] պիտի ծառայես քու թշնամիներուդ: (Բ.Օրէնքի 28.47–48, շեշտադրումը՝ մեր կողմէ)

Աստուծոյ Խօսքին դիմաց դողալը կը պարունակէ ուրախութիւն եւ յօժարութիւն մեր էռլութեան խորքը: Եթէ անիկա բացակայ ըլլայ, միայն ժամանակի հարց է, որ պայմանները յայտնաբերեն ուրախութեան բացակայութիւնը: Բնաւ չեմ մոռնար այն ժամանակը երբ յայտնաբերեցի այն իինք մեղքերը, որոնք Իսրայէլը հեռու կը պահէին իր հասնելիք տեղէն. չար բաներ ցանկալը, կուրքեր պաշտելը, սեռային անքարոյութիւնը, զԱստուած փորձելը եւ տրտնջալը (տես Ա.Կորնթացիներուն 10.6–10): Երբ «տրտնջալ» կարդացի, տեղէն ցատկեցի եւ պոռացի՝ «Ինչ: Տրտնջալ: Ինչպէս կրնայ տրտնջալը նոյն ցանկին մէջ ըլլալ միևն բոլոր մեծ մեղքերուն հետ»:

Լսեցի Սուրբ Հոգին ինձի կ'ըսէր. «Որդիս, տրտնջալը լուրջ մեղք մըն է իմ աչքիս»: Ան ինձի ցոյց տուաւ, թէ տրտնջալը կը բողոքէ՝ «Աստուած, չեմ սիրեր կեանքիս մէջ Քու ըրածներդ, եւ եթէ ես տեղդ ըլլայի, տարբեր ծեւով պիտի ընէի»:

Ապա Ան ըսաւ. «Անիկա անարգանք է իմ նկարագիրիս, անիկա ըմբռստութիւն է իմ կամքիս դէմ, եւ ընդհանուր առումով, սուրբ վախսի կոպիտ բացակայութիւն է»:

Ես ասիկա բաժնեկցեցայ Լիսային հետ եւ մենք համաձայնեցանք մեր զաւակները պատճել տրտնջալու համար՝ այն հասկացողութեամբ, որ անիկա ըմբռստութիւն էր: Ես ատիկա լուրջի

առի: Ակսայ խուսափիլ որեւէ տեսակի մրմնջալէ, եւ կը ջանայի մէկ գանգատի բառ չըսել: Սակայն յետագային՝ երբ չորս օրուայ ծոմապահութեան մէջ էի, լսեցի Սուրբ Հոգին կ'ըսէր. «Որդին, ես սիրտիդ մէջի տրտունջը կը լսեմ»:

Անմիջապէս ինկայ ծունկերոս վրայ, զղզումով: Աստուած հետագային ինձի ցոյց տուաւ, թէ Տիրոջ չէի ծառայեր ուրախութեամբ եւ յօժար սիրովով, եւ թշնամիներս իմ վրաս առաւելութիւն ունէին: Դարձեալ տեսնենք Պողոս ինչ կ'ըսէ.

Հետեւաբար, սիրելիներս, ինչպէս ամէն ատեն հնազանդեցաք, ո՞չ միայն իմ ներկայութեանս մէջ, հապա ալ աւելի հիմա՝ իմ բացակայութեանս ատեն, գործադրեցէք ձեր փրկութիւնը՝ ահով ու դողով: Որովհետեւ Աստուած է որ ձեր մէջ կը ներգործ թէ՝ կամենալը եւ թէ՝ ընելը՝ իր բարեհաճութեան համաձայն: Ըրէք ամէն ինչ՝ առանց պրպունջներու եւ առարկութիւններու: (Փիլիպպեցիներուն 2.12–14, շեշտադրումը՝ մեր կողմէ)¹

Այդ չորս օրուայ ծոմապահութենէն կարճ ժամանակ ետք էր, որ հասկցայ խորութիւնը այդ համարին մէջ գրուածին: Անիկա իմ աչքերս բացաւ այն իրականութեան թէ՝ տրտնջալը հակառակն է սուրբ վախին. անիկա իր Խօսքին դիմաց դողալ չէ: Մենք անպատուած կ'ըլլանք զԱստուած եւ իր Խօսքը երբ կը մտածենք կամ կը խօսինք դժգոհութեան կեցուածքով:

Անոնք, որոնք կը վախնան Աստուածմէ ամուր կերպով հաստատուած են այն իրականութեան մէջ թէ՝ չկայ աւելի կարեւոր կամ օգտակար բան քան հնազանդութիւնը: Անոնք կը հնազանդին ինչ ալ ըլլայ վճարուելիք գինը եւ Աստուծոյ Խօսքը չեն անցըներ ներկայ օրերու ընկերութեան նորոյթներուն կամ մշակոյթին մաղէն: Անոնք նաեւ Աստուծոյ Խօսքի իրենց հնազանդութիւնը չեն հիմներ ուրիշ հաւատացեալներու վարմունքին վրայ. պարզապէս կը հնազանդին:

1 Աստուածաշոնչ Հին եւ Նոր Կտակարաններու՝ Եբրայերէն եւ Յունարէն Բնագիրներէն Թարգմանուած, 2001

Անձնականացնել

Հատուած- Եթէ ուզէք հնազանդիլ՝ երկրին բարիքը պիտի ուտէք: (Եսայիհ 1.19)

Միտք- Սուրբ վախի ապացոյցը հնազանդութիւնն է, որ կ'ենթադրէ թէ՛ ճիշդ կեցուածք եւ թէ՛ անոր հետեւող արարքներ՝ ինչ ալ ըլլան պայմանները:

Խոկալ- Արդեօք միայն կը հնազանդինք երբ պայմանները նպաստաւր են: Սովորութիւն ունիմ տրտնջալու երբ բաներ իմ ուզածիս պէս չեն ընթանար: Ի՞նչպէս կրնամ ուրախութեան եւ յօժարութեան կեցուածք ունենալ ամէն ատեն: Ի՞նչպէս կրնամ ամրապնդել հնազանդելու որոշումս:

Աղօթք- Սիրելի Երկնաւոր Հայր, ներէ ինձի Քու Խօսքիդ դիմաց չդողալուս համար: Իմ հնազանդութիւնս պայմանական եղած է մինչեւ հիմա, եւ ուրախութեան եւ յօժարութեան վերաբերում չեմ ունեցած: Կը զղամ եւ ներում կը խնդրեմ Քեզմէ: Կ'ընդունիմ սուրբ վախսը: Կը խնդրեմ, որ սորվեցնես ինձի եւ գօրացնես, որպէսզի ուրախութեամբ հնազանդիմ ամէն ատեն: Յիսուսի անունով կ'աղօթեմ: Ամէն:

Դաւանութիւն- Կը վախնամ Աստուծմէ եւ հետեւաբար Ան իմ մէջս կը գործէ, որպէսզի ես թէ՛ կամենամ եւ թէ՛ ընեմ իր բարեհաճութեան համաձայն:

Աւելի լաւ է դողալ Տիրոջ
խօսքին դիմաց եւ խոնարհիլ
աստուածային սիրոյ անսահման
վեհափառութեան դիմաց քան
պոռալ մինչեւ որ ձայնդ քաշուի:

– ԶԱՐԼԶ ՀԱՏԸՆ ՍՓԸՐՃԸՆ



MessengerX

Ձեր «Եփիլիքէյցըն»-ը՝ ամենօրեայ աշակերտութեան համար


Բոլորովին անվճար

Պարզապես ներբեռնեցք ձեր շարժական սարքին վլայ եւօգտագործեցք:

Կամ օգտագործեցք «ուեպ» տարբերակը հետեւեալ հացեղվ.



MessengerX.com




125+ լեզուներ, որոնց թիւը կ'աւելնայ

-  Դիտեցք եւ ներբեռնեցք բովանդակութիւնը աւելի քան 125 լեզուներով:
-  Բաժնեկցեցք աղբիւրներ ձեր բարեկամներուն հետ կամ սերտողութեան խումբ մը սկսեք:
-  Մենք մշտապես նորութիւններ կ'աւելցնենք պարունակութեան:

Դիտեցք: Կարդացք: Լսեցք:

Դետազօտեցք բովանդակութեան ընդարձակ գրադարանը, որ կ'ընդգրկէ դասընթացքներ, ելեկտրոնային գիրքեր, օսեօ-գիրքեր, կարճ ֆիլմեր, եւ աւելին, զորս կրնաք դիտել, կարդալ եւ լսել:



Աճեցք Ամենակարեւոր Մարզերուն Մեջ

Դետազօտեցք այնպիսի Նիւթեր, ինչպիսիք են՝ ընտանեկան փոխյարաբերութիւններ, առողջ յարաբերութիւններ, գտնել ձեր կեանքին նպատակը, պոռնկագրութենք ազատագրութիւն, ինչպես ձեր հաւատքը կառուցել, Աստուծոյ ձայնը լսել, գործարքի դեկավարութիւն, եւ աւելին:

Ձեր Աճին ճամբորդութիւնը


MessengerX-ին նպատակն է ձեզի օգնել, որ ձեր յաջորդ քայլը առնեք ձեր կեանքին մեջ: Ուստի մենք ծրագրած ենք աշակերտական ճամբորդութիւն մը, օգտագործելով հզօր միջոցներ, որպեսզի յարատեւելով ճամբորդութեան աւարտին հասնիք:



Աւելի շատ հնարաւորութիւններ, զորս պիտի սիրեք

- Պարզ եւ դիւրին բաժնեկցելու միջոցներ, որոնք ձեզի պիտի օգնեն, որ խօսքը տարածեք եւ նոյնիսկ սերտողութեան խումբեր սկսիք:
- «Chromecast» եւ «AirPlay»՝ ձեր նախասիրած սմարթ հեռատեսիլներով դիտելու համար:
- Պահպանեցնեք ձեր յառաջադիմութիւնը ձեր բոլոր սարքերուն վրայ՝ Պահպանեցնեք ձեր նախասիրած նիւթերը ձեր գրադարանին մեջ՝ արագ մուտքի համար:
- Ներբեռնեցնեք նիւթերը ձեր սարքին վրայ՝ անցանց դիտելու համար:
- Ուժեղ որոնում եւ գտում՝ գտնելու համար այն, ինչ որ կը փնտռեք:
- Ինքնաբերաբար անցնիլ օտիխօ-գիրքի մը, Աստուածաշունչերու եւ նոյնիսկ պաշտամունքի երգերու յաջորդական գլուխներուն՝ ձեր լեզուով:

MessengerX - Նոյնքան դիւրին, որքան՝ 1-2-3ը



- 1** Ներբեռնեցք MessengerX «Եփլիբեյշն»-ը «App Store»-ին եւ «Google Play»-ին:
- 2** Մասնակցային հաշիւ ստեղծեցէք եւ ձեր լեզուն ընտրեցէք:
- 3** Փնտռեցէք, կարդացէք, դիտեցէք, լսեցէք, ներբեռնեցէք եւ բաժնեկցեցէք ձեր նախասիրած աղբիւրները:

Դարձնեցք աշակերտ եւ աշակերտեցէք
Իբրեւ MessengerX-ին մեկ մասը, դուք կ'օգնեք թարգմանուած աղբիւրները տրամադրելու աշխարհի շուրջ գտնուող բոլոր մարդոց:

Որովհետեւ ամեն մարդ արժանի է գիտնալու:



23| ԱՆՄԻՋԱՊԵՍ

Աստուծոյ վախի գլխաւոր ստորոգելիներէն մէկը անպայմանական հնազանդութիւնն է իր Խօսքին, որ զարմանալի օգուտներ պիտի ունենայ մեր կեանքին մէջ: Աստուծոյ Խօսքին դիմաց դողալը հինգ որոշակի երեսներ ունի, եւ յաջորդ հինգ օրերուն պիտի նայինք անոնց մէկ առ մէկ: Ահա առաջինը.

1. Հնազանդիլ Աստուծոյ անմիջապէս

Հնազանդութիւնը գլխաւոր տեղ կը գրաւէ կեանքին մէջ անոնց, որոնք կը վախնան Աստուծմէ: Անոնք իրենց անձնական հետաքրքրութիւնները չեն դներ Աստուծոյ ըսածները կատարելէն առաջ: Սուրբ վախը մեր սիրտերուն մէջ կը դնէ հետեւեալ համոզումը, թէ՝ այն ինչ որ կարենոր է Ասպուծոյ համար ինծի համար առաջնահերթութիւն է:

Կան բազմաթիւ համարներ, որոնց կրնանք նայիլ, բայց նախընթաց մը հաստատելու համար, պիտի նայինք Յիսուսի ըրած երկու հաստատումներու.

Կ'ուզեմ, որ հետեւեալ ձեւով վարուիք այս նիւթերուն մէջ: Եթէ պաշտամոնքի վայր մտնես եւ կը պատրաստուիս զրի մը մատուցանելու յանկարծ յիշես, որ ընկեր մը նեղացած է քեզմէ, ճգէ զրիդ, անմիջապէս դուրս ել այդ վայրէն եւ գնա՞ այդ ընկերոջդ քով ու լուծէ հարցը: Ասիկա ընելիդ ետք միայն վերադարձիր եւ Աստուծոյ հետ հաշիտ լուծէ: (Մտ 5.23–24, շեշտադրումը՝ մեր կողմէ)¹

Նկատի առ անմիջապէս բառը: Դարձեալ, ինչպէս Եսայիի 66-ին մէջ Յիսուս կը շեշտէ, թէ մենք պէտք չէ գրադինք բաներ

1 Բառացի թարգմանութիւն՝ անգլերէն *Sir Մասէճ (MSG)* տարբերակէն

Ի՞նչպէս կը Պատասխանենք Աստուծոյ Խօսքին

ընելով Աստուծոյ համար մինչ կ'անտեսենք Անոր արդէն իսկ մեզի ըսածներուն հնազանդիլը: Յիսուս յատով կերպով կը խօսի նեղանալու մասին, բայց ընդհանուր սկզբունքը կիրարկելի է ամէն պայմանի մէջ:

Յիշենք այն մարդ, որ բաժնեկցեցաւ ինձի հետ շարունակ ձեւով շնորհեան մէջ իյնալուն մասին, եւ սակայն ան շուարած էր, թէ ինչո՞ւ իր աղօթքները չէին պատասխանուեր եւ թէ ինչո՞ւ իր գործին մէջ իր յուսացածին պէս յաջողութիւն չէր գտներ: Եկուր պահ մը կանգ առնենք եւ մտածենք այդ մասին: Եթէ իր առաջնահերթութիւնը չէր սեռային անբարոյութենէնս փախուստ տալու վերաբերեալ Աստուծոյ Խօսքին հնազանդիլը, ինչո՞ւ պէտք էր ակնկալիք, որ Աստուծոյ առաջնահերթութիւնը ըլլար իր գործը օրինելը:

Հեղի՝ Խրայէի քահանայապետը, ունէր երկու որդիներ, որոնք եւս քահանաներ էին իր ղեկավարութեան տակ, բայց անոնք չար էին: Անոնք շնորհիւն կը գործէին եւ մարդոց զոհերը կ'առնէին բռնի կերպով: Հեղի յապահեցաւ իր որդիներուն ըրած չարութեան հարցը լուծելու: Տիրոջ պատասխանը իր այդ անհոգութեան եղաւ. «Ինչո՞ւ [...] քու որդիներդ ինձմէ աւելի կը փառաւորես» (Ա.Թագաւորներուն 2.29):

Երբ մենք դանդաղ կը շարժինք կամ կ'անտեսենք Աստուծոյ հնազանդիլը ուրիշի մը պատճառով կամ նպատակի մը համար, մենք այդ անձը կամ նպատակը աւելի փառաւորած կամ պատուած կ'ըլլանք քան զԱստուած: Ասիկա սուրբ վախի բացակայութիւնն է: Ապա Աստուած կ'ըսէ.

Ես զիս փառաւորողները պիտի փառաւորեմ, իսկ զիս արհամարհողները պիտի անարգուին: (Ա.Թագաւորներուն 2.30, շեշտադրումը՝ մեր կողմէ)

Ասոնք սթափեցնող բառեր են: *Արհամարհած կ'ըլլանք զԱստուած* երբ կ'ուշացնենք կամ կ'անտեսենք իր Խօսքին հնազանդիլը: Մենք հիմնականօրէն ըսած կ'ըլլանք. Ան մեր առաջնահերթութիւնը չէ: Աստուած կ'ըսէ, թէ պիտի անարգէ անոնք, որոնք կ'արհամարհեն զինք: *Անարգել բառը երբայերէնով գայլալ բառն է*, որ կը սահմանուի իբրեւ՝ «աննշան ըլլալ, չնչին ըլլալ»: Չնչին կը նշանակէ՝ շատ քիչ արժէք կամ կարեւորութիւն ունենալ: Այս հաստատումը մեկնաբանելու ձեւերէն մէկը այն է, թէ Աստուած չնչին կը տեսնէ այն ինչ որ կարեւոր է անոնց համար, որոնք կ'արհամարհեն իր Խօսքը: Առողջ միտք ունեցող ոեւէ մէկը պիտի չփափաքէր այդպիսի բան մը:

Եթէ այդ գործարարը պատուէր Աստուծոյ Խօսքը՝ ինչ կը վերաբերի

սեռային մաքրութեան, թերեւ Աստուած անոր գործը (պիզնը) կարեւոր պիտի համարէր: Փոխարէնը, այնպէս կը թուէր, թէ զանիկա չնչին կը համարէր:

Ուրիշ հատուած մը, որ ցոյց կու տայ անմիջական հնազանդութեան կարեւորութիւնը Յիսուսի խօսքերն են Եփեսոսի Եկեղեցին:

Ապաշխարէ՛ եւ վերադարձիր նախկին գործերուդ, ապա թէ ոչ՝ եթէ չապաշխարէն՝ շուկով կու գամ եւ կը վերցնեմ քու ճրագարանդ իր տեղէն: (Յայտնութիւնը 2.5, շեշտադրումը՝ մեր կողմէ)

Ապաշխարել կը նշանակէ՝ փոխել մտածելու եւ հետեւաբար նաեւ վարուելու ձեւի՝ Աստուծոյ Խօսքին համապատասխանելու համար: Եթէ այդ Եկեղեցին ուշացնէր իր հնազանդութիւնը, պիտի փախցնէին օրինուած մնալու իրենց առիթը: Յիսուս շուտով պիտի գար եւ վերցնէր իրենց ազդեցութիւնը: Դարձեալ, ասիկա սրափեցնող խորհուրդ մըն է:

Դուկասի Աւետարանին մէջ կը կարդանք պատմութիւն մը, ուր կը տեսնենք ժամանակի ընտրութեան եւ առաջնահերթութեան պատճառով վրիպած կամ փախցուած առիթներ: Յիսուս ըսաւ. «Մարդ մը կար, որ մեծ ընթրիք մը սարքեց եւ շատեր հրաւիրեց: Ընթրիք ժամուն իր ծառան որկեց, որպէսզի հրաւիրեալներուն ըսէ. “Եկէք, ամէն ինչ պատրաստ է արդէն”» (Դուկասի 14.16-17): Կասկած չկայ, Տիրոջ խօսքն է. խնճոյքը պատրաստ է: Ժամանակի ընտրութիւնը էական է:

Տես այդ հրաւիրեալներուն պատասխանները. «Հրաւիրեալները սկսան մէկ առ մէկ հրաժարիլ [«պատրուակներ ընել», ըստ անգլերէն Նիու Լիվինկ Թրանսլյշն (NLT) տարբերակին]» (հմր 18): Երեւութապէս իրաւացի պատճառներ կը տրուին ընթրիքին չմասնակցելու: Մէկը արտ գներ էր, մէկը գործը չէր կրնար ձգել եւ ուրիշ մը նոր ամուսնացած էր եւ կինը չէր կրնար առանձին ձգել: Պատրուակները շնութիւն գործել, գողնալ, սպաննել կամ մեղք համարուտղ ուրիշ որեւէ բան չէին: Սակայն երբ մեղք չեղող բան մը Տիրոջ խօսքէն աւելի առաջ կ'անցնի, անիկա մեղք կ'ըլլայ:

Ծառան ետ եկաւ եւ իր տիրոջ ըսաւ հրաւիրեալներուն ըսածները, եւ՝ «այն ատեն տանտէրը վրդով[եցաւ]» (հմր 21): Ոչ թէ որ ուրախ չէր, այլ՝ վրդոված էր: Ինչո՞ւ: Որովհետեւ իր հրաւիրը արհամարհուած էր. անիկա առաջնահերթութիւն չէր սեպուած:

Ի՞նչ կ'ընէ տէրը: Կը հրափրէ ուրիշներ, որոնք սկիզբը չէին հրաւիրուած: Յիսուս Եղրակացուց, ըսելով. «Առաջին հրաւիրեալներէն ո՞չ մէկը իմ ընթրիքէս պիտի ճաշակէ» (հմր 24): Անոնք իրենց առիթը

Ի՞նչպէս կը Պատասխանենք Աստուծոյ Խօսքին

Կորսնցուցին: Անոնց պատրուակները անվաս կը թուէին, բայց կարեւոր է յիշել, թէ նոյնիսկ անվաս բաները կրնան շեղել մեզ Աստուծոյ կամքը կատարելէն: Ասիկա դիւրութեամբ կը պատահի երբ Տիրոջ վախը բացակայ է մեր սիրտերէն:

Շատ աւելի մեծ թիւվ կորսուած առիթներ արձանագրուած են Աստուածաշունչին մէջ, որոնք արդիւնքն էին ուշացած հնազանդութեան: Իրականութեան մէջ անոնց թիւը այնքան մեծ է, որ հոս բոլորը կարելի չէ թուել: Սակայն մէկ օրինակ եւս այսի ընտրեմ, որ շատ խօսուն է: Ղուկասի 9-ին մէջ Յիսուս երկու տարբեր մարդիկ կը հրաիրէ, որ հետեւին իրեն: Ինչ հրաւէր: Ամբողջ ստեղծագործութեան Տէրը կը հրաւիրէ քեզ, որ հետո քալես... Առաջին մարդը համաձայնեցաւ, բայց պայմանով մը. «Տէր, թոյլ տուր որ նախ երթամ եւ թաղեմ հայրս» (հմր 59, շեշտադրումը՝ մեր կողմէ):

Մարդը համաձայնեցաւ հետեւիլ Յիսուսի, բայց յապաղեցաւ ատիկա ընելու մէջ՝ իր անձնական հետաքրքրութիւնները աւելի առաջ դնելով: Ուսումնասիրողներ կ'ըսեն, թէ այդ օրերուն երբ հայր մը մեռնէր, անոր անդրանիկ որդին կրկնակին բաժին կը ստանար անոր ժառանգութենէն, մինչ միա որդիները՝ իրաքանչիւրը մէկ բաժին: Սակայն եթէ ան իր պարտականութիւնը չկատարէր, այդ իրաւունքը կը տրուէր երկրորդ որդիին: Այդ մարդուն պատրուակը օրինական էր, եւ յապաղիլը չէր ինար մեղքի դասակարգումին տակ: Սակայն ան ետեւ մնաց: Դժբախտաբար, ատիկա փախցուած առիթ մըն էր:

Միւս մարդը ստացաւ նոյն հրաւէրը, որուն պատասխանեց. «Տէր, պիտի հետեւիմ քեզի, բայց թոյլ տուր որ նախ երթամ ընտանիքէս հրաժեշտ առնեմ» (հմր 61, շեշտադրում՝ մեր կողմէ): Դարձեալ կը լսենք նախ բառը, եւ դարձեալ անոր յապաղումին պատճառը մեղք մը չէր համարուեր: Սակայն տակաւին ան կորսնցուց երկինքի եւ երկիրի Ստեղծիչին մօտիկ ըլլալու իր առիթը:

Ցաջորդ գլուխին մէջ կը կարդանք. «Այս դէպքէն ետք՝ Յիսուս եօթանասուներկու աշակերտներ եւս նշանակեց եւ զանոնք զոյզ-զոյզ իրմէ առաջ դրկեց» (Ղուկասի 10.1): Այդ երկու մարդիկը պիտի ըլլային այդ եօթանասուներկուին մէջ, բայց անոնք հաւանաբար փախցուցին այդ առիթը, որովհետեւ յապաղեցան հնազանդելու մէջ՝ աստուածային վախի բացակայութեան պատճառով:

Տարիներէ ի վեր Աստուծոյ ժողովուրդին կը ծառայեմ եւ տակաւին կը զարմանամ երբ կը լսեմ, որ հաւատացեալ մը անվորով կերպով կ'ըսէ. «Աստուած ամիսներէ ի վեր այդ հարցին մասին կը խօսի ինծի»: Անոնք կը ժպտան եւ երբեմն խնդալով կ'անցնին ուրիշ

նիւթի, կարծես թէ հաճելի բան մը ըլլար ատիկա: Միայն եթէ անդրադառնային, որ կը յոխորտային իրենց սուրբ վախ չունենալուն մասին, չեմ կարծեր, որ այդքան թեթեւութեամբ պիտի առնէին եղածը:

Ի՞նչ պիտի պատահէր եթէ հօտին հոգ տանելու իր բազմազբաղութենէն Մովսէս յապաղէր ճամբայէն շեղելով երթալ տեսնելու այրող բայց չսպառող մորենիի այդ մեծ տեսարանը (տես Ելքի 3):

Ի՞նչ պիտի պատահէր եթէ Նոյ յապաղէր տապանակը շինելու:

Ի՞նչ պիտի պատահէր եթէ Աբրամ յապաղէր Քանան երթալու: Անոր հայրը յապաղեցաւ. ան առաջին կանչուածն էր Քանան երթալու: Այն ինչ որ իր հայրը կորսնցուց իր յապաղումին մէջ, Աբրամ կատարեց (տես Ծնունդներու 11.31):

Ի՞նչ պիտի պատահէր եթէ Նէմիա յապաղէր աւարտելու պատին շինութինը՝ կատարած ըլլալու համար երկու ղեկավարներուն՝ Սանաբաղատի եւ Գեսամի դիմումը, որ դադրեցնէ գործը եւ երթայ իրենց հետ հանդիպելու: Բայց Նէմիա կը վախնար Աստուծմէ: Անոր պատասխանը եղաւ. «Ես մեծ գործով մը զբաղած եմ, ու չեմ կրնար իջնել: Ինչո՞ւ գործը դադրի, երբ զայն թողում ու ձեզի իջնեմ» (Նէմիայի 6.3):

Օրինակները անվերջանալի են: Եզրակացութինը այն է, թէ՝ երբ կը դողանք Աստուծոյ Խօսքին դիմաց, անմիջապէս կը հնազանդինք Անոր:

Անձնականացնել

Հատուած- Քու պատուիրաններդ պահելու արտորացի, եւ չտնտնացի: (Սաղմոսներու 119.60)

Միտք- Եթէ յապաղինք անձնական պատրուակներով Աստուծոյ Խօսքին հնազանդելու, ըսել ուզած կ'ըլլանք, թէ իր կամքը երկրորդական կարեւորութիւն ունի:

Խոկալ- Հաւանական է, որ անվսաս երեւող բաներ շեղեն մեզ Աստուծոյ կամքը կատարելէն: Երբ մեղք չհամարուող բան մը աւելի առաջնահերթ կը դառնայ քան Տիրոջ Խօսքը, անիկա մեղք կ'ըլլայ: Արդեօք արտօնած եմ ինքզինքիս, որ շեղիմ անձնական հետաքրքրութիւններու պատճառով եւ հետեւաբար յապաղիմ հնազանդելու: Ի՞նչպէս կարելի է փոխել ատիկա:

Ի՞նչպէս կը Պատասխանենք Աստուծոյ Խօսքին

Աղօթք- Սիրելի Երկնաւոր Հայր, ներէ ինձի այն ժամանակներուն համար երբ Քու Խօսքիդ հետ վարուած եմ իբրեւ զանազան ընտրութիւններէն մէկը եւ առաջնահերթ չեմ համարած զանիկա: Կ'անդրադառնամ, որ ատիկա ընելով, ես ըսել ուզած եմ, որ այն ինչ որ կարեւոր է Քեզի համար չնշին է ինձի համար: Կ'ապաշխարեմ եւ Քեզմէ ներում կը խնդրեմ: Ես գլխաւոր առաջնահերթութիւն պիտի համարեմ Քու փափաքներդ: Յիսուսի անունով կ'աղօթեմ: Ամէն:

Դաւանութիւն- Երբ որ գիտնամ Աստուծոյ կամքը, անմիջապէս պիտի հնազանդիմ անոր:

Մենք չենք կանչուած
ապրելու մարդկային
տրամաբանութեամբ:
Միակ կարեւոր բանը

Աստուծոյ Խօսքին եւ Անոր
առաջնորդութեան հնազանդիլն
է մեր կեանքերուն մէջ: Եթք իր
կամքին մէջն ենք, աշխարհի
ամէնէն ապահով տեղն ենք:

– ԵՂԲԱՅՐ ԵՈՒՆ

24 | ԱՆՀԱՍԿՆԱԼԻ Է

Անցեալին Սուրբ Հոգին քեզ առաջնորդած է, որ ընես բան մը, որ անհասկնալի էր քեզի համար: Անոնք, որոնք որոշ ժամանակէ ի վեր Աստուծոյ հետ կը քալեն, «Այո» պիտի պատասխանեն: Բայց հարցնեմ ուրիշ հարցում մը. Հնազանդելէդ ետք հասկնալի եղան քեզի համար անմիջապէս կամ նոյնիսկ որոշ ժամանակ մը ետք: Գրեթէ միշտ, այն: (Կ'ըսեմ՝ «գրեթէ միշտ», քանի որ կան հազուադէպ պարագաներ երբ կրնայ հասկնալի չըլլալ մեզի համար մինչեւ որ դատաստանի աթոռին առջեւ կենանք:) Շարունակելով քննել, թէ ինչ կը նշանակէ դողալ Աստուծոյ Խօսքին դիմաց, ան որ սուրբ վախով կ'ընթանայ, պիտի՝

1. Հնազանդի Աստուծոյ անմիջապէս

2. Հնազանդի Աստուծոյ նոյնիսկ եթէ անհասկնալի է

Միշտ պատահող բան մը չէ, որ Աստուած մեզմէ ուզէ, որ ընենք բան մը, որ հասկնալի չէ մեզի համար: Բայց կը պատահի: Հարցնենք կարգ մը հարցումներ:

Իմաստ ունէր հողին վրայ թքելը եւ ցեխը կոյրի մը աչքին դնելը եւ ապա անոր ըսելը, որ երթար եւ լուար աչքերը: Ո՞չ, իմաստ չունէր օրին, բայց այդ խորհուրդը (իմաստութիւնը) կոյրի մը աչքերուն տեսողութիւն տուալ:

Իմաստ ունէր գինիի տակառներու մէջ ջուր լեցնել տալը հարսանեկան խրախճանքի մը ընթացքին երբ գինի էր ուզուածը: Ո՞չ, իմաստ չունէր օրին, բայց այդ խորհուրդին (իմաստութեան) իբրեւ արդինք խրախճանքի ամէնէն ընտիր գինին ունեցան:

Իմաստ ունէր փորձառու նաւավարներու թելադրելը, որ իրենց բնազդին եւ մարզումին հակառակ քայլ առնեն եւ չըեն խորտակուող

Ի՞նչպէս կը Պատասխանենք Աստուծոյ Խօսքին

Նաւը երբ փոքր նաևակներ տրամադրելի էին: Ո՛չ, իմաստ չունէր օրին, բայց այդ խորհուրդը (իմաստութիւնը) փրկեց կեանքերը նաւուն վրայ Եղող 276 մարդոց. ոչ մէկը իր կեանքը կորսնցուց (Կարդա Գործերը 27.27–36):

Իմաստ ունէր, որ մէկը ձգէր ամբողջ քաղաքին մէջ տարածուած վերարթնութեան շարժումը՝ զոր Աստուծ սկսելու համար զինք գործած էր, եւ հնազանդէր անապատ երթալու պատուէրի մը: Ո՛չ, իմաստ չունէր օրին, բայց այդ խորհուրդը (իմաստութիւնը) ճամբայ բացաւ, որ Եթովպիայի իշխանութեան կարգին մէջ երրորդ անձը փրկուի:

Իմաստ ունէր մեծ քաղաքի մը բարձր պատերուն շուրջը լուորէն քալելը եւ ապա եօթներորդ օրը եօթը անգամ նոյնը ընելը եւ վերջապէս փողերը հնչեցնելը եւ պոռալը: Ո՛չ, իմաստ չունէր օրին, բայց այդ խորհուրդը (իմաստութիւնը) թշնամիին պատերուն իյնալուն պատճառը եղաւ:

Իմաստ ունէր ալիւր դնելը պնակ մը թունաւոր ապուրին մէջ եւ ապա ըսելը, որ բոլորը ուտեն անկէ: Ո՛չ, իմաստ չունէր օրին, բայց այդ խորհուրդը (իմաստութիւնը) բոլորին մատակարարեց սննդարար կերակուր մը եւ ոչ ոք հիանդացաւ:

Իմաստ ունի՞ ներելը անոնց, որոնք վսաս հասցուցած են քեզի, ընտանիքիդ կամ քեզի մօտիկ մէկու մը: Պէտք չէ, որ անոնք ատոր գինը վճարեն:

Իմաստ ունի՞ սիրելը զանոնք, որոնք կ'ատեն քեզ: Պէտք չէ զանոնք անտեսել:

Իմաստ ունի՞ բարիք գործելը անոնց, որոնք սխալ կերպով վարուած են քեզի հետ: Պէտք չէ վոկէժ լուծել անոնցմէ:

Իմաստ ունի՞ պատուելը իշխանութեան վրայ Եղողները, որոնք չարութիւն կը գործեն: Պէտք չէ գանգատինք եւ ըմբռստանանք:

Իմաստ ունի՞ պատուելը զանոնք, որոնք կ'անպատուեն քեզ: Պէտք չէ բարկանաս եւ յանդիմանես զանոնք:

Կրնամ այդպէս շարունակել մինչեւ այս գլուխին վերջաւորութիւնը եւ հաւանաբար մինչեւ գիրքին վերջաւորութիւնը՝ բաժնեկցելով Աստուծաշունչէն պատուէրներու մասին, որոնք անիմաստ կը թուին, բայց անոնց արդինքներուն վրայ հիմնուելով, բոլորն ալ փաստեցին ըլլալ Աստուծոյ իմաստութիւնը: Այդ օրինակներուն մէջ դեր ունեցողները կամ դողացին Աստուծոյ պատուէրներուն դիմաց, հնազանդեցան եւ օրինուեցան կամ

ալ Աստուծոյ վախը չունենալով, անտեսեցին կամ անհնազանդ գտնուեցան անոնց եւ հետեւանքները կրեցին: Յուսամ աւելի յստակօրէն կը տեսնես, թէ ինչպէս Տիրոջ վախը իրապէս իմաստութեան սկիզբն է (տես Սաղմոսներու 111.10): Մեզի կ'ըսուի.

Տէրոջ վստահէ ամբողջ սիրտովդ, ու քու խելքիդ մի՛ ապակինիր.
զայն ճանչցիր քու բոլոր ճամբաներուդ մէջ, եւ ինք պիտի շտկէ
քու ուղիներոյ: (Առակներու 3.5-6, շեշտադրումը՝ մեր կողմէ)

Տիրոջ իմաստութիւնը շատ աւելի գերազանց է քան մերը. հետեւաբար պէտք չէ ապակինքնը մեր սեփական հասկացողութեան: Կրնանք դիրութեամբ շեղիլ հնազանդութենէ, որ վերջատրութեան օգուտ պիտի ըլլայ մեզի՝ եթէ կատարենք այն ինչ որ տրամաբանական չէ: Այն անձը, որ կը վախնայ Աստուծմէ՝ կը հնազանդի, նոյնիսկ երբ անհմաստ կը թուի պատուէրը:

Քանի մը տարի առաջ ես հանդիպեցայ միլիառատիրոջ մը: Ան պատմեց իր ասպարէզին սկիզբը իր ունեցած գործի ձախողութիւններուն մասին: Ան կարդացած էր յաջող պիզնըս մը հիմնելու համար բոլոր հանրածանօթ գիրքերը եւ կիրարկած անոնցմէ քաղած իմաստութիւնը: Սակայն տակալին դժուարութիւններ ունէր:

Օր մը երբ եկեղեցին էր եւ մտիկ կ'ընէր իր հովհին քարոզին, խորհուրդ մը եկաւ միտքը, թէ՝ Ան կոչուած է Աւելարանը քարոզելու եւ Սուլր Հոգիին կը վսպահի՝ իր կեանքի առաքելութիւնը կադարելու համար: Ես կոչուած եմ շուկային մէջ ըլլալու, ուսպի ինչո՞ւ չեմ վսպահիր Սուլր Հոգիին՝ ընելու համար այն ինչ որ կանչուած եմ ընելու:

Ան կ'որոշէ ամէն առոտու արթննալ եւ Տիրոջմէ ուղղութիւն խնդրել այդ օրուան համար: Տետրակ մը կը բերէ եւ կը սկսի գրել ամէն քան, որ կը մղուի ընելու: Նաեւ կը սկսի ուշադրի ըլլալ, որ մէկ ականջը միշտ Սուլր Հոգիին տուած ըլլայ օրուան ընթացքին, նոյնիսկ իր գործի հանդիպումներուն ատեն:

Ան կարգ մը մանրամասնութիւններ բաժնեկցեցաւ: Օր մը առուծախի հանդիպում մը ունէր: Այդ առոտու զգաց, որ Սուլր Հոգին իրեն կ'ըսէր, որ ընէր քան մը, որ շատ աննշան կը թուէր: Հասկնալի չէր իրեն համար, բայց նուիրուած էր ընելու:

Սուլր Հոգին իրմէ ուզած էր, որ շարունակ կրկնէր որոշ շարժում մը: Միտքը եկաւ այն թագաւորը, որուն Եղիսէ մարգարէն ըսած էր, որ նետերը գետին զարնէր: Թագաւորը երեք անգամ ըրած էր ատիկա եւ յանդիմանուած էր մարգարէն կողմէ՝ այդ արարքը յաւելեալ կերպով

Ի՞նչպէս Կը Պատասխանենք Աստուծոյ Խօսքին

չկրկնելուն համար (կարդա՞ Դ.Թագաւորներուն 13.14–19): Ուստի այդ մարդը Սուրբ Հոգին ըսած արարքը քսան անգամ կրկնեց: Ան ըսաւ. «Այդ օրը իմ ընկերութիւնս քսան հիւանդանց գնեց Վիեթնամի մէջ»:

Ապա ան պատմեց, թէ ի՞նչպէս գնած էր Երոպայի ամէնէն մեծ դրամատուներէն մէկը: Այդ գործընթացը տակաւին աւելի տարօրինակ էր քան քսան հիւանդանոցներ գնելունը: Զարմացած էի: Պարզօրէն այդ գործարարը ընտրեց հնազանդիլ Աստուծոյ ինչ ալ որ ըսուած ըլլար իրեն աղօթքի ատեն՝ անիկա տրամաբանական թուէր կամ ոչ: Պտուղը յայտնի է. ան այլեւ չի ձախողիր:

Երբ մեր որդիներէն մէկը իր դեռահասութեան վերջին տարիներուն մէջն էր, իրմէ խնդրեցի, որ ընէ բան մը, որ անհասկնալի էր իրեն համար: Ան դէմ դրաւ ինձի, ըսելով, որ իմ պատուէրս իմաստ չունէր, բայց ես հաստատ մնացի կեցուածքիս վրայ: Յոգնելով դիմադրելէ, վերջաւորութեան ըսաւ. «Պապ, ես հազարամեակի սերունդ եմ: Մենք աշտր է բանի մը “ինչո՞ւ”ն հասկնանք նախքան, որ ընենք զանիկա»:

Իրեն ըսի. «Լաւ: Համաձայնութիւն մը ընեմ հետդ: Բացատրեմ՝ պատմելով իրական պատմութիւն մը: Աստուած Յուդայի երիտասարդ մարգարէներէն մէկուն ըսաւ, որ երթար Բեթէ, մարգարէանար Իսրայէլի թագաւորին, եւ Յուդա չվերադառնար իր գացած ճամբով: Առաւել՝ բան մը չուտէր ամբողջ ճամբորդութեան ընթացքին: Երիտասարդ մարգարէն չինազանդեցաւ Սուրբ Հոգին պատուէրներուն եւ ատոր հետեւանքները կրեց. ան առիւծի մը կողմէ սպաննուեցաւ ճամբորդութեան ընթացքին (տես Գ.Թագաւորներուն 13.16,23–26): Տղան, ահա մեր համաձայնութիւնը: Այն օրը, որ ինձի կ’ըսես այդ երիտասարդ մարգարէն թելադրուածին “ինչո՞ւ”ն այդ օրը ես քեզի կ’ըսեմ իմ թելադրանքիս “ինչո՞ւ”ն»:

Մինչեւ այսօր ան չէ կրցած ինձի ըսել այդ «ինչո՞ւ»ն: Իրականութեան մէջ ատիկա շփոթի կը մատնէ զիս եւս: Կան ժամանակներ երբ Աստուած մեզի պիտի ըսէ, որ ընենք բան մը, որ իմաստ չունի մեր միտքին համար: Բայց անոր իմաստութիւնը միշտ կը հաստատովի ըսուածին հնազանդելուն արդինքներովը: Ասոր համար Յիսուս կ’ըսէ. «Իմաստութիւնը ճիշդ դուրս կու գայ՝ իր արդինքներով» (Մատթէոսի 11.19)¹:

Թող բոլորս ալ ըլլանք Պետրոսի պէս, որ ամբողջ գիշերը ծովուն բացերը աշխատելէն եւ արդինք չքաղելէն ետք, մտիկ ըրաւ Յիսուսի խօսքը երբ ըսաւ, որ դարձեալ ծովուն խորերը երթան եւ անգամ մը եւս ջուրը նետեն իրենց ուուկանները: Այդ պատուէրը

1 Բառացի թարգմանութիւն՝ անգլերէն Կարգ՝ Պուլրու Թրանսլյշն (GW) տարբերակէն

շատ գործ կ'ենթադրէր երբ անոնք արդէն իսկ սպառած էին: Չես սիրեր Պետրոսի պատասխանը. «Ամբողջ գիշերը յոգնեցանք եւ ոչինչ որսացինք, բայց քու խօսքիդ համար ուոկանները նետենք» (Ղուկասի 5.5): Արդիւնքը եղաւ՝ երկու նաւակ լեցնելու չափ ձուկ:

Անձնականացնել

Հատուած- Անոնք, որոնք իրենց սեփական ներըմբռնումին կը վստահին անմիտ են, բայց ոեւէ մէկը, որ իմաստութեամբ կ'ընթանայ՝ ապահով է: (Առաներու 28.26)¹

Միտք- Տիրոջ իմաստութիւնը շատ աւելի գերազանց է քան մերը. հետեւաբար պէտք չէ ապահնինք մեր սեփական հասկացողութեան: Անիկա կրնայ դիւրութեամբ շեղել մեզ հնազանդութեան օգուտներէն: Այն անձը, որ կը վախնայ Աստուծմ՝ կը հնազանդի, նոյնիսկ երբ անհմաստ կը թուի պատուէրը:

Խոկալ- Հարց ունիմ Աստուծոյ իմաստութեան վստահելու մէջ: Անցեալին բնաւ պատահած է, որ կասկածիմ Անոր խորհուրդին վրայ եւ ընեմ այն ինչ որ տրամաբանական եւ հետեւաբար ապահով կը թուի ինծի: Ինչ արդիւնք տուաւ ատիկա: Ինչ պիտի պատահէր եթէ Աստուծոյ նայէի՝ ուղղութիւն ստանալու համար, եւ վստահէի իրեն: Կրնամ նուիրուիլ այդ գործընթացին:

Աղօթք- Սիրելի Երկնաւոր Հայր, ներէ ինծի՝ Քուկինիդ փոխարէն իմ սեփական իմաստութեանս վստահելուս համար: Կը խնդրեմ, որ ինծի տաս հաւատք ստանալու Քու իմաստութիւնդ մինչ կը կարդամ խօսքդ եւ կ'աղօթեմ ինչպէս նաեւ մտիկ կ'ընեմ աստուածային խորհուրդին անոնց, որոնք կը վախնան Քեզմէ: Տուր ինծի զօրութիւնը հաւատալու եւ հնազանդելու նոյնիսկ երբ անհմաստ կը թուի պատուէրդ: Յիշուախ անունով կ'աղօթեմ: Ամէն:

Դաւանութիւն- Կ'ընտրեմ հնազանդիլ Աստուծոյ իմաստութեան փոխանակ իմ սեփականիս կամ ձայներուն անոնց, որոնք կը վստահին մարդկութեան կարողութեան եւ ոչ Աստուծոյ:

1 Բառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

Մարդուն պարտականութիւնն
է սիրել զԱստուած Եւ վախնալ
Անկէ, նոյնիսկ առանց
Վարձատրութեան յոյսի
կամ պատիժի վախի:

– ՄԱՅՄԱՆԱՏԻՇ

25 | ԱՌԱՑ ԲԱՑԱՅԱՅՑ ՕԳՈՒՏԻ

Հաւանաբար լսած էք ծնող մը կը դժգոհի կամ ցաւ կ'արտայայտէ այն իրականութեան համար, որ միակ ատենը, որ իր համալսարանական տղան կամ աղջիկը կը կապուի իրեն հետ այն է երբ դրամի պէտք ունի: Այդ պարագային մէջ եղող զաւակը՝ իր ծնողքին հետ իր հազորադաշտային խօսակցութիւններուն ընթացքին, կրնայ հետաքրքրութիւն ցոյց տալ մօրը կամ հօրը հետ խօսելու ատեն, բայց ատոր ետին գտնուող շարժառիթը անոնց աղբիւրէն իր օգտուիլն է: Սուրբ վախը կը պաշտպանէ մեզ մեր Երկնաւոր Հօրը հանդէպ եւս նոյնը ընելէն եւ մեզի կը ծանօթացնէ Աստուծոյ խօսքին դիմաց դողալու այս յաջորդ երեսը: Վերաքաղ մը ընենք եւ աւելցնենք մեր նոր ցուցանիշը.

1. **Հնազանդիլ Աստուծոյ անմիջապէս**
2. **Հնազանդիլ Աստուծոյ նոյնիսկ եթէ անհասկնալի է**
3. **Հնազանդիլ Աստուծոյ նոյնիսկ երբ անձնական օգուտ մը չես տեսներ անոր մէջ**

Աելի քան քառասուն տարի ծառայութեան մէջ ըլլալով, նկատած եմ տիսուր իրականութիւն մը, յատկապէս Արեմտեան Եկեղեցին մէջ: Շատ յաճախ որպէսզի հաւատացեալները հետաքրքրուած ըլլան հնազանդութեամբ, անոր օգուտները պէտք է շեշտուին: Մտածէ այդ մասին պահ մը: Առջեւի շարքին վրայ նստարան մը ապահովելու համար երեսուն վայրկեան կանուխ ներկայ ախտի ըլլայինք Եկեղեցի՝ սրբութեան մասին պատգամ մը լսելու համար: Հնազանդութեան մասին վերնագիրներ ունեցող գիրքերը ամէնէն շատ ծախուտող գիրքերու ցանկերուն վրայ են: Ղեկավարութիւնը շեղած

Ի՞նչպէս կը Պատասխանենք Աստուծոյ Խօսքին

Է մարդոց սխալները յայտնող ճշմարտութիւնները յայտարարելու իր առաքելութենէն՝ պատշաճնելու համար այդ նորոյթին: Այլ խօսքով, մեծ թիւվ ծառայութիւններ տեղի տուած են իրենց ապրած կեանքին հաւանութիւն տուող ներշնչից պատմութիւններ լսելու համայնքներու ճնշումին, փոխանակ Աստուծոյ ժողովուրդը հրավիրելու, որ ուրանան իրենք գիրենք եւ Յիսուսի հետեւին:

Ի՞նչն է, որ այդ նորոյթը այդպիսի տիսուր իրականութեան մը կը վերածէ: Անտեսելով Աստուծոյ իմաստութիւնը, իրականութեան մէջ մենք մեզի վնաս կը հասցնենք: Անոր պատուէրները, խորհուրդները եւ իմաստութիւնը վերջաւորութեան մեծագոյն օրինութիւնները կը բերեն թէ՛ այս կեանքին մէջ եւ թէ՛ գալիքին: Մեզի կ'ըսուի, թէ՛ «զանոնք պահելուն վարձատրութիւնը մեծ է» (Սաղմոսներու 19.11): Բնաւ չես կրնար Աստուծմէ աւելի տալ. օգուտները շատ աւելի մեծ են քան որեւէ բան, որ դուն կրնաս ընել իրեն համար:

Միև կողմէ վտանգաւոր է մղել մէկը քաջալերանքներով: Ի՞նչի՞: Եթէ օգուտը բացայատ չէ, արդեօք պիտի ունենանք Աստուծոյ ցուցմունքներուն հնազանդելու նոյն վճռակամութիւնը: Շատ հաւանաբար այդ վճռակամութիւնը պիտի յաղթահարուի անձնական հետաքրքրութիւններով կամ շահերով: Ասոր համար է, որ Տիրոց վախը այդքան ճակատագրական է. անիկա կը մղէ մարդը հնազանդելու՝ մրցանակը կամ վարձատրութիւնը բացայատ ըլլայ կամ ոչ:

Մեծն Պարսկական Կայսրութեան ժամանակաշրջանին, այդ հզօր թագաւորութիւնը նուաճած էր միա բոլորը եւ անոր ղեկավարը՝ Ասուերոս Թագաւոր, ամէնէն հզօր մարդն էր երկրի վրայ: Ան ամուսնացած էր Եսթեր անունով հրեայ կնոջ մը հետ:

Թագաւորին իշխանութեան տակ գտնուող ամէնէն բարձր պաշտօնատարը Համան անունով մարդ մըն էր: Ան դառնօրէն գայթակղեցաւ Եսթերի զարմիկին՝ Մուրթքէի պատճառով, որ իր կարգին եւս թագաւորին պաշտօնատարներէն մէկն էր: Իր զայրոյթին մէջ, Համան վճռեց պատմել ոչ միայն Մուրթքէն, այլև ամբողջ հրեայ ժողովուրդը: Ինք եւ շատեր չէին գիտեր, թէ Եսթեր Թագուիին ալ հրեայ էր:

Համան գնաց եւ դաժանօրէն զրպարտեց հրեայ ժողովուրդը թագաւորին առջեւ եւ առաջարկեց, որ ամբողջ ցեղը բնածնորուի մէկ օրուայ մէջ: Անոր ծրագիրը յաջողեցաւ: Թագաւորը համաձայն գտնուեցաւ, հրամանագիր մը հանեց եւ կնքեց զանիկա իր մատանիով:

Հրամանագիրին լուրը առնելով, Մուրթքէ պատգամաւոր մը ղրկեց իր զարմիկին՝ Եսթեր Թագուիիին՝ անոր յանձնարարելով, որ երթար թագաւորին քով եւ հրեայ ժողովուրդը ազատելու դիմում մը ընէր անոր:

Եսթեր պատասխանեց. «Թագաւորին բոլոր ծառաները եւ թագաւորին գաւառներուն ժողովուրդները լաւ գիտեն, թէ օրէնք մը կայ՝

որ մահուան կը դատապարտէ այն մարդը կամ կինը, որ թագաւորին ներքին գափիթը կը մտնէ՝ առանց կանչուած ըլլալու. միայն ողջ կը մնայ ան՝ որուն թագաւորը իր ոսկի մականը կ'երկարէ: Իսկ եւ թագաւորին քով մտնելու կանչուած չեմ երեսուն օրէ ի վեր» (Եսթերի 4.11): Հակառակ անոր որ Եսթեր Ասուերոսի կինն էր, եթէ իր ներքին գափիթը մտնէր առանց իրավիրուած ըլլալու, շատ հաւանաբար գլխատուէր:

Մտածենք այդ մասին: Ան թագուիին է: Հոյակապ կեանք մը ունի. իրականութեան մէջ՝ ամէն ինչ որ իր սիրութ կը փափաքի: Անձնապէս ոչ մէկ բան ունի շահելիք Աստուծոյ ժողովուրդին համար ներքին գափիթը մտնելով, բայց կրնայ ամէն բան կորսնցնել՝ ներառեալ իր գլուխը: Ասով հանդերձ տես ինչ կը պատասխանէ Մուրթքին.

Գնա՞ Շուշան գտնուող բոլի՛ իրեաները հաւաքէ, եւ ինծի համար ծոն պահեցէք. երեք օր մի՛ ուտէք ու մի՛ խմէք՝ գիշեր թէ ցերեկ: Ես ալ նոյնպէս ծոմ պիտի պահեմ՝ իմ սպասուիիներովս, եւ այդպէս թագաւորին քով պիտի մընեմ, ինչ որ օրէնքին համաձայն չէ, ու եթէ մեռնիմ՝ թող մեռնիմ: (Եսթերի 4.15–16, շեշտադրումը՝ մեր կողմէ)

Սուրբ վախը մղեց զինք, որ Աստուծոյ Թագաւորութիւնը իր անձնական բարօրութենէն առաջ դնէր: Իր հանգիստը, ապահովութիւնը, հարստութիւնը եւ դիրքը բոլորն ալ վտանգի տակ դրուեցան իր հնազանդութեամբ: Ինք շահ մը չուներ ատկէ, եւ սակայն այն ինչ որ կարեւոր էր Աստուծոյ համար՝ կարեւոր էր իրեն համար, առանց ակնկալութիւններու: Ան դողաց Աստուծոյ Խօսքին դիմաց. ան Աստուծոյ վախը ունէր:

2015–ին, Լիսան եւ ես Երեւան էինք, Հայաստան, եւ կը ծառայէինք խորհրդաժողովի մը՝ 3,500 առաջնորդներու ներկայութեամբ: Ամբողջ Արեւելեան Ելուպայէն եւ Միջին Արեւելքն հովիներ եկած էին ներկայ ըլլալու այդ խորհրդաժողովին: Շատեր քշելով եկած էին Իրանէն: (Երեւանը միայն 30 մղոն հեռու է Իրանի սահմանէն:) Այդ ատեն, Իրանի քաղաքացիներուն արտօնուած էր Երեւան մտնել, ուստի բազմաթիւ առաջնորդներ ընդյատակեայ եկեղեցին ներկայ էին խորհրդաժողովին: Շառայութեան պահերը փառատր էին:

Վերջին ծառայութենէն ետք Լիսան եւ ես որոշեցինք ճեմել Երեւանի գլխատր պողոտային վրայ՝ մաքուր օր առնելու համար: Քսաննոց երկու Երիտասարդուիիներ ճաշարանէ մը դուրս վազեցին՝ մեզի բարեւելու համար: Դուրս եկաւ, որ անոնք Իրանէն եկած երկու առաջնորդներ էին: Անոնք շատ գեղեցիկ էին եւ կեանքով լեցուն. իրականութեան մէջ պահ մը մտածեցի. Իմ երեք ամուրի որդիներէս ո՞ր երկութին կրնամ ծանօթացնել այդ աղջիկները:

Ի՞նչպէս կը Պատասխանենք Աստուծոյ Խօսքին

Լիսան եւ ես իրենց հետ խօսեցանք շուրջ քսան վայրկեան: Գիտցանք, որ կրօնական ոստիկանութիւնը կը հետապնդէր զիրենք: Խորհրդաժողովին ընթացքին հեռաձայներ եկած էին իրանեան իշխանութիւններէն՝ հարցնելու համար անոնց որևէ ըլլալուն մասին: Անոնցմէ մէկը ըսաւ, որ մտահոգիչ պատգամ մը (մասէճ) եկած էր իր հեռաձայնին:

Այդ պահուն ես ըսի ամէնէն անմիտ բանը, որ երբեւէ ըսած եմ քառասուն տարուայ ծառայութեանս ընթացքին: Անոր ըսի. «Ինչո՞ւ ետ պիտի երթաս: Ինչո՞ւ չես հրաժարիր այդ երկրէն»:

Ան անկեղծօրէն, ազնուորէն եւ վճռակամօրէն ինծի նայեցաւ եւ պատասխանեց. «Ո՞վ պիտի խօսի Յիսուսի մասին պարսիկ ժողովուրդին եթէ մենք ետ չերթանք»:

Ես ահի մէջ էի անոր պատասխանը լսելով: Տեսանք ի՞նչպէս այդ աղջիկները մէկ կողմ դրած էին իրենք զիրենք պաշտպանելու իրենց բնազրը. անիկա գերակշռուած էր իրենց երկրին մէջ Աստուծոյ Թագաւորութեան յառաջացման տեսիլքով: Անոնք ունէին նոյն այն սուրբ վախը, որ Եսթեր ունէր: Անոնք կը հնազանդէին Աստուծոյ, նոյնիսկ երբ բացայատ անձնական օգուտ մը չկար իրենց համար, եւ շատ հաւանաբար նաեւ իրենց կեանքը վլտանգի մէջ կը դնէին: Ես թէ յանդիմանուած եւ թէ ներշնչուած էի:

Այդ վճռակամութիւնը՝ ի՞նչպէս տեսանք այդ երիտասարդուիհներուն մէջ, չ'երենիր միայն հնազանդութեան մէկ արարքի մէջ: Անիկա սիրուի կեցուածք մըն է, որ կը զարգացովի եւ որուն համաձայն անձը կ'ապրի: Անիկա մեր բնական հակումը կ'ըլլայ նոյնիսկ այն անկարեւոր թուացող որոշումներուն մէջ, զորս կու տանք վայրկեան առ վայրկեան: Կ'ընտրենք՝ նոյնիսկ պզտիկ հարցերու մէջ, հնազանդիլ Աստուծոյ Խօսքին եւ Սուրբ Հոգիի առաջնորդութեան: Կրնանք բազմազբաղ ըլլալ, բայց յանկարծ կը մղուինք մէկու մը հեռաձայնել: Չկայ պատճառ, չկայ բացայատ օգուտ, բայց մեզ մղողը ատիկա չէ: Քայլը կ'առնենք եւ «ինչո՞ւ»ն յետոյ կը տեսնենք:

Կամ թերեւս կը լսենք, որ մէկը չարախօսութիւն ըրած է մեզի դէմ: Բացայատ օգուտ մը չկայ ներելուն, հաշտութիւն փնտոելուն եւ այդ անձը օրինելուն մէջ, բայց կ'ընտրենք ատոնք ընել միմիայն առ ի հնազանդութիւն այն պատուէրին, որ կ'ըսէ. «Ներեցէք իրարու, ինչպէս Աստուծած ալ Քրիստոսի միջոցաւ ներեց մեզի» (Եփեսացիներուն 4.32) եւ «Օրինեցէք ծեզ անիծողներո» (Ղուկասի 6.28):

Թերեւս մէկը՝ որ մեզ կ'ատէ, սխալ կերպով վարուած է մեզի հետ: Ի՞նչ է նկատելի օգուտը հնազանդելուն Յիսուսի խօսքերուն, թէ՝ «Բարիք որէք ծեզ ատոնքներուն եւ աղօթեցէք անոնց համար, որոնք ծեզ կը չարչարեն ու կը հալածեն» (Մատթէոսի 5.44): Կամ նկատի առ հետեւեալը. ի՞նչ օգուտ կը տեսնեն այն հաւատացեալները, որոնք

իրենց երկիրներուն մէջ հալածանքի կ'ենթարկուին, օրինելուն մէջ զիրենք հալածողները, որոնք կը չարչարեն զիրենք կամ նոյնիսկ իրենց սիրելիները կը սպաննեն իրենց հաւատքին համար: Եւ սակայն Լիսան եւ ես հանդիպումներ ունեցած ենք հովիներու հետ, որոնք կու գան երկիրներէ, ուր այդպիսի բաներ կը պատահին, եւ տեսած ենք անոնց առաւ ուրախութինը եւ կեանքը:

Ի՞նչ օգուտ կայ ուրիշ երկիրներու մէջ եղողներուն համար ջերմուանդորէն աղօթելուն մէջ: Կամ երբ նիւթական նուէրներ կու տաս ուրիշ երկիրներու մէջ ապրող մարդոց, որոնք բնաւ պիտի չկարենան վերադարձնել քեզի տուածդ: Ցանկը անվերջանահի է: Հարցումը այն է, թէ՝ մսայուն կերպով պիտի հնազանդին Աստուծոյ ի պատասխան այն սուրբ սիրոյն, որ կը վարի սիրտիդ մէջ, կամ պիտի սպասես մինչեւ որ անձնական օգուտ մը ըլլայ անոր մէջ:

Անձնականացնել

Հատուած- Ո՞վ որ ուզէ իր կեանքը փրկել՝ պիտի կորսնցնէ զայն, եւ ո՞վ որ ինծի համար կորսնցնէ իր կեանքը՝ պիտի գտնէ զայն: (Մատթեոսի 16.25)

Միտք- Մենք յաճախ կը կորսնցնենք մեծագոյն օրինութիւնները՝ անտեսելով Աստուծոյ իմաստութիւնը, որ չի թուիր մեզի անձնապէս օգտակար ըլլալ: Հիմնականին մէջ մենք մեզի վսաս հասցուցած կ'ըլլանք երկար ժամանակի վրայ: Բնաւ չենք կրնար Աստուծմէ աւելի տալ:

Խոլկալ- Ի՞նչ ըսել կ'ուզէ Յիսուս «Ո՞վ որ ուզէ իր կեանքը փրկել»ով: Արդեօք այդ համարին կը նայիմ միայն ծայրայնդ պարագաներու իմաստով, ինչպէս՝ մարտիրոսութեան: Արդեօք անիկա կիրարկաձ եմ պտտիկ, ամենօրեայ որոշումներուս մէջ: Ի՞նչ պիտի պատահի եթէ ատիկա ընեմ: Ատիկա ինչպէս կը փոխէ ապրելու ծես:

Աղօթք- Սիրելի Երկնաւոր Հայր, ներէ ինծի, որ ծարաւ եւ հնազանդութիւնս սահմանափակած եմ քեզմէ եկող միայն այն իմաստուն խորհուրդներուն մէջ, որոնք անծիս համար օգտակար կը համարեմ: Կ'ապաշխարեմ այդ մտայնութենէն եւ ներողութիւն կը խնդրեմ քեզմէ: Այս պահէն անդին կ'ընտրեմ այլեւս կեանքիս չկառչիլ, այլ՝ տալ զանիկա Յիսուսի սիրոյն: Հետեւարար ծարաւ պիտի ըլլամ քու իմաստութեանդ համար, նոյնիսկ եթէ անիկա անմիջական օգուտ մը չունի ինծի համար: Յիսուսի անունով կ'աղօթեմ: Ամէն:

Դաւանութիւն- Կ'ընտրեմ կեանքիս ամէն մէկ վայրկեանը նուիրել իմ Տէր Յիսուսիս փափաքներուն եւ իմաստութեան համար:

Առանց հնազանդութեան
չի կրնար փրկութիւն ըլլալ,
որովհետեւ փրկութիւն
առանց հնազանդութեան
ինքզինք հակասող
անկարելիութիւն մըն է:

– ԱՅՏԸՆ ՈՒԽԼՍԸՆ ԹՈԶԸՐ

26 | ԼԱՒ ՑԱՒ ՄԸ

Կնոք մը ծննդաբերութիւնը հաճելի փորձառութիւն մը չէ. դժուար է եւ նոյնիսկ ցաւագին: Սակայն վերջնական արդիւնքը նոր, փափաքելի ընտանիքի անդամ մըն է: Առանց յղութեան եւ ծննդաբերութեան դժուարութիւններուն, այդ նոր գեղեցիկ կեանքը յառաջ պիտի չգար: Ատիկա մեզի ակնարկ մը կու տայ Աստուծոյ Խօսքին դիմաց դողալու յաջորդ երեսին մասին: Առաջին երեք ցուցանիշերը նորին հետ միասին հետեւեալներն են.

1. **Հնազանդիլ Աստուծոյ անմիջապէս**
2. **Հնազանդիլ Աստուծոյ նոյնիսկ եթէ անհասկնալի է**
3. **Հնազանդիլ Աստուծոյ նոյնիսկ երբ անձնական օգուտ մը չես տեսներ անոր մէջ**
4. **Հնազանդիլ Աստուծոյ նոյնիսկ երբ ցաւալի է**

Ետ երթալով մեր հիմնական աստուածաշնչական հատուածներէն մէկուն՝ Փիլիպպեցիներուն 2.12–13–ին, մեզի կ'ըսուի, թէ պէտք է գործադրենք մեր փրկութիւնը ահով ու դողով: Մեր հնազանդութիւնը պահանջող այդ բառերէն անմիջապէս առաջ, Պօղոս Յիսուսը կը մատնանշէ իբրեւ մեր օրինակը: Մեր Տէրը հրաժարեցաւ իր աստուածային առանձնաշնորհումներէն եւ «խոնարհեցուց ինքզինք ու հնազանդ եղաւ մինչեւ մահ, նոյնիսկ՝ խաչին մահը» (հմր 8, շեշտադրումը՝ մեր կողմէ): Յիսուս կամովին հնազանդեցաւ Հօրը պահանջին նոյնիսկ որ անոր մէջ կար շատ մեծ տառապանք:

Խաչելութենէն մէկ գիշեր առաջ, Գեթսեմանիի պարտէզին մէջ, Յիսուս ցաւով աղաղակեց. «Հայր իմ, եթէ կարելի է, այս բաժակը հեռացնիր ինձմէ, բայց ո՛չ թէ ինչպէս որ ես կ'ուզեմ, այլ

Ի՞նչպէս կը Պատասխանենք Աստուծոյ Խօսքին

ինչպէս որ դո՞ւն կ'ուզես» (Մատթեոսի 26.39): «Նազանդութեան եւ ինքնապահպանութեան միջեւ բախումը այնքան սաստիկ էր, որ Յիսուսի քրտինքը արինի կաթիլներու պէս կը հոսէր: Յիշենք, թէ՝ «Ինչ բաներով, որ մենք կը փորձուինք՝ ինք եւս փորձուած է, առանց սակայն մեղանցելու» (Եբրայեցիներուն 4.15): Ան կանխատեսաւ գայլք սուկայի տառապանքը եւ աղաչեց իր Հօրը կամքը կատարելու համար այլընտրական ճամբու մը համար, բայց կարելի չէր: Ինչն էր, որ կը մղէր գինք այդ մակարդակի հնազանդութեան:

Իր երկրի վրայ եղած ատեն ան աղօթքներ եւ աղաչանքներ ըրաւ՝ բարձրածայն աղաղակելով եւ արցունքներով [...] Եւ Աստուած լսեց անոր աղօթքները՝ Աստուծոյ հանդէպ իր խորունկ մեծարանքին համար: (Եբրայեցիներուն 5.7)¹

Անոր խորունկ սուրբ վախը զօրացուց գինք, որպէսզի կարենար դիմագրաւել այն եւ դիմանալ անոր, որմէ մարդկային բնութիւնը փախուստ կու տայ: Նոյնպէս ալ մեզի կ'ըսուի.

Որովհետեւ Քրիստոս մեզի համար չարչարուեցաւ մարմինով, դուք ալ նոյն մտածումով զինուեցէք, որովհետեւ մարմինով չարչարուողը կը դադրի մեղանչելէ: (Ա.Պետրոսի 4.1, շեշտադրումը՝ մեր կողմէ)

Նախքան որ յառաջ երթանք, կ'ուզեմ կարեւոր կէտ մը նշել իս: Սուտ կրօնը տառապանքի հետամուտ կ'ըլլայ՝ հաճեցնելու համար այն աստուածը, որուն կը ծառայէ: Ճշմարիտ Քրիստոնէութիւնը հետամուտ է Աստուծոյ հնազանդելու եւ այդ ընթացքին դէմ յանդիման կը գտնուի ինկած աշխարհի մը ընդդիմութեան, որ յաճախ պատճառ կ'ըլլայ տառապանքի: «Նազանդութիւնն է, որ կը հաճեցնէ զԱստուած, ոչ թէ դժուարութիւններու հետամուտ ըլլալը: Տառապանքը կրնայ ըլլալ ֆիզիքական կամ մտային երկութիւնն է: Կրնայ ալ ցալը շատ իրական է:»

Պետրոս մեզի կը թելադրէ, որ զինենք մենք մեզ: Կրնան պատկերացնել բանակ մը, որ պատերազմի կ'երթայ առանց օդանաւերու, նաւերու, հրասայներու, զէնքերու, կապարներու եւ դանակներու... այսինքն՝ անզէն: Այդ խորհուրդը միայն ծիծաղելի կը թուի: Նոյնպէս ալ նոյնքան խենթութիւն է հաւատացեալի մը համար, որ պատրաստ չըլլայ տառապանքի, եւ սակայն շատեր այդպէս են:

1 Բառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

Անզէն հաւատացեալ մը կրնայ շատ դիրութեամբ փախուստ տալ դժուարութենէն՝ ինքնապահպանման սիրոյն: Տիրոջ վախն է մեզ զինողը. անիկա մեզ հաստատ կը պահէ Աստուծոյ հնազանդելու մեր վճռակամութեան մէջ՝ ինչ տեսակի տառապանք ալ որ գայ անոր հետ:

Կան բազմաթիւ պատմովիհններ տառապանքի մասին, զորս կրնամ բաժնեկցիլ եւ որոնք կրնան լեցնել ամբողջ գիրք մը: Պատմովիհններէն մէկը կապուած է ծառայութեան ճամբրոդրութեան մը հետ 1990-ականներու սկիզբը: Լիսան, մեր զաւակները եւ ես հեռաւոր շրջանի մը մէկ շատ փոքր գիտին մէջ կը ծառայէինք եկեղեցիի մը, որ կորսնցուցած էր իր հովիդը, որ ձգած էր գիրենք աւելի մեծ եկեղեցի մը հովուելու համար:

Առաջին քանի մը ծառայութիւնները դժուար էին. համայնքին մեծ մասը անտարեր էր, իսկ երիտասարդները ետեւը նստած կը կատակէին եւ կը խնդային: Սակայն երրորդ ծառայութեան ընթացքին ճեղքում մը եղաւ: Ազդեցութիւնը խորունկ էր. նոյնիսկ երիտասարդները սկսան կանուխ գալ եկեղեցի՝ առջեւի նստարանները գրաւելու համար: Ներկաներուն թիւը աճեցաւ եւ առաջարկուեցաւ, որ ծառայութիւնները շարունակենք քանի մը շաբաթ եւս: Ամէն երեկոյ կը հաւաքուէինք պատիկ եկեղեցիի մը մէջ, ուր ունեցանք քանի մը փրկութիւններ եւ բոլորը վերարդնութեան մէջ էին:

Շատ աղօթելէ ետք առաջարկեցինք, որ մնանք հոն՝ քանի ամիս ալ որ տեւէր եկեղեցին նոր հովիդ մը համար պատրաստելու գործը: Սակայն եկեղեցւոյ տնօրէն ժողովը ուրախ չէր իրենց չափուած-ձեւուած կեանքին մէջ տեղի ունեցած խանգարումէն ինչպէս նաեւ եկեղեցիին գործերը վարելու մէջ իրենց ունեցած հակակշիոհ խախտումէն: Ցնցիչ էր, որ անոնց գանգատներէն մէկը այն էր, թէ՝ գոհ չէին, որ երիտասարդները առաջին շարքի նստարանները կը գրաւէին: Ունէին նաեւ ուրիշ նեղութիւններ, բայց նշուելու արժանի չեն: Կարծ ձեւով ըսելով, անոնք վերջաւորութեան քուէարկութեամբ որոշեցին չընդունիլ մեր առաջարկը եւ խնդրեցին, որ երթանք:

Անոնց քուէարկութեան նոյն գիշերը եկեղեցիին յայտարարեցի, թէ յաջորդ գիշերը պիտի ըլլար մեր վերջին հանդիպումը: Յուսախաբութեան աղմուկ մը բարձրացաւ մարդոց մեծամասնութեան կողմէ. անիկա յուզիչ, շփոթի եւ անհանգիստ պահ մըն էր:

Յաջորդ օդը եկեղեցին հեռաձայն մը ստացաւ դժգոհ մարդէ մը, որուն կինը կու գար մեր ծառայութիւններուն, եւ ան սպառնաց ոմբահարել եկեղեցւոյ շէնքը մեր վերջին ծառայութեան ընթացքին: Ասիկա խնդուք պատճառեց ինձի մինչեւ որ ոստիկան մը հեռաձայնեց ինձի այդ մասին խօսելու համար:

Ի՞նչպէս կը Պատասխանենք Աստուծոյ Խօսքին

Լսածներուս չհաւատալով՝ պատասխանեցի. «Վստահաբար այդպիսի բան պիտի չպատահի»:

Ոստիկանը պատասխանեց. «Պարո՞ն, ես կը ճանչնամ այս մարդը: Ան թմրեցուցիչի մեծ վաճառական մըն է եւ չեմ զարմանար երէ այդպիսի բան մը ընէ երբ քանի մը գաւաթ խմած ըլլայ»:

Մտահոգուած, հարցուցի. «Կրնա՞ս մեզի պաշտպանելու համար խումբ մը ղրկել»:

Պատասխանը անհաւատալի էր. «Մեր ոստիկանասունը՝ որ ամէնէն մօտիկն է այս փոքր գիշին, 35 մղոն հեռու է ձեզմէ: Իմ գործս կը վերջանայ երեկոյեան ժամը 6-ին, եւ ուրիշ ոչ ոք կրնայ ձեր քով գալ, քանի որ անձնակազմի պակաս ունինք»:

Հեռածայնը գոցեցի՝ չհաւատալով լսածներու, բայց ատկէ աւելի մեծապէս մտահոգ էի: Միտքս ինձի կ’ըսէր, որ անմիջապէս հաւաքենք մեր ապրանքները եւ հեռանանք այդ շրջանէն: Մենք կը մնայինք տան մը կահաւորումը ունեցող փոխադրակառքի մը մէջ (թրէյլը), որ շարուած էր դաշտի մը մէջ՝ բոլորովին խոցելի յարձակումի մը դիմաց: Անապահով եւ մերժուած կը զգայինք: Ինչո՞ւ նոյնիսկ ներկայ ըլլայինք այդ գիշերուան հաւաքին: Տնօրէն ժողովը մերժած էր մեզ: Պէտք էր պարզապէս երթայինք այդ գիտէն:

Գիտէի, որ խորհուրդներս անձնասէր էին. շատեր կային, որ մեծապէս ազդուած էին մեր երկու շաբթուայ ծառայութիններէն, եւ եթէ ժամանակէն առաջ լքէնք զիրենք սպառնալիքի մը պատճառով, անոնք դարձեալ դեկավարի մը կողմէ մերժուած պիտի զգային: Գիտէի, որ եթէ ձգէինք եւ երթայինք, զիշելու սովորութին մը պիտի մտցնէինք մեր կեանքին մէջ, որ հաւանաբար պիտի ազդէր մեր վրայ մեր մնացեալ կեանքին ընթացքին: Միտքս եկան Յիսուսի խօսքեղը. «Վարձկան ծառան (ան, որ միայն վարձք սկանալու համար կ’աշխապի) [...] երբ կը տեսնէ, որ գայլը կու գայ, կը լքէ հօտը եւ կը փախչի» (Յովհաննէսի 10.12)¹:

Ժամերով աղօթեցինք: Շարունակ սրտիս մէջ լսեցի այն համարը, որ կ’ըսէ, թէ Աստուծոյ ներկայութեան մէջ մնացողները անոնք են, որոնք՝ «իրենց խոստումները կը պահեն նոյնիսկ երբ ատիկա ցաւ կը պատճառէ» (Սաղմոսներու 15.4)²: Վերջապէս խաղաղութիւն մը տիրեց մեր սիրտերուն մէջ եւ զգացինք, որ ապահով պիտի ըլլայինք:

1 Բառացի թարգմանութիւն՝ անգլերէն *Shi Ամփիֆայդ Պայպը, Քլասիք Էփիշըն* (AMPC) տարբերակէն

2 Բառացի թարգմանութիւն՝ անգլերէն *Նիու Լիվինկ Թրանսլյշըն* (NLT) տարբերակէն

Աղուոր ծառայութիւն մը ունեցանք այդ գիշեր: Ո՞ւմբ չպայթեցաւ, եւ մենք կրցանք պատշաճ կերպով հրաժեշտ առնել համայնքէն:

Մենք կ’ապրինք ինկած աշխարհի մը մէջ, որ հակառակ է եւ նոյնիսկ թշնամական Աստուծոյ ծեւերուն: Ասոր համար մեզի կ’ըսուի. «Աստուած ոչ միայն Քրիստոսի հաւատալու շնորհքը տուաւ ծեզի, այլ նաեւ՝ անոր համար չարչարուելու շնորհքը» (Փիլիպպեցիներուն 1.29): Ոչ միայն Պողոս, այլև Պետրոս կը գրէ.

Որովհետեւ Աստուած ծեզ կանչեց բարիք գործելու համար, ճիշդ ինչպէս Քրիստոս չարչարուեցաւ ծեզի համար: Ան է ծեր օրինակը, եւ դուք պէտք է անոր քայլերուն հետեւիք: Ան բնաւ մեղք չգործեց, ոչ ալ մէկը խարեց: Ան չփոխադարձեց երբ նախատուեցաւ, ոչ ալ սպառնաց վրէժ առնել երբ չարչարուեցաւ: Ան իր դատը ձգեց Աստուծոյ ծեռքերուն մէջ, որ միշտ արդարօրէն կը դատէ: (Ա.Պետրոսի 2.21–23)¹

Մենք փոխադարձելու չենք: Ընդհակառակը, պէտք է մեզի հանդէպ որեւէ անարդար վարմունք դնենք Աստուծոյ ծեռքերուն մէջ: Պէտք չէ անտեսենք զանիկա, բայց աղօթքով պէտք է զանիկա Աստուծոյ յանձնենք: Աստուած մեր վրէժը պիտի առնէ, բայց իր ծեւով եւ ժամանակին:

Թագաւորութեան հերոսները մեծ յաղթանակներ ապրեցան իրենց հաւատքին միջոցաւ, բայց Աստուծոյ հանդէպ իրենց հնազանդութեան մէջ ոմանք ծաղրուեցան, շղթայուեցան, չարչարուեցան, բոնաբարուեցան, բանտարկուեցան, անապատին մէջ թափառեցան, քարայրներու մէջ ապրեցան եւ շարք մը ուրիշ դժուար եւ ցաւալի պայմաններու մէջ եղան: Ինչո՞ւ: Կ’ապրէին ինկած աշխարհի մը մէջ, որ թշնամի է Աստուծոյ Թագաւորութեան (տես Եբրայեցիներուն 11.36–39): Անոնք բոլորը հետեւեալ հասարակաց գիծը ունէին. իրենց սուրբ վախին պատճառով մերժեցին եւս կենալ հնազանդութենէն, նոյնիսկ եթէ ցաւ պատճառեց ատիկա: Բայց վստահ էին այն խոստումէն, որ կ’ըսէ՝ «Անոնք որ արցունքով կը սերմանեն՝ ցնծութեամբ պիտի հնձեն [...] Ցնծութեամբ պիտի վերադառնայ՝ իր ցորենի որաները բերելով» (Սաղմոսներու 126.5–6):

1 Բառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

Անձնականացնել

Հատուած- Տէրոց վախին մէջ ամուր ապահովութին կայ, եւ անոր որդիները ապաւէն պիտի ունենան: (Առակներու 14.26)

Միտք- Տիրոց վախն է մեզ գինողը. անիկա մեզ հաստատ կը պահէ Աստուծոյ հնազանդելու մեր վճռակամութեան մէջ՝ ինչ տեսակի տառապանք ալ որ գայ անոր հետ:

Խոկալ- Արդեօք շրջանցած եմ Աստուծոյ Խօսքին հնազանդութինը ինքնապահապանման սիրոյն: Պատրամստ եմ զջալու եւ Տիրոց վախը ընդունելու: Պիտի ընտրեմ սիրել եւ հնազանդիլ նոյնիսկ եթէ ատիկա պատճառ պիտի ըլլայ, որ գին վճարեմ ֆինանսական, ընկերային կամ նոյնիսկ ֆիզիքական իմաստով:

Աղօթք- Սիրելի Երկնաւոր Հայր, ներէ ինձի ինքինքս պաշտպանելու համար Քու Խօսքիդ հնազանդութինը մէկ կողմ դնելու սովորութեանս համար: Կ'անդրադառնամ, որ անիմաստուն ընտրութին մըն է ատիկա: Պաշտպանութինդ անսխալական եւ տեևական է. իմ պաշտպանութինս միայն ժամանակաւոր է: Այս պահէն անդին կ'ընտրեմ Տիրոց վախը. թող անիկա ինձի տայ խորունկ վճռակամութին մը Քեզի հնազանդելու՝ անկախ վճարուելիք գինէն: Շնորհակալ եմ այդ ոյժին համար, Յիսուսի անունով: Ամէն:

Դաւանութին- Զինուած եմ սուրբ վախով՝ հնազանդելու համար Աստուծոյ՝ նոյնիսկ եթէ ատիկա կը նշանակէ, որ ատոր պատճառով պիտի տառապիմ: Իմ անձս կը յանձնեմ Անոր՝ որ արդարօրէն կը դատէ:

Ոտքերուդ արահետները
քննէ, եւ բոլոր ճամբաներդ
թող հաստատուին:

– ԱՌԱԿՆԵՐՈՒ 4.26

27 | ԿԱՏԱՐՈՒԵՑԱԻ

Այս գլուխը սկսելու համար, հարցում մը հարցնեմ. Կարելի՞ է, որ որեւէ ծրագիր իր ամբողջական կարողականութեան հասնի՝ առանց որ ամբողջապէս կատարուի: Պատասխանը բացայայտ «Ոչ» է: Մեր Տէրը ունի հսկայական ծրագիր մը, որ ընթացքի մէջ է եւ որ կը կեղորնանայ թագաւորութիւն մը կառուցանելու վրայ: Ան մեզմէ իլաքանչիլիս տուած է պատասխանատութիւնը ենթաձրագիրներու, որոնք երբ աւարտին կատարուած պիտի ըլլայ իր փառաւոր թագաւորութեան գործը:

Այս ճշմարտութիւնը միտքիդ մէջ պահէ մինչ կ'անցնինք Աստուծոյ խօսքին դիմաց դողալու վերջին երեսին: Ահա նորէն թուենք առաջին չորսը, վերջինին հետ միասին.

1. **Հնազանդիլ Աստուծոյ անմիջապէս**
2. **Հնազանդիլ Աստուծոյ նոյնիսկ եթէ անհասկնալի է**
3. **Հնազանդիլ Աստուծոյ նոյնիսկ երբ անձնական օգուտ մը չես տեսներ անոր մէջ**
4. **Հնազանդիլ Աստուծոյ նոյնիսկ երբ ցաւալի է**
5. **Հնազանդիլ Աստուծոյ մինչեւ կատարում**

Իսրայէլի առաջին թագաւորը՝ Սատու, դասական օրինակն է մէկու մը, որ չէր դողար Աստուծոյ խօսքին դիմաց: Ան դիւրաւ շեղեցաւ հնազանդութենէ երբ իրեն համար անհասկնալի էր պատուէրը, օգուտը բացայայտ չէր կամ չէր ծառայեր իր նպատակներուն: Անոր սուրբ վախ չունենալը յաճախ ցաւ կամ վասա հասցուց ուրիշներու, ինչ որ է պարագան բոլոր այդպիսի վարմունքներուն:

Բայց ան միշտ այդպէս չէր: Նախքան թագաղորուիլը, ան համեստ, աստուածավախ երիտասարդ մըն էր. իրարու հետ մօտիկ կապ ունեցող երկու արժէքներ: Երբ Սամուէլ՝ անուանի մարգարէն գտաւ զինք, ան անմիջապէս ըսաւ. «Ինչո՞ւ զիս նկատի առիր: Ես Իսրայէլի

Ի՞նչպէս Կը Պատասխանենք Աստուծոյ Խօսքին

ամէնէն փոքր տոհմէն եմ, եւ ընտանիքս մեր տոհմի ամէնէն անկարեւոր ընտանիքներէն է» (Ա.Թագաւորներուն 9.21, հեղինակին բառերով): Յետագային, ամբողջ Խրայէլը հաւաքուեցաւ գիտնալու, թէ իրենց առաջին թագաւորը ովք պիտի ըլլար: Երկար գործընթացէ մը ետք, Աստուած ընտրեց Սաւուղը, բայց երբ դեկավարները զինք կանչեցին, ան մէջտեղ չկար. պահութած էր: Փափաք չունէր ճանչուելու (Ա.Թագաւորներուն 10.20–24):

Սուրբ վախը իր գանձը չէր: Ի՞նչպէս Սողոմոնի պարագային, ան վերջաւորութեան հրաժարեցաւ անկէ երբ յաջողութիւն, հանրածանօթութիւն եւ դեկավարութեան օգուտները տեսաւ: Մեծամասնութեան պարագային, ներառեալ Սաւուղ Թագաւորը, սուրբ վախը կորսնցնելու սկզբնական նշանները բացայաց չեն ըլլար: Կը սկսի պօտիկ բաներու մէջ ներքին յանդիմանութիւնները անտեսելով, եւ ատոր իբրև արդինք մեր խիդը աւելի եւ աւելի կ'անզգայանայ: Վերջաւորութեան երբ աւելի նշանակալից հարցեր կը դիմագրաւենք, գիտակից չենք ըլլար, որ անհնազանդութեան սովորութիւն մը զարգացուցած ենք:

Այդ էր պարագան Սաւուղ Թագաւորի: Սուրբ վախը կորսնցուցած ըլլալու նշանները սկսան մէջտեղ գալ (տես Ա.Թագաւորներուն 13.5–14), բայց խարուսիկ բանը այն էր, որ ան մեծ յաջողութիւններ կ'ունենար օրին (տես Ա.Թագաւորներուն 14.47):

Ժամանակ մը ետք, ան հետեւեալ պատուերը ստացաւ. «Գնա՞ եւ Ամադէկը զարկ: Անոր ամբո՞ղջ ունեցածը նզովէ: Մի՛ խնայեր անոր, հապա մեոցնիր այր մարդիկն ու կիները, երախանները եւ ծծկերները, եզները, ոչխարները, ուղտերն ու էշերը» (Ա.Թագաւորներուն 15.3): Տէրը պատրաստ էր վրէժ լուծելու այդ չար ազգէն:

Սաւուղ ոտքի հանեց 210 հազար հաշուող զօրք մը: Ի՞նք եւ իր մարդիկը սպաննեցին ամէն մարդ եւ անասուն, բացի Ամադէկի թագաւորէն՝ Ազագէն, եւ լաւագոյն անասուններէն (տես Ա.Թագաւորներուն 15.7–9):

Մոտածենք այդ մասին: Եթէ Սաւուղ այդքան մեծ բանակ մը հանեց անոնց դէմ, ուրեմն ամադէկացիները պէտք էր ըլլային առնուազն քառորդ միլիոն հոգի: Ուստի անոնք սպաննեցին 249,999 հոգի: Թագաւորը կատարեց իրեն ըսուածին 99 տոկոսը, բայց տես Աստուծոյ կեցուածքը անոր գոեթէ ամբողջական հնազանդութեան նկատմամբ:

«Կը զղամ որ Սաւուղը թագաւոր նշանակեցի, քանի որ ինձմէ հեռացաւ ու իմ հրամաններս չգործադրեց»: (Ա.Թագաւորներուն 15.11, շեշտադրումը՝ մեր կողմէ)

Սամուէլ այդ պատգամը թագաւորին կը փոխանցէ եւ բացայայտօրէն անոր վարմունքը ըմբռուպութիւն կը կոչէ (տես

Ա.Թագաւորներուն 15.23): Կասկած չկայ բնաւ. Սաւուղ մեղք գործեց: Պահ մը կանգ առնենք եւ մեղքի մասին խօսինք: Յովիաննէս Սոարեալ կ'ըսէ, թէ մեղքը անօրէնութիւն է (տես Ա.Յովիաննէսի 3.4): Անոր մեղքի սահմանումը հետեւեալն է. մեղքը չենթարկուիլ է Աստուծոյ իշխանութեան: Այս անկիննէն նայէ հարցին. պարտէզին մէջ Ադամ անկողին չմտաւ պոռնիկի մը հետ, դրամատուն մը չկողոպտեց կամ մէկը չսպաննեց: Ան պարզապէս անհնազանդ եղաւ Աստուծոյ ըսածին: Նոյնպէս ալ Սաւուղ ընտրեց ամրողապէս չինազանդիլ այն բանին, որ Աստուած իրեն ըսած էր, որ ըներ:

Աւելի խորունկը սուզուինք: Երբ Սաւուղ ըսուեցաւ, որ պատերազմի ելլէ, ան իր ոտքը չկոխեց եւ ըսաւ. «Անկարելի՞ է: Ես այդպիսի բան պիտի չընեմ»: Մարդոց մեծ մասը ատիկա ըմբռստութիւն պիտի համարէր: Ան հրամանը չարհամարհեց եւ ինքզինք չզբաղոցու ուրիշ անձնական հարցերով: Եթէ ատիկա ըլլար պարագան, մարդոց մեծ մասը պիտի ըսէր, թէ ան սխալ դատողութիւն մը ըրաւ՝ հնազանդութիւնը իր առաջնահերթութիւնը չընելով: Բայց քիչեր «ըմբռստութիւն» բառը պիտի գործածէին:

Նոյնպէս ալ մարդոց մեծ մասը պիտի հաստատէր, թէ ան լաւ ըրաւ պարտականութեան 99.99 տոկոսը կատարելով, բայց շատ քիչեր անոր ըրածները ըմբռստութիւն պիտի համարէին: Եթէ մենք ըլլայինք Սաւուղին տեղը եւ այդ յանդիմանութիւնը ստանայինք, մեզմէ քանիներ պիտի բողոքէին, ըսելով. «Ինչպէս կ'ըլլայ, տրամաբանական եղիր: Ինչո՞ւ այդքան կը կերտոնանաս այն պզտիկ բաժինին վրայ, որ չըրի, փոխանակ գնահատելու այն բոլորը, որ ըրի»: Ասոր լոյսին տակ, կրնանք եղրակացնել, թէ՝ գրեթէ ամրողական հնազանդութիւնը բնաւ հնազանդութիւն չէ:

Հիմա խօսինք անոր մասին, թէ ինչո՞ւ այդպիսի խիստ բառեր գործածուեցան: Առաջին՝ այդ օրերուն եթէ ըլլայիր թագաւոր մը, որ ուրիշ երկիր մը գրաւած էր, այդ երկրին թագաւորը ողջ-ողջ գերի առնելը համապատասխան էր պալատիդ մէջ կենդանի յաղթանշան մը ունենալուի: Անիկա մնայուն յիշեցում մըն էր իբրեւ ղեկավար քու գերադասութեանդ վերաբերեալ, ոչ միայն քու ես-իդ համար, այլեւ բոլոր անոնց, որոնք պալատդ պիտի մտնէին:

Երկրորդ՝ ինչո՞ւ խնայել լաւագոյն անասունները: Նախքան պատասխանելը, քիչ մը աւելի բարդացնենք հարցը: Սաւուղ արտօնեց, որ լաւագոյն անասունները խնայուին՝ զանոնք Տիրոց նուիրելու նպատակով: Նկատի առ անոր տուած պատասխանը մարգարէին. «“Ճիշտ է, որ բանակը խնայեց ոչխարներուն, այծերուն եւ արջառին լաւագոյններուն”, ըսաւ Սաւուղ: “Բայց անոնք Տիրոց՝ քու Աստուծոյդ պիտի զրիեն զանոնք”» (տես Ա.Թագաւորներուն 15.15): Ինչո՞ւ այդպիսի բան մը ըրաւ: Արդեօք ատիկա ըրաւ իր ժողովուրդին մօտ

Ի՞նչպէս Կը Պատասխանենք Աստուծոյ Խօսքին

շնորհք գտնելու համար: Կը խօսինք ազգի մը մասին, որ կ'ընդունէր Տէր Աստուածը: Պատկերացուր զինուորներուն, քահանաներուն եւ ժողովուրդին տեսակէտը. անոնք շատ հաւանաբար մէկը միախն կ'ըսէին. «Ո՞րքան բարեպաշտ թագաւոր մը ունինք: Ան միշտ Տէրը առաջին կարգի կը դնէ. լաւագոյնը կու տայ Աստուծոյ»: Ժողովուրդը չէր գիտեր, որ բուն իրամանը բացարձակապէս ամէն բան կործանելը եւ սպանելըն էր: Հիմնականօրէն Սաւուղ իր համբաւը կ'ապահովէր: Անոր արարքներուն ետին գտնուող շարժառիթը մարդոց վախն էր: Սաւուղ անապահով էր:

Մեր այսօրուայ աշխարհին մէջ շատեր կը կարեկցին անոնց հետ, որոնք անապահովութեան հարցը ունին: Սակայն անապահովութեան ետին կը գտնուի ընդունուելու, սիրուելու կամ յարգուելու մեր փափաքը, նոյնիսկ անհնազանդութեան գնով: Մենք չենք անդրադառնար, թէ որքան ընդունուած եւ սիրուած ենք մեր Ստեղծիչին կողմէ: Անապահովութինը պէտք է կոչուի ճիշդ ինչ որ է. վտանգաւոր ծուղակ մը:

Սաւուղ իրամանը ամբողջական կերպով չկատարեց, քանի որ սուրբ վախ չունէր: Վերադառնանք Յիսուսի օրինակին: Ան կը դիմագրաւէր մերժում, ամօթ, ատելութիւն, կարծր ընդդիմութիւն, ֆիզիքական ծեծեր եւ սարսափելի խաչելութիւն: Երբ տաճարի պահակները եկան զինք ձերբակալելու, Անոր աշակերտները փորձեցին դէմ կենալ անոնց եւ պաշտպանել Յիսուսը, սակայն Ան ըսաւ.

«Կը կարծես, թէ չնմ կրնար Հօրս աղաչել, որ իհմա աւելի քան տասներկու գունդ հրեշտակ որկէ ինծի: Սակայն ի՞նչպէս պիտի իրականանան Սուրբ Գիրքներուն մէջ գրուածները, թէ այսպէս պէտք է ըլլայ»: (Մատթէոսի 26.53–54)

Մինչեւ կատարում հասցնող հնազանդութիւնը շատ կարեւոր էր Յիսուսի համար:

Երկրորդական վարժարան յաճախած ատենս ես հաւատացեալ չէի, բայց մեր հանդերձարանը կար որմազդ մը, որ ուշադրութիւնս գրաւած էր: Ամէն երեկոյ կը տեսնէի զանիկա պասքէթպոյի փորձէն ետք: Կը պատկերէր մարզիկ մը՝ գլուխը կախ նստած եւ կ'ըսէր. «Կը իրաժարիմ»: Անոր տակը կար Յիսուսի մէկ պատկերը խաչին վրայ, որ կ'ըսէր. «Ես չիրաժարեցայ»:

Ատիկա անցնչելի տպաւորութիւն մը ձգած էր վրաս նոյնիսկ որ անհաւատ էի: Հիմա որ կը հասկնամ, որ Յիսուս կրնար խուսափիլ այդ ահաւոր վերաբերումէն եւ վայրագ մահէն, բայց ատով հանդերձ ընտրեց հնազանդութեամբ շարունակել մինչեւ որ վերջապէս ըսաւ՝ «Կատարուեցաւ», Անոր կատարածը շատ աւելի արժէք կը ստանայ

ինծի համար: Ան մեր առջեւ օրինակ մը դրաւ կատարելապէս հնազանդելու. աւարտելու այն ինչ որ Աստուած կը վստահի մեզի:

Հիմա կրնանք աւելի լաւ հասկնալ աշակերտներուն ուղղուած Անոր թելադրանքները երբ խնդրեցին, որ իրենց հաւատքը աւելցնէր.

«Երբ ընէք ձեզի հրամայուած բոլոր բաները՝ ըսէք. “Մենք անպէտ ծառաներ ենք. ըրինք ինչ որ պարտական էինք ընել”»:
(Ղուկասի 17.10, շեշտադրումը՝ մեր կողմէ)

«Բոլոր բաները» եզրը բոլորովին նոր իմաստ մը կը ստանայ: Թող միշտ հնազանդինք մինչեւ կատարում:

Անձնականացնել

Հատուած- Բնաւ մի՛ հրաժարիք [...] Ձեր աչքերը պահեցէք Յիսուսի վրայ, որ թէ սկսաւ եւ թէ աւարտեց այս մրցումը, որուն մէջ կը մրցինք այժմ: Ուսումնասիրեցէք, թէ ինչպէս ըրաւ ասիկա: Որովհետեւ ան իր աչքերը բնաւ չհանեց իր հասնելիք տեղին՝ այն բերկրավի աւարտին, ուր պիտի հասնէր Աստուծոյ մէջ եւ Աստուծոյ հետ, ան կրցաւ տանիլ ճամբուն ընթացքին իրեն հանդիպած ամէն բան [...] Երբ կը տեսնէք, թէ կը յոգնիք կամ նուազ խանդավառ կ'ըլլաք ձեր հաւատքին մէջ, անգամ մը եւս անցէք այդ պատմութեան վրայէն՝ կէտ առ կէտ, այդ թշնամական վարմունքի երկար լիթանիայէն [«շարքէն»՝ այս պարունակին մէջ–թարգմանիչը] գրը հերկեց–անցաւ ինք: Ասիկա ապրինավին պիտի թափէ ձեր շունչին մէջ: (Եբրայեցիներուն 12.2–3)¹

Միտք- Գրեթէ ամբողջական հնազանդութիւնը բնաւ հնազանդութիւն չէ: Յիսուս մեր առջեւ օրինակ մը դրաւ կատարելապէս հնազանդելու. աւարտելու այն ինչ որ Աստուած կը վստահի մեզի:

Խոկալ- Պատահած է, որ սկսիմ Աստուծոյ խօսքին հնազանդիլ եւ ապա արտօննեմ, որ շեղումները, հաճոյքները, ընդդիմութիւնը, ուրիշներու անհաւանութիւնը կամ որեւէ այլ հակառակութիւն պատճառ դառնայ, որ դադրիմ եւ չաւարտեմ: Ինչպէս կարելի է փոխել ասիկա:

Աղօթք- Սիրելի Երկնաւոր Հայր, կը խնդրեմ, որ ներես ինծի, որ սկսայ հնազանդիլ ինծի ըսածներուու, բայց չաւարտեցի գործը՝ զանիկա անտեսելով, կամ տեսնելիք ետք, որ ինծի օգուտ մը չի բերե՞ միտքս փոխելով: Կը զղամ սուրբ վախը չունենալուս համար եւ ներում կը խնդրեմ Քեզմէ: Յիսուսի անունով կ'աղօթեմ: Ամէն:

Դաւանութիւն- Կ'ընտրեմ հնազանդիլ Աստուծոյ խօսքին մինչեւ կատարում:

1 Բառացի թարգմանութիւն՝ անգլերէն *Sz. Mawet* (MSG) տարբերակէն

Երբ մարդիկ այլեւս չեն վախնար
Աստուծմէ, կը խախտեն Անոր
օրէնքները առանց վարանումի:
Հետեւանքներու վախը արգելք
մը չ'ըլլար անոնց երբ
Աստուծոյ վախը չկայ:

– ԱՅՏԸՆ ՈՒԻԼՍԸՆ ԹՈԶԸՐ

28 | ԻՆՉՊԵՍ ԿԱՐԾՐԱՑՆԵԼ ԽԻՂՃԸ

Ինչպէս ըսինք նախորդ գլուխին մէջ, սուրբ վախը կորսնցնելու առաջին նշանները բացայայտ չեն ըլլար. այնքան թաքուն կ'ըլլան, որ պէտք է քիչ մը աւելի մօտենանք եւ սերտենք այդ նիւթը: Բնաւ պատահած է, որ ներքին զգուշացում մը ունենաս երբ առջեւի կ'ելլէ կասկածելի բան մը ընելու առիթ մը: Շատերս գիտենք, որ անիկա մեր խիղճն է, որ կը պաշտպանէ մեզ: Սակայն ինչ որ շատեր չեն գիտեր այն է, որ մեր խիղճին յստակութիւնը եւ զօրութիւնը կրնան փոփոխութեան ենթարկուիլ:

Մեր խիղճը պարզեւ մըն է Աստուծմէ, որ բնաւ թեթեւի պէտք չէ առնուի: Անիկա անբաժան մէկ մասն է մեր սիրովին. անոր զգայնութիւնը կը զօրանայ սուրբ վախով, նոյնպէս ալ կը բթանայ անոր բացակայութեամբ: Աստուածաշունը մեզ կը զգուշացնէ. «Պահի՛ սիրով ամբողջ զգուշութեամբ, քանի որ կեանքի աղբիւները անկէ են» (Առակներու 4.23, շեշտադրումը՝ մեր կողմէ):

Երբ երեսունական տարիքի սկիզբներն էի, հանրածանօթ քարոզիչ մը ինձի ճաշի հրափրեց: Ճաշի ընթացքին հարցուց. «Ճոն, ինչ կրնամ ընել, որ չիյնամ, ինչպէս շատ մը ուրիշ դեկավարներու պատահած է»:

Քիչ մնաց կերակուրը կոկորդս պիտի մնար: Ինչո՞ւ այդպիսի հարցում մը պիտի հարցնէր ինձի: Ես երիտասարդ էի, իսկ ինք ծառայութեան մէջ էր աւելի երկար ժամանակ քան իմ փրկուիլս:

Ի՞նչպէս կը Պատասխանենք Աստուծոյ Խօսքին

Բայց փոխանակ ձգձգելու, դէպի ներս կերպոնացայ եւ լուսորէն Սուրբ Հռովհին հարցուցի. *Սուրբ Հռովհ, ի՞նչ պարասխանեմ իրեն:*

Գրեթէ անմիջապէս լսեցի. *Իրեն ըսէ՛, որ իր խիղճը պահէ իբրեւ իր ամէնէն թանկարժէք սրացուածքը:*

Ըսի իրեն ի՞նչ որ լսեցի, եւ ապա յանկարծ բառեր սկսան յորոշի շունչէս եւ այս ձեւի բան մը ըսի. «Քու առջեւող պիտի ելլեն մեծ առիթներ, բայց ներսիդի պիտի գիտնաս, որ անոնք անպարկեցտ բաներ են, ապահով չեն, կասկածելի են կամ կրնան ուրիշներու վսաս հասցնել: Մտիկ ըրէ քու խիղճիդ. մի՛ անտեսեր անոր զգուշացումը: Եթէ անտեսես զանիկա, խախտած պիտի ըլլաս Աստուծոյ հանդէա զգայնութիւնդ»:

Յաջորդող օրերուն յայտնաբերեցի, թէ «խիղճ» բառը յաճախ կ'երեւի Սուրբ Գիրքերուն մէջ. բան մը, որ ատկէ առաջ չէի նկատած: Անիկա շուրջ երեսուն անգամ նշուած է Նոր Կտակարանին մէջ միայն: Պողոս Տիմոթէոսին գրեց.

Հաւատքդ եւ խիղճդ մաքուր պահելով: Շատեր իրենց խիղճին չանսալով՝ իրենց հաւատքը կործանեցին: (Ա.Տիմոթէոսի 1.19, շեշտադրումը՝ մեր կողմէ)

Հաւատքը կործանելը պատիկ հարց մը չէ:

Այդ տարեց ծառայողին հետ ունեցած ճաշի հանդիպումս աչքերս բացաւ, որ տեսնեմ Պողոսի ըսածին լրջութիւնը: Անիկա հաստատեց, թէ ինչո՞ւ շատեր լաւ կերպով չեն վերջացներ:

Երբ Աստուածաշունչը մեզ կը խրատէ, որ մեր խիղճը մաքուր «պահենք», ատիկա կը նշանակէ, թէ անիկա սկզբնականօրէն լաւ վիճակի մէջ է: Յիսուսի արիւնը կը մաքրէ եւ կը մաքրագործէ մեր խիղճը (տես Ա.Տիմոթէոսի 3.9: Եբրայեցիներուն 9.9,14): Ատիկա նոր ծնունդի մեծագոյն օգուտներէն մէկն է: Երեմիա մարգարէ կ'ընէ հաստատում մը մեր խիղճին մասին, որ յաճախ սխալ ձեւով կը կիրարկուի: Ան կը հոչակէ. «Սիրտը ամէն բանէ աւելի խարեբայ եւ անուղղայ է, զայն հՎ կրնայ ճանչնալ» (17.9): Ան չի խօսիր վերստին ծնունդ ունեցողներուն մասին, որոնք նոր բնութիւն ստացած են՝ վերստեղծուած ըլլալով Յիսուսի պատկերին նմանութեամբ: Հին Կտակարանի մարդիկը նոր սիրտ չունէին: Բայց Աստուած իրենց խօստացաւ. «Ձեզի նոր սիրտ պիտի տամ, եւ ծեր ներսը նոր հոգի պիտի դնեմ» (Եօեկիէլի 36.26): Ատիկա պիտի ըլլար երբ Յիսուս պիտի փրկէր մեր բնութիւնը եւ իրը տար մեզի:

Քրիստոսով բոլորովին նոր մարդ ըլլալու հրաշքին շնորհիր, մենք վստահելի խիղճ մը ունինք: Մարտահրաւերը զանիկա մաքուր պահելն է: Ուստի հիմա պէտք է հարցնենք, թէ ինչպէս կը պղծենք զանիկա: Ամբողջ փտածութիւնը մէկ վայրկեանի մէջ չի պատահիր. այլ՝ ընդհանրապէս անիկա կը սկսի պատիկ հարցերով եւ վերջաւորութեան, եթէ անոր խնդիրը չլուծուի, կ'աւարտի կործանումով: Յակոբոս կը գրէ.

Այդ պատուիրանները լսելով մի՛ գոհանաք, այլ՝ կաղարեցէք զանոնք. այլապէս դուք ձեզ խաբած կ'ըլլաք: (Յակոբոսի 1.22, շեշտադրումը՝ մեր կողմէ)

Դարձեալ դէմ յանդիման կը գտնուինք հնազանդութեան գաղափարին հետ: Մենք ամբողջական ձեւով խօսեցանք այն իրականութեան մասին, թէ՝ սուրբ վախի ապացոյցը անմիջական եւ ամբողջական հնազանդութիւնն է, նոյնիսկ եթէ պատուերը անհասկնալի է մեզի համար, անկէ բացայայտ օգուտ մը չունինք կամ ցաւ կը պատճառէ: Հնազանդութեամբ քալող անձը չի կրնար ինքինք խարեւ:

Պահ մը կանգ առնենք եւ վստահ ըլլանք, որ վերը ըսուածին ազդեցութիւնը չի վրիպիր մեզմէ: Վստահաբար կրնաս խարել ծանօթներդ՝ նոյնիսկ բարեկամներդ եւ ընտանիքդ, բայց բոլորովին ուրիշ բան է ինքզինքդ խարելը: Հիմնականօրէն, երբ անհնազանդ կը գտնուինք, մենք մեզ խաբած կ'ըլլանք: Կը տկարացնենք ճշմարտութեան պաշտպանութիւնը, եւ բարոյական որոշումներու մեր գիտակցութիւնը կը վտանգուի: Աւելի նուազ գիտակցութիւն կ'ունենանք, թէ վտանգի ճամբուն մէջն ենք:

Տամ ենթարրական օրինակ մը, թէ ինչպէս կ'ըլլայ գործնթացը: Բնաւ պատահած է, որ զրպարտական խօսք մը խօսիս մէկու մը մասին: Այդ պահուն, որ ատիկա կ'ընես, թերեւս դանակ մը կը զգաս, որ կը միսրճուի փորիդ մէջ. ատիկա խիղճիդ ծայնն է: Հաւ կ'ըլլայ, որ մտիկ ընես անոր, զղաս եւ անմիջապէս սրբագրես խօսածի: Սակայն շատ յաճախ մենք կ'արդարացնենք մեր վարմունքը եւ ատկէ ետք տրամաբանական պատճառաբանութիւն կու տանք, ըսելով. Ըսածս ճշգրիդ է: Դժբախտաբար, մեր սխալ պատճառաբանութիւնը կը յաղթէ եւ մենք հաստատ կը մնանք մեր խօսքին վրայ՝ անտեսելով ներքին զգուշացումը: Այդ պահուն արդէն սկսած կ'ըլլայ պղծուելու գործնթացը. մեր խիղճին զգայնութիւնը կը տկարանայ:

Յաջորդ անգամ, որ մէկու մը դէմ կը խօսինք, կը զգանք, որ դանակ մը զարնուեցաւ մեր փորին, եւ մեր ներսիդին ամուր կամթում մը կը զգանք: Անգամ մը եւս մեր խիդճը կը խօսի, բայց այս անգամ աւելի նուազ ճանաչելի ձայնով մը: Հիմա արդէն ներքին տագնապը նոյնքան սաստիկ չէ. դիրին է անտեսել զգուշացումը եւ արդարացնել մեր խօսքերը: Սակայն տակաւին աւելի ապականած կ'ըլլանք մեր սիրտը եւ մեր խիդճին զգայնութիւնը աւելի եւս կը պակսի:

Երբ անգամ մը եւս մէկու մը դէմ կը խօսինք, այլեւս ամուր կամթում մը չենք զգար: Պարզապէս ծակծկոց մը կը զգանք. հազիւ ճանաչելի: Շատ պէտք ալ չենք զգար մենք մեզի համոզելու տրամաբանական պատճառաբանութիւններով, որովհետեւ մեր խիդճին ձայնը շատ մեղմ է: Աւելի դիրին է արդարացնել մեր վարմունքը: Մեր խիդճին զգայնութիւնը աւելի եւս կը պակսի:

Վերջապէս որեւէ մէկ բան չենք զգար: Մեր խիդճը կարծրացած կ'ըլլայ: Այլեւս կուրնալէն անդին անցած կ'ըլլանք եւ խափանած կ'ըլլանք զանազանութեան ամէն կարողութիւն: Այդ հանգրուանին մենք մեր բարոյական ուղղութիւնը կորսնցուցած կ'ըլլանք եւ մեր հաւատքի կործանումը վերահաս է: Հիմնականօրէն, մենք մեզ խարած կ'ըլլանք. ինքնախարէութեան մէջ կ'ըլլանք:

Այդ բոլորը կարելի էր կանխել պարզ զղումով. միտքի եւ սիրտի ամբողջական փոփոխութեամբ: Ասիկա կը պատահի երբ կը ճանչնանք եւ կ'ընդունինք, որ մեր իմաստութիւնը անպտուղ է եւ ամրօրէն կը կառչինք Աստուծոյ իմաստութեան: «Իր յանցանքները ծածկողը պիտի չաջողի, սակայն զանոնք խոստովանողն ու լքողը գթութիւն պիտի գտնէ» (Առակներու 28.13):

Գութը եւ վերականգնումը կրնան պատահիլ գործընթացին որեւէ հանգրուանին մէջ, բայց սուրբ վախի պակասը կ'ուշացնէ մեր ընդառաջումը: Մենք վտանգի մէջ կը տանինք մենք մեզ, որովհետեւ մեր սիրտը աւելի եւ աւելի անզգայացած կը դառնայ մեր խիդճի յանդիմանութեան դիմաց: Իմաստուն մարդը միշտ արագ կ'ըլլայ իր խիդճի զգուշացումներուն զղումով ընդառաջելու մէջ. կը գիտնայ, որ յետաձգելը վտանգաւոր է:

Կան շատեր՝ թէ՛ Աստուածաշունչին մէջ եւ թէ՛ մեր օրերուն, որոնք յետաձգած են իրենց խիդճին մտիկ ընելը: Ասիկա կարելի է նմանցնել ոուսական ռովէք խաղալուն: Կրնաս խուսափիլ կործանումէ, բայց ի՞նչպէս կը գիտնաս, թէ ե՞րբ դադրած ես զգալի: Չկայ ծայն մը, որ կը զգուշացնէ. «Եթէ մէկ անգամ եւս անտեսես զիս, պիտի լոեմ»: Պողոս ցաւով կը գրէ.

Բայց Սուլը Հոգին յայտնապէս կ’ըսէ, թէ վերջին ժամանակներուն շատեր պիտի լքեն հաւատքը, ականջ տալով մոլորեցուիչ չար ոգիներու եւ դեւերու ուսուցումներուն, որոնք կը քարոզուին կեղծաւոր եւ ստաբան մարդոց կողմէ, որոնց խիղճը Սադանային կնիքով իւարանուած է [«որոնց խիղճը խանձուած է տաք երկաթով [կամ կարծրացած է]», ըստ անգլերէն Նիու Թինկ ճէյմզ Վըրժըն (NKJV) տարբերակէն]: (Ա.Տիմոթէոսի 4.1-2, շեշտադրումը՝ մեր կողմէ)

Երբ մարդուն մորթը կը խառանուի կամ կը խանձուի տաք երկաթով, կը կորսնցնէ ամէն զգացում: Նոյնը կը պատահի նաեւ մեր խիղճին: Երբ ատիկա պատահի, մենք մեզ կը ներկայացնենք մեր ճիշդ ինքնութեան հակառակ ձեւով՝ առանց որեւէ ներքին դատապարտութեան կամ յանցաւորի զգացումի: Ատիկա պատահեցաւ Անանիայի, Սափիրայի, Սաւուլ Թագաւորի եւ շատ ուրիշներու հետ:

Այդ խանձուելուն կամ կարծրացումին ուրիշ մէկ հետեւանքը այն է, որ անիկա բաներ ներսը կը պահէ: Երբ կը խանձես միսը, անիկա կ’արգիլէ, որ մէջի հիւթերը դուրս փախչին: Պողոս կը գրէ. «Քրիստոսվ ճշմարիտը կ’ըսեմ, առանց ստելու, եւ խիղճս ալ Սուլը Հոգիով կը վկայէ» (Հռոմայեցիներուն 9.1, շեշտադրումը՝ մեր կողմէ): Եթէ հաւատացեալ մը խանձած կամ կարծրացուցած է իր խիղճը, այլեւս չի կրնար հաղորդակցիլ Սուլը Հոգիին հետ: Անոր վկայութիւնը չի կրնար մեր շունչին հասնիլ, ճիշդ ինչպէս միսին հիւթերը չեն կրնար միսէն դուրս ելլել: Անոնք զրկուած կ’ըլլան կեանքի մէջ իրենց ուղղութիւն տուող իրենց ներքին սարքէն կամ համակարգէն: Անոնց ճամբան կ’երթայ դէպի կործանում:

Փակելու համար, կարդանք Պողոսի շարք մը հաստատումներէն քանի մը հատը. «Եղբայրներ, մինչեւ այսօր ես կատարելապէս հանդարտ խիղճով ապրած եմ Աստուծոյ առջեւ» (Գործերը 23.1): Դարձեալ, «Ասոր համար ալ կ’աշխատիմ, որ թէ Աստուծոյ եւ թէ մարդոց հանդէալ խիղճս միշտ մաքուր ըլլայ» (Գործերը 24.16): Առ ի եզրակացութիւն, ժրաջանօրէն պահպանենք մեր սիրտը:

Անձնականացնել

Հատուած- Ուստի անկեղծ սրտով եւ վստահութեամբ լեցուն հաւատքով մօտենանք Աստուծոյ, մեր սիրտերը մաքրած՝ խղճմտանքը ծանրացնող յանցանքներէն եւ մեր մարմինները մաքուր ջուրով լուացած: (Եբրայեցիներուն 10.22)

Միտք- Մեր խիղճին յստակութիւնը եւ զօրութիւնը կրնան փոփոխութեան ենթարկուիլ: Մեր զգայնութիւնը կը զօրանայ սուրբ վախով, նոյնպէս ալ կը բթանայ անոր բացակայութեամբ:

Խոկալ- Մեր խիղճները կը մաքրագործուին Յիսուս Քրիստոսի արինով: Ինչ հոգեւոր վարժութիւն կրնամ որդեգրել, որպէսզի խիղճս մաքուր պահեմ:

Աղօթք- Սիրելի Երկնաւոր Հայր, ներողութիւն կը խնդրեմ այն ժամանակներուն համար երբ ես անտեսած եմ խիղճս եւ անոր հակառակ քալած: Ներք ինձի ժրաշանօրէն խիղճս չպաշտպանելուս համար: Կը զղջամ եւ ներողութիւն կը խնդրեմ: Կը խնդրեմ, որ մաքրես զիս Յիսուսի արինով: Վերականգնէ մաքուր խիղճ մը մէջս, որ կակուղ եւ զգայուն ըլլայ Քու ձայնիդ եւ առաջնորդութեանդ հանդէա: Թող արագ ըլլամ ամէն բանի մէջ Քեզի հնազանդելու մէջ: Յիսուսի անունով: Ամէն:

Դաւանութիւն- Պիտի պահպանեմ սիրտս ժրաշանօրէն եւ զգայուն պիտի ըլլամ խիղճիս առաջնորդութեան եւ ձայնին:

ԱՍՏՈՒԾՈՅ
LTS

ՄՏԵՐՄՈՒԹԻՒՆ

ՀԻՆԳԵՐՈՐԴ ՃԱԲԱՋ

Կը նախընտրեմ գին վճարել
Աստուծոյ ձայնը անձնապէս
լսելու համար՝ անկախ
անկէ թէ որքան դժուար
կրնան ըլլալ պայմանները,
քան համակերպիլ իր
պատգամները միշտ ուրիշէ
մը լսելուն:

– Ճ03 ՏՈՍԸՆ

29 | ՀՈՆ, ՈՒՐ ՄՏԵՐՄՈՒԹԻՒՆԸ ԿԸ ՍԿՍԻ

Մինչ սուրբ Վախը կ’աճի մեր մէջ Աստուծոյ փառքին վերաբերեալ մեր ըմբռնումին աճման հետ միասին, անիկա կը մաքրագործ մեր շարժառիթները, կ’ազատէ մեզ մարդոց վախէն եւ ճշմարիտ սրբութիւն կը բերէ մեր կեանքերուն մէջ: Սուրբ Վախի դրսեւրումը անմիջական եւ կատարեալ հնազանդութիւնն է Աստուծոյ՝ անկախ անկէ, որ մենք պատճառ մը կը գտնենք անոր մէջ կամ ոչ, օգուտ մը կը քաղնենք կամ ոչ, կամ թէ որդքան ցաւալի է անիկա:

Այդ գիտութիւնը ունենալով, իհմա կրնանք խօսիլ այդ եզակի պարզեւին օգուտներուն մասին, եւ այս բաժինին մէջ պիտի կերպունանանք անկասկածօրէն ամէնէն մեծ օգուտին վրայ, որն է՝ Աստուծոյ հետ մտերմութիւնը:

Մդերիմ բառը, անգլերէնով՝ *ինթիմէթ*, կու գայ երկու լատիներէն բառերէ. *ինթոս*, որ կը նշանակէ՝ «մէջը» եւ *ինթիմուս*, որ կը նշանակէ՝ «շատ գաղտնի»: Երկուքը միացնելով կ’ունենանք՝ «ամէնէն խորին գաղտնիքները»: Ասիկա շատ լաւ նկարագրութիւն մըն է մդերմութեան. բառ մը, որ կը գործածովի նկարագրելու համար սիրոյ կապ մը երկու մօտիկ բարեկամներու միջեւ՝ շատ աւելի խորունկ մակարդակի վրայ քան յարաբերութիւն մը ծանօթի մը հետ, որ կը սահմանուի իբրեւ մէկը, որուն նոր հանդիպած ես եւ որոշ չափով գիտես զինք, բայց ոչ լաւ կերպով:

Մտերիմ ըլլալը երկու կողմ ընթացող ճամբայ մըն է. երկու

Աստուծոյ Հետ Մտերմութիւն

անձերն ալ պէտք է մէկը միասին ամէնէն խորունկ փափաքները եւ խորհուրդները գիտնան: Ինչ կը վերաբերի Աստուծոյ հետ մտերմութեան, նայինք թէ իր եւ թէ մեր տեսակէտներուն՝ սկսելով իր տեսակէտէն: Դաւիթ կը գրէ.

Ո՞վ Տէր, զիս հեղազօպեցիր ու ճանչցար: (Սաղմոսներու 139.1, 2Եշտադրումը՝ մեր կողմէ)

Հեղազօպեցիր բառը եբրայերէն հակար բառն է, որ կը սահմանուի իբրեւ՝ «խուզարկել, փնտոել, փնտոտութի ելլել եւ գտնել»: Ատիկա կատարելապէս կը նկարագրէ մէկու մը հետ մտերիմ յարաբերութեան մէջ մտնելը: Ժամանակ եւ ջանք կը տրուի՝ ոչ թէ բեռի իմաստով՝ այլ, ուրախութեամբ, խուզարկելու համար դիմացի անձին ամէնէն խորունկ խորհուրդները եւ ճամբաները:

Ես ատիկա վայելած եմ Լիսային հետ իմ ամուսնութեանս մէջ: Երբ նոր ամուսնացած էինք, ես շատ ծանօթ չէի անոր տենչանքներուն, հաճոյքներուն, նախասիրութիւններուն, չսիրած բաներուն կամ ատած բաներուն: Պարզօրէն, զոյգիդ հետ մտերմանալը մտային, զգացական եւ ֆիզիքական կերպոնացած ջանք կը պահանջէ:

Վերի համարին մէջ յաջորդ հետաքրքրական բառը ճանչնալն է. անիկա եբրայերէն եակար բառն է: Հին Կտակարանին մէջ անիկա մտերմութեան գաղափարը փոխանցելու համար ամէնէն յաճախ գործածուած բառն է: Անիկա գործածուած է Ծնունդներու 4.1-ին մէջ, որ կ’ըսէ՝ «Ադամ գիլցաւ [եակար] իր Եւա կինը, եւ ան յղացաւ»: Սուրբ Հոգին եակար բառը կը գործածէ նկարագրելու համար այն ծայրագոյն մօտիկութիւնը, զոր երկու մարդ արարածներ կրնան ունենալ այս կեանքի մէջ: Հիմնականին մէջ Դաւիթ կ’ըսէ. «Տէր, դուն շատ խորունկ կերպով կը ճանչնաս կամ գիտես զիս»:

Դաւիթ կը գործածէ թէ հակար բառերը՝ մեզի յստակ պատկեր մը տալու համար, թէ ինչպէս Աստուած կը փնտոէ եւ կը գտնէ ամէնէն խորունկ փափաքները եւ ծեւերը անոնց, որոնց հետ կը փափաքի մօտիկ ըլլալ: Դարձեալ եթէ նայինք Լիսայի եւ իմ յարաբերութեան, ես անոր մասին շատ աւելի բան գիտեմ տարիներ իրարու հետ ժամանակ անցընելէ ետք: Ոչ միայն գիտեմ անոր ամէնէն խորունկ փափաքները ինչպէս վերը ըսինք, այլև անոր սովորաբար ըրած բաները, թէ ան ինչպէս պիտի վարուի որոշ պայմաններու տակ, ինչ բան ընելէն ամէնէն աւելի հաճոյք կ’առնէ ազատ ժամերուն, ինչ բաներու վրայ կը սիրէ աշխատիլ, եւ ցանկը կը շարունակուի: Նոյնպէս ալ Դաւիթ կը բացատրէ.

Դուն գիտես իմ նստիլս ու ելլելս, իմ մտածումս հեռուէն կը հասկնաս: Իմ քալելս ու պառկիլս կը քննես, եւ իմ բոլոր ճամբաներուս իրազեկ ես: Արդարեւ խօսք մը տակաւին լեզուիս վրայ չեղած, ահա դուն, ովք Տէր, ամբողջովին տեղեակ ես անոր: (Սաղմոսներու 139.2-4)

Աստուած մեր մտերմիկ մանրամասնութիւնները գիտէ ըմբռնումէ անդի՞ն ձեւով մը: Հազարով, Աստուած հնքինք տրամադրեց խուզարկելու, փնտոելու եւ գտնելու Դափթը, եւ ան նոյնը կ'ընէ մեզմէ իրաքանչիւրին հետ. այն ինչ որ ես եւ Լիսան ըրած ենք վերջին քառասուն տարիներուն, բայց շատ աւելի խորունկ մակարդակի վրայ: Իրականութեան մէջ քանի մը համար ետք կը հանդիպինք ցնցիչ հաստատումի մը, թէ՛ մեր մասին Աստուծոյ մտածումները երկրի աւագէն շատ են (հմբ 17-18): Եթէ ես վերջին քառասուն տարին ամէն տասներու երկվայրկեանը Լիսայի սիրած բաներուն, վարմունքին, տենչանքներուն եւ չսիրած բաներուն մասին մտածած ըլլայի եւ աւազի հատիկ մը մէկ կողմ դրած ըլլայի, կօշիկի տուփի մը մէջ բաւելու չափ աւագէն աւելի պակաս աւագ հաւաքած կ'ըլլայի: Մեզմէ իրաքանչիւրին մասին Աստուծոյ մտածումները մեր մոլորակին վրայ գրնուող աւագէն աւելի շատ են, եւ ան բնաւ չի չափազանցեր, քանի որ ատիկա սուստ կ'ըլլայ, եւ անկարելի է, որ Աստուած ստէ: Ասիկա ապշեցուցիչ է: Սկսա՞ր ըմբռնել մեր մասին ամէն բան գիտնալու Անոր բուռն փափաքը:

Ան խորապէս կը փափաքի մօտիկ ըլլալ մեզմէ իրաքանչիւրին հետ: Եւ սակայն կ'ուզեմ կրկնել, որ խսկական մտերմութիւնը կը ծնի երկու կողմերուն զիրար լաւ ճանչնալէն, ոչ միայն մէկուն: Ճիշդ ինչպէս Ան կը հետազօտէ մեր ամէնէն խորունկ խորհուրդները, մե՞նք եւս պէտք է բուռն փափաքով հետամուտ ըլլանք ստեղծելու խսկական մտերմութիւն մը: Մովսէս այդ մակարդակի յարաբերութեան հետամուտ է երբ կ'աղաղակէ.

«Ըսիր. “Քեզ անունովդ կը ճանչնամ [Եակա]”, նաեւ՝ “Իմ առջեւս շնորհք գտար”: Ուստի իհմա կ'աղերսնմ, եթէ քու առջեւդ շնորհք գտայ, ցուցնիր ինծի քու ճամբադ, կ'աղերսնմ, որ ճանչնամ [Եակա] քեզ, որպէսզի քու առջեւդ շնորհք գտնեմ»: (Ելքի 33.12-13, շեշտադրումը՝ մեր կողմէ)

Աստուած մեզ չի գիրեր իբրեւ պարզապէս թիւ մը բազմութեան մը մէջ. Ան մեզ գիտէ անձնապէս, անհատապէս, անունով: Վերի համարին մէջ կը տեսնենք, թէ Մովսէս կ'ուզէ ատիկա փոխադարձել ան բուռն փափաք ունէր առջեւ երթալու Աստուծոյ մասին իր

Աստուծոյ Հետ Մտերմութիւն

գիտութեան մէջ: Ան մտերիմ յարաբերութիւն մը կ'ուզէ. ոչ միայն որ Աստուած զինք ճանչնայ, այլեւ ինք եւս խորապէս ճանչնայ զԱստուած: Հապա մե՞նք... Մեզի կ'ըսուի. «Մօտեցէք Աստուծոյ, եւ Աստուած ինք պիտի մօտենայ ձեզի» (Յակոբոսի 4.8):

Մեր մինչեւ հիմա խօսածներուն լոյսին տակ, կը կարծեմ, որ հիմա կը լսէք կանչ մը... ո՛չ, աղաղակ մը, որ կ'ելլէ Աստուծոյ սիրտէն: Ամէն անցնող վայրկեանի հետ կը սաստկանայ անիկա: «Ինչո՞ւ հեռու կը մնաս եր կրնաս մտերմութեան մէջ ըլլալ ինձի հետ»: Հիմնականօրէն, մեզի կ'ըսուի, թէ մենք ենք, որ կ'որոշենք Ասպուտութեան մէջ մտերմութեան մակարդակը: Աւելի պարզ ձեռով ըսեմ. դո՞ւն կ'որոշես Աստուծոյ հետ մօտիկութիւնդ, ո՛չ Աստուած: Ուրեմն Աստուծոյ վախը ի՞նչ դեր ունի ասոր մէջ: Մեզի կ'ըսուի, թէ:

Իմաստութեան [«Գիտութեան», ըստ անգլերէն Նիու Քինկ Ճեյմզ Վըրժըն (NKJV) տարբերակին] սկիզբը Տէրոջ վախն է: (Առակներու 1.7)

Ի՞նչ տեսակի գիտութեան: Արդեօք հեղինակը կը խօսի բժշկական, գիտական, պատմական կամ այլ ակադեմական մարզի գիտութեան մասին: Մեր համալսարաններէն շատերը լեցուն են այդ մարզերու գիտութիւնով, եւ սակայն կամ շատ քիչ ունին կամ ալ բնաւ չունին Աստուծոյ վախը: Արդեօք անիկա կը վերաբերի ընկերային կամ քաղաքական գիտութեան: Ո՛չ, աշխարհի ձեւերը անմտութիւն են Աստուծոյ համար: Արդեօք Աստուածաշունչի գիտութեան մասին կը խօսի: Բնաւ: Քանի որ փարիսեցիները մասնագէտ էին Սուլը Գիրքերու գիտութեան մէջ, բայց չունին Աստուծոյ վախը եւ չէին հաճեցներ զԱյն: Մեր պատասխանը կը գտնուի հետեւեալ բառերուն մէջ.

Այն ատեն Տէրոջ վախը պիտի հասկնաս եւ Աստուծոյ գիտութիւնը պիտի գտնես: (Առակներու 2.5)

Գիլութիւն բառը *Sիրշընըրի* աֆ *Պիպլիքը* Հանկուէյճըզ բառարանին մէջ կը սահմանուի իբրեւ՝ «տեղեկութիւններ անձի մը մասին՝ անոր հետ յարաբերութեան մէջ ըլլալու զօրատր ակնարկութիւնով»: Վայն'զ Քոմփլիթ Էքսփոզիթորի *Sիրշընըրի* բառարանը մեզի կ'ըսէ, թէ այդ բառը կ'ակնարկէ՝ «Անոր [Աստուծոյ] մասին մտերմիկ, փորձառական գիտութիւն ունենալ»ուն: Եթէ պարզ ձեռով պիտի նշենք մեզի խոստացուածը, կ'ըսենք, թէ՝ *Sիրոջ վախը* սկիզբն է զԱսպուտութեան մտերմաբար ճանչնալուն:

Ճշմարտութիւնը այն է, որ մենք զԱստուած մտերիմ մակարդակի վրայ ճանչնալ սկսած չենք ըլլար եթէ իր վախը չունենանք. անիկա մեկնակէտն է: Եթէ այդ մեկնակէտէն բացի ուրիշ որեւէ բան նախաձեռնես, չես կրնար զայն ամբողջացնել: Եթէ 100 մեթր վազքի մրցոյթը սկսիմ նշանակուած մեկնակէտէն 50 մեթր աւելի առջեւէն, չեմ կրնար օրինաւոր կերպով մասնակցած ըլլալ մրցոյթին կամ զայն աւարտել: Նոյնն է պարագան Աստուծոյ հետ մեր յարաբերութեան. առանց սուրբ վախի անկարելի է զԱստուած մտերմօրէն ճանչնալ: Փառք իրեն, որ մեզի տուած է ճամբան զինք մտերմօրէն ճանչնալու: Բայց արդեօք մենք պիտի քալի՞նք այդ ճամբայէն:

Յիշենք, որ Տիրոց վախին շնորհի մենք կը հեռանանք չարէն կամ անօրէնութենէն: Ասիկա գիտնալով, նկատի առ, որ Յիսուս խօսեցաւ մեծ խումբ մը մարդոց մասին, որոնք պիտի ցնցուին Դատաստանի Օրը: Այդ տղամարդիկն ու կիները զինք իրենց Տէրը կը կոչեն, բայց Յիսուս իրենց պիտի ըսէ. «Բնաւ ձեզ չեմ ճանչնար: Հեռացէք ինձմէ դուք բոլորդ, որ չարիք [«անօրէնութիւն», ըստ անգլերէն Նիու Քինկ Ճէյմզ Վըրժըն (NJKJV) տարբերակին] կը գործէք» (Մատթէոսի 7.23, շեշտադրումը՝ մեր կողմէ): «Ճանչնալ» բառին համար հոս գործածուած յունարէն բառը կինուքոն է, որ եակային յունարէնն է: Յիսուս սուրբ վախ չունեցողներուն պիտի ըսէ. «Ես երբեք մտերմաբար չի ճանչնար ձեզ»: Ասիկա շատ լուրջ հարց մըն է, որուն մասին պիտի խօսինք յաջորդ գլուխին մէջ:

Անճնականացնել

Հատուած- Երբ ըսիր. «Երեսս փնտոեցէք», իմ սիրտս քեզի ըսաւ. «Քու երեսդ պիտի փնտոեմ, ով Տէր»: (Սաղմոսներու 27.8)

Միտք- Իսկական մտերմութիւնը կը ծնի երկու կողմերուն գիրար լաւ ճանչնալէն, ոչ միայն մէկուն:

Խոկալ- Միտքը բեր նախասիրած անձդ, որուն հետ ամէնէն աւելի կ'ուզես ըլլայ: Ո՞րքան լաւ գիտես անոր մտածումները կամ զգացումները առանց բառ մը խօսուելու: Ո՞րքան լաւ կերպով կրնաս գիտնալ, թէ ինչ կեցուածք պիտի առնէ ան տուեալ կացութեան մը մէջ: Պարզապէս օր մը յանկամք գիտցար այդ բաները կամ ժամանակ առաւ, որ հետազոտես եւ մտածես մօտիկ ընկերոջդ ձեւերուն մասին: Հիմա նկատի առ քեզի վերաբերեալ Աստուծոյ մտածումներուն

Աստուծոյ Հետ Մտերմութիւն

անհամար ըլլալուն մասին: Ինչ կ'ըսէ ատիկա քեզի: Ինչ պիտի պատահէր եթէ հետազօտէիր Աստուծոյ սիրտը եւ ծեւերը եւ մտածէիր անոնց մասին աւելի քան քու ամենամօտիկ ընկերոջդ:

Աղօթք- Սիրելի Տէր, կ'անդրադառնամ, որ անտեսած եմ մեծագոյն հրաւերը, որ երբեւ ստացած եմ. Քեզի հետ մտերիմ ըլլալու հրաւերը: Արտօնած եմ, որ շատ բաներ շեղեն զիս եւ չկարենամ ժամանակ տալ հետո այդ մօտիկովին մշակելու համար: Ուրախ եմ ըսելու, որ կ'ուզեմ փոխել ատիկա: Երբ բանամ Աստուածաշոնչ՝ կարդալու, աղօթելու եւ խոկալու համար, թող սկսիմ ճանչնալ Քեզ խորունկ, մտերմիկ մակարդակի մը վրայ: Ասիկա կը խնդրեմ Յիսուսի անունով: Ամէն:

Դաւանութիւն- Կ'ընտրեմ հետամուտ ըլլալ ճանչնալու Յիսուսը այնքան խորունկ կերպով որքան ինք ընտրած է զիս ճանչնալ:

Ճամբայ կայ՝ որ մարդուն
ուղիղ կը թուի, բայց անոր
վերջաւորութիւնը մահուան
ճամբան է:

– ԱՌԱԿՆԵՐՈՒ 16.25

30 | ՏԱՐԲԵՐ ՅԻՍՈՒՄ ՄԸ

Յաճախ բան մը աւելի լաւ հասկնալու համար օգտակար կ'ըլլայ եթէ նայինք անոր հակառակ թեզին: Ուստի նախքան Աստուծոյ հետ մտերմութեան նիւթը աւելի մանրամասնօրէն քննարկելը, եկէք խօսինք անոր հակառակին մասին, ինչպէս պիտի տեսնենք հետեւեալ պատմութեան մէջ:

Նոր Հառայի հասած էի՝ ղեկավարութեան մասին խորհրդաժողովի մը իբրեւ պատգամաբեր մասնակցելու համար: Պանդոկի սենեակս տակախն պատրաստ չէր, ուստի հանգստանալու անկին մը գտայ աւազանին ծայրը գտնուող հովանոցի մը տակ: Այնպէս պատահեցաւ, որ ուրիշ խորհրդաժողովի մը ներկայ ըլլալու համար հոն գտնուող կին գործարար մը եւս կը սպասէր իր սենեակին պատրաստ ըլլալուն: Սկսանք խօսիլ, եւ երբ գիտցաւ, որ Քրիստոնեայ հեղինակ եւ ծառայող մըն եմ, սկսաւ խօսիլ Յիսուսի հետ իր յարաբերութեան մասին:

Քանի մը վայրկեանէն արդէն յայտնի եղաւ, որ ան Յիսուսը չէր ճանչնար: Ան շարունակ ինքնավստահօրէն կ'ըսէր, թէ ինչ բանի կը հաւափար, բայց շատ քիչ բան կը համապատասխաներ Սուրբ Գիրքերուն յայտնածներուն: Լուորէն Սուրբ Հոգին իմաստութիւն խնդրեցի, եւ քանի մը երկվայրկեան ետք յայտնեց ինձի, թէ ինչ պէտք էր ըսէի:

Երբ վերջացուց խօսիլը, հարցուցի. «Կը տեսնես աւազանին միւս կողմը նստած այդ մարդը»:

Զարմացած (շատ հաւանաբար կտրուկ կերպով նիւթը փոխելու պատճառով), պատասխանեց. «Այո»:

Ես գուարթօրէն ըսի. «Անունը Ճիմ է, եւ ան Ֆրեզնոյէն է, Քայլֆորնիա: Ան կը հետեւի վիկըն սննդականոնի [միայն բոյսերէ եկած ուստելիքներով]

Աստուծոյ Հետ Մտերմութիւն

սնանելու սննդականոն- Թարգմանիչ]: Անոր Երազն է Միացեալ Նահանգներու ջուրի փողոյի ողիմափականի խումբին մաս կազմել: Ան օրը Երեք ժամ թէ՛ մարզապահին եւ թէ՛ լողաւազանին մէջ մարզումներ կ'ընէ: Անոր նախասիրութիւններուն են՝ փիփռլապոյ լթենիսի նման խաղ մը- Թարգմանիչ], օդանաւէ մը փարաշիվով նետուիլ եւ նկարչութիւն: Ճիմ ամուսնացած է տաք ջուրի աւազանին քովը Երոյ կնոջ հետ. անոր անունը Պէթ է, եւ ան տասը տարի աւելի փոքր է իրմէ»:

Հետաքրքրութիւնը շարժած ըլլալով անով, թէ ես որդան լաւ կը ճանչնայի Ճիմը, հարցուց. «Քու ներկայ գտնուելիք խորհրդաժողովին ներկայ պիտի ըլլայ ինքն ալ»:

Արագօրէն պատասխանեցի. «Ոչ»:

Հետաքրքրութիւնը աւելի շարժեցաւ: «Ուրեմն ի՞նչպէս է, որ այդքան լաւ կը ճանչնաս Ճիմը»:

Այդ պահուն իրեն դարձայ եւ աչքերուն մէջ նայելով, ըսի. «Ես բնաւ չեմ հանդիպած անոր»:

Անոր դէմքի արտայայտութիւնը փոխուեցաւ եւ հիմա արդէն քիչ մը գգուշաւոր էր եւ նոյնիսկ մտահոգ: Թերեւս կը մտածէր, թէ արդեօք ես հիւանդագին հետապնդող մըն էի, անծնական գաղտնի ոստիկան մը կամ նոյնիսկ կառավարութեան պաշտօնեայ մը:

Պահ մը լուռ մնացի եւ ապա ինքնավստահօրէն ըսի. «Ես ատիկա կը հաւաքամ անոր մասին»:

Ան անխօս մնաց:

Շարունակեցի. «Քիչ առաջ դուն մեծ ինքնավստահութեամբ բաժնեկցեցար Յիսուսի մասին համոզումներդ, բայց գրեթէ ինչ որ ըսիր ճիշդ չէր. ըսածներդ հակառակ էին Աստուածաշոնչի ուսուցումներուն: Ես ատիկա գիտեմ, որովհետեւ կը ճանչնամ զինք»: Ան այլևս չուզեց շարունակել մեր այդ խօսակցութիւնը, բայց նկատելի էր, թէ որքան ցնցուած էր:

Պողոս Առաքեալ ցնցիչ խօսք մը ուղղեց Եկեղեցիի մը, զոր շատ կը սիրէր. «Դուք ուրախութեամբ կը հանդուրժէք ամէն բան, որ ոեւէ մէկը կ'ըսէ ծեզի, նոյնիսկ եթէ կը քարոզեն տարբեր Յիսուս մը» (Բ.Կորնթացիներուն 11.4):¹ Ան չի խօսիր ուրիշ աստուծոյ մը մասին, այլ՝ տարբեր Յիսուսի մը: Ըստ Երեւոյթին, անոնք կը հաւաքան Յիսուսի, սակայն իրավէն չեն ճանչնար զինք: Ինչո՞ւ: Անոնք կը հաւատան այն բաներուն, որոնք կը համապատասխանեն իրենց նախասիրութիւններուն եւ հետեւաբար կ'ապրին իրական Յիսուսի օտարացած կեանք մը: Դժուար չէ ատիկա ընելը. Տէրը անտեսանելի

1 Բառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

է, ուստի կրնաս փոխել Անոր բնութիւնը՝ յարմարցնելու համար քու երեւակայութեանդ:

Իսրայէլի որդիները նոյնպիսի բան մը ըրին: Եգիպտոսէն դուրս ելլելը աշխարհէն փրկուելու մէկ օրինակն է: Կը կարդանք. «Եւ բոլորն ալ նոյն հոգեւոր ըմպելիքը խմեցին, որովհետեւ խմեցին հոգեւոր ժայռէ մը՝ որ իրենց հետ կ'երթար. եւ այդ ժայռը Քրիստոս ինքն էր: Բայց անոնց մեծագոյն մասը հաճելի չեղաւ Աստուծոյ» (Ա.Կորնթացիներուն 10.4-5): Շարք մը պատճառներով Աստուած չիմեցաւ իրենց, բայց բոլոր պատճառներուն յատակը կը գտնուէր մէկ գլխաւոր կէտ. անոնց անհնազանդութիւնը Աստուծոյ խօսքին, անոնց սույր վախ չունենալլ:

Երբ Մովսէս լեռն էր քառասուն օր, ոսկիէ հորթ մը կը շինուի լեռան ստորոտը սպասող Իսրայէլի ժողովուրդին վրայ ղեկավար կարգուած Ահարոնի կողմէ: Մենք ասիկա կը տեսնենք եւ կը պոռանք՝ «Կուապաշտութիւն»: Այո, ճիշդ: Բայց ինչ որ շատեր չեն անդրադառնար այն է, որ Ահարոն եւ ամբողջ ժողովուրդը զանիկա էլո՛իմ կը կոչեն: Այդ բառը 2,606 անգամ կը գտնուի Հին Կտակարանին մէջ: Անիկա կրնայ գործածուած ըլլալ սուտ աստուածներու համար, բայց տասէն ինը անգամը գործածուած է Եհովայի համար. միակ ճշմարիտ Աստուծոյ: Օրինակի համար, անիկա Ծնունդներու Գիրքի առաջին գլուխին մէջ 32 անգամ նշուած է: Աստուածաշունչի առաջին համարը կը կարդայ. «Ակիզբէն էլո՛իմ երկինքն ու երկիրը ստեղծեց» (շեշտադրումը՝ մեր կողմէ):

Դիմութեամբ կրնանք վստահ ըլլալ, թէ արդեօք անոնք այդ հորթը կը կոչեն էլո՛իմ իբրեւ Ամենակարո՞ղ Աստուած կամ էլո՛իմ իբրեւ սուտ աստուած: Փաստը այն իրականութիւնն է, որ Ահարոն հորթը Եահուէ կ'անուանէ (տես Ելքի 32.5): Ասիկա սուրբ անունն էր մեր մէկ եւ միակ ճշմարիտ Աստուծոյ, եւ անիկա Աստուածաշունչին մէջ ուրիշ որեւէտ տեղ չէ գործածուած սուտ աստուծոյ մը համար բացի այստեղ: Ահարոն եւ ժողովուրդը հորթը Նեբրովդ, Բահադ, Աստարովդ կամ ուրիշ սուտ աստուծոյ մը անունով չեն կոչեր: Անոնք կը հոչակեն. «Ասիկա Եահուէն է. ան, որ մեզ Եգիպտոսէն հանեց» (Ելքի 32.4, հեղինակին բառերով, շեշտադրումը՝ մեր կողմէ):

Ինչպէս կրնային անոնք այդքան սխալած ըլլալ: Ինչո՞ւ չճանցան ճշմարիտ, կենդանի Աստուածը, ինչպէս Մովսէս ճանչցաւ: Անոնք տեսան Աստուծոյ իրաշքները. հետեւեցան Անոր ամպին եւ կրակէ սինին: Պատասխանը բարդ չէ: Ամիսներ առաջ երբ Աստուած առաջին անգամ իջաւ լերան վրայ՝ ինքինք ծանօթացնելու համար, անոնք ետ-ետ գացին եւ Մովսէսին ըսին. «Դուն մօտեցիր ու լսէ ամէն ինչ որ Տէրը՝ մեր Աստուածը պիտի ըսէ, եւ դո՞ւն մեզի հաղորդէ ամէն

Աստուծոյ Հետ Մտերմութիւն

ինչ որ Տէրը՝ մեր Աստուածը քեզի պիտի խօսի, ու մենք մտիկ պիտի ընենք եւ գործադրենք» (Բ.Օրէնքի 5.27):

Ես միայն կրնամ պատկերացնել Մովսէսի բացարձակ յուսախաբութիւնը: Ան չի կրնար պատկերացնել Աստուծոյ ներկայութեան մէջ ըլլալ չուզելը: Ի՞նչպէս կրնայ ըլլալ ատիկա: Մովսէս այդ մտահոգութիւնը Տիրոջ առջեւ կը բերէ՛ ակնկալելով, որ պատասխան ստանայ, բայց վստահաբար Աստուծոյ պատասխանը կը զարմացնէ Մովսէսը. «Այս ժողովուրդին քեզի ըսած խօսքերուն ձայնը լսեցի. ամէն ինչ որ ըսին՝ շիտակ է» (Բ.Օրէնքի 5.28):

Մովսէս կը ցնցուի: Ան շատ հաւանաբար կը մտածէ. *Մէկ վայրկեան:* Անոնք ճիշդ են: *Առաջին անգամ ըլլալով այս մարդիկը իրապէս ճիշդ են:* Կը պատկերացնեմ, որ անոր պատասխանը Աստուծոյ այս ծեփ բան մըն էր. «Ի՞նչո՞ւ անոնք չեն կրնար գալ Քու ներկայութեանդ մէջ եւ վերջապէս Քեզ ճանչնալ ինչպէս ես Քեզ կը ճանչնամ»: Աստուծոյ պատասխանը ցաւալի է.

«Երանի թէ անոնց մէջ այնպիսի սիրտ մը ըլլար, որ ինձմէ վախնալով իմ բոլոր պարուիրաններս ամէն օր պահէին, որպէսզի իրենց եւ իրենց որդիներուն բարիք ըլլար յալիդեան»: (Բ.Օրէնքի 5.29, շեշտադրումը՝ մեր կողմէ)

Աստուած իր ցաւը կը յայտնէ... Եթէ միայն սուրբ վախով քալիին, պիտի կարենային գալ իր ներկայութեան մէջ եւ մտերիմ յարաբերութիւն վայելել: Ասիկա իր կարգին անոնց պիտի տար զօրութիւնը հնազանդելու, եւ այդպիսով ամէն բան լաւ պիտի ըլլար իրենց եւ իրենց զաւակներուն համար: Ապա Աստուած հետեւեալ ցուցմունքը կու տայ Մովսէսի.

Գնա՞ անոնց ըսէ. «Զեր վրանները վերադարձէք»: Բայց դուն հոս՝ իմ քովս կայնէ, քեզի պիտի ըսեմ բոլոր պատուիրանները, կանոններն ու դատավճիռները: (Բ.Օրէնքի 5.30–31, շեշտադրումը՝ մեր կողմէ)

Ասիկա թէ սրտաճմլիկ եւ թէ ուրախացնող բան մըն է: Նախ նշենք սիրտ կոտրող բանը: Խսրայէլի ամէնէն խաւար պահը հորթը շինելը չէր, ոչ ալ երբ վաստ տեղեկութիւններ տալով խոստացուած երկիրը չգրաւեցին: Ոչ, ասիկա էր անոնց ամէնէն խաւարը պահը: Աստուած զիրենք Եգիպտոսէն (աշխարհէն) հանեց՝ զանոնք իրեն բերելու նպատակով, որպէսզի զինք ճանչնային ինչպէս հնք մտերմօրէն կը ճանչնար զիրենք: Սակայն անոնք մերժեցին այդ

առիթը՝ սուրբ վախ չունենալնուն պատճառով։ Ողբերգական է...»

Միա կողմէ ատիկա խանդավառիչ բան մըն էր Մովսէսի համար, տրուած ըլլալով, որ ան հրափրուած էր Աստուծոյ քով կենալու եւ Անոր խօսքերը ուղղակի Անոր բերանէն լսելու։ Ան հրափրուեցաւ Աստուծոյ հետ մտերմիկ յարաբերութեան մը, մինչ ժողովուրդը վերադարձաւ իրենց վրանները։

Աւազանին քով հետս զրուցող կինը դարբեր Յիսուսի մը մասին կը խօսէր, կորնթացիները կը ծառայէին դարբեր Յիսուսի մը, եւ հսրայէլ կը հետեւէր դարբեր Ամենակարող Աստուծոյ մը։ Կը տեսնէք կրկնուող երեւոյթը։ Կրնայ ըլլալ, որ աստուածութիւն մը ստեղծենք Յիսուսի անունով եւ սակայն չճանչնանք Աստուծոյ աշխն նստած իրական Յիսուսը։ Եւ աւելի նեղացուցիչ կամ շփոթեցուցիչ բանը այն է, որ հսրայէլ եւ Կորնթոսի Եկեղեցին տեսան Աստուծոյ դրսեւորուած զօրութիւնը եւ իրաշքները՝ իրենց աղօթքներուն պատասխանուելուն մէջ։

Ուստի հիմա դառնանք այն մեծ խումբ մը մարդոց, որոնք դատաստանի ատեն պիտի դաւանին Յիսուսը իբրեւ իրենց Տէրը, բայց Յիսուս իրենց պիտի ըստ՝ «Հեռացէք ինձմէ»։ ճիշդ այն բառերը, զորս Մովսէս լսեց Աստուած կ'ըսէր հսրայէլի համար։ Ատիկա պիտի մոլէ մեզ, որ աւելի մօտէնք քննենք Յիսուսի մարգարեական խօսքերը թէ՝ ինչ պիտի պատահի այդ բազմութիւններուն։ Ինչպէս նշեցինք այս գլուխին սկիզբը, ատիկա մեզի պիտի տայ աւելի լաւ հասկացողութիւն մը մեր Տիրոջ հետ մտերմութիւն մշակելու մէջ սուրբ վախի կարեւորութեան մասին։ Ատիկա պիտի ընենք յաջորդ գլուխին մէջ։

Անձնականացնել

Հատուած- Այդ Աւետարանով ալ կը փրկուիք, եթէ զայն պահէք այնպէս՝ ինչպէս ես ձեզի քարոզեցի. այլապէս զուր տեղ հաւատացած կ'ըլլաք: (Ա.Կորնթացիներուն 15.2)

Միտք- Կրնայ պատահիլ, որ ամբողջ սրտովդ հաւատաս մէկու մը կամ բանի մը, որ ճիշդ չէ:

Խոկալ- Ինչպէս վստահօրէն կը գիտնամ, որ կը հաւատամ իրական Յիսուսին եւ ոչ շինծու կամ կեղծ Յիսուսի մը: Ատիկա կը գիտնամ իր մասին իմ առաջնորդներուս ուսուցումներէն: Բայց չէ որ Ահարոն ալ կ'ուսուցանէր իսրայէլին եւ կ'առաջնորդէր զայն: Կրնամ վստահօրէն գիտնալ միայն Աստուածաշունչ կարդալով: Բայց չէ որ փարիսեցիներն ալ նոյնը կ'ընէին: Ինչպէս կրնամ գիտնալ:

Աղօթք- Հայր, Յիսուսի անունով կը խնդրեմ, որ ոչ միայն ճշմարտութիւնը գիտնամ, այլև ճշմարտութիւնը սիրեմ: Կ'ընտրեմ ընդունիլ Կենդանի Խօսքդ իբրեւ վերջնական իշխանութիւն եւ հնազանդիլ անոր՝ հասկնամ կամ ոչ: Երբ ատիկա ընեմ, կատարուած կ'ըլլայ այն խոստումդ, թէ՝ պիտի չխարուիմ: Մինչ կը կարդամ Խօսքդ եւ կը հնազանդիմ Անոր, թող անիկա ալ զիս կարուայ. թող անիկա ինծի յայտնէ ովկ ըլլալս եւ իմ Տիրոջս՝ Յիսուսի ովկ ըլլալը: Ասիկա կը խնդրեմ Յիսուսի անունով: Ամէն:

Դաւանութիւն- Կ'ընտրեմ հաւատալ Աստուծոյ Խօսքին՝ զանիկա հասկնամ կամ ոչ:

Ամէն օր իմ ձեռքերս երկարեցի
ապստամբ ժողովուրդի մը,
անոնց՝ որ կը քալեն այնպիսի
ճամբայի մը մէջ՝ որ լաւ
չէ, իրենց մտածումներուն
հետեւելով:

– ԵՍԱՅԻՒ 65.2

31 | ԶԵՒ ՃԱՆՉԱՐ ՁԵԶ

Մենք թէ աւելի պիտի ըմբռնենք եւ թէ աւելի պիտի գնահատենք Ասլությ հեղ մղերմութինը եթէ շարունակենք նայիլ անոր հակառակին: Նախորդ գլուխի մեր նիւթը, ինչպէս նաեւ այս գլուխի, դժուար կլուելիք է: Սակայն մեր նիւթին հետ կապուած աստուածաշնչական զգուշացումները իրականութեան մէջ սիրոյ եւ պաշտպանութեան նույրներ են մեզի մեր խորապէս հոգատար Հօրմէն: Յիսուսի խօսած խօսքերը սուրբ վախ մը պիտի դնեն մեր մէջ, որ մեզ մօտիկ պիտի պահէ Կեանք Տուտոյին մինչեւ վերջ:

Աստուածաշունչը յստակօրէն կը զգուշացնէ, թէ վերջին օրերուն աւետարան մը պիտի հոչակուի եւ լայնօրէն ընդունովի, որ պիտի առաջարկէ Կեղծ փրկութիւն մը, որ զուրկ է Յիսուսի տիրութենէն: Պարզ ձեւով եթէ պիտի ըստնք, Յիսուսի հետ յարաբերութիւն կ'առաջարկուի առանց յանձն առնելու անպայմանական ձեւով Անոր Խօսքին հնազանդիլը: Ասիկա հակառակն է սուրբ վախին եւ յառաջ կը բերէ երեւակայական Յիսուս մը, ոչ տարբեր այն Յիսուսէն, զոր ընդուելով ամբաստանեց Պողոս կորնթացիներէն շատերը:

Տարբեր Յիսուսի մը հետեւող այդ յոյն «հաւատացեալներուն» մասին խօսելէ Ետք, Պողոս կը խօսի անոնց սիրտի վիճակին մասին, որմէ յառաջ Եկած էր այդ երեւակայական փրկիչը: Ան կը գրէ. «Ձեզմէ շատեր չեն իրաժարած իրենց իին մեղքերէն: Զէք ապաշխարած ձեր անմաքրութենէն, սեռային անբարոյութենէն եւ կրօստ ցանկութիւններու եռանդէն» (Բ.Կորնթացիներուն 12.21): Անոնք կը դաւանին Տէր Յիսուսը, բայց կ'ապրին Իր Խօսքին հակառակ:

1 Բառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

Աստիկա հազորագիւտ պատահար մըն էր առաջին դարու Եկեղեցին մէջ, բայց մեր արդի Արեւմտեան Եկեղեցին մէջ լայն տարածում գտած է: Այդ ուսուցումին իբրեւ հետեւանք «Տէր»ը սուկ տիտղոս մը կը դառնայ եւ ոչ թէ այն դիրքը, որ Ան ունի մարդոց կեանքերուն մէջ: Յիսուս մարգարէացաւ.

«Զկարծէք թէ ով որ ինծի. “Տէր, Տէր” կ’ըսէ, երկինքի արքայութիւնը պիտի մտնէ. այլ պիտի մտնէ միայն անիկա, որ երկինքի մէջ գտնուող իմ Հօրս կամքը կը կատարէ»: (Մատթէոսի 7.21)

Յիսուս կը ճանչնայ այն մարդիկը, որոնք գինք իրենց Տէրը կը հոչակեն. ոչ անոնք, որոնք կը մեծարեն Մուհամմատը, Ճողէֆ Սսմիթը, Պուտուան, Հարէ Քրիշնան, Քոնֆիուշը կամ մեր ժամանակի ունէ ուրիշ սուս մարգարէ մը: Նկատի առ, որ Տէր բառը ետեւ ետեւի կը կրկնուի այս համարին մէջ: Դարձեալ, եթէ բառ մը կամ եզր մը երկու անգամ կը կրկնուի Աստուածաշունչին մէջ, ատիկա պատահական բան մը չէ: Աստիկա կը նշանակէ, թէ գիրքը գրողը շեշտ մը կը դնէ անոր վրայ: Բայց այս համարին պէս պարագաներու, անիկա միայն շեշտի համար չէ, այլեւ զգացումի ուժգնութիւն կ’ենթադրէ: Օրինակի համար, երբ Դաւիթ Թագաւորին տեղեկացուցին Յովարի բանակին կողմէ իր որդիին սպանութեան մասին, անոր հակադարձութիւնը զգացումներով լեցուն էր. «Թագաւորը իր երեսը ծածկած էր. թագաւորը բարձր ծայնով կ’աղաղակէր. «Որդեակս Աքիսողոմ, Աքիսողնմ, որդեակս, որդեակս»» (Բ.Թագաւորներուն 19.4, շեշտադրումը՝ մեր կողմէ): Ան անպայմանօրէն երկու անգամ «որդեակս» չըսաւ: Այլ՝ մեծ վիշտէն բխած անոր աղաղակը այնքան սաստիկ էր, որ գիրքը գրողը կրկնած է անոր բառերը:

Նոյնպէս ալ հոդ մեզի կը հաղորդուի Տիրոջ հանդէպ այդ մարդոց ունեցած խորունկ զգացումները: Անոնք միայն Յիսուս Քրիստոսի Աստուծոյ Որդին ըլլալուն մասին ուսուցումներուն համաձայն եղող մարդիկ չեն. անոնք բուռն զգացումներով կապուած են իրենց այդ համոզումին: Կը խօսինք մարդոց մասին, որոնք խանդավառ են Քրիստոնեայ ըլլալուն համար, եւ հաւանաբար անոնցմէ են, որոնք կը զգացուին երբ իրենց հաւատքին մասին կը խօսին կամ նոյնիսկ կը յուզուին եւ կու լան պաշտամունքի ընթացքին:

Անոնք ոչ միայն խորունկ զգացումներ ունին Քրիստոսի դատին նկատմամբ, այլեւ կը ծառայեն Անոր.

Հիմա կը տեսնեմ ինչպէս Վերջին Դատաստանին հազարաւորներ դէպի ինծի կը վազեն, ըսելով. «Տէր, մենք

քարոզեցինք *Պատգամը*, մենք ջախջախեցինք դեւերը, մեր գեր-հոգեւոր ծեռնարկներուն մասին բոլորը խօսեցան»: (Մատթէոսի 7.22)¹

Ես *Տը Մասէճ* տարբերակը կը գործածեմ, քանի որ անիկա ամէնէն լաւ կերպով կը փոխանցէ այդ մարդոց լուսանցքային հաւատացեալներ չըլլալու իրականութիւնը: Անոնք ուղղակի մասնակից են կամ նեցուկ են իրենց եկեղեցիներուն գործերուն: Անոնք նաեւ իրենց հաւատքին մասին համարձակօրէն խօսող են. «Մենք քարոզեցինք *Պատգամը*»: Հիմնականին մէջ անոնք մաս կը կազմեն մարդոց կեանքերը բարելաւելու գործին:

Այս տարբերակը կը գործածէ հազարաւորներ բառը, բայց գրեթէ միւս բոլոր թարգմանութիւնները կը գործածեն շատեր բառը: Անիկա յունարէն փոլուս բառն է, որ կը սահմանուի իբրեւ՝ «մեծ թիւ, քանակ, տարողութիւն», եւ յաճախ կը գործածուի «մեծաւ մասամբ» իմաստով: Ամէն պարագայի Յիսուս չի խօսիր մարդոց պզտիկ խոմբի մը մասին, այլ՝ հսկայական խոմբի մը մասին, որոնք կը հաւատան Աւետարաններու ուսուցումներուն: Անոնք զինք «Տէր» կը կոչեն, իրենց զգացումներով իրեն կապուած են, կը հոչակեն իր *Պատգամը* եւ գործունեայ ծառայողներ են Քրիստոսի: Մենք դիլութեամբ զանոնք պիտի կոչէինք ճշմարիտ Քրիստոնեաներ: Ուստի ինչ է զանազանող գործօնը: Անոնք ինչը տարբեր են իսկական Քրիստոնեաներէն: Յիսուս մեզի կ'ըսէ.

«Այն ատեն պիտի յայտարարեմ անոնց. «Ես բնաւ չէի ճանչնար ծեզ. հեռացէք քովէս դուք՝ որ անօրէնութիւն կը գործէիք»»: (Մատթէոսի 7.23, շեշտադրումը՝ մեր կողմէ)²

Բանալի եղոր ինս «անօրէնութիւն կը գործէիք»ն է: Դարձեալ, անօրէն վարմունք ունեցող մէկը չի յարիր կամ հաւատարիմ չ'ըլլար Աստուծոյ խօսքի իշխանութեան: Այդ տղամարդիկն ու կիները երբեմն-երբեմն չէ, որ կը սայթաքին, այլ՝ երբ որ իրենց շահին կու գայ՝ կ'անտեսեն Աստուծոյ խօսքը, կը լրեն զանիկա եւ անհնազանդ կ'ըլլան անոր. անոնք սուրբ վախ չունին:

Հետաքրքրական է նշել, թէ Յիսուս յայտարարեց. «Ես բնաւ չէի ճանչնար ծեզ»: Ինչպէս նախորդ գլուխներէն մէկուն մէջ նշեցինք, ճանչնալ բառը յունարէն կինո՞ք բառն է, որ նոյնն է ինչպէս երրայերէն եակա բառը, որ կը նշանակէ՝ մէկը ճանչնալ մտերմօրէն: Անոնք բնաւ

1 Բառացի թարգմանութիւն՝ անգլերէն *Տը Մասէճ* (MSG) տարբերակէն

2 Աստուծածունչ Հին եւ Նոր Կոտակարաններո՛ Եբրայերէն եւ Յունարէն Բնագիրներէն թարգմանուած, 2001

Աստուծոյ Հետ Մտերմութիւն

իսկապէս մտերիմ յարաբերութիւն չեն ունեցած Յիսուսի հետ: Հակառակ անոր որ զինք Տէր կը կոչեն, անիկա պարզապէս տիտղոս մըն է, որովհետեւ չէին հնազանդած Անոր իրամաններուն: Յովիաննէս կը գրէ.

Կրնանք վստահ ըլլալ, որ կը ճանչնանք [կինուքօ] զինք եթէ հնազանդինք անոր պատուիրաններուն: Եթէ մէկը կ'ըսէ.

«Կը ճանչնամ [կինուքօ] զԱստուած», բայց չի հնազանդիր Աստուծոյ պատուիրաններուն, այդ անձը ստախօս մըն է եւ ճշմարտութեան մէջ չ'ապրիր: (Ա.Յովիաննէսի 2.3–4)¹

Ասիկա կատարելապէս կը համապատասխանէ այն հաստատումին, որով Յիսուս կը սկսի իր խօսքը. «Կրնաք մարդիկը ճանչնալ իրենց արարքներէն (առած քայլերէն)» (Մատթէոսի 7.20)²: Այդ արարքները Քրիստոնէական ծառայութիւնը, Պատգամը փոխանցելը կամ եկեղեցի յաճախելը չեն, որովհետեւ մերժուողները պիտի ունենան այդ ատակութիւնները:

Այսպէս ըսեմ. վստահաբար այդ յատկանիշները պիտի գտնես իսկական հաստացեալի մը մէջ: Իրականութեան մէջ անձ մը չի կրնար իրական հաստացեալ ըլլալ առանց անոնց: Սակայն այդ յատկանիշները ունենալը չի նշանակեր, թէ ան Աստուծոյ հարազատ զաւակ մըն է: Որոշիչ գործոնը հետեւեալն է՝ ան հնազանդ է Յիսուսի խօսքերուն:

Այդ նիւթով է, որ Յիսուս կ'եզրափակէ իր հոչակաւոր Լերան Քարոզը, իր ցնցիչ խօսքերուն գագաթնակէտը դարձնելով հետեւեալ խօսքերը.

«Ուրեմն, ով որ իմ այս խօսքերս կը լսէ եւ կը գործադրէ զանոնք, պիտի նմանի այն իմաստուն մարդուն, որ իր տունը ժայռի վրայ կը շինէ: Անձրեւները կու գան, գետերը կը յորդին, հովերը կը փշեն եւ կը զարնուին տան, բայց տունը չի կործանիր, որովհետեւ ժայռի վրայ հաստատուած է:

«Իսկ ով որ իմ այս խօսքերս կը լսէ, բայց չի գործադրէ զանոնք, պիտի նմանի այն յիմար մարդուն, որ իր տունը աւազի վրայ կը շինէ: Անձրեւները կու գան, գետերը կը յորդին, հովերը կը փշեն եւ կը զարնուին տան, եւ տունը կը կործանի: Եւ ինչ ահաւոր կ'ըլլայ այդ տան կործանումը»: (Մատթէոսի 7.24–27, շեշտադրումը՝ մեր կողմէ)

Եթէ քննես երկու խումբերը, ամէն բան կը յանգի մէկ պարզ

1 Բառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

2 Բառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

տարբերութեան: Ան կը հաստատէ, թէ երկու խումբերն ալ կը լսեն իր խօսքերը, բայց առաջին խումբը կը գործադրէ զանոնք, իսկ երկրորդ խումբը չի գործադրեր զանոնք. կամ՝ կրնանք ըսել, թէ առաջին խումբը կը դողայ Ասպուծոյ Խոսքին դիմաց (կը վախնայ Աստուծմէ), իսկ երկրորդ խումբը չի դողար Ասպուծոյ Խոսքին դիմաց (չի վախնար Աստուծմէ):

Յիսուս յստակ կը դարձնէ, թէ երկու խումբերը երեւութապէս շատ նման են իրարու: Հիմ չունեցող խումբին պարագային, Քրիստոնէութեան վարդապետութեան հանդէա իրենց համոզումը, Յիսուսը ջերմեռանդօրէն «Տէր» կոչելը եւ իրենց գործունեայ Քրիստոնեայ ծառայողները ըլլալը կը ներկայացնեն այն՝ թէ ինչպէս շինած են իրենց կեանքը, իրենց տունը: Ամուր հիմ ունեցող խումբը ունի բոլոր նոյն յատկութիւնները բացի անկէ, որ անոնք հնազանդեցան Յիսուսի խօսքերուն՝ կարծես իրենց սեփական կամքը ըլլային անոնք: Երկու տուներն ալ շինուած են նոյն նիւթերով, նոյն ուսուցումներով: Երկուքն ալ երեւութապէս նոյնն են պաշտամունքի եւ ծառայութեան առումով: Տարբերութիւնը հիմն է. չտեսնուածը: Մէկ խումբը մտերմութիւն ունի Աստուծոյ հետ, իսկ միաւ՞ ոչ:

Աստուծոյ հետ մտերմութիւն խոստացուած է անոնց, որոնք կը քալեն սուրբ վախով: Յաջորդ քանի մը գլուխներուն մէջ պիտի տեսնենք այն փառաւոր առանձնաշնորհումը, որուն հրափրուած ենք դուն եւ ես:

Անձնականացնել

Հատուած- Թող ձեր վայելած շնորհքն ու խաղաղութիւնը առատանան [...] Քրիստոս իր աստուածային գօրութեամբ [շնորհքով] մեզի պարգենեց ամէն ինչ որ անհրաժեշտ է աստուածապաշտ կեանքի մը համար [...] Անիկա թանկագին ու մեծամեծ խոստումներ տուալ մեզի, որպէսզի անոնցմով հաղորդակից ըլլանք աստուածային բնութեան, ձերբազատուելով աշխարհի մէջ տիրող կորստաբեր ցանկութիւններէն: (Բ.Պետրոսի 1.2-4)

Միտք- Փաստը, որ մէկը յարաբերութեան մէջ է Քրիստոսի հետ այն է, որ ան իր անձնական կարողութենէն անդին գօրութիւն մը ունի Անոր Խոսքը պահելու: Այդ գօրութիւնը կը կոչուի Աստուծոյ շնորհքը:

Խոկալ- Արդեօք Յիսուսի խօսքերուն կը փորձեմ հնազանդիլ իմ անձնական գօրութեամբս կամ կը վստահիմ Անոր շնորհքին, խոստումներուն եւ աստուածային բնութեան՝ ատիկա ընելու համար:

Աստուծոյ Հետ Մտերմութիւն

Ինչպէս կրնամ աւելի վստահիլ իր կարողութեան փոխանակ իմ անձնական կարողութեանս:

Աղօթք- Հայր, ներէ ինձի իմ սեփական ոյժովս Քու Խօսքիդ հնազանդիլ փորձելուս համար: Այս պահէն անդին Յիսուսը կը հոչակեմ իբրև կեանքիս գերագոյն Տէրը: Ինչ որ Քու Խօսքը կ'ըսէ վերջնական իշխանութիւն է կեանքիս մէջ: Ես միայն Քու զօրացնող շնորհիդ եւ ինձի հաղորդած աստուածային բնութեան պիտի վստահիմ՝ Քու ճամբաներուտ մէջ քալելու համար: Ասիկա ճամբայ մըն է, զոր պիտի քալենք միասնաբար՝ մտերիմ յարաբերութեան մը մէջ: Ես շատ երախտապարտ եմ այս փառաւոր կեանքը ապրելու Քու իրաւուիդ համար: Յիսուսի անունով կ'աղօթեմ: Ամէն:

Դաւանութիւն- Ես հաւատքով պիտի քալեմ իր կարողութեամբ: Այլեւս պիտի չվստահիմ իմ կարողութեանս, այլ՝ պիտի համագործակցիմ իր տուած զօրութեան հետ:

Մենք բնաւ չենք լուսաւորուիր
կամ զարմանար մեր սեփական
խորհուրդներէն մեզի եկած
բաներով: Բայց երբ Աստուած
կը խօսի, միշտ կայ զարմանքի
եւ ահի մասնիկ մը:

– ՃՈՅ ՏՈՍԵՆ

32 | ՏԻՐՈՉ ԳԱՂՏՆԻՔԸ

Նախորդ երկու գլուխները դժուար էին, մարտահրակըներով լեցուն եւ սթափեցնող: Թէ՛ նեղացնող եւ թէ՛ սրտաճմիկ է գիտնալը, թէ շատեր, որոնք կ'ակնկալեն, որ Յիսուս իրենց ըսէ՝ «Եկուր եւ մասնակից եղիր տիրոջու ուրախութեան», փոխարէնը պիտի լսեն՝ «Հեռացէք ինձմէ»: Չկայ աւելի մեծ խարկանք քան մտածելը, թէ յարաբերութեան մէջ ես Աստուծոյ հետ երբ իրականութեան մէջ չես: Այդ տղամարդիկն ու կիները յանկարծ սոսկումով պիտի անդրադառնան «Աստուծոյ հետ միացած ըլլալու» փոխարէն «զԱստուած օգտագործելու» իրենց անմտութեան: Անոնք Աստուծոյ խօսքը գործածած էին իրենց անձին ծառայող նպատակներու համար փոխանակ ապրելու Անոր հոյակապ սէրը՝ Անոր խօսքին հնազանդելով: Իր մեծ սիրով, Յիսուս կը կանխազգուշացնէ այդ ահաւոր պատահարին մասին, որպէսզի պաշտպանէ մեզ գաղց կամ խարուած վիճակի մը մէջ սահելի:

Հասկնալէ ետք մտերմութեան հակառակ վիճակին մասին, ուրախութեամբ սկսինք խօսիլ մեր Ստեղծիչին հետ իրապէս մօտիկ ըլլալու գեղեցկութեան մասին: Պիտի սկսինք սենարիոյով մը, զոր ամբողջապէս քննարկելը յաջորդ քանի մը գլուխներուն վրայ պիտի երկարի:

Սենարիոյին մուտքը պատրաստելու համար, պիտի հարցնեմ հարցում մը. կարելի՞ է ըլլալ Թագաւորութեան մէջ անդամ մը (չլսել «Հեռացէք ինձմէ» սոսկալի բառերը), բայց տակալին քեզմէ վրիպած ըլլայ Աստուծոյ հետ մտերմութիւն մշակելու առիթը: Արագ պատասխանն է՝ Այո: Բայց ատիկա տեսնենք Սուրբ Գիրքերուն մէջ, եւ սկսելու համար, պիտի բաժնեկցիմ իմ նախասիրած համարներէս մէկը.

Տիրոջ գաղփնիքը անոնց հետ է, որոնք կը վախնան իրմէ, եւ
Ան անոնց ցոյց պիտի տայ իր ովստը: (Սաղմոսներու 25.14,
շեշտադրումը՝ մեր կողմէ)¹

Գաղփնիք բառին երրայերէնը սովոր բառն է եւ կը սահմանուի
իբրեւ՝ «խորհուրդ»: Յունարէն բառարանին մէջ նաեւ կ'ըսէ.
«Գաղտնիութիւնը այդ եզրին կորիզն է»: Ուստի հիմնականին մէջ
սաղմոսոնք չի խօսիր մէկ գաղտնիքի մասին, այլեւ Աստուծոյ գաղփնի
խորհուրդին, կամ մեր նպատակին ծառայեցնելու համար՝ անիկա
պարզորէն պիտի կոչենք գաղփնիքներ (յոգնակի): Վերի համարը
կրնանք կարդալ իբրեւ՝ «Աստուած իր գաղտնիքները կը բաժնեկցի
անոնց հետ, որոնք կը վախնան իրմէ»:

Հիմա դուն քեզի հարցուր հետեւեալ հարցումը. Որո՞ն հետ
կը բաժնեկցիս գաղտնիքներոր. ծանօթներո՞ւ կամ մօտիկ
բարեկամներուու: Վստահ եմ, որ «Մօտիկ բարեկամներուս»
պատասխանեցիր: Աստուած ալ տարբեր չէ. Ան իր գաղտնիքները
կը բաժնեկցի իր մտերիմ, մօտիկ բարեկամներուն հետ, եւ Անոր
մօտիկ բարեկամները անոնք են, որոնք սուրբ վախով կ'ապրին:
Աստուածաշունչի Ինկիշ Սթանդրով Վըրժըն (ESV) տարբերակին
մէջ այդ համարը հետեւեալ ձեւով թարգմանուած է. «Տիրոջ
բարեկամութիւնը անոնց հետ է, որոնք կը վախնան իրմէ»:

Աստուած ամէն մարդու բարեկամը չէ: Աւելի որոշակիորէն ըսեմ.
Ասպուած բարեկամ չէ ամէն մարդու հետ, որ Եկեղեցին անդամ է:
Աստիկա աւելի ընդարձակելու համար, սկսինք Հին Կտակարանէն:
Երկու մարդիկ Աստուծոյ բարեկամ կոչուած են. Աբրահամ եւ Մովսէս:
Ուրիշներ կան: Անշնչտ. Նոյ, Դանիէլ, Եսթեր, Յովսէփ, Դաւիթ, Յոր,
Ենովը, Եսայի եւ շատ ուրիշներ Աստուծոյ հետ քալեցին իրենց կեանքին
ընթացքին: Սակայն այդ երկու մարդոց կեանքերը կը ներկայացնեն այն
ուղին, որ կ'առաջնորդէ Տիրոջ հետ բարեկամութեան:

Սկսինք Աբրահամով: Ինչո՞ւ ան կոչուած է Աստուծոյ բարեկամը:
Երբ ան եօթանասունինգ տարեկան էր, Աստուած խոստացաւ անոր
տալ իր սիրտին փափաքը. որդի մը: Սակայն ատիկա անմիջապէս
չպատահեցաւ: Ան քանինգ տարի եւս սպասեց նախքան որ Սառա՝
իր կինը, ծնաւ Իսահակը: Կրնամս երեւակայել որբան գնահատանք
կամ երախտագիտութիւն եւ քաղցրութիւն կար այդքան երկար
ժամանակ սպասելէ ետք այդ խոստումի կատարումին մէջ:

Վստահ եմ, որ հայր-որդի յարաբերութիւնը աւելի եւս զօրացաւ

1 Քառացի թարգմանութիւն՝ անգլերէն Նիու Թինկ ճէյմզ Վըրժըն (NKJV) տարբերակէն

ամէն անցնող տարուայ հետ: Անոր մեծ հարստութիւնը ոչինչ էր՝ բաղդատած իր որդիով ունեցած ուրախութեան: Ոչինչ աւելի մեծ նշանակութիւն ունէր Աքրահամի համար. ոչ իսկ իր սեփական կեանքը:

Բայց յետոյ օր մը՝ առանց որեւէ մէկ տեսակի նախօրօք զգուշացումի, աղօթքի մը ատեն Աստուած Աքրահամին կ’ըսէ. «Այժմ ան քու որդիդ, քու սիրած մէկ հատիկ զաւակի՝ հսահակը, գնա Մորիայի երկիրը, ու հոն զայն մատուցանէ իբր ողջակէզ լեռներէն մէկուն վրայ՝ որ քեզի պիտի ըսեմ» (Ծնունդներու 22.2):

Ի՞նչ: Մեոցնիր կեանքիդ ամէնէն կարեւոր անձը կամ բանը, պարզապէս որովհետեւ Աստուած ըսաւ, որ ընես ատիկա եւ պատճառ ալ չտուաւ, թէ ինչո՞ւ: Լո՞ւզ ես: Կրնան պատկերացնել Աքրահամի ապրած ցնցումը այդ բառերը լսելէն ետք: Ան բնաւ չէր պատկերացներ, որ Աստուած այդպիսի դժուար բան մը պիտի ուզէր իրմէ: Ան Աքրահամէն նոյնիսկ իր կեանքն աւելի բան մը ուզած էր. իր սիրտը իրմէ ուզած էր: Հասկնալի չէր իրեն համար:

Հետեւեալ կարեւոր կէտը նշեմ. մենք այսօր գիտենք, որ ատիկա քննութիւն մըն էր, փորձարկում մը: Իրականութեան մէջ Աստուածաշունչը յստակօրէն կ’ըսէ ատիկա. «Այս բաներէն ետք Աստուած Աքրահամը փորձարկեց» (հմր 1): Մենք կը կարուանք պատմական իրադարձութիւն մը, որ արդէն եղած վերջացած է. գիտենք արդինքը: Հաւատացեալներէն շատեր լսած կամ կարդացած են զանիկա քանի մը անգամ: Բայց կը մոռնանք, որ Աքրահամ չէր գիտեր ատոր քննութիւն մը ըլլալը... Չենք գիտնար, որ փորձարկումի մը մէջ ենք մինչեւ որ անիկա աւարտի եւ զանիկա մեր ետին ծգած ըլլանք: Կրնաս խաբել դպրոցական գրաւորի մը մէջ, բայց ոչ ոք կրնայ խաբել Աստուծոյ քննութիւններուն մէջ: Եթէ մեր սիրտերը սրբագործելու նպատակով իր Խօսքին մէջ բնակելու մեր պարտականութիւնը չենք ըրած, շատ դժուարութիւն պիտի ունենանք քննութեան յաջողելու որքան ալ որ խելացի ըլլանք:

Եթէ Աքրահամի հետևորդները գիտնային, թէ ն’ը էր, որ Աստուած կը փորձարկէր զիրենք անապատին մէջ, տարբեր կեցուածք պիտի ունենային կամ տարբեր ծետվ պիտի վարուէին: Աքրահամ տարբեր բան մը ունէր, բան մը, զոր իր սերունդները չունէին. սուրբ վախը:

Կը սիրեմ Աքրահամի ընդառաջումը Աստուծոյ այդ չափազանց դժուար պատուէրին. «Աքրահամ առտուն՝ կանուխ ելա» (Ծնունդներու 22.3): Ան անմիջապէս գործի անցաւ: Երկար երկար չմտածեց ըսուածին մասին քանի մը օր կամ շաբաթ. իր բարեկամներուն չիեռածայնեց՝ անոնց կարծիքը առնելու համար:

Աստուծոյ Հետ Մտերմութիւն

Չանտեսեց Աստուծոյ պատուէրը կամ չընդդիմացաւ անոր: Ինք, հսահակ եւ երկու ծառաներ կանուխ արթնցան յաջորդ առտուն, պատրաստուեցան եւ սկսան իրենց ճամբորդութեան:

Քիչ մը աւելի դիւրին պիտի ըլլար մէկ գիշեր առաջ Աստուծոյ խօսքը լսելէ ետք ըստածը անմիջապէս կատարելը, բայց երկուքիչս օր ն'ոք՝ երբ Աբրահամ մէկ բառ եւս չէ լսած երկինքն եւ հիմա ան կը գտնուի այն լերան դիմաց, որուն վրայ պիտի զոհաբերէ իրեն համար ամէնէն կարեւոր անձը կամ բանը... Պարզապէս որովհետեւ Աստուած ըսաւ, որ ատիկա ընէ՝ առանց որեւէ պատճառ տալու:

Աբրահամ կը հասնի լերան ստորոտը եւ իր ծառաներուն կ'ըսէ, որ հոն սպասեն: Ան հսահակը կ'առնէ եւ լեռը կը բարձրանան եւ զոհասեղան մը կը շինէ՝ այդ ամբողջ ընթացքին փորձելով ետ պահել իր ալեկոծ զգացումները եւ արցունքները: Իր ամբողջ կամքը եւ մտային ոյժը գործի լծած է՝ կատարելու համար այն ինչ որ պէտք է զոհ մը մատուցանելու համար: Ճակատագրական պահը կը հասնի. Աստուծոյ միտքը փոխուած ըլլալու ամէն յոյս կը թուի կորսուած ըլլալ: Ուստի, մեծ ցաւով, ան կը կապէ հսահակը, կը վերցնէ դանակը եւ պատրաստ է զանիկա խրելու իր որդիին սիրտը... եւ այդ բոլորը պարզապէս որովհետեւ Աստուած ուզած էր, որ ընէր: Ոչ մէկ պատճառ տրուած էր:

Յանկարծ Աստուծոյ հրեշտակը կը յայտնուի եւ կ'աղաղակէ. «Տղային վրայ ձեռքդ մի՛ դներ եւ անոր ոչինչ ըրէ, քանի որ հիմա գիւղայ թէ Ասկուծմէ կը վախնաս, որովհետեւ քու մէկ հատիկ որդիի չխնայեցիր ինձմէ» (Ծնունդներու 22.12, շեշտադրումը՝ մեր կողմէ):

Հրեշտակը ինչպէս գիտցաւ, որ Աբրահամ կը վախնար Աստուծմէ: Քանի որ ան անմիջապէս հնազանդած էր՝ երբ հասկնալի չէր իրեն համար, երբ օգուպ մը կամ շահ մը չունէր անոր մէջ, երբ ցաւալի էր ատիկա ընելը, եւ քանի որ ատիկա ըրաւ մինչեւ կապարումը:

Ապա Աբրահամ իր դանակը վար կը դնէ, կը քակէ հսահակի կապերը, աչքերը կը վերցնէ եւ կը տեսնէ խոյ մը թաւուտին մէջ: Անոր բերանէն հետեւեալ բառերը դուրս կու գան. «Եհովա-Յիրէ», որ կը նշանակէ՝ «Տէրը պիտի նախախնամէ» (Ծնունդներու 22.14): Ինչ պատահեցաւ: Այդ պահուն Աստուած Աբրահամին յայտնաբերեց իր նկարագիրին մէկ երեսը, որ ատկէ առաջ ուրիշ որեւէ մէկը չէր գիտեր: Ինչո՞ւ: Որովհետեւ ան Աստուծոյ բարեկամն էր:

Յատակացնեմ: Բոլորդ, որ կը կարդաք այս գիրքը, կը ճանչնաք զիս իբրեւ Ճոն Պըվիր հեղինակը: Անոնք, որ լսած են զիս խորհրդաժողովներու ընթացքին կամ եկեղեցիներու մէջ, կը ճանչնան զիս իբրեւ

Ճոն Պըվիր պատգամաբերը: Սակայն կայ կին մը, որուն անունը Լիսա է, որ կը ճանչնայ զիս իբրեւ Ճոն Պըվիր ամուսինը, Ճոն Պըվիր հայրը, Ճոն Պըվիր մեծհայրը, Ճոն Պըվիր մտերիմ բարեկամը, Ճոն Պըվիր սիրականը, եւ կրնամ տակալին շարունակել շարքը: Շատ քիչեր իմ անհատականութեանս այդ երեսները կը ճանչնան. միայն անոնք, որոնք ամէնէն մօտիկն են ինձի: Եւ վերջին նշածս միայն Լիսան գիտէ:

Աբրահամ աւելի մօտիկ բարեկամ մը եղաւ Աստուծոյ այդ օրը, եւ յաջորդ գլուխին մէջ պիտի խօսինք այդ երկու բարեկամներուն արտասովոր ուժաբանութեան մասին, եւ թէ ինչպէս մժնք եւս կրնանք այդ ձեւի յարաբերութիւն մը ունենալ:

Անձնականացնել

Հատուած- Տիրոջ [իետ քաղցր, գոհացնող ընկերակցութեան] գաղտնիքը ունին անոնք, որոնք կը վախնան իրմէ [կ'ակնածին իրմէ եւ կը պաշտեն գինք], եւ Ան անոնց ցոյց պիտի տայ Իր ուխտը եւ յայտնէ անոնց անոր [խորունկ, ներքին] իմաստը: (Սաղմոսներու 25.14)¹

Միտք- Աստուած Իր գաղտնիքները կը բաժնեկցի մօտիկ բարեկամներուն հետ, եւ Իր մօտիկ բարեկամները անոնք են, որոնք կ'ապրին սուրբ վախով:

Խոլկալ- Ինչ է բարեկամը: Բարեկամներ ինչպէս միասնաբար կը վայելեն կեանքը: Ինչն է, որ բարեկամութիւն մը աւելի խորունկ կը դարձնէ: Ես պիտի ուզէի բարեկամ ըլլալ Աստուծոյ: Ինչ կը կարծեմ, որ ան կը փնտռէ բարեկամի մը մէջ: Ես լաւ բարեկամ եղած եմ Իրեն: Եթէ ոչ, ինչ պէտք է փոխեմ: Ինչ են իմ փափաքներս Իր բարեկամը ըլլալուն հետ կապուած:

Աղօթք- Սիրելի Տէր, կը փափաքիմ ըլլալ Քու մտերիմ բարեկամներէ մէկը: Գիտեմ, որ ատիկա նաեւ Քու փափաքդ է: Երբ կը մտածեմ, թէ ինչ է մօտիկ բարեկամը, կ'անդրադառնամ, որ հաւատարիմ բարեկամ մը չեմ եղած Քեզի: Կը խնդրեմ, որ ներես ինձի՝ Քու փափաքներդ ամէն բանէ վեր չդնելուս եւ մեր յարաբերութիւնը չպաշտպանելուս համար իմ ապուելու ձեւիս եւ Քեզի ընդառաջելուս մէջ: Ցնորհք կը խնդրեմ բարեկամդ ըլլալու յափտեան: Յիսուսի անունով: Ամէն:

Դաւանութիւն- Պիտի ջանամ Աստուծոյ բարեկամը ըլլալ, եւ կ'որոշեմ ուրիշ որեւէ մէկ բան աւելի առաջնահերթ չհամարել:

1 Բառացի թարգմանութիւն՝ անգլերէն *St. Ամիլիֆայր Պայպը, Քլասիք Էփիշըն (AMPC)* տարբերակէն

Աստուծոյ վախը կը լուսաւորէ
մարդուն շունչը, կը բնաջնջէ
չարը, կը տկարացնէ կիրքերը,
կը վտարէ խաւարը շունչէն եւ
զանիկա մաքրամաքուր կ'ընէ:
Աստուծոյ վախը իմաստութեան
գագաթնակէտն է: Հոն,
ուր անիկա չկայ, ոչ մէկ լաւ
բան կը գտնես: Ան, որ չունի
Աստուծոյ վախը, բաց է դիւային
անկումներու:

– ԷՖՐԵՄ ԱՍՈՐԻՆ

33 | ՆԵՐՔԻՆ ՎԵՐԶԻՆ ԼՈՒՐԵՐԸ ԿԱՄ ՆՈՐՈՒԹԻՒՆԵՐԸ

Խօսեցանք անոր մասին, թէ Աբրահամի եւ Աստուծոյ բարեկամութինը ինչպէս շինուեցաւ: Անիկա օրինակ մըն է, թէ մենք ինչպէս նոյնպիսի մտերմութեան յարաբերութեան մը մէջ կրնանք մտնել Աստուծոյ հետ: Բայց նախքան այդ մասին խօսիլը շարունակենք Աբրահամի հետ: Կը կարդանք.

Աբրահամ, մեր նախահայրը, իր գործերով չ' որ արդարացաւ,
երբ իր զաւակը՝ Խահակը զոհասեղան բարձրացուց զոհ
մատուցանելու համար [...] եւ Աբրահամ Ասպուծոյ բարեկամ
կոչուեցաւ: (Յակոբոսի 2.21,23, շեշտադրումը՝ մեր կողմէ)

Յակոբոս Առաքեալ կը խօսի անոնց բարեկամութեան մասին, եւ զուգադիպութին չէ, որ Յակոբոսի եւ հրեշտակին գործածած բառերը նոյնն են: Այդ մօտիկութեան պատճառը Աբրահամի սուրբ վախն էր, որ ապացուցուեցաւ անոր արագ եւ անմիջական հնազանդութեամբ (գործերով): Նոյնիսկ երբ իրամանը կամ պատուէրը հասկնալի չէր իրեն համար, բացայստ օգուտ մը չունէր իրեն հետ կապուած եւ ցաւալի էր զանիկա կատարելը, ան դողաց Աստուծոյ Խօսքին դիմաց: Աստուծոյ վախը կը մղէ մեզ թէ կամենալու եւ թէ կալարելու այն ինչ որ Աստուած կ'ուզէ մեզմէ, որ ընենք:

Աստուծոյ Հետ Մտերմութիւն

Օր մը Աստուած հետեւեալ հարցումը ուղղեց երկու հրեշտակներուն, որոնք իրեն կ'ընկերակցէին Աբրահամին տուած իր այցելութեան ատեն Մամբրէի կաղնիներուն քով. «Միթէ Աբրահամէն ծածկնմ ինչ որ պիտի ընեմ» (Ծնունդներու 18.17):

Ապա Տէրը իր մտադրութեան մասին խօսեցաւ Աբրահամին, եւ երկու հրեշտակները շարունակեցին իրենց ճամբան դէպի Սոդոմ եւ Գոմոր: Յետոյ պատահածները իմ բառերովս պիտի ըսեմ, որպէսզի աւելի դիլրաւ ընթեռնի ըլլան: Ուստի իհմանականին մէջ Տէրը ըսաւ. «Աբրահամ, կ'ուզեմ պայթեցնել այդ երկու քաղաքները, որովհետեւ անոնց մեղքին աղաղակը շատ բարձր կ'ելլէ: Ինչ է կարծիքդ»:

Կրնան պատկերացնել այդ բառերը լսել Ստեղծիչն: Ցնցուած, Աբրահամ կը պատասխանէ. «Սոդոմը»:

Տէրը կը պատասխանէ. «Այո, այո, Գոմորն ալ: Ինչ է կարծիքդ ատոր մասին»:

Խորհապի մատնուած ըլլալով, Աբրահամ ինքն իրեն կ'ըսէ. *Արածէ, Աբրահամ, մշածէ:* Եղօրորդիս Ղովզը հոն կ'ապրի, ուսպի պէսք է քարեխոսեմ իրեն համար ինչպէս նաեւ հոն գտնուող անմեղներուն համար: Աբրահամ հետեւեալ գաղափարը կ'ունենայ.

Արդեօք ամբարիշտին հետ արդարն ալ պիտի կորսնցնես: Թերեւս այդ քաղաքին մէջ յիսուն արդար ըլլան. արդեօք անոր մէջ եղող յիսուն արդարին համար չխնայելով՝ պիտի կորսնցնես այդ տեղը: Հեռո՛ քեզմ՛՝ որ այսպիսի բան մը ընես, որ արդարը ամբարիշտին հետ մեոցնես, եւ արդարը ամբարիշտի պէս ըլլայ: Ամենելին: Միթէ ամբողջ երկրի Դատաւորը իրաւունք պիտի չգործադրէ: (Ծնունդներու 18.23–25)

Կրնան պատկերացնել Աստուծոյ ուրախութիւնը եւ հաճութիւնը՝ լսելով իր ուխտի մարդուն պատասխանը: Ան շատ հաւանաբար պատասխանեց. «Շատ ճիշդ կ'ըսես: Լաւ, պիտի չկործանեմ այդ երկու քաղաքները եթէ յիսուն արդար մարդիկ ըլլան հոն: Շատ ուրախ եմ, որ բարեկամիս՝ Աբրահամի հետ խօսեցայ»:

Բայց Աբրահամ չբաւարարուեցաւ. հապա եթէ յիսուն արդար չկայ հոն... Ուստի ան կը կրկնէ ըսած՝ թիւը քառասունիինգի պակսեցնելով:

Տէրը կը պատասխանէ. «Նորին ճիշդ ես: Լաւ, քաղաքները պիտի չկործանեմ եթէ քառասունիինգ արդար մարդ գտնուի հոն: Շատ ուրախ եմ, որ բարեկամիս՝ Աբրահամի հետ խօսեցայ»:

Աբրահամ կանգ չ'առներ. կը շարունակէ նիւթը՝ քառասունիինգէն քառասունի, յետոյ երեսունի, յետոյ քսանի եւ վերջապէս տասը

արդար մարդու իշեցնելով թիւը: Ան ինքն իրեն կը մտածէ. **Պէ՛կք է փասք արդար ըլլայ հոն:** Եղբօրորդիս Ղովզը անոնցմէ մէկն է. ինը ուրիշներ ալ կան վսփահ:

Միայն բարեկամ մը կրնայ այդ ձեւով խօսիլ թագաւորի մը հետ, որ կրնայ դատաստան գործադրել: Ծառայէ մը կամ ենթակայէ մը եկած այդպիսի դիմում մը անարգական պիտի ըլլար: Տէրը ընդունեց անոր իրաքանչիւր խնդրանքը եւ ապա կը կարդանք. «Տէրը գնաց՝ Աքրահամի հետ խօսիլը աւարտելին անմիջապէս ետք. Աքրահամ ալ իր տեղը վերադարձաւ» (Ծնունդներու 18.33):

Յիշենք, որ Աստուծմէ վախնալ կը նշանակէ սիրել այն ինչ որ ինք կը սիրէ եւ ատել այն ինչ որ ինք կ'ատէ: Օր մը երբ սիրով բժշկութեան աղօթք ըրած էի մէկու մը համար, որ սխալ վարմունք ունեցած էր ինծի հանդէպ, Աստուած ինծի ըսաւ. «Որդիս, երբ դուն կը սիրես այն բանը, որ ես կը սիրեմ (մարդիկը), ես ալ իմ ծրագիրներու մասին կը խօսիմ հետդր»: Սուրբ վախը կարող կը դարձնէ մեզ, որ սիրենք աւելի խսկական եւ աւելի խորունկ ձեւով ոչ միայն զԱստուած, այլեւ մարդիկը:

Սուրբ Գիրքը կ'ըսէ, թէ Սոնդոմի եւ Գոմորի բնակիչները «կ'ուտէին, կը խմէին, կը գնէին, կը ծախէին, կը տնկէին ու կը շինէին» (Ղուկասի 17.28): Մեզի համար աւելի հասկնալի պատկերի մը մէջ դնելով, ըսենք. «Կեանքը լաւ է, տնտեսութիւնը զարգացման մէջ է, եւ եթէ Աստուած կայ, Ան հարց չունի մեր ապրելակերպին հետ»: Այդ քաղաքները շուրջ քանչչորս ժամ ետք պիտի կործանուէին, եւ անոնց բնակիչները բանէ մը լուր չունէին: Բայց ատիկա ամէնէն ահազանգային իրականութիւնը չէ:

Սարսափելի իրականութիւնը հետեւեալն է. Ղովտ, որուն մասին Աստուածաշունչը կ'ըսէ, թէ արդար էր (տես Բ.Պետրոսի 2.7), նոյնքան անտեղեակ էր պատահելիքն: Այսինքն՝ ան տարբեր չէր իր շուրջի բոլոր անաստուած մարդոցմէ: Երկու հրեշտակներ պէտք էր գային եւ զինք ու իր ընտանիքը հանէին անկէ, եւ ատիկա եղաւ որովհետեւ Աքրահամ աղօթեց (Ծնունդներու 19.29):

Այդ պատմութիւնը աւելի հասկնալի դարձնելու համար, զանիկա նկարագրենք այնպէս ինչպէս կարծես մեր ժամանակին պատահած ըլլար: Ունինք երկու արդար տղամարդիկ. Երկու փրկուած, վերստին ծնունդ ստացած Քրիստոնեայ տղամարդիկ: Այդ արդար մարդոցմէ մէկը գիտէ, թէ Աստուած ինչ պիտի ընէ նախքան ընելը, եւ կ'օգնէ Աստուծոյ, որ որոշէ ինչպէս պիտի ընէ զանիկա: Միւս արդար մարդը անտեղեակ է գալիք դատաստանէն, ճիշդ ինչպէս չարերը անտեղեակ են: Ինչո՞ւ: Առաջին արդար մարդը կը վախնայ Աստուծմէ, հետեւարար

Աստուծոյ Հետ Աստերմութիւն

Աստուծոյ բարեկամն է եւ գիտէ Աստուծոյ գաղտնիքները: Երկրորդ արդար մարդը չի վախնար Աստուծմէ, հետեւաբար Աստուծոյ բարեկամը չէ եւ չի գիտեր Աստուծոյ գաղտնիքները:

Ղովտ արդար կոչուեցաւ, բայց ան աշխարհիկ էր: Ան կը ներկայացնէ այն հաւատացեալը, որ երբ դժուարութեան հանդիպի, իր շահին ծառայող ընտրութիւնը կ'ընէ, ինչպէս Կորնթոսի Եկեղեցին եւ մեր Արեւատեան Եկեղեցին մէջ շատ մը հաւատացեալներ: «Արդար» տղամարդոց եւ կիներու այդ խոմբին Աստուծոյ հետ ունեցած յարաբերութիւնը շատ տարբեր չէ Միացեալ Նահանգներու նախազափին հետ իմ ունեցած յարաբերութենէն: Ես կ'օգտուիմ անոր որոշումներէն եւ դեկավարութենէն, բայց չեմ գիտեր անոր ներքին վերջին լուրերը կամ նորութիւնները, ծրագիրները, անձնական զգացումները կամ որոշումները նախքան որ յայտարարէ զանոնք:

Ղովտի նկարագիրը բացայատ դարձաւ իր բնակութեան վայրի որոշումէն, իբրեւ կին իր ընտրած զոյգէն եւ իր աղջկներուն հետ յարաբերութեան միջոցաւ իրեն ծնած զաւակներէն, որոնցմէ սերեցան մովարացիները եւ ամմոնացիները: Ղովտ բնակութեան համար ընտրեց այն վայրը, որ լաւագոյնը երեւցաւ իրեն: Երբ պիտի բաժնուէին, Աքրահամ անոր տուաւ իր բնակութեան վայրը որոշելու ընտրութիւնը՝ ըսելով, թէ ինք պիտի երթար ճիշդ հակառակ ուղղութեամբ: Սուրբ Գիրքը կ'ըսէ. «Ղովտ Երկար նայուածք մը նետեց Յորդանանի բարեբեր դաշտին վրայ» (Ծնունդներու 13.10, շեշտադրում՝ մեր կողմէ¹): Ինչո՞ւ Երկար նայուածք մը: Ան գիտէր այդ դաշտերուն մէջ գտնուող քաղաքներուն չարութիւնը: Ան շատ հաւանաբար կը փորձէր որոշել, թէ ինչպէս կրնար օգտուիլ աշխարհի համակարգի բարիքներէն առանց անոր ծուղակներուն մէջ իյնալու: Ան ծրագիր մը կազմեց: Որոշեց իր վրանը դնել դաշտին մէջ՝ ապահով տարածութեան մը չափ հեռու չարութեան կեդրոններէն (տես Ծնունդներու 13.12), բայց անոր գիշողական ծրագիրը շաջողեցաւ: Յետագային ինք եւ իր ընտանիքը մտան քաղաքի դարապաներէն ներս եւ հոն բնակեցան. ան վերջաւորութեան ներգրաւուեցաւ:

Երբ չունինք սուրբ վախ, վերջաւորութեան պիտի փորձենք կարելի եղածին չափ մօտենալ աշխարհին՝ առանց մէջը իյնալու: Սակայն եթէ ատիկա ըլլայ մեր շարժառիթը, պարզապէս ժամանակի հարց է աշխարհին մեզ իր մէջը քաշելը: Պէտք է յիշենք, որ մենք աշխարհ կանչուած ենք չիրկուածներուն աւետարանելու համար եւ ոչ թէ անոր մաս կազմելու համար:

1 Բառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

Ղովտի կեանքը կը ծառայէ իբրեւ զգուշացում մեզմէ հրաքանչիւրին: Դատաստանի օրը Ղովտի վրայ պիտի գար գիշերուայ գողին պէս եթէ Աբրահամ բարեխօսած չըլլար: Սոսկալի հետեւանքներ ունեցան անոր աշխարհային հակումները: Ինչպէս ըսինք, Ղովտ շատ անբարեպաշտ ձեւով զաւակներ ունեցաւ: Անոր կինը այնքան կապուած էր Սոդոմի, որ անհնազանդ գտնուեցաւ ետ չղառնալու հրեշտակներուն հրամանին, որուն արդինքը դատաստան եղաւ. ան անմիջապէս աղի արծանի վերածուեցաւ: Իր սիրով, Յիսուս մեզի կը զգուշացնէ՝ «Յիշեցէք Ղովտի կոնց պարագան» (Ղուկասի 17.32):

Իմաստութիւն է հարցնել, թէ բարեկամութեան այդ պայմանը կիրարկելի՞ է նաեւ մեզմէ անոնց համար, որոնք Աստուծոյ զաւակներ են: Այդ մասին շուտով պիտի խօսինք, բայց նախ խօսինք Հին Կտակարանին մէջ Աստուծոյ միևնույն բարեկամին մասին:

Անձնականացնել

Հատուած- Մօտեցէք Աստուծոյ, եւ Աստուած ինք պիտի մօտենայ ձեզի: Ձեր ձեռքերը լուացէք, մեղատրներ. մաքրագործեցէք ձեր սիրտերը, որովհետեւ ձեր հաւատարմութիւնը բաժնուած է Աստուծոյ եւ աշխարհին միջեւ: (Յակոբոսի 4.8)¹

Միտք- Աստուած Իր ծրագիրները կը բաժնեկցի անոնց հետ, որոնք կը վախնան Իրմէ: Ան Իր ծրագիրները կը պահէ անոնցմէ, որոնց հաւատարմութիւնը բաժնուած է Աստուծոյ եւ աշխարհին միջեւ:

Խոկալ- Յիսուս կ'ըսէ. «Երբ գայ ինքը՝ Սուլը Հոգին [...] ձեզի պիտի պատմէ գալիք բաները» (Յովհաննէսի 16.13): Ասիկա ինչպէս կը կապուի Աստուծոյ եւ Աբրահամի յարաբերութեան հետ: Արդեօք կ'ուզեմ, որ Աստուած Իր ծրագիրները բաժնեկցի ինծի հետ:

Աղօթք- Սիրելի Տէր, կը փափաքիմ լսել Քու գաղտնի խորհուրդդ: Կ'անդրադառնամ, որ աշխարհային բաներ կը փափաքիմ ինչպէս Ղովտ փափաքեցաւ: Ես հիմնականօրէն ինքզինքս հանած եմ Քու ներքին շրջանակէդ: Կը զղամ ատոր համար: Կը խնդրեմ, որ ամբողջութեամբ մաքրես զիս Յիսուաի՝ իմ Տիրոջս արիւնով: Կը խնդրեմ, որ ընդունիս զիս իբրեւ մէկը, որուն հետ կը բաժնեկցիս Քու խորհուրդդ: Յիսուսի անունով: Ամէն:

Դաւանութիւն- Ես կ'ընտրեմ զԱստուած, ոչ աշխարհը:

1 Բառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

Միայն երբ Աստուծոյ
ներկայութեան մէջ ըլլանք եւ
լեցուինք մեզ գրաւող ահով
եւ մեծարանքով, կը սկսինք
պաշտել զԱստուած հոգիով եւ
ճշմարտութեամբ:

– ԱԼԻՍԹԸՐ ՊԷԿ

34 | ԴԵՄ ԱՌ ԴԵՄ

Հիմա նայինք Հին Կտակարանի միևնույն օր՝ «բարեկամ» կոչուած է՝ Աստուծոյ հետ իր յարաբերութեան մէջ:

Տէրը կը խօսէր Մովսէսի հետ՝ երես առ երես, ինչպէս մարդ մը իր բարեկամին հետ կը խօսի: (Ելքի 33.11, շեշտադրումը՝ մեր կողմէ)

Գրեթէ անհասկնալի է, որ Աստուածաշունչը կը գործածէ «երես առ երես» եզրը՝ Աստուծոյ եւ Մովսէսի յարաբերութիւնը նկարագրելու համար: Նկատի առ, որ ասիկա Ամենակարող Աստուածն է, ոչ թէ թաղեցի բարեկամ մը կամ նոյնիսկ հոչակատր անծնաւորութիւն մը: Կ'ըմբռնես այդ հաստատումին մեծութիւնը: Մտերմութիւն նկարագրող այդ եզրը միայն մէկ անգամ չէ, որ գործածուած է. անիկա երկրորդ անգամ մը եւս գործածուած է երբ Տէրը զայրացած էր Ահարոնին եւ Մարիամին՝ Մովսէսը քննադատելնուն համար: Ան խստօրէն հոչակեց.

«Իմ ամբողջ տանս մէջ անոր է, որ կը վստահիմ: Ես անոր հետ երես առ երես կը խօսիմ, յստակօրէն եւ ոչ հանելուկներով: Ան Տէրը կը տեսնէ այնպէս ինչպէս որ է: (Թիւերու 12.7–8, շեշտադրումը՝ մեր կողմէ)¹

Երբ Աստուած կ'ըսէ «կը վստահիմ քեզի», ատիկա ամէնէն մեծ գովասանքներէն մէկն է, որ մարդ արարած մը կրնայ ստանալ: Ատիկա մեզի համար աւելի յստակ կը դարձնէ Աստուծոյ հետ բարեկամութեան բնոյթը. վստահութեան հիմը: Ի՞նչն է, որ վստահութիւն կը կերտէ Աստուծոյ քով:

1 Բառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

Աստուծոյ Հետ Մտերմութիւն

Անպայմանական հնազանդութիւն. միշտ ընել այն ինչ որ կ'ուզուի
Բացարձակ պարկեշտութիւն. միշտ խօսքդ յարգել
Անսասան առաջնահերթութիւն. միշտ իր փափաքները
առաջին կարգի դնել
Գիտնալ Անոր սիրտը. միշտ ընտրել Աստուծոյ կամքը երբ
որոշումներ կու տաս

Չորսին մէջ ալ յարատեևը շատ կարեւոր է: Եթէ մարզերէն մէկուն մէջ խախտում ըլլայ, արագ եւ անկեղծ զղջումը քեզ ետ կը դնէ վերաշահուած վստահութեան ճամբուն մէջ: Սուրբ վախը կը քաջալերէ մեզ, որ այդ վստահելիութիւնը ունենանք չորս մարզերուն մէջ ալ, եւ Մովսէս բարձր մակարդակով ունէր այդ մէկը: Այս գլուխին մէջ պիտի կեդրոնանանք երրորդ եւ չորրորդ մարզերուն վրայ. հիմնականօրէն, միշտ գիտնալ եւ ընտրել Աստուծոյ սիրտը:

Նկատի առ Մովսէսի կեանքը. անոր առաջին քառասուն տարիները լեցուն էին մեծ հարստութեամբ, լաւագոյն կերակուրներով, նորոյթ հագուստներով, լաւագոյն ստացուածքներով եւ ամէն տեսակի փափաքելի հաճոյքով: Ան կ'ապրէր հոյակապ տան մը մէջ. ոչ ոք երկրի վրայ աւելի հարուստ էր կամ հզօր քան անոր մեծհայրը՝ փարաւոնը: Սակայն կը կարդանք.

Նախընդրեց Աստուծոյ ժողովուրդին հետ չարչարուիլ [...] Եգիպտոսի գանձերէն շնոր աւելի մեծ հարստութիւն նկատեց՝ Քրիստոսի կրած նախատինքները կրել, որովհետեւ աչքերը յառած էր Ասպուծոյ վարձապրութեան: (Եբրայեցիներուն 11.25–26, շեշտադրումը՝ մեր կողմէ)

Մովսէս նախընդրեց այդ բոլորէն հրաժարիլ: Ան կրնար փորձել Աստուծոյ ծառայել պալատին մէջ, բայց ան հետամուտ էր վարձապրութեան մը, որ Եգիպտոս մնալովը ծեռք պիտի չձգէր: Խոստացուած երկիրն էր: Հաւանական չէ, որ անիկա ըլլար, քանի որ ինչ կար կաթի ու մեղրի երկրին մէջ, որ ինք արդէն իսկ չունէր:

Գիտնալու համար, թէ ան ամէնէն աւելի ինչ բանի հետամուտ էր, նկատի առնենք անոր կեանքը պալատին ետք: Պալատը ձգելու անոր ընտրութիւնը իմաստուն բան մըն էր: Արդեօք իր կեանքի պայմանները աւելի լաւ էին քան Եգիպտոսի մէջ իշխան ըլլալը: Ժողովուրդ կառավարելը ծգեց՝ անապատին մէջ քառասուն տարի ոչխար արածելու համար: Ասիկա երկար ժամանակ է ոչխար արածելու համար: Յետոյ ան Աստուծոյ ժողովուրդը փարաւոնէն ազատելու շատ դժուար եւ երկար

գործնքացը ապրեցաւ: Եթէ այդ բոլորը բաւարար չէին, ան սկսաւ ապրիլ վրանի մը տակ չոր անապատի մը մէջ. կեանք մը, որ լեցուն էր մեծ մարտահրաւերներով: Այն ժողովուրդը, զոր կ'առաջնորդէր գանգատող էր, կոռուազան եւ բոլորովին դժգոհ անոր դեկավարութենէն:

Այդ բոլորին կողքին Աստուած Մովսէսին կ'ընէ առաջարկ մը, որ պիտի պակսեցնէր ճնշումին եւ տագնապներուն մեծ մասը: Կը թելադրէ Մովսէսին, որ հաւաքէ ժողովուրդը եւ տանի զիրենք խոստացուած երկիրը: Ան կը նշանակէ հրեշտակ մը, որ առաջնորդէ զիրենք եւ ետ մղէ բոլոր հակառակորդ ազգերը: Տէրը կը յիշեցնէ Մովսէսի, որ անիկա հարուստ եւ բարեբեր հող մը պիտի ըլլայ, բայց վերջաւորութեան կ'ըսէ. «Բայց ես ձեզի հետ պիտի չերթամ» (Ծնունդներու 33.3):¹

Պահ մը կանգ առ եւ նկատի առ այն ինչ որ Մովսէս եւ ժողովուրդը կ'ապրին ամէն օր: Անոնք իրենց կեանքին մէջ այլազանութին չունին: Զկային գեղեցիկ հովիտներ, գետեր, անտառներ, բարեբեր հող, պարտէզներ, մրգաստաններ կամ արօտավայրեր: Ոչ ոք տաքով լոգանք մը առած էր, հանգիստ անկողինի մը մէջ քնացած էր, լուացուած, մաքուր հագուստներ հագած էր կամ գնումի համար շուկայ գացած էր երկար ժամանակէ ի վեր: Անոնց ճաշատեսակը բացարձակապէս ծանձրացուցիչ էր. չկային թարմ պսոտիներ կամ բանջարելին, չկար ձուկ կամ կովու միս, չկար անուշեղին, այլ՝ միայն հացի տեսակ մը, որ ամէն առոտու գետինին կը հաւաքէին՝ առանց իրեն ընկերակցող պիտակի կարագի, անուշի կամ պաղ մսեղիններու. եւ ուրիշ ոչինչ:

Եգիպտոսի մէջ ստրկութիւնը սոսկալի էր, բայց չոր անապատին մէջ թափառիլն ալ անկէ լաւ չէր. երկու պայմաններն ալ չափազանց դժուար էին՝ իրարմէ տարբեր ձեւերով: Սակայն անապատին մէջ իսրայէլացիները յոյս մը ունէին. ունենալ իրենց սեփական երկիրը՝ հարուստ, բարեբեր եւ գեղեցիկ: Անոնք ատոր սպասած էին սերունդներէ ի վեր:

Կրնան երեւակայել լսել Աստուծոյ այդ հրաշալի բառերը: Վստահաբար Մովսէս պիտի ընդունի այդ առաջարկը, լեռնէն վար պիտի իջնէ աճապարելով եւ այդ մեծ լուրջը պիտի բաժնեկցի ժողովուրդին հետ: Ապա ժողովուրդը տօնակատարութեան պիտի սկսի, պիտի գովարանէ զինք իբրև մեծ դեկավար մը եւ ամէն մարդ ուրախութեամբ պիտի սկսի իր երկար ատենէ ի վեր սպասուած ճամբորդութեան դէայի երկար ատենէ ի վեր սպասուած խոստացուած երկիրը: Սակայն մտիկ ըրէ Աստուծոյ առաջարկին դիմաց Մովսէսի պատասխանը.

¹ Բառացի թարգմանութիւն՝ անգլերէն Կուլու Նիուզ Թրանսլյշն (GNT) տարբերակէն

Աստուծոյ Հետ Մտերմութիւն

«Եթէ քու ներկայութիւնդ մեզի հետ չերթայ, մեզ ասկէ մի՛ հաներ»: (Ելքի 33.15, շեշտադրումը՝ մեր կողմէ)

Յիշեցնեմ, թէ ո՞ւր էր «ասկէ»ն: Անիկա խնդիրներու, ճնշումի եւ դժուարութեան վայրն էր: Մովսէսի տուած պատասխանը շփոթեցուցիչ եւ նոյնիսկ ապշեցուցիչ է անոնց համար, որոնք լուսաւորուած չեն: Հիմնականին մէջ ան հոչակեց. «Եթէ ես պէտք է ընտրեմ Քու ներկայութեանդ եւ Քու օրինութեանդ միջեւ, Քու ներկայութիւնդ կը նախընտրեմ»: Ինչո՞ւ: Կրնաս մէկու մը մասին գիտնալ իր բացակայութեան, բայց չես կրնար մօտիկ եւ մտերմիկ ըլլալ անոր հետ: Աստիկա էր Մովսէսի ցանկացած վարձատրութիւնը:

Կրնաս հարց տալ, թէ Աստուած ինչպէս ուրախ պիտի ըլլար Մովսէսով երբ ան կը մերժէր ընել այն ինչ որ կ'ըսուէր իրեն: Մովսէս գիտէր Աստուծոյ սիրտը: Հետեւեալը նկատի առ. պատահած է, որ քու սիրած անձիդ առիթը տաս, որ ընէ բան մը, որ օգտակար կամ հաճելի է միայն իրեն համար եւ անկեղծօրէն ուզած ես, որ ատիկա ընէ, բայց ան զարմացուցած է քեզ, ըսելով. «Ո՛չ, կը նախընտրեմ քեզի հետ ըլլալ փոխանակ հաճոյքի ժամանակ անցընել առանց քեզի»: Այդ ձեւի պատասխանները հազուագիտ կ'ըլլան, յուզիչ եւ հիանալի:

Մովսէս կը վախնար Աստուծմէ, ուստի այն ինչ որ կարեւոր էր Աստուծոյ համար միշտ իր առաջնահերթութիւնն էր. ան Աստուծոյ սիրտը ունէր եւ հետեւաբար նաեւ Անոր վստահութիւնը: Իր առաջնորդած ժողովուրդը ուրիշ սիրտ ունէր: Կը կարդանք.

Ան [Աստուած] իր ճամբաները [«Նկարագիրը», ըստ անգլերէն Նիու Լիվինկ Թրանսլյշըն (NLT) տարբերակին] Մովսէսի ճանչուց, եւ իր արարքները՝ Խրայէլի որդիներուն: (Սաղմոսներու 103.7)

Ինչպէս Աբրահամի պարագային, նոյնպէս ալ Աստուած իր նկարագիրը յայտնեց Մովսէսին: Աստուածաշունչի Տը Կուր Նիուգ Թրանսլյշըն (GNT) տարբերակին մէջ կը կարդանք, թէ Աստուած իր ծրագիրները յայտնեց Մովսէսին: Այլ խօսքով, Ան իր անձնական գաղտնիքները յայտնեց Մովսէսին, բայց ոչ Խրայէլին: Խրայէլ միայն գիտէր զԱստուած իրենց աղօթքներուն Անոր պատասխանելովը. Անոր արարքներովը:

Քանի՞ հաւատացեալներ այսօր զԱստուած կը ճանչնան միայն պատասխանուած աղօթքներու միջոցաւ: Անոնց յարաբերութիւնը Անոր հետ աւելի գործարքային է, ոչ մտերմիկ: Անոնք գիտեն Անոր խօսքերը, բայց ոչ Անոր սիրտը: Աստուածաշունչը յաճախ անոնց

կողմէ նկատի կ'առնուի իբրեւ օրէնքներ եւ իին պատմութիւններ կամ կը գործածուի միայն իբրեւ ներշնչումի աղբիր մը: Աւելի գէշը այն է, որ անհիկա կը շրջուի՝ արտօնութիւն տալու համար անօրէն վարմունքի, փոխանակ նկատի առնուելու իբրեւ Աստուծոյ սիրտը յայտնաբերող կեանք փոխող ճշմարտութիւններ:

Թէ՛ Մովսէս եւ թէ՛ Խորայէլ արդար էին, ոչ տարբեր քան Աբրահամը եւ Ղովտը: Սակայն միայն անոնք, որոնք կը վախնան Աստուծմէ իրաւոնք ունին ճանչնալու Անոր սիրտը՝ նկարագիրը, գաղտնիքները եւ ծրագիրները: Աստուած ինչո՞ւ վստահեցաւ Մովսէսին, բայց ոչ իր ժողովուրդին: Որովհետեւ Աստուած գիտէր, որ Մովսէսին միշտ պիտի ընտրէր Աստուծոյ սիրտը՝ իրեն համար լաւագոյնին փոխարէն. ասիկա սուրբ վախ է:

Երբ Խորայէլ ոսկիի հորթը շինեց Ելքի Գիրքին մէջ, Աստուած իր զայրոյթին մէջ հոչակեց.

«Ուստի հիմա ձգէ՛ զիս՝ որ իմ բարկութիւնս անոնց դէմ բորբոքի եւ սպառեմ զանոնք, ու քեզ մեծ ազգ մը պիտի ընեմ»: (32.10)

Անգամ մը եւս նկատառելի առաջարկ մը կը կատարուի. Մովսէսը մեծ ազգ մը ընել: Անհաւատալի: Ինչ պատասխան տուաւ Մովտէս: Անգամ մը եւս ան ընտրեց այն ինչ որ լաւագոյնն էր Աստուծոյ համար, ոչ իրեն: Ան համարձակօրէն դէմ դրաւ այդ առաջարկին՝ յիշեցնելով Աստուծոյ իր համբաւը Եգիպտոսի եւ զիրենք դիտող աշխարհին դիմաց. ըսաւ, որ պիտի ըսէին, թէ Աստուած հաւատարիմ չէր իր ժողովուրդին հանդէպ: Անոնց խօսակցութիւնը այնքան սաստկացաւ, որ Մովսէս բացայատօրէն ըսաւ. «Միտք փոխէ» (տես հմր 12): Ան քաջութիւնը ունեցաւ Աստուծոյ բարկացած եղած ատեն ըսելու՝ «Միտք փոխէ»... Ատիկա չի կրնար պատահիլ բացի եթէ Աստուծոյ վախը ունիս եւ հետեւաբար գիտես Անոր սիրտը եւ Անոր համար լաւագոյնը կը փափաքիս:

Ասոր համար էր, որ Աստուած կը վստահէր Մովսէսին եւ չէր վստահէր ժողովուրդին, հակառակ անոր որ Ան անոնցմէ իրաքանչիւրը փրկած էր: Ան իր հզօր ձեռքով ազատագրեց ժողովուրդը Եգիպտոսի ամուր բռունցքէն, բայց իր սիրտի գաղտնիքները չբաժնեկցեցաւ անոնց հետ: Արդեօք բարեկամութեան այդ պայմանը կիրարկելի՛ է Նոր Կտակարանի ժամանակներու Աստուծոյ զաւակներուն համար: Ատիկա պիտի տեսնենք յաջորդ գլուխին մէջ:

Անձնականացնել

Հատուած- Ամէն բան վստահուած է եւ յանձնուած է ինծի Հօրս կողմէ [...] եւ ոչ ոք ամբողջական կերպով գիտէ եւ ճշգրիտ կերպով կը հասկնայ Հայրը բացի Որդին: (Մատթէոսի 11.27)¹

Միտք- Երբ Աստուած կ'ըսէ՝ «Կը վստահիմ քեզի», ատիկա ամէնէն մեծ գովասանքներէն մէկն է, որ մարդ արարած մը կրնայ ստանալ: Վստահութեան հիմը անհրաժեշտ է Աստուծոյ հետ բարեկամութեան մէջ մտնելու համար. անիկա կը գտնուի Տիրոջ վախը ունեցողներուն մօտ:

Խոկալ- Մովսէս կը վախնար Աստուծմէ, գիտէր Անոր սիրտը եւ Աստուած կը վստահէր անոր: Յիսուս կը հրճուէր Տիրոջ վախով, գիտէր իր Հօրը սիրտը եւ Անոր վստահուեցաւ ամէն բան: Ինչ է կապը: Ինչ կը պատահի երբ մենք կը հրճուինք սուրբ վախով:

Աղօթք- Սիրելի Տէր, կ'ուզեմ, որ ինծի ալ վստահիս: Կը խնդրեմ, որ ներես ինծի այն ժամանակներուն համար երբ Քեզի չեմ հնազանդած, խոստում չեմ յարգած, Քու փափաքներոդ եւ Քեզի համար լաւագոյնը իմ փափաքներէս աւելի վեր չեմ դրած: Կ'ընտրեմ փոխել ատիկա եւ կը խնդրեմ, որ զիս լեցնես սուրբ վախով, որպէսզի զօրացնես զիս այդ կեանքի փոփոխութիւնը կատարելու համար: Կը խնդրեմ Յիսուսի անունով: Ամէն:

Դաւանութիւն- Կ'ընտրեմ ըլլալ մէկը, որ վստահելի է իմ Տիրոջ՝ Յիսուսի համար:

1 Բառացի թարգմանութիւն՝ անգլերէն *St. Ամիլիֆայր Պայպը, Քլասիք Էփիշըն (AMPC)* տարբերակէն

Մեր սիրտերը չեն ճմլուեր,
Երբ անհիկա ճամբու ընթացքին
մեզի հետ կը խօսէր եւ Սուրբ
գիրքերը կը բացատրէր:

– ՂՈՒԿԱՍԻ 24.32

35 | ԴՈՒՔ ԻՄ ԲԱՐԵԿԱՄՆԵՐՍ ԷՔ

Աբրահամի եւ Մովսէսի կեանքերը ցոյց կու տան, թէ ի՞նչ բանը անհրաժեշտ է՝ Աստուծոյ հետ բարեկամութեան յարաբերութիւն մը ունենալու համար: Տէրը Մովսէսի մասին նոյնիսկ ըսաւ. «Իմ ամբողջ դանս մէջ անոր է, որ կը վստահիմ (Թիւերու 12.7, շեշտադրումը՝ մեր կողմէ): Այդ սերունդին համար Աստուած յայտարարեց, թէ իր ժողովուրդին մէջ չկար ուրիշ ուեւէ մէկը, որուն կրնար վստահիլ Մովսէսն աւելի: Ո՞րքան զարմանալի հաստատում մը:

Յիսուս փոխեց այդ ստուգանիշը (պայմանը): Արդեօք Ան բացաւ բարեկամութեան դուռը բոլոր անոնց առջեւ, որոնք կը հաւատան իրեն: Արագ պատասխանը «Ոչ» է, բայց քննարկենք այդ հարցը՝ սկսելով հաստատումով մը, որ Յովհաննէս ըրաւ Յիսուսի առաքելութեան սկիզբի ժամանակներուն մասին:

Զատիկի տօնին Երուսաղէմի մէջ իր ըրած հրաշքներուն պատճառով շատեր սկսան վսկահիլ Յիսուսի: Բայց ինք անոնց չէր վսկահեղ, քանի որ մարդիկը լաւ կը ճանչնար: (Յովհաննէսի 2.23-24, շեշտադրումը՝ մեր կողմէ)²

Վսկահիլ բառին յունարէնը հետաքրքրական բառ մըն է, որ կը սահմանուի իբրև՝ «հաւատալ՝ ամբողջական վստահութեան եւ ապահնելու չափով. Վստահութիւն ունենալ, հաւատք ունենալ բանի մը կամ մէկու մը հանդէպ» (Լաւու եւ Նիտա, Կրիք-հնկլիշ Լեքզիքոն, էջ 375): Հետաքրքրականօրէն այդ վստահութիւնը Յիսուսի կողմէ

1 Բառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

2 Բառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

Աստուծոյ Հետ Մտերմութիւն

փոխադարձուած չէր: Հակառակ անոր որ մարդիկ կը հաւատային իրեն՝ ամբողջական վստահութեան եւ իրեն ապահնելու չափով, Ան չէր վստահեր անոնց: Ան գիտէր, որ մեծ թիւով մարդ արարածներ վստահելի չէին: Ան կը սիրէր զանոնք եւ կը ծառայէր անոնց, բայց բարեկամութեան մակարդակով չէր յարաբերեր անոնց հետ: Այն վստահութիւնը, զոր Աստուած Մովսէսի վերագրեց, Յիսուս (մարմինի մէջ յայտնուած Աստուածը) չունէր անոնց հանդէա, որոնք պարզապէս կը հաւատային իրեն:

Խօսինք Վերջին Ընթրիքին մասին: Իր երեք տարուան առաքելութեան ընթացքին իրեն հաւատացողներուն մեծ մասը վստահելի չէին. շատեր իրեն կը հետեւէին զաղտնաբար կամ հեռուէն կամ միայն երբ շահ մը ունէին կամ պիտի օգտուէին իրմէ: Մեծ թիւով աշակերտներ ծգեցին զինք, եւ Յուդա դաւաճանեց զինք (տես Յովիհաննէսի 3.1-2, 6.26, 66, 12.42, 19.38: Մատթէոսի 26.14-16): Ատիկա աւելի կը բացատրէ, թէ ինչո՞ւ Յիսուս անոնց վստահութիւնը չէր փոխադարձեր:

Ընթրիքի ատեն Յիսուս նստած էր իրեն ամէնէն մօտիկ եղողներուն հետ: Երախտագիտութեամբ եւ ջերմութեամբ ըսաւ. «Դուք միշտ քովս մնացիք փորձութիւններուս ընթացքին» (Ղուկասի 22.28): Հիմնականին մէջ անոնք վստահելի եղած էին: Պետրոս պահի տակ սխալ մը կը գործէ այդ գիշեր, բայց կը զղայ եւ կը վերադառնայ նոյնիսկ աւելի հաւատարիմ սիրով մը, եւ Յիսուս գիտէր ատիկա:

Յուդա կը ծգէ կ'երթայ՝ դաւաճանութիւնը ընելու համար, եւ Յիսուս մնացեալ տասնմէկին կ'ըսէ. «Այլեւս ծեզ ծառայ չեմ կոչեր» (Յովիհաննէսի 15.15): Յիսուսի «այլեւս» ըսելը կը նշանակէ, թէ ժամանակ մը կար երբ այդ մարդիկը ծառայ կը համարուէին: Ասիկա յայտնութիւն մը չէ, այլ՝ պարզ լեզուական բացատրութիւն մը: Պողոս այդ սկզբունքը կը բացատրէ, ըսելով.

Ժառանգորդ մը [...] որքան ատեն որ անչափահաս է՝ տարբերութիւն չունի ժառայէ մը: (Գաղատացիներուն 4.1)

Պէտք է հարց տանք, թէ ինչո՞ւ Աստուած մեզ ծառայի մակարդակին կը պահէ երբ իր Թագաւորութեան ժառանգորդներն ենք: Պատասխանը՝ մեզ պաշտպանելո՞ւ համար: Ան չ'ուզեր, որ Անանիայի եւ Սափիրայի հետ պատահածը մեզի ալ պատահի. Ան հաճոյք չ'առներ ատլէ:

1980-ականներուն Լիսան եւ ես կ'աշխատէինք երկու համաշխարհային առաքելութիւններու մէջ: Մէկը 450 հոգինց

Վճարովի անձնակազմ մը ունէր, իսկ միայ՛ 150: Երկութին մէջ ղեկավարութեան հետ կապուած փոքր հարցեր նկատած էինք, եւ երբ մենք մեր առաքելութիւնը սկսանք, մեր նկատածներուն ճիշդ հակառակ ուղղութիւնը որդեգրեցինք՝ մեր անձնակազմը ղեկավարելու գործին մէջ: Մեր կարգ մը գաղափարները լաւ էին, իսկ ուրիշներ՝ ոչ: Գործելատն մը, որ որդեգրեցինք հետեւեալն էր՝ «Իւրաքանչիւր պաշտօնեայի լաւագոյն բարեկամը պիտի ըլլամ»: Արդէն հաւանաբար նկատեցիք ատոր որքան անմիտ բան մը ըլլալը:

Մեր առաջին պաշտօնեան երիտասարդ մըն էր, զոր Ճամթին պիտի անուանեմ: Չայն իմ լաւագոյն բարեկամն ըրի. Միասին պասրէթապոլ կը խաղայինք, վիկոներ կը դիտէինք, յաճախ միասին կը ճաշէինք եւ կ'ընէինք բոլոր այն բաները, որ մտերիմ բարեկամներ իրարու հետ կ'ընեն: Սկիզբը ամէն բան շատ լաւ էր: Սակայն մէկ տարի եւր առիթով մը ստիպուած եղայ իր մէկ սիսալին մասին խօսելու իրեն: Առջեւս նստաւ՝ գրասեղանիս դիմացի կողմը եւ նիւթը բացի, մեղմօրէն ըսելով. «Ճամթին, երբ հետս ճամբորդես, պէտք է ազնուութեամբ վարուիս մեզի դիմող եւ մեզմէ ուսուցումի աղբիւներ պահանջողներուն հետ: Կը խնդրեմ, որ ժաւտաս եւ ընկերային ձեւով խօսիս իրենց հետ, քանի որ անոնք թանկարժէք են Աստուծոյ համար»:

Ատկէ ետք պատահածը ցնցիչ էր ինձի համար: Ան մատը ինձի ուղղելով, սկսաւ ամբաստանել զիս ամէն տեսակի սխալ վարմունքով: Թուեց բաներ, որոնք, ըստ իրեն, սխալ կ'ընէի: Մտածեցի. *O, ոչ, ես իրապէս այդ բաները կ'ընեմ:* Քանի մը վայրկեան ետք անդրադարձայ, որ ան քննադատական աչքով կը դիտէի զիս: Կանգ առի եւ Սուրբ Հոգիին հարցուցի, թէ ինչ պէտք էր ընէի: Ան մեղմօրէն խօսեցաւ եւ ըսաւ. «Արձակէ զինք իր պաշտօնէն»:

Զգեցի, որ ամէն ինչ որ ունէր արտայայտէր եւ յետոյ ըսի. «Ճամթին, պէտք է քեզ ազատ արձակեմ գործէյ»:

Ան զայրացաւ, եւ փորորիկի պէս դուրս ելաւ մեր տունէն: Աչքերս լեցուեցան, որովհետեւ կը սիրէի զինք: Յանկարծ Սուրբ Հոգին փսխաց. «Ան պիտի վերադառնայ եւ կրկնակի անգամ աւելի հաւատարիմ պիտի ըլլայ»:

Երեք ամիս ետք հեռաձայն մը ստացայ իրմէ: Ըսաւ. «Աստուած յստակօրէն խօսեցաւ ինձի եւ յանդիմանեց: Կը հեռաձայնեմ ներողութիւն խնդրելու համար քեզմէ: Զգիտակցեցայ, թէ Աստուած ինչ դիրքի մէջ դրած է զիս քու եւ Լիսայի կեանքին մէջ, եւ զգիտակցեցայ, թէ Աստուած ձեր Երկութին ինչ դիրք տուած է իմ կեանքիս մէջ: Երկութիդ հետ ալ վարուեցայ իբրեւ պարզ, ստվրական մարդիկ՝ իբրեւ գործակիցներ եւ ոչ առաջնորդներ: Կը ներէք»:

Ես արագօրէն պատասխանեցի. «Ճասթին, կը ներեմ քեզի»: Յաելեալ հաշտարար խօսքերէ ետք հարցուցի իրեն եթէ կ'ուզէր վերադառնալ իր գործին: Ուրախութեամբ համաձայնեցաւ, եւ մենք այդ մարզին մէջ որեւէ մէկ հարց չունեցանք այլեւս:

Հիմա ես տարբեր մտայնութիւն մը ունիմ: Սիրտիս մտերմիկ գաղտնիքները չեմ բաժնեկցիր ունի պաշտօնեայի հետ մինչեւ որ չհաստատուի այն մարզին մէջ, որուն նկատմամբ ճասթին անգիտակից էր: Ես ատիկա չեմ ըներ մեր խումբի անդամներուն հանդէա հեռու կամ անանձնական ըլլալու համար. ատիկա կ'ընեմ զիրենք պաշտպանելու համար: Չեմ ուզեր, որ ճասթինին հետ պատահածը իրենց հետ եւս պատահի: Սակայն երբ կը գիտնամ, որ պաշտօնեայ մը հաստատուած է իր եւ մեր դիրքերը ճանչնալու մարզին մէջ, զայն կ'առնեմ իբրեւ բարեկամ մը: Մեր խումբի անդամներէն ունանք իմ ամէնէն մօտիկ բարեկամներս են:

Հիմնականին մէջ Տէրը մեզի կ'ըսէ. «Մինչեւ որ լաւ կերպով հաստատուած ըլլաս կեանքիդ մէջ իմ դերիս գիտակցութեանդ մէջ ինչպէս նաեւ ինձի հետ քու ով ով ըլլալու գիտակցութեանդ մէջ (Տիրոց վախը), պէտք է քեզ ծառայի մակարդակին վրայ պահեմ հակառակ անոր որ ժառանգորդ ես՝ որդի մը կամ դուատր մը իմ թագաւորութեանս մէջ: Ասիկա քեզ պաշտպանելու համար է, որպէսզի Անանիայի եւ Սափիրայի դատաստանին նման դատաստանի մը չարժանանաս»:

Յիսուս այդ մարդոց կ'ըսէ.

«Այլեւս ձեզ ծառայ չեմ կոչեր, որովհետեւ ծառան չի գիտեր թէ ինչ կ'ընէ իր տէրը. այլ՝ ձեզ բարեկամ կոչեցի, որովհետեւ ինչ որ Հօրմէս լսեցի՝ ձեզի յայտնեցի»: (Յովիաննէսի 15.15, շեշտադրումը՝ մեր կողմէ)

Յիսուս հիմնականօրէն կ'ըսէ. «Մինչեւ իհմա ձեզի ներքին վերջին լուրերս կամ նորութիւններս չեմ յայտնած. ծրագիրներս, գաղտնի խորհուրդներս կամ սիրտիս մտերմիկ բաժինները: Բայց իհմա կրնամ Վսկրահիլ ձեզի ինչպէս վստահեցայ Մովսէսին եւ Աբրահամին»: Ասոր համար Յիսուս բոլորիս կ'ըսէ.

«Դուք իմ բարեկամներս էք, եթէ [...]» (Յովիաննէսի 15.14, շեշտադրումը՝ մեր կողմէ)

Մենք երգեր կ'երգենք, քարոզներ կը քարոզենք եւ սովորական ձեւով կը խօսինք Յիսուսի մեր բարեկամը ըլլալուն մասին: Ոմանք

նոյնիսկ զԱյն իրենց մտերիմ ընկերը կը կոչեն: Սակայն այդ նոյն մարդիկը յաճախ չեն կրնար վերջացնել Յիսուսի վերի հաստատումը: «Եթէ» բառը պայման մը կ'ենթադրէ: ինքնաբերաբար եղող բան մը չէ՝ նոյնիսկ եթէ կը հաւատանք Յիսուսի: Ինչ է բարեկամութեան պայմանը:

«Դուք իմ բարեկամներս էք, եթէ գործադրէք ինչ որ կը պաշտուիրեմ ձեզի» (Ձեշտադրումը՝ մեր կողմէ):

Կայ պայման մը. *Տիրոջ վախը*, այսինքն՝ Անոր Խօսքին դիմաց դրողալը, Անոր պատուէրներուն անմիջապէս հնազանդիլը մինչեւ կատարում՝ նոյնիսկ եթէ հասկնալի չէ, օգուտ մը չունիս կամ ցաւալի է: Ինչպէս Աբրահամ եւ Մովսէս բարեկամութեան յարաբերութեան մէջ մտան Ամենակարող Աստուծոյ հետ՝ Աստուծոյ ահը ունենալուն շնորհիւ, մեր պարագան ալ ներկայիս տարբեր չէ: Երբ Տիրոջ սիրտը եւ կամքը մեր թիւ մէկ առաջնահերթութիւնն են, այդ ատեն է, որ Ան կրնայ վստահիլ մեզի եւ պիտի ողջունէ մեզ բարեկամութեան յարաբերութեան մը մէջ: Ինչ պատիւ, ինչ առաջանհերթութիւն եւ նրբան ուրախալի է ըլլալ բարեկամը տիեզերքի Ստեղծիչին:

Նախքան փակելս, կ'ուզեմ պատասխանել հաւանաբար ձեր միտքը չարչրկող հարցուածի մը. Յիսուս մեզի պատուէրներ կու տայ: Այո, կան աւելի քան հինգ հարիւր պատուէրներ Նոր Կտակարանին մէջ միայն: Սակայն ասոնք փրկութեան համար պահանջուած պատուէրներ չեն՝ տրուած ըլլալով, որ անիկա ծրի պարզեւ մըն է: Այլ, անոնք պատուէրներ են, որոնք կը փառաւոր զԱստուած եւ զորս կրնանք պահել երբ զօրացած կ'ըլլանք սուրբ վախով: Համբարնալին առաջ Յիսուսի վերջին խօսքերն էին. «Հետեւաբար, գացէք եւ բոլոր ժողովուրդները ինծի աշակերտ դարձուցք [...] Անոնց սորվեցուցք այն բոլոր պաշտուիրանները որ ես ձեզի պոտի» (Մատթէոսի 28.19–20, Ձեշտադրումը՝ մեր կողմէ):

Սուրբ վախի մեծագոյն օգուտը Յիսուսի հետ բարեկամութեան յարաբերութեան մէջ ըլլալն է: Յաջորդ բաժինին մէջ պիտի խօսինք սուրբ վախի միւս օգուտներուն մասին:

Անձնականացնել

Հատուած- «Դուք իմ բարեկամներս էք, եթէ գործադրէք ինչ որ կը պատուիրեմ ձեզի»: (Յովհաննէսի 15.14)

Միտք- Մենք Յիսուսի վստահութիւնը չենք շահիր պարզապէս Անոր հաւատալով: Տիրոջ հետ բարեկամութիւնը վերապահուած է անոնց, որոնք կը վախնան իրմէ:

Աստուծոյ Հետ Մտերմութիւն

Խոկալ- Կ'արժէ՞ անմիջապէս եւ մինչեւ կատարում հնազանդիլ Յիսուսի նոյնիսկ եթէ հասկնալի չէ պատուէրը, նոյնիսկ եթէ չի թուիր անձնական օգուտ մը ունենալ, նոյնիսկ եթէ ցաւալի է: Անոր բարեկամութեան օգուտը կ'արժէ՞ այդ բոլորը:

Աղօթք- Սիրելի Տէր, ամէն բանէ աւելի կը փափաքիմ Քու մտերիմ բարեկամներէդ մէկը ըլլալ: Չեմ ուզեր Քեզ հեռուէն ճանչնալ. կ'ուզեմ քեզի մօտիկ ըլլալ: Կ'ընտրեմ Տիրոջ վախը. հնազանդիլ Քեզի առանց պայմանի, սիրել Քեզ ամբողջ սիրտովս, շունչովս, հոգիովս եւ ոյժովս, եւ սիրել մարդիկը ճշմարտութեամբ ինչպէս Դուն կ'ընես: Ասիկա կը խնդրեմ Յիսուսի անունով: Ամէն:

Դաւանութիւն- Կ'ընտրեմ ըլլալ Յիսուսի բարեկամը: Պիտի հնազանդիմ ամէն պատուէրի, որ կու տայ ինձի:

ԳԱԽՁԻՆ ՕԳՈՒՏՆԵՐԸ

ՎԵՑԵՐՈՐԴ ՇԱԲԱՁ

Ոտքերուդ արահետները
քննէ, եւ բոլոր ճամբաներդ
թող հաստատուին:

– ԱՌԱԿՆԵՐՈՒ 4.26

36 | ԻՐ ԽՈՍՏՈՒՄՆԵՐՈՒՆ ՀԱՍՏԱՏՈՒԻԼԸ

Հիմա մեր ուշադրութիւնը դարձնենք սուրբ վախի շարք մը օգուտներուն: Արդէն քանի մը հատին մասին խօսեցանք, ներառեալ անոնցմէ ամէնէն կարեւորին, որն է՝ Աստուծոյ հետ մտերմութիւնը: Շարունակենք հասկնալ կամ բացայատել այն գիտութիւնը թէ՝ «ճրչափ մնձ է [Աստուծոյ] բարութիւն[ը]՝ որ [Իրմէ] վախցողներուն վերապահեց» (Սաղմոսներու 31.19):

Նախքան այս շատ հետաքրքրական քննարկումը սկսիլը, կարեւոր է, որ յստակացնենք հասարակաց (տարածում գտած) սխալ հասկացողութիւն մը: Յաճախ մարդիկ Սուրբ Գիրքերը կը մեկնաբանեն իրենց (կամ ուրիշներու) փորձառութեան ակնոցով փոխանակ արտօնելու, որ Սուրբ Գիրքերը ճենակերպեն իրենց փորձառութիւնը: Հիմնականին մէջ Աստուծոյ խոստումները կը համարուին յիսուն-յիսուն տոկոսի յաջողութիւն ենթադրող սենարիոներ, հետեւեալ մտածումով. Եթէ Ասպուած այս բանը կ'ուզէ ինձի համար, իիանայի է: Եթէ ոչ, Ան գերիշխան է եւ պէտք է ընդունիմ աղիկա: Այդ համոզումը զԱստուած կը դնէ իր զաւակներուն միջեւ խտրութիւն դնող Աստուած մը ըլլալու դիրքին մէջ, ինչ որ պարզապէս ճիշդ չէ: Ասիկա կրնայ շատ դիլութեամբ Տիրոջ դէմ ծածուկ եւ չարտայայտուած դժգոհութիւն մը յառաջացնել մարդուն մէջ:

Իրական պատմութիւնը բաւական տարրեր է. յաճախ պէտք է պայքարինք Աստուծոյ ըսածներուն համար: Աւելի բացատրելու համար, դիմենք Սուրբ Գիրքերուն՝ այդ ճշմարտութիւնը հաստատելու

Նպատակով: Նշեմ աստուածաշնչական խոստում մը, զոր շատեր ինքնաբերաբար կատարուող խոստում մը կը համարեն: Աստուած խօսեցաւ Աբրահամի. «Իսահակը պիտի կոչուի քու զարմդ» (Ծնունդներու 21.12): Աստուծոյ կողմէ ըսուած այդ խօսքը՝ ատլէ առաջ ըսուած ուրիշ խօսքերու կողքին, աստուածային խոստումը յստակացուց. Աբրահամի ազգի մը հայրը ըլլալու իրականութիւնը եւ թէ՝ Մեսիան պիտի գար Իսահակի սերունդէն:

Ատիկա ի մտի ունենալով, տեսնենք, թէ ինչպէս սկսաւ Իսահակի սերունդը՝ նախ նշելով, թէ Աստուած ինչպէս ընտրեց անոր հետ ամուսնանալիք կինը: Աբրահամի ծառան կը ճամբորդէ իր տիրոջ երկիրը՝ Իսահակի համար կին մը գտնելու համար: Երկար ճամբորդութենէ մը ետք, այնտեղի ժողովուրդին հորին քով կը կենայ եւ կ'աղօթէ՝ Աստուծմէ նշան մը ստանալու համար. այն աղջիկը, որ իրեն եւ իր տասը ուղտերուն ջուր տայ երբ ջուր խնդրէ, «անիկա թող ըլլայ քու Իսահակ ծառայիդ համար սահմանածդ» (Ծնունդներու 24.14, շեշտադրումը՝ մեր կողմէ):

Պահ մը կանգ առնենք՝ նշելու համար, թէ անապատին մէջ երկար ճամբորդութենէ մը ետք ուղտ մը կրնայ 113–էն 189 լիթր ջուր խմել տասնինգ վայրկեանի մէջ: Բազմապատկէ ատիկա տասով (տասը ուղտ ունէր), եւ կը տեսնես, որ երիտասարդուիհի մը համար բաւական ջուր կ'ընէր ատիկա: Անոր աղօթքը միայն հրաշքով մը կրնար պատասխանուիլ, բայց Ռեբեկան կը կատարէ անոր խնդրանքը: Անկասկած, որ ան աստուածային ընտրութեամբ Իսահակի կինը պիտի ըլլար:

Երբ ծառան կը վերադառնայ՝ հետք բերելով Ռեբեկան, Իսահակը եւ Ռեբեկան կ'ամուսնանան: Բայց մեծ արգելք մը կար այդ խոստումի կատարումին դիմաց. Ռեբեկան ամով էր եւ չէր կրնար զաւակներ ծնիլ: Աստուած սիսալ մը գործած էր: Չե՞ր գիտեր, որ Ռեբեկան չէր կրնար զաւակ ծնիլ: Խոստումը ինչպէս պիտի կատարուէր: Ինչո՞ւ ընտրեց զայն: Ինչ պէտք էր ընկին Իսահակն ու Ռեբեկան: Պէտք էր պարզապէս սպասէին խոստումին կատարման մինչեւ որ անոր արգանդը օր մը հրաշքով մը բացուէր:

Պատասխան գտնելու համար նայինք Աբրահամին՝ մեր առաջին բանալիին համար: Ան համարձակ աղօթքի մարդ էր: Դիմում կատարեց Աստուծոյ, որ հաւատարիմ մնար իր բնոյթին եւ չկործանէր Սոդումն ու Գոմորը տասը արդար մարդու համար: Աստուածաշունչէն գիտենք, թէ ան իր որդիին կը սորվեցնէ, որ նոյնը ընէ (տես Ծնունդներու 18.19): Ատիկա ի մտի ունենալով, կը կարդանք.

Իսահակ թախանձեց Տէրոց իր կնոջ համար՝ անոր ամուլ ըլլալուն պատճառով: Տէրը անոր թախանձանքը ընդունեց, եւ անոր կինը Ռեբեկան յղացաւ: (Ծնունդներու 25.21, շեշտադրումը՝ մեր կողմէ)

Դարձեալ, եթէ Աստուծոյ խոստումը անպայման պիտի կատարուէր առանց որեւէ մարդկային միջամտութեան, ապա Ռեբեկա պէտք էր զաւակ ունենալու կարողութիւնը ունենար: Բայց այդ չէր պարագան: Իսահակ շատ յատուկ բան մը պէտք էր ընէր, որպէսզի Աստուծոյ խոստումը կատարուէր: Ան պէտք էր թախանձէր: Եբրայերէն բառարանը կը նշէ. «Այդ բառին հիմնական իմաստը Տիրոց ուղղուած աղաղակ է»: Ուստի անիկա պարզապէս սովորական աղօթք մը չէր, այլ՝ ջերմեռանդ աղօթք մը, դիմում մը. աղօթք մը, որ «Ոչ» պատասխան պիտի չընդունէր: Այն տեսակի աղօթք, որ կը հաճեցնէր զԱստուած: Մեզի կ'ըսուի.

Արդարի մը աղօթքը ազդեցիկ է եւ մեծապէս կ'օգնէ: (Յակոբոսի 5.16)

Յակոբոս Առաքեալ կ'ըսէ, թէ ազդու աղօթքը լուրջ կամ կրակու աղօթքն է: Ան կու տայ օրինակը Եղիայի, որ անձրեւ գալու համար աղօթեց: Եօթը անգամ Եղիա պէտք ունեցաւ կրակու աղօթք ընելու՝ գլուխը ծունկերուն միջեւ առած, եւ եօթը անգամ իր ծառան դրկեց՝ նայելու համար, թէ անձրեւի ամպերը կու գային կամ ոչ: Անոր հաւատքը արգիլեց, որ հրաժարի մինչեւ որ Աստուծոյ խոստումը կատարուեցաւ երկրի վրայ (տես Գ.Թագաւորներուն 18.41–45):

Իսահակ գիտէր Աստուծոյ կամքը եւ կրակու կերպով աղաղակեց, որպէսզի անիկա կատարուէր երկրի վրայ: Արդեօք ատիկա ճիշդ է բոլոր հաւատացեալներուն համար: Մեզի կ'ըսուի.

Ո՞վ Տէր, քու խօսքդ յափենապէս հասկավուած է երկինքի մէջ: (Սաղմոսներու 119.89, շեշտադրումը՝ մեր կողմէ)

Աստուծոյ խօսքը հաստատուած է երկինքի մէջ: «Պատահական չէ, որ երկիրը չէ նշուած, այլ միայն՝ երկինքը: Ինչո՞ւ: Սաղմոսողը կ'ըսէ. «Երկինքը Տէրոց երկինքն է, բայց երկիրը մարդոց որդիներուն տուաւ» (Սաղմոսներու 115.16): Տիրոց կը պատկանին երկինքն ու երկիրը (տես Ա.Կորնթացիներուն 10.26), բայց Ան երկիրը կարծես վարձու տուած է մարդկութեան որոշ ժամանակի մը համար:

Մեր ամուսնութեան սկիզբը Լիսան եւ ես վարձած էինք յարկաբաժին մը: Մերը չէր անիկա, բայց մեզի էր՝ մէջը ապրելու

Գանձին Օգուտները

համար եւ զանիկա մեր ընտանիքին տունը դարձնելու համար: Տանտերերը չեն գար յարկաբաժին որոշելու համար, թէ զանիկա ինչպէս պիտի կահաւորէինք կամ զարդարէինք կամ անոր մէջ ապրելու հետ կապուած որեւէ իմաստով որոշումներ տալու համար: Սակայն երբ հեռաձայնէինք օգնութեան համար, տանտերը միշտ կ'օգնէր մեզի:

Նոյնպէս ալ Աստուած տէրն է երկրի, բայց զանիկա վարձու տուած է մարդկութեան: Աստիկա կը բացատրէ, թէ ինչո՞ւ Ան պարտէզ գալով Աղամի ձեռքին չզարկաւ, որպէսզի պտուղը իյնար ձեռքէն եւ անկէ չուտէր: Ան երկիրին տիրապետելու իշխանութիւնը տուաւ մարդկութեան (Ծնունդներու 1.26–28): Աստիկա հասկնալէ ետք, պէտք է հարց տանք, թէ ինչպէս իր խօսքը պիտի հաստատովի երկրի վրայ: Մեզի կ'ըսուի: «Ամէն խօսք պիտի հաստատովի երկու կամ երեք վկաներու բերանով» (Բ.Կորնթացիներուն 13.1, շեշտադրումը՝ մեր կողմէ): Իսկ Եսայիի Մարգարէութեան մէջ Աստուած կը հիշակէ.

Իմ բերանէս ելած խօսքն ալ այնպէս պիտի ըլլայ. ինձի ապարդին պիտի չդառնայ, հապա իմ կամքս պիտի գործադրէ, ու յաջողցնէ այն բանը՝ որուն համար զայն դրկեցի: (Եսայիի 55.11, շեշտադրումը՝ մեր կողմէ)

Հետաքրքականօրէն երկու համարներուն մէջ ալ բերան բառը կը գործածուի: Աստուծոյ բերանը կը խօսի իր փափաքը, բայց կարիքը կայ մարդ արարածի մը՝ որուն իշխանութիւն տրուած է երկրի վրայ, որ բերանը բանայ եւ այդ բառերը խօսի, որպէսզի անոնք հաստատուին երկրի վրայ: Այսինքն՝ մենք իրեն կը դիմենք, որպէսզի գայ եւ օգնէ մեզի երկրի վրայ: Այդախոսվ է, որ Անոր խոստումը կը հաստատովի երկրի վրայ այնպէս ինչպէս որ երկինքի մէջ է: Պարզ ձեւով ըսելով, Ան բռնի ոյժով միջամտութիւն պիտի չընէ «մեզի վարձու տուած երկրին մէջ» բացի եթէ մենք իր կամքին կատարուիլու ուգենք:

Աստուած խոստումը տուաւ Աբրահամին: Կրնան պատկերացնել իսահակ ինչպէս թախանձեց. «Աստուած, իմ Հայրս, Դուն խոստացար, որ ազգ մը յառաջ պիտի գայ ինձմէ եւ իմ սերունդներս պիտի օրինուին: Կը խնդրեմ, որ բանաս կնոցս արգանդը, որպէսզի զաւակներ ծնի: Ամէն»: Արդինքը՝ Աստուծոյ կամքը հաստատուեցաւ:

Հիմա նայինք մեր մեծագոյն օրինակին՝ Յիսուսի:

Իր երկրաւոր կեանքի ընթացքին, Յիսուս մեծ աղաղակով ու արցունքով աղօթեց եւ աղաչեց [թախանձեց] Աստուծոյ,

1 Աստուածաշունչ Հին եւ Նոր Կտակարաններու՝ Եբրայերէն եւ Յունարէն Բնագիրներէն Թարգմանուած, 2001

որ կրնար զինք մահուընէ փրկել: Եւ Աստուած զինք լսեց, որովհետեւ խոնարի էր ան եւ հնազանդ [«Աստուծոյ հանդէա իր խորունկ ակնածանքին համար», ըստ անգլերէն Նիու Լիվինկ Թրանսլէյշն (NLT) տարբերակին]: (Եբրայեցիներուն 5.7, շեշտադրումը՝ մեր կողմէ)

Դարձեալ կը հանդիպինք թախանձել (աղաչել) բառին, բայց այս անգամ անոր հետ կան Աստուծոյ հանդէա խորունկ ակնածանք բառերը: Ուրիշ բանալի մը կայ հոս: Ոչ միայն ամուր հաւատք պէտք է, որ կը խօսի (կ'աղաղակէ) մինչեւ որ Աստուծոյ խոստումը կատարուի երկրի վրայ, այլեւ Տիրոջ վախը պէտք է, որպէսզի Աստուծոյ կողմէ իր ժողովուրդին ըրած խոստումները հաստատուին: Նկատի առ, որ կ'ըսէ, թէ Աստուած «լսեց» Յիսուսի աղօթքները: Բան մըն է աղօթելը, բայց ուրիշ բան մըն է աղօթքիդ լսուիլը: Կան աղօթքներ, որոնք չեն լսուիր: Անշուշտ: Յակոբոս կը գրէ. «Կը խնդրէք եւ Աստուած չի տար, որովհետեւ գէշ նպատակով կը խնդրէք» (4.3): Դարձեալ, պէտք է մեր շարժադիմներուն նայինք եւ Տիրոջ վախն է, որ մեր շարժադիմները հակաշիռի տակ կը պահէ:

Երբ կը վախնանք Աստուծմէ, կրնանք համարձակօրէն աղօթել եւ հոչակել Աստուծոյ խոստումները եւ կամքը, որպէսզի անոնք կատարուին այս երկրի վրայ, եւ անոնք պիտի հաստատուին երկրի վրայ ինչպէս որ են երկինքի մէջ: Կրնայ ըլլալ, որ ատոր համար է, որ Պողոս Առաքեալ երկրի վրայ իր ժամանակի վերջատրութեան գրեց. «Հաւատքի բարի պատերազմը մղէ, ամուր կառչէ յափտենական կեանքին» (Ա.Շիմոթէոսի 6.12): Պատերազմ մը կայ, եւ հաւատքով ձեռք կը ձգենք յափտենական կեանքի հայթայթածները:

Անձնականացնել

Հատուած- Ան իրմէ վախցողներուն փափաքը կը գործադրէ. անոնց աղաղակը կը լսէ եւ զանոնք կը փրկէ: (Սաղմոսներու 145.19)

Միտք- Յաճախ մարդիկ Սուրբ Գիրքերը կը մեկնաբանեն իրենց (կամ ուրիշներու) փորձառութեան ակնոցվ փոխանակ արտօնելու, որ Սուրբ Գիրքը ծեւակերպեն իրենց փորձառութիւնը:

Խոկալ- Արդեօք արտօնած եմ, որ համոզումներս շեղին Աստուածաշունչի հոչակածներէն՝ իմ կամ ուրիշներու փորձառութիւններուն պատճառով: Կան խոստումներ, որոնք տակալին չեն իրագործուած կեանքիս, ընտանիքիս եւ ազդեցութեանս շրջանակին մէջ: Արդեօք ընդունած եմ ապրիլ այդ աստուածային խոստումներէն դուրս: Պատրաստ եմ պայքարելու խոստումներուն համար՝ թախանձելով, որ անոնք կատարուին այս երկրի վրայ:

Աղօթք- Սիրելի Տէր, Յիսուսի անունով ներէ ինձի հոգեւոր ծովութեանս համար՝ ընդունած ըլլալով խոստումներու չկատարուիլը եւ չպայքարելով Քու Խօսքիդ հոչակածներուն համար: Անցեալի փորձառութիւններու լոյսին տակ փորձած եմ ծեւակերպել ընթացքս փոխանակ պայքարելու Քու կամքիդ կատարումին համար: Կը զղամ եւ կ'ընտրեմ հաւատքի բարի պատերազմը մղել, աղօթել, որպէսզի Քու կամքդ հաստատուի այս երկրի վրայ ինչպէս որ է երկինքի մէջ: Ամէն:

Դաւանութիւն- Կ'ընտրեմ մղել հաւատքի բարի պատերազմը, ձեռք ձգել այն ինչ որ յակիտենական կեանքը կը հոչակէ եւ տեսնել Աստուծոյ կամքին հաստատումը իմ ազդեցութեան շրջանակիս մէջ:

Այն մարդիկը, որոնք կը
վախնան Աստուծմէ, կեանքը
անվախօրէն կը դիմագրաւեն:

Այն մարդիկը, որոնք
չեն վախնար Աստուծմէ,
վերջաւորութեան կը սկսին
վախնալ ամէն բանէ:

– ՈՒԶԵՐՏ ՀԱԼՎԵՐՍԸՆ

37 | ԱՅՆ ՎԱԽԸ, ՈՐ Կ'ՈՉՆՉԱՑՆԵ ՄԻՒՍ ԲՈԼՈՐ ՎԱԽԵՐԸ

Մենք կ'ապրինք տագնապներով եւ վախով լեցուն աշխարհի մը մէջ: Իրականութեան մէջ Յիսուս մեզի կ'ըսէ, թէ անոնք աւելի պիտի սաստկանան: Գալիքին մասին Անոր նկարագրութինը սթափեցուցիչ է. «Աշխարհի վրայ պատահելիքներու ակնկալութենէն մարդիկ սարսափէն պիտի նուաղին» (Ղուկասի 21.26): Այդ վախերը եւ անձկութինները կը հեռացնեն յոյսը, խաղաղութինը եւ հանդարտութինը՝ ծգելով միայն անհանգստութիւն, ծանրացած սիրտեր եւ մնայուն տանջանք: Ինչ է ատոր դեղթափի՞ւ:

Տէրը սաստիկ կերպով զգուշացուց ինձի, որ ուրիշներու պէս մտածող չըլլամ: Ան ըսաւ. «Ամէն բան դաւ մի՛ կոչեր, ինչպէս իրենք կ'ընեն, եւ մի՛ ապրիր վախովը այն բաներուն, որոնցմէ իրենք կը վախնան: Երկինքի Զօրքերուն Տէրը սուրբ ըրէ կեանքիդ մէջ: Ա՛ն է այն, որմէ պէտք է վախնաս: Ա՛ն է այն, որ քեզ պէտք է դողացնէ: Ան քեզ ապահով պիտի պահէ»: (Եսայիի 8.11–14)¹

Սուրբ վախը կ'ոչնչացնէ բոլոր միւս վախերը եւ անձկութինները, որովհետեւ անոր ետին կը գտնուի քեզ ապահով պահելու Աստուծոյ խստումը: Կանգ առ պահ մը եւ մտածէ այդ իրականութեան մասին:

1 Բառացի թարգմանութիւն՝ անգլերէն Նիու Լիվինկ Թրանսլյշըն (NLT) տարբերակէն

Պատկերացնիր, որ Միացեալ Նահանգներու բոլոր զինեալ ուժերը նշանակուած են քեզ պաշտպանելու համար: Ամէն զօրավար իրմէ վար եղող զինուորականներուն կը տեղեկացնէ, թէ դուն թիւ մէկ առաջնահերթութիւն ես, եւ ինչ որ պէտք է քու ապահովութեանդ համար, պէտք է կիրարկուի: Անոնց ամէնէն արդիական գէնքերու ամբողջ հաւաքածոն տրամադրուած է քեզ պաշտպանելու համար ուր որ ալ մնաս, ուր որ ալ երթաս: Գրեթէ աներեւակայելի է, բայց եթէ այդպիսի բան մը պատահի, վստահ եմ, որ ապահով եւ պաշտպանուած պիտի զգաս: Եւ սակայն ատիկա շատ պօտիկ է Ամենակարող Աստուծոյ «Ես քեզ ապահով պիտի պահեմ» խօսքին դիմաց: Զարմանալի չէ, որ կ'ըսուի.

Ո՞րքան մեծ է այն բարութիւնը, որ դուն պահած ես անոնց համար, որոնք կը վախնան քեզմէ: Դուն առատորէն կը թափես զանիկա անոնց վրայ, որոնք քեզի կու գան պաշտպանութեան համար՝ օրինելով զանոնք ամբողջ աշխարհի դիմաց: Կը պահես զանոնք Քու ներկայութեանդ պատսպարանին մէջ՝ ապահով անոնցմէ, որոնք դաւ կը նիւթեն անոնց դէմ: Դուն կը պատսպարես զանոնք Քու ներկայութեանդ մէջ՝ հեռու ամբաստանող լեզուներէ: (Սաղմոսներու 31.19–20, Եշտադրումը՝ մեր կողմէ)¹

Առատ բարութեան խոստումը՝ պահուած ըլլալով Աստուծոյ ներկայութեան պատսպարանին մէջ, ուր ապահով ենք անոնցմէ, որոնք կրնան փորձել վսասել մեզի, բոլորին չէ տրուած, այլ՝ միայն անոնց, որոնք կը վախնան Աստուծմէ: Տարիներ Լիսան եւ ես դիմագրաւած ենք սուտեր, չարախօսութիւն, ամբաստանութիւններ եւ սպառնալիքներ: Ես նոյնիսկ կատակած եմ բարեկամներու հետ, ըսելով՝ «Կուկըլի վրայ մի՛ փնտոէք իմ անոնս, կրնաք զիս դատապարտող լեցուն յօդուածներ գտնել»: Բայց որոշած ենք լուր մնալ եւ չպաշտպանել մենք մեզ: Փոխսարէնը մենք այդ յարձակումները յանձնած ենք Անոր, որմէ կը վախնանք, եւ տեսած ենք Անոր մնայուն պաշտպանութիւնը: Դիւրին չէ եղած մեզի համար. Եղած են ժամանակներ երբ ես պատկերացուցած եմ, որ այդ հարցերը կը դնեմ ափերուս մէջ եւ երկուքը միասին բառացիօրէն վեր՝ երկինք վերցուցած եմ՝ իբրեւ արտաքին նշան մը այդ ամբաստանութիւնները կամ սպառնալիքները Աստուծոյ յանձնելու: Ես աղաղակած եմ. «Հայր, ես այս հարցը կը դնեմ Քու

1 Բառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

ձեռքերուդ մէջ եւ կը խնդրեմ, որ պաշտպանես մեզ»: Ան բնաւ յուսախար չէ ըրած մեզ:

Մենք տեսած ենք սուրբ վախի պաշտպանութիւնը մեր ծանօթներէն շատերու կեանքերուն մէջ: Քանի մը տարի առաջ իմ քաղաքիս մէջ 1,500 հոգիի առցեւ ելոյթ ունեցայ: Ծառայութեան ընթացքին շատեր իրենց վախերը փոխանակեցին Տիրոց վախով: Յաջորդ երեկոյ երբ մայր մը եւ դուստր մը՝ որոնք այդ ծառայութեան ընթացքին իրենց վախերը Տիրոց վախով փոխարինելու կոչին ընդառաջողներէն եղած էին, գնումէն տուն կը վերադառնային, իրենց դիմաց ելած էին դանակներով եւ գէնքերով երեք տղամարդիկ: Անոնք խիստ կերպով հրամայած էին, որ տուն մտնեն՝ շատ հաւանաբար մտադրած ըլլալով կողոպտել, բռնաբարել եւ սպաննել գիրենք:

Մայրը յետոյ պատմեց, թէ՝ «Եթէ մէկ գիշեր առաջ այդ ծառայութեան փորձառութիւնը ապրած չըլլայինք, ես վախէս սառած պիտի ըլլայ, անխօս եւ պիտի ընէի իրենց պահանջները»: Բայց ան ըսաւ. «Անտեսեցի տուն մտնելու անոնց հրամանը եւ անմիջապէս սկսայ բարձրածայն աղօթել Յիսուսին, որ փրկէր մեզ: Որքան աւելի աղաղակեցի, այդքան աճեցան ինքնավստահութիւնս, ոյժս եւ խաղաղութիւնս:

«Մարդիկը սկսան դողալ եւ խիստ կերպով հրամայեցին, որ դադրիմ աղօթելէ: Իրենց համբերութիւնը վերջաւրութեան հատաւ եւ կատաղի կերպով սկսան պոռալ. «Դադրեցնիր, դադրեցնիր, դադրեցնիր այս աղօթքը»: Այդ մարդիկը բնաւ պատրաստ չէին հանդիպելու այդպիսի ինքնավստահ կիներու: Ոճրագործները շփոթի մատնուեցան, եւ մինչ անոնք կեղրոնացած էին մօրը վրայ, դուստրը կրցաւ ծածուկ կերպով տուն մտնել եւ օգնութիւն կանչել: Երբ մարդիկը յանկարծ անդրադարձան, որ ան չկար, փախուստ տուին:

Նոյն այդ տարին երբ կը ծառայէի Հիուաթընի մէջ, Թեքսաս, ուրիշ կին մը իր վախերը փոխանակեց սուրբ վախով: Ծառայութենէն մէկ շաբաթ ետք մինչ ան գնումները աւարտած ինքնաշարժ կը մտնէ, կը նկատէ, որ տղամարդ մը պահուլտած էր ետեւի նստարանին վրայ՝ դանակ մը ձեռքին: Խիստ կերպով կը հրամայէ կնոջ, որ քչէ ինքնաշարժը: Փոխանակ վախէն իրար անցնելու, ան Յիսուսին կ'աղաղակէ առանց կենալու: Ժամերով կը քշն եւ ամբողջ ընթացքին մարդը կը պահանջէ իրմէ, որ լոէ, իսկ ինք կը մերժէ: Մարդը վերջաւրութեան կ'ըսէ՝ «Ինքնաշարժը ծայր առ», եւ երբ կինը ըսածը կ'ընէ, ան կը բանայ ետեւի դուռը եւ փախուստ կու տայ:

Աղիթով մը Սուրիհայի թագաւորը զայրացաւ Եղիսէ մարգարէնս եւ զօրք դրկեց՝ զայն ձերբակալելու համար: Եղիսէի սպասաւորը

առաջինն էր, որ տեսաւ զինուորները, ծիերը եւ կառքերը: Ան վախով պատուեցաւ: «Եղիսէ պատասխանեց. “Մի՛ վախնար, որովհետեւ մեզի հետ եղողները աւելի բազմաթիւ են՝ քան անոնց հետ եղողները”: Եղիսէ աղօթելով, ըսաւ. “Ո՞վ Տէր, կ’աղերսե՞մ, անոր աչքերը բաց, որպէսզի տեսնէ”» (Դ.Թագաւորներուն 6.16–17, շեշտադրումը՝ մեր կողմէ): Տէրը բացաւ անոր աչքերը եւ սպասաւորը տեսաւ, որ լեռը կրակէ ծիերով եւ կառքերով լեցուն էր:

Յիսուս յաճախ կը գտնուէր ամբոխներու դիմաց, որոնք քարեր կը վերցնէին՝ վրան նետելու համար: Առիթով մըն ալ ամբոխ մը փորձեց զինք բարձր տեղէ մը վար նետել, բայց ամէն կեանքին սպառնացող կացութենէ Ան պարզապէս քալելով հեռացալ՝ անվսաս (տես Ղուկասի 4.29: Յովհաննէսի 8.59, 10.39):

Միակ պարագան՝ երբ Աստուած կ’արտօնէ, որ իրմէ վախցող մէկը տառապանքէ մը անցնի, այն է, որ ատիկա երկինքի տնօրինումը կ’ըլլայ՝ Աստուծոյ փառքին համար: Սակայն նոյնիսկ այդ պարագաներուն, սուրբ վախէն եկած ինքնավստահութիւն մը կայ, որ կը ջնջէ մարդկային վախը: Նկատի առ երեք երրայեցի երիտասարդները, որոնք երկրի ամէնէն հզօր թագաւորին՝ Բաբելոնի Նաբուգոդոնոսոր Թագաւորին առջեւ բերուեցան: Ան մեծ կուոք մը կառուցանել տուած էր եւ հրապարակած հրովարտակ մը, որ կ’ըսէր, թէ բոլոր մարդիկը պէտք էր խոնարհէին անոր դիմաց ամէն անգամ, որ երաժշտութիւն մը լսուէր երկրին մէջ:

Այդ երեք երիտասարդները կը վախնային Աստուծմէ եւ մերժեցին մեղք գործել հրովարտակին հնազանդելով: Անոնք բերուեցան զայրացած Նաբուգոդոնոսորի մը դիմաց, որ կրնար անմիջապէս զիրենք նետել տալ կրակի հնոցին մէջ: Այդ երիտասարդները վախցան: Պիտի ձգեմ, որ դուն որոշես՝ նկատի առնելով, թէ ինչ կ’ըսեն անոնք զայրացած թագաւորին. «Ահա մեր պաշտած Աստուածը կրնայ մեզ ազատել բորբոքած կրակի հնոցէն. քու ձեռքէդ ալ մեզ պիտի ազատէ, ովէ թագաւոր: Նոյնիսկ եթէ չընէ, զիտցիր, ովէ թագաւոր, թէ մենք քու աստուածներդ պիտի չպաշտենք եւ քու կանգնեցուցած ոսկիէ արձանիդ պիտի չերկրագենք» (Դանիէլի 3.17–18):

Իսչ ինքնավստահութիւն: Անոնք հանդարտ եւ անվախ մնացին, հակառակ անոր որ Սուրբ Գիրքը կ’ըսէ, թէ՝ «Այն ատեն Նաբուգոդոնոսոր ցասումով լեցուեցաւ. անոր երեսին երեւյթը այլափոխուեցաւ Սեղրաքի, Միսաքի եւ Աբեղնագովի հանդէա» (հմր 19): Այդ մարդիկը կը վախնային Աստուծմէ եւ հետեւաբար զիտէին, որ պիտի ազատէր զիրենք կամ ողջ պահելով կամ ալ մահով: Անոնք

նետուեցան կրակի հնոցը, բայց դուրս եկան չվսասուած, առանց նոյնիսկ ծուխի հոտ ունենալու իրենց վրայ: Անոնք անվախ մնացին, նոյնիսկ երբ մահ դիմագրաւեցին:

Պողոս Առաքեալ՝ մարդ մը, որ մեծապէս կը վախնար Աստուծմէ, նոյն վերաբերումը ունէր: Երբ հաւանական գլխատում կը դիմագրաւէր, ըսաւ. «Կը հաւատամ, որ կեանքս պատիւ պիտի բերէ Քրիստոսի՝ ըլլայ ատիկա ապրելովս կամ մեռնելովս: Ինձի համար ապրիլ կը նշանակէ ապրիլ Քրիստոսի համար, իսկ մեռնիլը աւելի լաւ է» (Փիլիպպեցիներուն 1.20-21): Ինչո՞ւ համար Քրիստոսը փառաւորելու համար մեռնիլը աւելի լաւ է, կամ ինչպէս ուրիշ թարգմանութիւններ կ'ըսեն՝ «շատ աւելի լաւ է» կեանքէն: Աստուծյ վախը, որ սկիզբն է իմաստութեան, կը լուսաւորէ մեզ՝ այս կեանքին եւ գալիք կեանքին վերաբերեալ ճիշդ տեսակէտով: Ասոր համար Յիսուս կ'ըսէ. «Մի վախնաք անոնցմէ, որոնք մարմինը կը սպաննեն եւ սակայն հոգին չեն կրնար սպաննել: Բայց դուք վախցէք մանաւանդ անկէ, որ կրնայ թէ հոգին եւ թէ մարմինը կորուստի մատնել դժոխքին մէջ» (Մատթէոսի 10.28):

Տարիներ առաջ երբ ճամբորդութիւններ կ'ընէի ծառայութիւններ ընելու համար, Աստուած խօսեցաւ ինձի երբ մտահոգ էի զաւակներուս համար: Ըսաւ. «Ճոն, որեւէ վախս որ ունիս կեանքիդ մէջ միայն ցոյց կու տայ այն բանը, որ այդ հարցը չես դրած խաչին տակ. տակաւին քեզի կը պահես կեանքիդ այդ մարզը»: Ապաշխարեցի այդ երեկոյ, որդիներս ամբողջութեամբ Աստուծյ յանձնեցի եւ այլեւս անգամ մըն ալ չմտահոգուեցայ անոնց ապահովութեան համար: Տիրոջ վախը կ'առաջնորդէ մեզ ամէն բան Յիսուսի յանձնելու: Երբ ատիկա կ'ընենք, կ'ապրինք անոր մէջ, որ ուրիշներ մեծապէս կը փափաքին բայց չեն կրնար գտնել. խաղաղութիւն, ինքնավստահութիւն եւ վախս ազատագրութիւն:

1 Բառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

Անձնականացնել

Հատուած- Տէրոջ վախը կեանքի կ'առաջնորդէ. զայն ունեցողը կուշտ կը հանգչի, ու ձախորդութեան չի հանդիպիր: (Առակներու 19.23)

Միտք- Ոչ օգտակար վախ մը կեանքիդ մէջ միայն ցոյց կու տայ այն բանը, որ չես դրած խաչին տակ. տակալին քեզի կը պահես կեանքիդ այդ մարզը:

Խոկալ- Կեանքի ո՞ր մարզերուն մէջ վախի դէմ կը պայքարիմ: Առողջութեանս, ֆինանսներուս, ամուսնութեանս, զաւակներուս, գործին, կրթական, մերժուած ըլլալու, հաւատքիս համար հալածուած ըլլալու կամ կեանքիս մէկ ուրիշ մարզի մէջ: Կեանքիս այդ մարզը ամբողջութեամբ յանձնած եմ Յիսուսի տիրութեան կամ տակալին իմս է:

Աղօթք- Սիրելի Տէր, ներէ ինծի – (նշէ այն մարզը/մարզերը, որ/որոնք Աստուծոյ չես յանձնած տակալին) քեզի չանձնելուս համար: Մտածելէ ետք ինծի համար յստակ դարձաւ, որ տակալին ինծի կը պահեմ այդ մարզը: Իմ անապահովութեան զգացումս մէշտեղ հանեց այդ մարզին մէջ սուլք վախ չունենալս: Կ'ապաշխարեմ եւ Յիսուսի տիրութեան կը յանձնեմ – (նշէ վերոյիշեալ մարզը/մարզերը) եւ կեանքիս բոլոր մարզերը: Ամէն:

Դաւանութիւն- Յիսուս իմ Տէրս է: Իրեն կու տամ տիրութիւնը կեանքիս բոլոր մարզերուն: Թող իր կամքը ըլլայ իմ կեանքիս մէջ:

Կրթէ մանուկը իր ճամբան
սկսած ատենը, որպէսզի երբ
ծերանայ՝ անկէ չշեղի:

– ԱՌԱԿՆԵՐՈՒ 22.6

38 | ԱՒԱՆ

Սուլր վախը ունի տակաւին ուրիշ օգուտ մըն ալ. բարեպաշտ աւանդ: Կարգ մը հարցումներ հարցնեմ. Ի՞նչ կու գայ միտքդ երբ լսես Պենետիքթ Արնոլտ անունը: «Դաւաճան»ը առաջին բա՞նն է, որ կու գայ միտքդ: Մայր Շերեզա անունը... Գութի Միսիոնարութիւնը միտքդ կու գայ: Ատոլֆ Հիթեր անունը... «Անգութ բռնատէր, որ սպաննեց միլիոնաւոր անմեղներ» միտքդ կու գայ: Ալպըրթ Այնշթայն անունը... Միտքդ կու գայ ան, որ յարաբերականութեան տեսութիւնը յայտնաբերեց:

Միտքդ եկած բաները այդ անուանի մարդոց ձգած աւանդներն են հաւանաբար: Իրականութիւնը այն է, որ մենք բոլորս ալ աւանդ կը ստեղծենք: Ուստի այն հարցումը, որ պէտք է մենք մեզի հարցնենք հետեւեալն է՝ արդեօք այն աւանդը, որ պիտի ձգեմ մարդոց քով լաւ հակազդեցութիւն պիտի յառաջացնէ կամ մարդիկ բերան պիտի ծոնն: Աւելի կարեւոր հարցումը, սակայն, այն է, թէ իմ ձգած աւանդս ի՞նչպէս պիտի տեսնուի երկինքի մէջ. իբրեւ օգտակար կամ վսասակար՝ Աստուծոյ յաւիտենական թագաւորութիւնը կերտելու գործին համար:

Միրիհամ-Ուէպաթըր Բառարանին համաձայն, աւանդ բառին մէկ սահմանումն է՝ «բան մը, որ փոխանցուած է կամ ստացուած է նախահայրէ մը կամ նախորդէ մը»: Աստուծոյ վախը ի՞նչ ազդեցութիւն կ'ունենայ մեր սերունդներուն վրայ: Սկսելու համար, վերադառնաք հաւատքի հօր՝ Աբրահամի: Լերան վրայ՝ երբ հրեշտակը կեցուց զինք հսահակը դանակով մեղնելէն, Տերը ըսաւ իրեն.

Քեզ օրինելով պիտի օրինեմ եւ քու սերունդդ բազմացնելով պիտի բազմացնեմ [...] եւ քու սերունդդ իր թշնամիներուն դարպասներուն պիտի տիրանայ: (Ծնունդներու 22.17, շեշտադրումը՝ մեր կողմէ)¹

1 Բառացի թարգմանութիւն՝ անգլերէն *Sgt. Ամիկաֆայր Պայպը, Քլասիք Էղիջըն (AMPC)* տարբերակէն

Տարիներ շարունակ այդ բառերը կարդացած եմ եւ միշտ մտածած, թէ ինչո՞ւ երկու անգամ կը նշուի մէկ բառը: Վերջապէս հետաքրքրութիւնս մղեց, որ դիմեմ ուաբբիի մը, որ պատասխանեց. «Հրէական հասկացողութեան մէջ երբ բառ մը երկու անգամ կը նշուի, անիկա բազմապատկելու ակնարկութիւն է... եւ որովհետեւ մէկ բայց ներկայ եղանակի մէջ է իսկ միաւր՝ ապագայի, ատիկա կրնանք հասկնալ իբրեւ մէկ օրինութիւն հայր Աբրահամի վրայ, բայց Աստուած նաեւ կը խոստանայ, թէ անոր սերունդներն ալ պիտի օրինուին: Այլ խօսքով՝ քեզ օրինելով, Աբրահամ, պիտի շարունակեմ օրինել քեզ զաւակներուտ միջոցաւ»:

Սուրբ վախէն կ’օգտուին նաեւ մեր սերունդները. «Իրենց թշնամիներուն դարպասներուն պիտի տիրանան»: Ասիկա հոյակապ է, եւ այդ մասին պիտի խօսինք քիչ ետք, բայց նախ կայ ուրիշ ճշմարտութիւն մը ուաբբիին բացատրութեան մէջ, որ պէտք է լուսարձակի տակ առնուի: Սուրբ վախը կը շարունակէ օրինել մեզ մեր սերունդներուն միջոցաւ, եւ ատիկա ճիշդ է ոչ միայն այս կեանքի համար, այլև յափառենապէս:

Երբ մեր սերունդները մեզի համար աւելի մեծ պատիւ եւ ազդեցութիւն յառաջ կը քերեն թէ մօտիկ ապագային մէջ եւ թէ գալիք կեանքին մէջ, ատիկա կ’ազդէ մեր յափառենական կեանքին վրայ: Յստակացնելու համար, տամ օրինակ մը: Արչի Մանինկ ամերիկեան ֆութապով Նիու Օրլինզ Սէյնթ Խումբին մէջ մարզիկ մըն էր տասը տարի: Իր յարձակողական դեկավարութեամբ խումբը միայն որոշ յաջողութիւն արձանագրեց մէկ տարի, իսկ մնացեալ ինը տարիները ձախողութեան տարիներ էին: Ան շատերու կողմէ մոռցուած պիտի ըլլար, բայց անոր երկու որդիները՝ Փէյթըն եւ Իլայ, միասնաբար չորս Սուփիզը Պոլի յաղթանակներ շահած են եւ լաւագոյն մարզիկի մրցանակը շահած: Ներկայիս աւելի մեծ թիւով մարդիկ կը ճանչնան Արչին՝ իր որդիներուն շնորհի, եւ հետեւաբար ան աւելի մեծ պատիւ կը ստանայ եւ ազդեցութիւն ունի մարզախաղի աշխարհին մէջ:

Յափառենականութեան մէջ շատեր աւելի մեծ պատիւ պիտի ստանան եւ ազդեցութիւն ունենան՝ Թագաւորութիւնը կերտելու մէջ իրենց սերունդներուն հնազանդութեան շնորհի: Աբրահամ գերազանց օրինակ մըն է. անոր յափառենական ազդեցութիւնը պիտի բարգաւաճի իր սերունդին՝ Յովսէփի, Սամուէլի, Դափիթի, Դանիէլի, Եսայիի եւ անշուշտ Յիսուսի միջոցաւ (Եթէ պարզապէս միայն քանի մը հատը նշենք): Մինչեւ իհմա կը շարունակուի անոր աւանդը: Այդ օրինութիւնը կը գործէ բոլոր անոնց կեանքերուն մէջ, որոնք կը վախնան Աստումէ:

անոնց «յիշատակը յափառեան պիտի մնայ» (Սաղմոսներու 112.6, ըստ անգլերէն Նիու Լիվինկ Թրանսլյշըն (NLT) տարբերակին), եւ անոնք «ազդեցութին եւ պատի պիտի ունենան» (Սաղմոսներու 112.9, ըստ անգլերէն Նիու Լիվինկ Թրանսլյշըն (NLT) տարբերակին): Շատեր կը կարծեն, թէ ամէն բան կը սկսի երկինքի մէջ: Սակայն ատիկա ճիշդ չէ: Իբրեւ հայատացեալներ, մենք արդէն իսկ սկսած ենք ծեւակերպել յափառեանականութեան պատմութիւնը, որովհետեւ մեզի կ'ըսուի, թէ՝ «Իրենց բարի գործերը յափառեան պիտի յիշուին» (Սաղմոսներու 112.9, ըստ անգլերէն Նիու Լիվինկ Թրանսլյշըն (NLT) տարբերակին):

Հիմա խօսինք Աստուծոյ այն խոստումին մասին, թէ՝ մեր սերունդները նուաճողներ պիտի ըլլան. իրենց թշնամիներուն դարպասներուն պիտի տիրանան: Աւելի ժամանակակից ծետվ կրնանք ըսել, թէ մեր սերունդները պիտի չաղթուին անոնց կողմէ, որոնք կ'ատեն զԱստուած, այլ փոխարէնը՝ յաջող առաջնորդներ եւ ազդեցութիւն բանեցնողներ պիտի ըլլան (հմտ Բ.Օրէնքի 28.13): Կրնաս մտածել, որ ատիկա Աբրահամի եւ անոր ուղղակի սերունդներուն մասին է միայն: Բայց մեզի կ'ըսուի, թէ՝ «Քրիստո Յիշոցաւ Աստուած օրինած է հեթանոսները այն նոյն օրինութեամբ, որ խոստացած էր Աբրահամի» (Գաղատացիներուն 3.14)¹: Ասիկա հոյական լուր մըն է...

Ո՞րքան երջանիկ են անոնք, որոնք կը վախնան Տիրոջմէ եւ կը իրճուին Անոր պատուէրներուն հնազանդելով: Անոնց զաւակները ամէն տեղ յաջող պիտի ըլլան. բարեպաշտ մարդոց ամբողջ սերունդ մը օրինուած պիտի ըլլայ: (Սաղմոսներու 112.1-2, շեշտադրումը՝ մեր կողմէ)²

Սերունդ բառը կը նշանակէ՝ «երկար ժամանակ մը» (Հիպրու անդ Արամայիք Հեքայիքոն աֆ ყը Օլլո Թեսթիմընթ, էջ 217), եւ անիկա վերագրում է մեր սերունդներուն (Տի Քոմիլիթ Ուզրոց Մթափի Տիքշընըրի. Օլլո Թեսթիմընթ, էջ 231): Զաքարիա հետեւեալը մարգարէացաւ. «Անոր ողորմութիւնը իրմէ վախցողներուն վրայ է՝ սերունդէ սերունդ» (Ղուկասի 1.50)³: Ոչ միայն մեր անմիջական զաւակները յաջող պիտի ըլլան, այլև այդ խոստումը կ'ընդգրկէ սերունդներ: Ասոր մէկ կարեւոր օրինակը կը գտնուի կեանքերուն մէջ

1 Բառացի թարգմանութիւն՝ անգլերէն Նիու Լիվինկ Թրանսլյշըն (NLT) տարբերակին

2 Բառացի թարգմանութիւն՝ անգլերէն Նիու Լիվինկ Թրանսլյշըն (NLT) տարբերակին

3 Աստուածաշունչ Հին եւ Նոր Կտակարաններու՝ Եբրայերէն եւ Յունարէն Բնագիրներէն թարգմանուած, 2001

Երկու տղամարդոց, որոնք ծնած էին տասնութերորդ դարու սկիզբները:

Առաջինը Մաքս Ճիւքսն է: 1874-ին Ռիչըրտ Տակտէյլ անունով ընկերաբան մը տասներեք բանտեր այցելեց Նիու Եորքի ափսթէյթ բաժինին մէջ: Ան գտաւ վեց անձեր՝ չորս տարբեր մականուններու տակ, որոնք ազգականներ էին: Ասիկա հետաքրքրութիւն մը յառաջացուց մէջը եւ մղեց զինք, որ աւելի խորը սուզուի այդ ընտանեկան գիծի պրատութին մէջ: Անոր այդ փնտուտուքը զինք եւ տարաւ հոլանատացի գաղթականի մը՝ Մաքս Ճիւքս անունով, որ ծնած էր 1720-ի եւ 1740-ի միջեւ: Տարիներու ժրաշան ուսումնասիրութիւններէ ետք, Տակտէյլ գտաւ Ճիւքսի սերունդէն 540 հոգի: Անոնց մէջ կային 76 դատապարտեալ ոճրագործներ, 18 հանրատուն կառավարողներ, 120 պոռնիկներ եւ աւելի քան 200 կառավարութենէն օժանդակութիւն ստացողներ: Կարճ ձեւով ըսելով, կային սերնդային անէծքներ, որոնք առաջնորդած էին սխալ վարմունքներու եւ կառավարութեան վրայ տասնեակ միջինաւոր տոլարի ծախս եղած էին՝ այսօրուայ թղթադրամի արժէքով (Տակտէյլ, *Տը Ճիւքս*):

Հիմա բաղդատենք զինք Ճոնըթըն Էտուլըրտզի հետ, որ ծնած էր նոյն ժամանակաշրջանին: Ան վերարթնութեան առաջնորդ մըն էր, որ գրած էր մեծ թիտվ գիրքեր եւ ներշնչած էր շատերը, որ Աւետարանը ազգերուն տանին: Ան ամուսնացած էր Սառա Փիրփոյնթի հետ, 1727-ին: Այդ զոյգը Աստուծոյ վախը ունէր: Անոնք Աստուածաշունչը կը կարդային եւ միասին կ'աղօթէին ամէն գիշեր նախքան քնանալը: Ունէին տասնմէկ զաւակներ, եւ Ճոնըթըն օրինութեան աղօթը մը կ'ընէր իւրաքանչիւր զաւակի վրայ ամէն օր: Ան ըսած է, թէ՝ «Ամէն տուն պէտք է ըլլայ պզտիկ եկեղեցի մը»:

Ճոնըթընի եւ Սառայի սերունդին պատկանող յայտնաբերուած 1,394 անձերը օրինակ են Աստումծէ վախցողներուն կեանքին մէջ Աստուծոյ խոստումներու իրականացման. անոնք պիտի դիրանան իրենց թշնամիներուն դարպասներուն եւ անոնց զաւակները յաջող պիտի ըլլան ամէն պեր: Անոնց սերունդներուն մէջ կան 13 քոլէճի կամ համալսարանի տնօրիններ, 65 քոլէճի կամ համալսարանի դասախոսներ, 3 Միացեալ Նահագներու ծերակուտականներ, 30 դատաւորներ, 100 փաստաբաններ, 60 բժիշկներ, 75 բանակի եւ ծովութի զինուորականներ, 100 հովիններ եւ միսիոնարներ, 60 ականաւոր հեղինակներ եւ 1 Միացեալ Նահագներու փոխ նախագահ՝ Ասրոն Պըր: Անոնց սերունդը ոչ իսկ մէկ դահեկանի ծախսի նայած է կառավարութեան վրայ (Ռոպըրթ Ալան Ուորտ, *Տը Տիսենվընթս աֆ Ճոնըթըն Էրուլըրդգ*):

Այն վախերը, որոնք կ'ունենայի մեր չորս որդիներուն հետ կապուած կը վերաբերէին անոնց կանուխէն այս կեանքէն հեռանալուն, եւ թէ արդեօք պիտի ատէին իրենց հայրը՝ տարեկան երբեմն մինչեւ 200 օր քարոզելու համար ճամբորդութեան մէջ ըլլալուն պատճառով կամ արդեօք պիտի ատէին զԱստուած՝ զիս այդ առաքելութեան կանչած ըլլալուն համար: Գիշեր մը՝ տունէն շատ հեռու խորհրդաժողովի մը ընթացքին ծառայելէ Ետք, անդրադարձայ, որ սուրբ վախի մէջ թերի ըլլալուս պատճառով, չէի կրնար անոնց կեանքերը Յիսուսի յանձնել: Պոռալով աղօթեցի. «Հայր, այս չորս որդիները իմս չեն այլեւս. անոնք կը պատկանին Յիսուսի: Կրնաս ինչ որ ուզես անիկա ընել իրենցմով: Բայց Զարախօս, դուն բնաւ պիտի չդպչիս անոնց»: Այդ օրուընէ ի վեր ես բնաւ վախ չեմ ունեցած անոնց կեանքերուն համար:

Ատկէ կարճ ժամանակ ետք Աստուած կարեւոր ճշմարտութիւն մը բացայայտեց ինձի իր խօսքին միջոցաւ: Փենեհիս Ահարոն քահանայի թռոներէն էր: Ան նախանձախնդիր էր Աստուծոյ հանդէպ եւ Խրայէի ժողովուրդին նկատմամբ: Անոր Աստուծոյ վախը զինք առաջնորդեց ընելու այն ինչ որ ուրիշ հաատացեալներ վախցան ընելու. ան համարձակօրէն պաշտպանեց ճիշդը: Ասիկա ընելուն համար Աստուած ըսաւ. «Հետեւաբար ըսէ. “Սիա ես անոր կու տամ իմ խաղաղութեան ուխտս: Ասիկա յափունական քահանայութեան ուխտ մը պիտի ըլլայ անոր եւ անկէ Ետք՝ անոր զարմին”» (Թիւերու 25.12): Հիմնականին մէջ անոր սերունդին խոստացուեցաւ Աստուծոյ հետ աւելի մտերիմ յարաբերութիւն՝ իր սուրբ վախը ունենալուն համար: Սուրբ Հոգին ինձի ցոյց տուաւ, թէ մեր որդիներուն պաշտպանութիւնը իր կամքին նկատմամբ Լիսայի եւ իմ Ձերմեռանդ հնազանդութեան մէջ էր:

Հիմա տարիներ Ետք, մեր չորս որդիներն ալ աշխատած են Մասենճը Ինթըրնաշընըի մէջ առնուազն ինը տարի: Անոնցմէ երկուքը գիրքեր իրատարակած են, բոլորն ալ առաջնորդներ են եւ ամէնէն կարեւոր՝ բոլորն ալ կ'ապրին Աստուծոյ սուրբ վախով: Մարդիկ շարունակ կը հարցնեն մեզի, թէ ինչ ըրինք, որ մեր զաւակները բոլորն ալ բարեպաշտ տղամարդիկ եղան: Անկեղծօրէն, ատիկա կապ չունէր մեր իմաստութեան հետ, եւ իբրեւ ծնողներ մեր գործած շատ մը սիսալները հատորներով գիրքեր կրնան լեցնել: Սակայն այն բանը, որ ճիշդ ըրինք սուրբ վախի մէջ քալելն էր:

Երբ մեր որդիները պատիկ շեղումներ ունեցան իրենց դեռահաս տարիներուն, Լիսան եւ ես աղաղակեցին Տիրոջ, որպէսզի իր խոստումները հաստատուէին մեր որդիներուն կեանքերուն մէջ, եւ մենք շարունակեցինք սուրբ վախով ապրիլ: Բնաւ չկորսնցուցինք մեր

հաւատքը. դուք ալ պէտք չէ կորսնցնէք զանիկա: Աստուծոյ խոստումը ձեզի՝ որոնք կը վախնան Տիրոջմէ, այն է, որ ձեր զաւակները «հզօր պիտի ըլլան երկրի վրայ» (Սաղմոսներու 112.2, ըստ անգլերէն Նիու Քինկ Ճէյմզ Վըրժըն (NKJV) տարբերակէն):

Անձնականացնել

Հատուած- Քու որդիներդ ձիթենիի տունկերուն պէս պիտի ըլլան սեղանիդ շուրջը: Ահա այսպէս պիտի օրինուի Տէրոջմէն վախցող մարդը: (Սաղմոսներու 128.3-4)

Միտք- Երբ կը մնաս սուրբ վախի մէջ, նշանակալից բան մը կը փոխանցուի սերունդներութ: Ոչ միայն անոնք ազդեցութիւն ունեցող մարդիկ պիտի ըլլան, այլեւ դուն պիտի շարունակես օրինուիլ անոնց միջոցաւ:

Խոկալ- Ինչպէս կը տեսնեմ զաւակներս (կամ ապագայի զաւակներս): Կը մտահոգուիմ անոնց ապագայով: Արդեօք զանոնք ամբողջութեամբ յանձնած եմ Յիսուսի տիրութեան: Անոնց առջեւ սուրբ վախով կը քալեմ: Արդեօք կը մտածեմ, կ'աղօթեմ եւ կը խօսիմ անոնց ներկայի վարմունքին համաձայն կամ Աստուծոյ խօսքի խոստումներուն համաձայն:

Աղօթք- Սիրելի Տէր, խօսքդ կ'ըսէ, թէ յախտենական աւանդ մը ապահոված կ'ըլլամ եթէ սուրբ վախով ապրիմ: Կը հաւատամ Քու այն խոստումիդ թէ՝ զաւակներս հզօր պիտի ըլլան երկրի վրայ: Անոնք պիտի ըլլան ազդեցիկ, յաջող եւ պատի պիտի բերեն Քու անունիդ եւ իմ անունիս: Որոշած եմ շարունակել համարձակօրէն աղօթել՝ այդ խոստումներուն կատարման համար: Ասիկա կը խնդրեմ Յիսուսի անունով: Ամէն:

Դաւանութիւն- Զաւակներս հզօր են երկրի վրայ, յաջող ամէն տեղ որ երթան եւ կը տիրեն իրենց թշնամիներուն դարպասներուն:

Երբ ուզենք սահմանել,
թէ մարդուն ճշմարիտ
իմաստութիւնը ի՞նչ բանէ կը
բաղկանայ, յարմարագոյն բառը,
որ կարելի է գործածել այն է, որ
որոշակիօրէն կ'արտայայտէ
Աստուծոյ վախը:

– ՕԳՈՍՏԻՆՈՍ ԵՐԱՆԵԼԻ

39 | ԱՄԷՆԷ ԿԱՐԵՒՈՐ ԲԱՆԸ

Այս գլուխին մէջ խօսուելիք նիւթը այնքան ընդարձակ է, որ ամբողջ գիրք մը կարելի է գրել միայն անոր մասին: Եւ սակայն անկէ խուսափիլը թերի կամ անկատար կը դարձնէ այս պատգամը: Ուստի մօտեցիր այս գլուխին իբրեւ ծանօթութիւն մը սուրբ վախի այս կարեւոր երեսին:

Մտիկ ըրէ մեր Ստեղծիչին սիրտէն բխած այս խօսքերուն. կեանքի խօսքեր, ճշմարտութեան խօսքեր, խօսքեր, որոնք կը պաշտպանեն, խօսքեր, որոնք պիտի մնան արեւին, լուսինին եւ աստղերուն անցնելէն ալ ետք, խօսքեր, որոնք աելի վստահելի են քան այն երկիրը, որուն վրայ կը կանգնինք.

Երջանիկ է այն անձը, որ իմաստութիւն կը գտնէ, եւ ան, որ հասկացողութիւն կը շահի [...] ոչինչ, որ կը ցանկաս կարելի է բաղդատել անոր հետ: (Առակներու 3.13,15, շեշտադրումը՝ մեր կողմէ)¹

Ոչինչ կայ այս աշխարհի մէջ, որ համարժէք է աստուածային իմաստութեան: Ուշագրաւ է. ոչինչ: Ասոր համար մեզի կ'ըսուի. «Իմաստութիւն ձեռք ձգելը ամէնէն կարեւոր բանն է, որ կրնաս ընել» (Առակներու 4.7)², եւ երբ զանիկա կը գտնես, անիկա «պիտի առաջնորդէ քեզ բերկրայի ճամբաներու մէջ. անոր բոլոր ճամբաները

1 Բառացի թարգմանութիւն՝ անգլերէն Նիու Լիվինկ Թրանսլյշըն (NLT) տարբերակէն

2 Բառացի թարգմանութիւն՝ անգլերէն Կուլու Նիուգ Թրանսլյշըն (GNT) տարբերակէն

գոհացուցիչ են» (Առակներու 3.17)¹:

Պէտք է փնտռենք Աստուծոյ իմաստութիւնը ամէն որոշումի մէջ, որ կու տանք: Որովհետեւ մեզի կ'ըսուի. «Եթէ արժեւորես իմաստութիւնը, անիկա քեզ մեծ մէկը պիտի ընէ» (Առակներու 4.8)²: Ինչ նշանակալից խոստում: *Մեծ բարին երայերէնը կը սահմանուի իբրեւ՝ «բարձրացնել, վեր վերցնել, մեծարուիլ»:* Երբ Աստուած կը բարձրացնէ քեզ, ոչ մէկը եւ ոչ մէկ պայման կրնայ քեզ վար առնել: Ուրեմն իմաստութիւնը ուղին է մնայուն նշանակութեան:

Իմաստութիւնը պէտք է յայտնաբերուի. անիկա ծածկուած է, բայց ոչ անմատչելի: Մէյ մը որ գտնուի, անիկա շատ մեծ օգուտներ կը բերէ: Ուրեմն ինչպէս կը գտնենք զանիկա:

Տէրոջ վախը իմաստութեան սկիզբն է: (Սաղմոսներու 111.10:
Առակներու 9.10, շեշտադրումը՝ մեր կողմէ)

Սկիզբին երայերէնը նշանակալից է: Անիկա կը գտնուի Աստուածաշունչի առաջին համարին մէջ. «**Սկիզբէն Աստուած երկինքն ու երկիրը ստեղծեց**» (շեշտադրումը՝ մեր կողմէ): Այդ բառը կը նշանակէ՝ «սկսելու տեղը» կամ «մեկնակէտը»: Սուրբ վախը իմաստութեան ծագման կէցն է: Այս ճեւով պատկերացուր. նկատի առ պահեստի տուն մը՝ լեցուն մնայուն յաջողութեան համար պէտք եղած ամբողջ իմաստութեամբ: Սակայն միայն մէկ դուռ կայ եւ մէկ բանալի, որով կրնաս ներս մտնել. սուրբ վախը: Եսայի կը գրէ. «Իմաստութեան եւ գիտութեան [...] հարուստ պահեստ մը. Տիրոջ վախը բանալին է այդ գանձին» (33.6, շեշտադրումը՝ մեր կողմէ)³:

Հիմնականին մէջ չկայ մնայուն իմաստութիւն Տիրոջ վախէն դուրս: Սուրբ վախը ծագումն է մնայուն իմաստութեան, բայց օգուտները կը շարունակուին ծագումի տեղէն անդին.

Տէրոջ վախը կեանքի աղբիւր է՝ մահուան որոգայթներէն զերծ պահելու համար: (Առակներու 14.27, շեշտադրումը՝ մեր կողմէ)

Կ'ուզեմ ընդգծել երկու բանալի բառեր. **աղբիւր** եւ **որոգայթներ**: Աղբիւրի համար գործածուած երայերէն բառը ունի «հոսանք» կամ «շարունակ հոսող աղբիւր» իմաստը: Լաւ կեանք մը ապրիլ չի գար

1 Բառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

2 Բառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

3 Բառացի թարգմանութիւն՝ անգլերէն Նիու հնարջնաշընը Վորդըն (NIV) տարբերակէն

ցանցառ, հոս-հոն տրուած լաւ որոշումներէ: Այլ՝ անիկա կու գայ իմաստուն որոշումներու շարունակական հոսքէ մը. որոշումներ, որոնք մնայուն պտուղ կու տան:

Երկրորդ բառը՝ *որոգայթներ*, վերագրում է ծուղակներու կամ կերի: «Այդ երրայերէն բառի ճիշդ հասկացողութիւնը հետեւեալն է՝ այն հրապուրիչ բանը կամ կերը, որ կը դրուի որսորդի մը ծուղակին մէջ» (*Պէյքը եւ Քարփենթը, Տը Քոմփիիթ Ուզրու Սթափի Տիշընըրի*, էջ 585): Ունէ լաւ որսորդ գիտէ, որ ծուղակը երկու բանի պէտք ունի յաջող ըլլալու համար: Պէտք է պահուած ըլլայ՝ այն յոյսով, որ անասունը պիտի չճանչնայ զանիկա իբրեւ ծուղակ մը, եւ պէտք է կեր որուած ըլլայ մէջը՝ անասունը ծուղակին մահացու ճիրաններուն մէջ հրափրելու համար: Բանալի բառերը լաւ հասկնալէ ետք, նայինք ուրիշ հատուածի մը, որ աւելի կը յստակացնէ նշուած ճշմարտութիւնը.

Տէրոջ վախը իմաստութեան կրթութիւնն է: (Առակներու 15.33,
շեշտադրումը՝ մեր կողմէ)

Այդ երկու հատուածներուն ճշմարտութիւնները իրարու միացնելով, կը յայտնաբերենք, որ սուրբ վախը աղբիր մըն է՝ շարունակական հոսանք մը, Աստուծոյ իմաստութենէն եկած թելադրանքներու: Անիկա միշտ ներկայ եղող խորիրդատու մըն է, որ չի մրափեր կամ քնանար, այլ՝ շարունակ կը մարզէ մեզ՝ կեանքի մէջ իմաստուն որոշումներ տալու համար:

Մարդկութիւնը հազարաւոր տարիներէ ի վեր փաստած է, որ երբ առանձին կը մնանք, այսինքն՝ անջատուած Աստուծոյ իմաստութենէն, վնասակար որոշումներ կու տանք՝ մինչ լման ժամանակը կը կարծենք, թէ լաւ որոշումներ կու տանք: Ինչո՞ւ ատիկա այդպէս է: Մահուան ձեւերը ծածուկ են եւ կերով կը հրապուրեն, ոչ տարբեր որսորդի մը ծուղակէն: Այն ինչ որ լաւ, օգտակար եւ հաճելի կը թուի յաճախ միայն այն կերն է, որ պիտի հրապուրէ քեզ բանի մը, որ վերջաւորութեան վատ է, անիմաստուն, վնասակար եւ վշտալի ցաւ պատճառող: Տիրոջ վախը կը պաշտպանէ մեզ ատկէ՝ հաւափարմօրէն մեզ շեղելով այդ ծուղակներէն:

Եթէ նայիս այսօրուան ընկերութեան, կը տեսնես մեծ եւ խելացի տղամարդիկ եւ կիներ, որոնք իրենց տուած որոշումներով իրենց ազդեցութեան տակ եղողները կործանումի կը տանին: Միեւնոյն ատեն ուրիշներ կոյր են անոնց անմտութեան դիմաց: Աստուածաշունչը կ'ըսէ, թէ սուրբ վախը մերժելով, «իրենց միտքը

անմտութեամբ խաւարեցաւ: Իրենք զիրենք իմաստուն համարելով՝ «իմարացան» (Հռոմայեցիներուն 1.21–22): Երբ միտքերը կը խաւարին, տեսողութիւնն ալ կը խաւարի. միայն ժամանակի հարց է գլխուդ վրայ իյնալդ մահուան ծածուկ եւ կերով քեզ հրապուրող ծուղկաներուն մէջ:

Սակայն հակառակն ալ ճիշդ է: Երբ ամուր կերպով կը կառչինք սուրբ վախին, կ'ունենանք միշտ ներկայ եղող եւ մնայուն կերպով հոսող իմաստութեան խորհրդատու մը, որ մեզի կու տայ կարողութիւնը մնայուն, օգտակար որոշումներ տալու: Նոյնիսկ երբ անգիտակից կ'ըլլանք թագնուած մահաբեր ծուղակներուն, աղբիւը շարունակ կը պաշտպանէ մեզ անգիտակցաբար ծուղակը իյնալէն:

Քննենք այդ սկզբունքը, խօսելով այն մարդուն մասին, որ Աստուծոյ հետ ուխտ չունէր, բայց կը վախնար Աստուծմէ: Ան Գերարայի Աբիմելէք Թագաւորն էր: Աբրահամի կինը՝ Սառան առաւ իր հարեմին մէջ, բայց ատկէ ետք Աստուած իրեն երազի մը մէջ յայտնուեցաւ եւ ըսաւ. «Ահա այդ կնոջ համար՝ որ դուն առիր, պիտի մեռնիս. քանի որ ան ամուսին ունի» (Ծնունդներու 20.3):

Աբիմելէք աղաղակեց. «Տէր [...] ես այս բանը պարկեշտ սիրտով եւ անմեղ ծեռքերով ըրի» (հմր 4–5): Հոս գործածուած «Տէր» բառին համար մեզի կ'ըսուի, թէ անիկա կը նշանակէ «իմ Տէրս» (Պէյքը եւ Քարիկենթը, *Sը Քոմիլիթ Ուըրու Մթապի Տիքշընըրի*, էջ 18): Անոր Աստուծմէ վախը բաւական բացայատ է Աստուծոյ տուած անուանումին մէջ ինչպէս նաեւ անոր պատասխանին: Հիմա մտիկ ըրէ, թէ Աստուած ինչ կ'ըսէ իրեն.

Ես ալ գիտցայ թէ այս բանը պարկեշտ սիրտով ըրիր. նաեւ քեզ զերծ պահեցի ինծի դէմ մեղանչելէն. ատոր համար քեզի չթոյլատրեցի որ անոր դպչիս: (Ծնունդներու 20.6, շեշտադրումը՝ մեր կողմէ)

Հակառակ անոր մասին անգիտակից ըլլալուն, Տիրոջ վախը այն խորհրդատուն էր, որ պահեց այդ թագաւորը մահուան ծուղակին մէջ իյնալէն: Ծուղակը ծածկուած էր՝ Սառան իբրեւ Աբրահամի քոյրը ներկայացնելու խարեկան ձեւին մէջ: Սակայն սուրբ վախը պաշտպանեց զինք: Ինչպէս է, որ այդ հեթանոս թագաւորը, որ յայտնի ուխտ մը չունէր Աստուծոյ հետ եւ որ չունէր Աստուծոյ գրաւոր խօսքը, վախին դողաց երբ գիտցաւ, որ ուրիշ մարդու մը կինը առած էր: Պատասխանը կը գտնենք Պողոսի գրութեան մէջ. «Հեթանոսները Աստուծոյ Օրէնքը չունին. բայց երբ բնականօրէն Օրէնքին պահանջները

կը գործադրեն, Օրէնքը չունենալով՝ նոյնինքն իրենք են իրենց Օրէնքը: Անոնք ցոյց կու տան, որ Աստուծոյ Օրէնքին պահանջները իրենց սիրտերուն մէջ գրուած ունին, որուն կը վկայէ նաեւ իրենց խիղճը, եթի իրենց դատողութիւնները զիրենք կը յանդիմանեն կամ կ'արդարացնեն» (Հոռմայեցիներուն 2.14–15):

Առաւել, ինչպէս է, որ այդ հեթանոս թագաւորը կը դողայ ուրիշ մարդու մը կինը առած ըլլալու խորհուրդին պատճառով, եւ սակայն տարիիներու հովիւ մը կամ տարիիներ շարունակ եկեղեցի յաճախող մէկը ուրիշ մէկու մը կնոջ հետ շնորհիւն կը գործէ... բան մը, որ աւելի յաճախակի կերպով կը տեսնենք ժամանակի ընթացքին: Հրթիոներու գիտնական ըլլալու պէտք չկայ: Հակառակ անոր որ տուեալ հովիւը կամ եկեղեցի յաճախողը իր բերանով կը դաւանի, թէ Յիսուսի կը պատկանի, Աստուծոյ վախը չունի: Մեզի կ'ըսուի.

Ես մահէն աւելի դառն գտայ այն կինը՝ որուն սիրտին մէջ ցանցեր եւ ուռկաններ կան, ու ձեռքերուն մէջ՝ կապեր. Աստուծոյ առջեւ հաճելի եղողը անկէ կ'ազատի, բայց մեղատրը անկէ կը բռնուի: (Ժողովոյի 7.26, շեշտադրումը՝ մեր կողմէ)

Աստուծոյ Խօսքը չ'ըսեր, թէ չարը ծուղակը պիտի իյնայ, այլ՝ մեղատրը. ան, որ ակնկալուած արդինքը չի տար՝ իր սուրբ վախ չունենալուն պատճառով: Ասիկա կրնայ շատ դիւրութեամբ ըլլալ մէկը, որ Քրիստոնեայ ըլլալ կը դաւանի: Յակորոս հաւատացեալներուն կը գրէ, ըսելով. «Լուացէք ձեր ձեռքերը, մեղատրոներ. մաքրեցէք ձեր սիրտերը, քանի որ ձեր հաւատարմութիւնը բաժնուած է Աստուծոյ եւ աշխարհի միջեւ» (4.8, շեշտադրումը՝ մեր կողմէ)¹:

Արեւմուտքի մէջ մեր ընդունած Աւետարանը կամաց–կամաց վերցուցած է Աստուծոյ վախը մեր սիրտերէն՝ մեզի սորվեցնելով կեղծ շնորհի մը մասին, որ մեզ տարբեր ձեւով կը մարզէ քան ինչպէս Աստուծոյ իմաստութիւնը կը մարզէ: Անիկա յառաջ կը բերէ ոչ–առողջ աղբիւր մը աղաւաղուած խորհուրդի, որ կը վերցնէ մեզ մեղքէն պաշտպանող զսպիչ ոյժը: Սակայն իսկական շնորհը բախում չ'ունենար սուրբ վախին հետ:

Քանի որ Աստուծոյ փրկարար շնորհը երեւաւ բոլոր մարդոց, կրթելով [«սորվեցնելով», ըստ անգլերէնի Նիու Քինկ

1 Քառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

Ճէյմզ Վըրժըն (NKJV) տարբերակին] մեզ՝ որ ուրանանք ամբարշտութիւնն ու աշխարհային ցանկութիւնները, եւ ապրինք խոհեմութեամբ, արդարութեամբ ու բարեպաշտութեամբ այս ներկայ աշխարհին մէջ: (Տիտոսի 2.11–12, շեշտադրումը՝ մեր կողմէ)¹

Չենք կրնար բաժնել Աստուծոյ ճշմարիտ շնորհը Աստուծոյ սուրբ վախէն: Իրարու միացած են եւ երկուքն ալ կը կրթեն (կը սորվեցնեն). շարունակ խորհուրդ տալով մեզի կամ խրատելով մեզ՝ ետ կը պահեն մեզ մահուան ծուղակներէն:

Յիսուսը դաւանող, ուխտի ժողովուրդին մէջ համաճարակի պէս տարածուած այդ անբարեպաշտ վարմունքը նոր բան մը չէ: Ամբողջ Խսրայէի եւ Եկեղեցւոյ պատմութեան մէջ կը տեսնենք նոյն ծեւին կրկնութիւնը: Բայց անիկա աւելի կը սաստկանայ այս վերջին օրերուն, որոնց համար Յիսուս ըսաւ, որ պիտի նշուին խարկանքով: Սուրբ վախի բացակայութիւնը կը բանայ մարդոց սիրտերը եւ շոնչերը խաւարի խորհուրդներուն առջեւ, որոնք կ'երեւին թէ ճիշդ են, բայց իրականութեան մէջ առանց անդրադառնալու կ'առաջնորդեն մեղքի եւ մահուան:

Ներկայիս մեր ընկերութեան մէջ անօրէնութեան ոյժը արագացած ընթացքի մը մէջ է: Կարծես դէպի վեր ելլող կոր գիծի մը վերի բաժինին մէջն ենք: Եթէ հաւատացեալներուն մէջ լայն տարածում եւ ընդունելութիւն գտած կեղծ շնորհը շարունակէ ջնջել սուրբ վախը հաւատացեալներու սիրտերէն, Յիսուսը դաւանող Քրիստոնեաներու բազմութիւններ պիտի սահին եւ երթան անօրէնութեան խարկանքներու հոսանքին մէջ: Մենք պէտք ունինք սուրբ վախի վերարթնութեան մը, տրուած ըլլալով, որ անիկա շարունակ կը պաշտպանէ մեզ խարկանքէն: Անիկա մեր սիրտերը համապատասխան կը պահէ ճշմարտութեան հետ, նոյնիսկ երբ մարդոց մեծամասնութիւնը գլուխն ի վար ինկած է խարկանքի մէջ:

Ընդունէ սուրբ վախը իբրեւ մեծագոյն գանձդ: Զանիկա պահէ աւելի ժրաջանօրէն գան պիտի պահէիր մէկ միլիոն տոլարը, ամէնէն թանկարժէք գոհարեղինը կամ ամէնէն աղուոր տունը: Մենք այդ արժէքաւոր բաները կը պահենք դաշնակցային ապահովագրութիւն ունեցող դրամատուներու, մեծ պահոցներու եւ գանձարկղներու մէջ կամ տան մէջ ահազանգի համակարգեր դնել կու տանք, եւ սակայն

1 Աստուածաշոնչ Հին եւ Նոր Կտակարաններու՝ Եբրայերէն եւ Յունարէն Բնագիրներէն Թարգմանուած, 2001

մեծագոյն գանձը Տիրոջ վախն է: Ասոր համար մեզի կ'ըսուի. «Պահէ սիրտդ ամբողջ զգուշութեամբ, քանի որ կեանքի աղբիւրները անկէ են» (Առակներու 4.23):

Անձնականացնել

Հատուած- Ահա իմաստութիւնը կը գոչէ, ու հանճարը իր ձայնը լսել կու տայ [...] Արդարեւ զիս գտնողը կեանք կը գտնէ ու Տիրոջ բարեհաճութիւնը կը ստանայ, իսկ ինծի դէմ մեղանչողը իր անձին կը վսասէ: (Առակներու 8.1,35-36)

Միտք- Իբրեւ Քրիստոսի հետեւորդ մը իմաստութիւն ստանալը ամէնէն կարեւոր բանն է, որ կրնանք ընել: Տիրոջ վախը իմաստութեան աղբիւրն է. անիկա մեզ կը պաշտպանէ մահուան ծուղակներէն:

Խոկալ- Արդեօք ես սահման դրե՞ր եմ: Որոշամծ եմ ցարիլ ընկերութեան իմաստութեան, որ հակառակ է Աստուծոյ խօսքի ըսածներուն: Պատրահատ եմ հալածանք կրելու Անոր խօսքին նկատմամբ իմ համոզումիս եւ հնազանդութեանս համար: Ինչպէս աւելի ուշադրութեամբ հետամուտ պիտի ըլլամ Յիսուսի իմաստութեան իմ ամենօրեայ որոշումներուս մէջ:

Աղօթք- Սիրելի Հայր, Յիսուսի անունով, կ'աղաղակեմ Քու իմաստութեանդ եւ հասկացողութեանդ համար: Կը խնդրեմ, որ բանաս ականջներս եւ աչքերս, որպէսզի ըմբռնեմ զանոնք: Չեմ ուզեր ըլլալ անմիտ մը՝ իմ սեփական կարծիքներս իմաստութիւն համարելով: Պիտի արժեսորեմ Տէր Յիսուս Քրիստոսի իմաստութիւնը եւ վստահիմ Անոր ամէն բանէ աւելի, որ այս աշխարհը կ'առաջարկէ: Կ'ընտրեմ հնազանդի նոյնիսկ եթէ հալածուիմ իմ համոզումներուս կամ հնազանդութեանս համար: Ամէն:

Դաւանութիւն- Վճռած եմ հետամուտ ըլլալ Տէր Յիսուսի իմաստութեան իւրաքանչիւր որոշումի մէջ, որ կու տամ:

Աստուծոյ վախը
կը համապատասխանէ
խոնարհներուն:

– ՕԳՈՍՏԻՆՈՍ ԵՐԱՆԵԼԻ

40 | ՅԱԶՈՂ ԿԵՐՊՈՎ ԱՊՐԻԼ

Առակներու Գիրքի իմաստութեան խորքը կայ ինչ որ կը սիրեմ կոչել՝ «զօրութեան զոյգը»: Այդ երկու առաջինութիւնները մօտէն կապ ունին իրարու հետ. յաճախ մէկը միաը կ'ամբողջացնէ Սուրբ Գիրքերուն մէջ: Անոնք նշուած են հետեւեալ համարին մէջ.

Իրական խոնարհութիւնը եւ Տիրոջ վախը կ'առաջնորդեն հարստութեան, պատիի եւ երկար կեանքի: (Առակներու 22.4, շեշտադրումը՝ մեր կողմէ)¹

Իրական խոնարհութիւնը եւ սուրբ վախը իրարու հետ կապուած են: Բնաւ պիտի չգտնես մէկը, որ կը վախնայ Աստուծմէ եւ որ իրապէս խոնարի չէ: Ոչ ալ պիտի գտնես մէկը, որ իրապէս խոնարի է եւ որ չի վախնար Աստուծմէ: «Իրապէս» բառը կարեւոր է, տրուած ըլլալով, որ կան կեղծ խոնարհութեան զանազան ձեւեր: Այդ մասին աւելի մանրամասնօրէն պիտի խօսինք յաջորդ գլուխին մէջ:

Հակիրճ կերպով նայինք վերը նշուած երեք խոստումներուն. հարստութիւն, պատի եւ երկար կեանք: «Հարստութեան» եբրայերէն բառը ծնէրն է եւ կը սահմանովի իբրեւ՝ «Ստացուածք, հարստութիւն»: Կը նկարագրէ ամէն տեսակի ինչը՝ հող, կալուածք, արջառ եւ սերունդներ»: Անոր իմաստը յստակ է, եւ անիկա սուրբ վախի հետ կապուած մէկ անգամուայ խոստում մը չէ: Սաղմոսողը նաեւ կը գուէ.

Ո՞րքան երջանիկ են անոնք, որոնք կը վախնան Տիրոջմէ եւ կը իրճուին Անոր պատուէրներուն հնազանդելով [...] Անոնք

1 Բառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

*հարուսար պիտի ըլլան եւ անոնց բարի գործերը յափտեան
պիտի մնան: (Սաղմոսներու 112.1,3)*

Հոս գործածուած «հարուստ» բառին տեղ նոյն եքրայերէն բառը գործածուած է՝ օսէր: Ասիկա խնդիր յառաջացնող նիւթ մըն է: Կան ոմանք, որոնք հարստութիւն եւ ստացուածք ունենալը բարեպաշտութեան հակառակ կը համարեն: Սակայն եթէ մեր աւանդութեան սիրոյն յստակ աստուածաշնչական ճշմարտութիւններ կ'անտեսենք, ատիկա հպարտութեան նշան մը չըլլա՞ր, որ վստահաբար հակառակ է սուրբ Վախին:

Ես տարիներ առաջ ատիկա ըմբռնեցի: Մեր ծառայութեան առաջին տարիներուն, Լիսան եւ ես ականատես եղանք, թէ ինչպէս քարոզիներ կը քարոզէին բարգաւաճման աւետարան մը, որ մղեց շատերը, որ հետամուտ ըլլան անկումի տանող հարստութեան կամ ճնխութեան: Պտուղը կործանարար էր՝ շատերը ազահութեան առաջնորդելով, ինչ որ կոռպաշտութիւն է: Մեծ թիւվ հաւատացեալներ շեղեցան ճշմարիտ հաւատքէն եւ իրենք իրենց վրայ բերին զանազան վիշտեր: Վնասին ականատես ըլլալով, Լիսան եւ ես գացինք ճիշդ հակառակ ուղղութեամբ. սկսանք արհամարիել ամէն ուսուցում, որ կը նշէր հարստութիւն, ստացուածք կամ բարգաւաճում: Մեր անհասուն կեցուածքը վերջաւորութեան յանդիմանուեցաւ կամ սրբագրուեցաւ Սուրբ Հոգին կողմէ: Մենք պէտք ունէինք ճիշդ ձեւով հասկնալու այն ճշմարտութիւնը, թէ՝ այն անձը, որ իրապէս կը վախնայ Աստուծմէ, պիտի կարենայ ճիշդ ձեւով վարուիլ հարստութեան հետ եւ պիտի չիյնայ ագահութեան ծուղակը:

Ինչ է նպատակը ստացուածքին եւ հարստութեան: Անոնք միջոցներ են ուրիշները օրինելու: Այս գիրքի գրուելուն ատենը մեր առաքելութիւնը 53 միլիոն աղբիւրներ (գիրքեր եւ դասընթացքներ) բաժնած էր հովիներու եւ առաջնորդներու 130 երկիրներու մէջ, 118 լեզուներով: Մենք նաեւ յառաջ բերած ենք հեռաձայնային կիրարկում մը՝ MessengerX անունով, որ լեզուն է աշակերտելու աղբիւրներով 122 լեզուով եւ որ ներբեռնուած է 230 երկիրներու մէջ. Մենք գումար չենք գանձած անոր գործածութեան համար: Այս ծրագիրները տասնեակ միլիոնաւոր տոլարի նայած են: Ինչ պատահած պիտի ըլլար եթէ մեր այս ջանքերը հովանաւորող տղամարդիկն ու կիները ունենային այն համոզումը, թէ՝ բարեպաշտութիւնը հաւասար է սակաւութեան կամ չքաւորութեան: Եթէ այդպէս համոզուած ըլլային, մենք պիտի չկարենայինք հոգեւորապէս զօրացուցած ըլլալ այն բազմամիլիոն մարդիկը, որոնց հասած ենք:

Շատ մեծ տարբերութիւն կայ ագահութեան եւ ուրիշներու կեանքին մէջ ազդեցութիւն բերելու համար հարստութիւն ունենալուն

միջեւ: Անոնք, որոնք իրապէս կը վախնան Աստուծմէ գիտեն այդ տարբերութիւնը եւ իրենք զիրենք զերծ կը պահեն առաջինէն: Նոր Կտակարանին մէջ, Յիսուսի խաչելութենէն ետք, կը կարդանք.

Երբ երեկոյ եղաւ, Յովսէփ անունով հարուստ մէկը, որ Արիմաթիայէն էր եւ որ ինք ալ աշակերդած էր Յիսուսի, գնաց Պիղատոսի մօս եւ խնդրեց, որ Յիսուսի մարմինը իրեն տրուի: (Մատթէոսի 27.57-58, շեշտադրումը՝ մեր կողմէ)

Յովսէփի հարուստ էր, եւ Սուլք Գիրքը զինք կը կոչէ Յիսուսի աշակերտ: Եւ հետաքրքրականը այն է, որ Յիսուսի հետեւրդներուն մեծ մասը փախուստ տուած էին եւ պահուլստած, մինչ այդ հարուստ մարդը ունեցաւ համարձակութիւնը՝ ինչ որ յառաջ կու գար իր սուլք վախէն, անտեսելու իրեայ դեկավարներուն մարդոց վրայ ունեցած ահարկութեան ազդեցութիւնը ինչպէս նաեւ Հռոմի հզօր ձեռքը, եւ մօտենալու Պիղատոսի եւ խնդրելու, որ Յիսուսի մարմինը իրեն տրուի: Ինչ քաջ մարդ:

Կը խնդրեմ, որ սխալ չհասկնաք: Եթէ մէկը աղքատ է, արդեօք ատիկա կը նշանակէ, որ ան Աստուծոյ վախը չունի՞: Ո՞չ: Սուլք Գիրքերը լեցուն են օրինակներովը տղամարդոց եւ կիներու, որոնք նիւթական հարստութիւն չունեին: Արդեօք ատիկա զիրենք աւելի նուազ բարեպաշտ կը դարձնէր: Անշնչւ ոչ: Իրական հարստութիւնը չի չափուիր դրամով կամ ստացուածքով, այլ՝ ուրիշներուն օգնելու մեր կարողութեամբ: Ահա մեր խոստումը:

Տէրոջմէն վախցէք, ո՞վ անոր սուրբերը, որովհետեւ անկէ վախցողներուն ոչինչ կը պակսի: Արիւծի կորիւննէրը պիտի թշուառանան եւ անօթենան, սակայն Տէրը փնտողներուն ո՞չ մէկ բարիք պիտի պակսի: (Սաղմոսներու 34.9-10)

Բարեպաշտ փափաք է Թագաւորութեան համար ուրիշներու կեանքին մէջ ազդեցութիւն բերելը՝ ըլլայ անկիկա աղօթքով, ուտելիքով, ֆինանսներով, ուսուցումով, աշակերտելով, հիլընկալութեամբ կամ ծառայութեամբ: Լաւ է ունենալ աղբիւրներու առատութիւն՝ իրագործելու համար ամէն բան, որուն կարիքը կայ մեր աստուածային առաքելութեան մէջ: Բարեպաշտ մարդիկը ատիկա կը հետապնդեն եւ այդ ընթացքին իրենք զիրենք անձնապէս օրինուած կը գտնեն: Հպարտները, կրօնամոլները եւ նախանձները իրենց ոյժը պիտի վատնեն վիճաբանելով եւ պնդելով, թէ՝ ինչո՞ւ հաւատացեալները պէտք է աղքատ ըլլան ինչպէս նաեւ պարտադրեն համոզումներ, որոնք Աստուածաշունչին մէջ չեն գտնուիր:

Սողոմոն Թագաւոր իր թագաւորութեան մարդիկը առաջնորդեց Տիրոց վախին մէջ եւ այդ մասին սորվեցուց անոնց: Այդ օրերուն՝ «ամբողջ Յուդան եւ Իսրայէլը խաղաղութեան եւ ապահովութեան մէջ կ'ապրէին: Եւ Դանէն (դէպի հիւսիս) մինչեւ Բերսարէ (դէպի հարաւ), իւրաքանչիւր ընդունիք իր սեփական լունը եւ պարտէզը ունէր» (Գ.Թագաւորներուն 4.25, շեշտադրումը՝ մեր կողմէ): Նաեւ կը կարդանք, թէ ժողովուրդը «շատ գոհ էր՝ առաջ ուտելիք եւ խմելիք ունենալով» (Գ.Թագաւորներուն 4.20, շեշտադրումը՝ մեր կողմէ):¹ Կեցիր եւ հետեւեալ հաստատումը նկատի առ պահ մը. «Իւրաքանչիւր ընդունիք իր սեփական տունը եւ պարտէզը ունէր»: Ոչ ոք կարիքը ունէր կառավարական օժանդակութեան, ոչ ոք անգործ էր կամ աղքատ. բոլորը առանորէն ունէին: Տիրոց վախը կու տայ իմաստութիւն, որմէ կ'օգտուին բոլոր անոնք, որոնք անոր ազդեցութեան տակ են. այս պարագային ամբողջ ազգ մըն էր: Ինչ պիտի պատահի եթէ մեր բոլոր ղեկավարները Տիրոց վախով քալեն:

Իբրեւ վերջին խորհուրդ մը՝ ասիկա խոստում մը չէ, որուն համար պէտք է պայքարինք աղօթքով, ինչպէս Խսահակ պէտք էր, որ պայքարէ՝ Ռեթեկայի արգանդին բացուելուն համար: Յիսուս մեզի կը խոստանայ. «Դուք նախ խնդրեցէք որ Աստուծոյ արքայութիւնը գայ եւ աշխատեցէք իր կամքը կատարել, եւ Աստուած այդ բոլորը աւելիով պիտի տայ ձեզի» (Մատթեոսի 6.33):

Նախ նայինք յաջորդ խոստումին. պարիս: Մեր բացումի համարին մէջ գործածուած «պատիւ» բառին եբրայերէնը քապն'կն է, որ կը սահմանուի իբրեւ՝ «պատիւ, փառք, մնձափառութիւն, հարստութիւն»: Նախորդ գլուխներէն մէկուն մէջ տեսանք, որ անիկա այն բառն է, զոր Մովսէս գործածեց երբ խնդրեց Աստուծոյ փառքը տեսնել: Անիկա կը կրէ կշիռք մը, իշխանութիւն մը, որ չի գար տիտղոսէ մը կամ դիրքէ մը, այլեւ կապուած է նկարագիրի հետ: Ուստի կը յայտնաբերենք սուրբ Վախի մէկ ուրիշ օգուտը. ազնուականութիւն: Անիկա կը փոխակերպէ քեզ արժանապատուութիւն եւ պատիւ ունեցող անձի մը: Առակներու Գիրքը միակ գիրքը չէ, որ այդ օգուտին մասին կը խօսի. սաղմոսողը կը գործածէ նոյն եբրայերէն բառը անոնց համար, որոնք կը վախնան Աստուծմէ. «Անոնք ազդեցութիւն եւ պարիս պիտի ունենան» (Սաղմոսներու 112.9, շեշտադրումը՝ մեր կողմէ):

Նկատի առ Առակներու Գիրքի առաքինի կինը: Ան հոյակապ

1 Բառացի թարգմանութիւն՝ անգլերէն Նիու Լիվինկ Թրանսլյյըն (NLT) տարբերակէն

2 Բառացի թարգմանութիւն՝ անգլերէն Նիու Լիվինկ Թրանսլյյըն (NLT) տարբերակէն

յատկանիշներ ունի: Վստահելի է, իմաստուն, ժրաջան, աշխոյժ, աշխատասէր, բարգաւաճ, հարուստ, ազնիւ, կ'օգնէ կարիքի մէջ եղողներուն եւ կը պաշտպանէ անպաշտպանները: Ուրիշ բացառիկ յատկանիշ մը՝ որ երբեմն կը շրջանցենք եւ կապ ունի մեր նիւթին հետ, հետեւեալն է. «Ան զօրութիւն եւ արժանապատութիւն կը հագնի» (Առակներու 31.25)¹: Այլ խօսքով, ան պատիւ կը հագնի հագուստի պէս՝ ոչ տարբեր մեր հագուստներէն. անիկա տեսանելի եւ նկատելի է բոլորին, որ իր ներկայութեան մէջ կ'ըլլան: Եւ ինչ է անոր վերջին արժանիքը:

Վայելչութիւնը կը խարէ, ու գեղեցկութիւնը ունայն է. սակայն Տիրոջմէն վախցող կինը պիտի գովուի: (Առակներու 31.30, շեշտադրումը՝ մեր կողմէ)

Սուրբ վախն է: Հոս է հիանալի իրականութիւնը. այդ կնոջ վերագրուած ազնուականութիւնը եւ արժանապատութիւնը տրամադրելի են ոեւէ տղամարդու եւ կնոջ, որ կը վախնայ Տիրոջմէ: Ճամբորդութիւններու տարիներուս հանդիպած եմ մեծ թիւվ նշանաւոր կամ կարեւոր դեկավարներու եւ անհատներու: Անոնցմէ շատերը մեծ ազրեցութիւն ծգած են իրենց ապրած վայրին մէջ: Բայց անոնց կերտած բաներէն աւելի ուշադրութիւնս կը գրաէ տղամարդու մը կամ կնոջ մը արժանապատութիւն հագած ըլլալը: Կշիոք մը կայ անոնց ներկայութեան մէջ: Անոնցմէ լոյս, սէր, պատիւ եւ ազնուականութիւն կը ճառագայթէ: Անոնց զաւակները կը սիրեն եւ յարգեն զիրենք, եւ անոնց աշխատակիցներն ու բարեկամները կը սիրեն մօտիկ ըլլալ անոնց: Հետաքրքրականօրէն, անոնցմէ շատերը հանրածանօթ դէմքեր չեն: Ինչ գրուած է անոնց այցետոմսին վրայ. թէ՝ անոնք կը վախնան Աստուծմէ:

Մեր բացումի համարին մէջ նշուած երրորդ խոստումը երկար կեանքն է, կամ երկայնակեցութիւնը: Անիկա մօտէն կապուած է իրական խոնարհութեան հետ: Մենք այդ խոստումին մասին պիտի խօսինք մեր յաջորդ գլուխին մէջ:

1 Բառացի թարգմանութիւն՝ անգլերէն Նիու Լիվինկ Թրանսլյշըն (NLT) տարբերակէն

Անձնականացնել

Հատուած- Տէրոջը վախը՝ չարութինը ատելս է [...] Ես կը սիրեմ զիս սիրողները. զիս փոխով փնտռողները զիս կը գտնեն: Ի՞մ քովս են հարստութիւնն ու փառքը, երկարատեւ փարթամութիւնն ու արդարութիւնը: (Առակներու 8.13,17-18):

Միտք- Սուրբ վախը եւ խոնարհութիւնը կը խոստանան հարստութիւն, պատի եւ երկար կեանք: Հարստութիւնը չի չափուիր մեր ունեցած դրամին կամ ստացուածքին չափովը, այլ՝ ուրիշներուն օգնելու մեր կարողութիւնովը: Ազնուականութիւնը փաթթուած է մեր նկարագիրին մէջ, ոչ մեր տիտղոսին կամ դիրքին:

Խոկալ- Առողջ լոյսով կը նայիմ հարստութեան: Արդեօք զանիկա կը հետապնդեմ անապահովութեան, վախի կամ ազահութեան մղումով: Արդեօք աւելի լաւ կ'ըլլայ, որ սուրբ վախը հետապնդեմ եւ հաւատամ ուրիշներու կեանքին դաշելու նպատակով առատութիւն ունենալու խոստումին: Ինծի համար ինչ կը նշանակէ արժանապատութիւն հագած ըլլալը:

Աղօթք- Սիրելի Հայր, կը խնդրեմ, որ կատարես այն խոստումդ, թէ՝ իրական խոնարհութեան եւ սուրբ վախի հետամուտ ըլլալովս պիտի ունենամ այն հարստութիւնը, պատիւը եւ երկար կեանքը, որոնց պէտք ունիմ իրագործելու համար ուրիշներուն ծառայելու իմ աստուածային առաքելութիւնս: Յիսուսի անունով: Ամէն:

Դաւանութիւն- Երկնաւոր Հայրս ինծի խոստացած է՝ հարստութիւն, պատի եւ երկար կեանք երբ ես հետամուտ կ'ըլլամ սուրբ վախի եւ իրական խոնարհութեան:

Գիտակից անձը
ճիշդ ճամբուն
մէջ կը մնայ:

– ԱՌԱԿՆԵՐՈՒ 15.21¹

1 Բառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

41 | ԼԱՒ ԿԵՐՊՈՎ ԱՒԱՐՏԵԼ

Չենք կրնար ամբողջական կերպով խօսած ըլլալ լաւ կերպով ապրելու մասին եթէ չներառենք նաեւ լաւ կերպով աւարտելը: 18-րդ գլուխին մէջ ակնարկութիւն ըրինք երկայնակեցութեան մասին, բայց այս գլուխին մէջ աւելի պիտի բացատրենք անիկա եւ պիտի տեսնենք, թէ ինչպէս Տիրոց վախը եւ խոնարհութիւնը կարեւոր դեր ունին անոր մէջ:

Իրական խոնարհութիւնը եւ Տիրոց վախը կ'առաջնորդեն հարստութեան, պատիի եւ երկար կեանքի: (Առակներու 22.4, շեշտադրումը՝ մեր կողմէ)¹

Սուրբ վախի ամէնէն մեծ օգուտներէն մէկը երկար օրերն են: Աստուածաշունչը կ'ըսէ. «Տէրոց վախը օրեր կ'աւելցնէ» (Առակներու 10.27): Ինչ խոստում... եւ միայն մէկ անգամ չէ, որ կը նշուի ատիկա Աստուածաշունչին մէջ, որովհետեւ դարձեալ մեզի կ'ըսուի, թէ՝ սուրբ վախի իմաստութիւնով «քու օրերդ պիտի շատնան ու կեանքիդ տարիները աւելնան» (Առակներու 9.11): Մեզի ոչ միայն կը տրուի կեանքի տարիներու աւելնալու խոստումը, այլև կ'ըսուի, թէ՝ մեր տարիները աւելի արդիւնակտ պիտի ըլլան:

Ուրիշ հաստատում մըն ալ կը գտնուի Տասը Պատուիրաններէն մէկուն մէջ: Տիրոց վախը կը ներշնչէ մեզ, որ առանց պայմանի պատուենք մեր ծնողները, եւ ատոր դիմաց մեզի կը խոստացուի՝ «որպէսզի միշտ բարիք գտնեն եւ երկրի վրայ կեանքը երկար ըլլայ» (Եփեսացիներուն 6.3): Անգամ մը եւս կը տեսնենք ոչ միայն

1 Բառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

Գանձին Օգուտները

Երկայնակեցութիւն, այլև արդինաւէտութիւն: Ասոնք խոստումներ են, զորս կրնանք խնդրել աղօթքի մէջ:

Ասիկա ըսելէ ետք կարեւոր է նշել, թէ եթէ կեանքը որակ չունենայ, տարիներու աւելնալուն հաճոյքը կը պակսի: Իր յոռետեսութեան տարիներուն Սողոմոն գրեց. «Մահուան օրը [աւելի լաւ է] քան ծնունդին օրը» (Ժողովոյի 7.1): Յատակ է, որ հաճոյք չէր առներ կեանքէն երբ գրեց այդ բառերը: Ի՞նչն է, որ որակ կու տայ կեանքին: Իրական խոնարհութիւնը եւ Տիրոց վախոր:

Տարիներ առաջ աղօթքի մէջ էի եւ կարդացի.

Ոզիա թագաւորին մահուան տարին՝ Տէրը տեսայ, որ բարձր ու վեհանիստ գահի վրայ բազմած էր. անոր [պարեգօդին] քղանցքը տաճարը կը լեցնէր: (Եսայի 6.1)

Եսայի Տէրը տեսաւ իր ամբողջ փառքին մէջ: Ինչպէս ըսինք նախորդ գլուխներէն մէկուն մէջ, ան տեսաւ Ամենակարողը իր գահին վրայ, հսկայ իրեշտակները եւ անոնց գոշինի ծայնէն սեմերուն հիմներուն ցնցուիլը: Այդ փորձառութենէն ետք, անոր կեանքը արմատականօրէն փոխակերպուեցաւ:

Այդ պատմութիւնը կարդալէ ետք, աղաղակեցի. «Տէր, ես ատոր պէտք ունիմ. թարմ տեսիլը մը Յիսուսի»:

Սուրբ Հոգին փսփսաց սիրտիս մէջ. «Այդպէս չէր, որ սկսած եմ այդ համարը: Ես գնա եւ նորէն կարդա»:

Շուարեցայ, բայց ըրի այն ինչ որ ըստեցաւ ինձի, եւ այս անգամ «Ոզիա թագաւորին մահուան տարին» բառերը էջէն դուրս ցատկեցին:

Ապա լսեցի. «Ոզիա պէտք էր մեռնէր, որպէսզի Եսայի իմ մասիս թարմ տեսիլը մը ունենար»:

Այդ ատեն ես ծանօթ չի Ոզիային. միայն գիտէի, որ Իսրայէլի կամ Յուդայի բազմաթիւ թագաւորներէն մէկն էր: Բայց երբ սկսայ ուսումնասիրել անոր կեանքը, կարգ մը հետաքրքրական իրականութիւններ յայտնաբերեցի: Ան միայն տասնվեց տարեկան էր երբ Յուդայի թագաւորը եղաւ, եւ յիսուներկու տարի թագաւորեց: Այն օրերու կացութիւնը աւելի լաւ բացատրելու համար, նշեմ, որ այս գիրքը գրելու ատեն ես Միացեալ Նահանգներու տասը նախագահներու պաշտօնավարութեան օրեր տեսած եմ յիսուներկու տարուայ ընթացքին: Ոզիա Երկար տարիներ թագաւորեց:

Տասնինգ տարեկան հասակին միիոնաւոր ժողովուրդի վրայ իբրեւ կառավարիչ կարգուած ըլլալով, ան իմաստուն բանը ըրաւ. Աստուծոյ դիմեց: Աստուածաշունչին մէջ կը կարդանք. «Որքան

ժամանակ որ Տէրը կը փնտոէր, Աստուած անոր յաջողութիւն կու տար» (Բ.Մնացորդներուն 26.5): Օ՛, ինչ յաջողութիւն: Աստուծոյ իրեն տուած իմաստութիւնը առաջնորդեց զինք զարմանալի մեծութեան: Ան զօրացուց տնտեսութիւնը, վերականգնեց քաղաքներ, հզօր բանակ մը կերտեց եւ ետ առաւ տարածքներ, զորս իր հայրերը կորսնցուցած էին: Աստուածաշունչին մէջ կը կարդանք, թէ՝ «Անոր համբաւը հեռաւոր տեղեր տարածուեցաւ, որովհետեւ ան սքանչելիօրէն օգնութիւն ստացաւ՝ մինչեւ որ ուժովցաւ» (Բ.Մնացորդներուն 26.15):

Սակայն Սողոմոնի նման Տիրոջ վախը իր գանձը չըրաւ: Դժբախտաբար Աստուածաշունչը կ'ըսէ.

«Բայց երբուժովցաւ, անորսիրտը իսրոյիսպացաւ՝ իր կործանումին համար»: (Բ.Մնացորդներուն 26.16, շեշտադրումը՝ մեր կողմէ)

Այդ ընթացքին ան կորսնցուց իր խոնարհութիւնը եւ սուրբ վախը, որոնցմով սկսած էր իր ճամբան: Ահա կարեւոր ճշմարտութիւն մը. «զօրութեան զոյզ» արժանիքները կ'արտադրեն պտղաբերութեան ընթացք մը, ինչ որ կը նշանակէ, թէ ընդհանրապէս յաջողութիւնը կը շարունակուի նոյնիսկ երբ այն արժանիքները, որ սկիզբ տուին եւ մղեցին զանիկա այլեւս անոր ետին չեն: Ասլէտ ետք ինչ որ կը կարդանք բաւական հետաքրքրական է.

«Արդարեւ Տիրոջ՝ իր Աստուծոյն հանդէա ուխտազանց եղաւ, ու Տիրոջ տաճարը մտաւ՝ որպէսզի խոնկի զոհասեղանին վրայ խունկ ծխէ»: (Բ.Մնացորդներուն 26.16)

Սուրբ Հոգին ինծի հարցուց հարցում մը. «Տղան, Ոզիա աւելի՞ հոգեւոր կամ նուազ հոգեւոր դարձաւ երբ խրոխտացաւ (հպարտացաւ)»: Անմիջապէս անդրադարձայ, որ պատասխանը կարծուածին կամ ակնկալուածին հակառակն էր: Ես միշտ կը մտածէի, որ երբ հպարտութիւնը մտնէ մէկու մը սիրտը, ան նուազ հոգեւոր կը դառնայ: Սակայն Ոզիա տաճարը մտաւ հոգեւոր արարքներ ընելու համար Տիրոջ առջեւ: Ես ատոր պիտի չանդրադառնայի եթէ Սուրբ Հոգին չհարցնէր ինծի այդ հարցումը:

Ցնցուած, առանց մտածելու հետեւեալը ըսի. «Ան աւելի հոգեւոր դարձաւ»:

Սուրբ Հոգին փսփսաց սիրտիս մէջ. «Հպարտութեան հոգին եւ կրօնապաշտութեան հոգին միասին կը գործեն, եւ մէկը միաը կը զօրացնէ՝ մէկը միաը ծածկելով»: Հպարտութիւնը չ'արտօներ, որ անձը ընդունի, որ կրօնապաշտ դարձած է, իսկ կրօնապաշտութիւնը

կը ծածկէ հպարտութիւնը՝ իր հոգեւոր վարմունքով:

Ապա միտքս եկան Յիսուսի օրուայ փարիսեցիները: Ոզիայի նման, այդ ղեկավարները հաւանաբար անկեղծ սիրով եւ Եհովայի հանդէա սուրբ վախով սկսան իրենց ծառայութիւնը, բայց տեղ մը եկաւ, որ հպարտութիւնը մտաւ իրենց սիրտը: Անոնք հետզհետէ աւելի հեռացան Աստուծմէ, բայց անոնց կրօնական գործունէութիւնները աւելի շատցան:

Ոզիայի դէմ կեցան քահանաները. անոր ոչ-սուրբգրային վարմունքը մատնանշեցին: Երբ ճշմարտութիւնը անոր առջեւ դրուեցաւ, Ոզիա զայրացաւ քահանաներէն (դարձեալ նշան մը, որ ան կորսնցուցած էր իր խոնարհութիւնը): Յանկարծ բորոտութիւն սկսաւ անոր ճակատին վրայ: Այդ թագաւորի կեանքին մնացեալ բաժինը ողբերգական էր. ան մեկուսի սենեակի մը մէջ ստիպուած էր ապրիլ: Իր որդին ստանձնեց արքունապետի պաշտօնը եւ ան կը դատէր ժողովուրդը: Ոզիա մեռաւ բորոտութեան մէջ:

Այդ պատահածներուն նայինք հանրութեան աչքերով: Յուդայի եւ Երուսաղէմի ժողովուրդին համար միակ բացայայտ իրականութիւնը այն էր, որ իրենց թագաւորը բորոտութեամբ վարակուած էր: Կրնաքը պատկերացնել, թէ ընկերային հաղորդամիջոցները ինչպէս պիտի պայթէին այդ լուրով: Հրապարակուած լուրերուն տակ մարդիկ պիտի գրէին՝ «Օ՛, ոչ: Մեր թագաւորը բորոտ եղած է. ինչ մեծ ողբերգութիւն»: Ժողովուրդէն ոչ ոք գիտէր, թէ ինչ կար հիւանդութեան ետին: Բայց ներքին պատճառը Սուրբ Հոգին կու տայ մեզի. սուրբ վախի եւ խոնարհութեան կորուստն էր:

Ատիկա մղեց զիս, որ Տիրոջ հարցնեմ մեր օրերուն պատահածներուն մասին: Սիրտս կը կոտրուէր տեսնելով, թէ նրան մեծ թիւով ղեկավարներ անկում կ'ունենային իմ ապրած ժամանակաշրջանիս ընթացքին: Շատ յաճախ անիկա կ'ըլլար ամուսնութենէ դուրս յարաբերութիւններու պատճառով, բայց երբեմն ալ ալքոլամոլութեան, թմբեցուցիչ մոլութեան, ագահութեան կամ այլ անառակութիւններու եւ անպատշաճ վարմունքներու պատճառով: Տիսուր սիրտով դիտած եմ մեզմէ առաջ, մեզի հետ միասին եւ նոյնիսկ մեզմէ ետք ծառայութեան սկսած ղեկավարներու անկումը: Անոնցմէ իրաքանչիւրը սկսած էր Յիսուսը փառաւորելու մեծ նախանձախնդրութեամբ: Ինչպէս եղաւ, որ տեղի տուին այդպիսի խաւար վարմունքներու: Չտեսան, որ ուրիշներ ինչպէս ինկած էին նոյն մեղերուն մէջ:

Սուրբ Հոգին դարձեալ խօսեցաւ ինձի. «Տղան, այդ ինկած ղեկավարները հորմոններու հարց չունէին, հպարտութեան հարց

ունէին»: Մենք բոլորս միայն տեսանք անոնց ճակատին վրայ սկսած բորոտութիւնը. անոնց արտաամուսնական յարաբերութիւնները, անառակութիւնները եւ այլ վարմունքերը, որոնք զանոնք տարին անկումի: Այն ինչ որ մենք չտեսանք անոնց հպարտութիւնն էր, որ փոխարինած էր սուրբ վախը եւ խոնարհութիւնը: Թէ ճիշդ երբ ատիկա տեղի ունեցաւ, միայն Աստուած գիտէ: Ղեկավարը ինք իսկ չի գիտեր, որովհետեւ հպարտութիւնը կը կուրցնէ իր զոհը, որ կը սկսի յստակ չտեսնել:

Յաջողութեան ստեղծած թափին պատճառով կրնանք դիւրութեամբ մոռնալ մեզ հոդ հասցնող բանը, որ Է՝ խոնարհութեամբ եւ սուրբ վախով ժրաջանօրէն զլստուած փնտոելը: Ասոր համար շատ կարեւոր է, որ երբ յաջողութեան հասնինք, մեր առջեւ պահենք Յիսուսի խօսքերը. «Առանց ինձի դուք ոչինչ կրնաք ընել» (Յովհաննէսի 15.5):

Հիմնականին մէջ Սուրբ Հոգին այդ օրը ինձի ըսաւ. «Ճոն, որ չափով որ հպարտութիւնը կը մեռնի այդ չափով Յիսուսի մասին թարմ տեսիլք մը կ'ունենաս»: Փոխակերպումը շատ կարեւոր է, եւ առանց Յիսուսի մասին թարմ տեսիլքի մը, մեզմէ կը վրիպի աճելով աւելի իրեն նման ըլլալու առիթը: Մեծ թիւով ականատր տղամարդիկ եւ կիներ լաւ կերպով չեն աւարտած իրենց կեանքը, եւ սակայն բրոյրն ալ կը հաւատային, որ կրնային փախուստ տալ կորսուած խոնարհութեան եւ կորսուած սուրբ վախի անխոսափելի հետեւանքներէն: Մի՛ խաբուիր. ամուր կառչէ իրական խոնարհութեան, ամբողջովին Յիսուսէն կախեալ եղիր, եւ սուրբ վախը քու գանձդ ըրէ: Ըրէ ատիկա եւ Աստուած կը խոստանայ հարստութիւն, պատիւ եւ երկար կեանք:

Անձնականացնել

Հատուած- Մտիկ ըրէ, որդեամս, եւ ընդունէ խօսքերս, ու կեանքիդ տարիները պիտի շատնան: (Առակներու 4.10)

Միտք- Ո՞ր չափով որ հպարտութիւնը կը մեռնի այդ չափով Յիսուսի մասին թարմ տեսիլք մը պիտի ունենանք: Իրական խոնարհութիւնը արմատաւորուած է սուրբ վախին մէջ: Անիկա գիտնալն է, թէ՝ առանց Յիսուսի չենք կրնար բան մը ընել: Հետեւաբար կ'ընտրենք ամբողջովին եւ կատարելապէս կախեալ ըլլալ Անկէ:

Խոկալ- Խոնարհութիւնը իրականութիւն մըն է իմ կեանքիս մէջ: Կա՞ն մարզեր կեանքիս մէջ, ուր կը մտածեմ՝ Ես ասոր մէջէն կ'ելլեմ: Ծրագիրներ կ'ընեմ առանց Տիրոջ խորհուրդը հարցնելու: Որոշումներ կու տամ առանց ներսիդիս Իր վկայութիւնը փնտռելու: Եթէ այո, ի՞նչպէս կրնամ փոխել այդ մօտեցումը: Շնորհակալ ըլլալը ի՞նչպէս զիս թէ համարձակ եւ թէ խոնարի կը պահէ:

Աղօթք- Սիրելի Հայր, Յիսուսի անունով, ներէ ինծի կեանքիս հետեւեալ մարզերուն մէջ հպարտութիւն ունենալուս համար (թուէ զանոնք): Կը զղամ անծիս վրայ վստահելուս եւ ինքանքս ուրիշներէն աւելի լաւ սեպելուս համար: Մաքրէ զիս Յիսուսի արինով: Ես ինքանքս կը խոնարհեցնեմ քու առջեւդ եւ ատիկա ընելով կ'ընտրեմ ուրիշները տեսնել աւելի կարեւոր քան իմ անձս: Ամէն:

Դաւանութիւն- Կ'ընտրեմ խոնարհութիւնը եւ Տիրոջ վախը, որ առաջնորդեն իմ կեանքս:

Ես յաճախ կ'աղօթեմ.
«Օ, Աստուած, դրկէ մեզի
զղջումի եւ Աստուծոյ վախի
վերարթնութիւն մը, որ պիտի
ցնցէ ամբողջ ցամաքամասը,
որպէսզի փրկուինք եւ
կարենանք քեզի
պատիւ բերել»:

– ԱՅՏԸՆ ՈՒԻԼՍԸՆ ԹՈՋԸՐ

42| ԳԱՆՁԸ ԳՏՆԵԼ

(Նօր մը ընթերցողին. այս գլուխը միւսներէն աւելի երկար է, որպէսզի պէտք եղած ծեւով լրացնենք պատգամը: Օրական դրութեամբ կարդացողներուն համար, այս գլուխը բաժնած եմ երկու ընթերցումներով՝ առաւտեան եւ երեկոյեան:)

Առաւտեան Ընթերցանութիւն. Օգուտներուն Ամփոփումը

Սուրբ վախի օգուտները այնքան շատ են, որ կարելի չէ մէկ գիրքի մէջ բաւեցնել: Հատորներ կը գրուին եթէ ուզենք ամբողջական ծեւով խօսիլ անոնց մասին: Ես շուրջ երեսուն տարի է, որ կ'ուսումնասիրեմ այս նիւթը եւ տակալին ահով կը լեցուիմ Սուրբ Գիրքերուն ընդմէջէն Սուրբ Հոգիին յայտնածներուն պատճառով: Ուստի այս նիւթը փակենք արագ ակնարկ մը նետելով յաելեալ քանի մը խոստումներու վրայ: Նկատի առ իրաքանչիրը իբրեւ ծանօթութիւն մը՝ յաելեալ հետազոտութեան եւ յայտնաբերումի համար: Ընդունէ այդ խոստումները սիրտիդ մէջ: Մի փորձեր անկարեւոր համարել զանոնք կամ տրամաբանական բացատրութիւններ տալով նուազեցնել անոնց արժէքն: Աղօթքի ատեն զանոնք Աստուծոյ առջեւ դիր: Ասոնք այն գոհարներն են, զորս Աստուծմէ վախցողները պէտք է գտնեն եւ ծեռք ձգեն:

Ո՞րքան երջանիկ են անոնք, որոնք կը վախնան Աստուծմէ. բոլոր անոնք, որոնք կը հետեւին անոր ճամբաններուն: Դուք պիտի վայելէք ձեր աշխատանքին պտուղը: Ո՞րքան երջանիկ եւ բարգաւաճ պիտի ըլլաք դուք: (Սաղմոսներու 128.1-2, շեշտադրումը՝ մեր կողմէ)¹

1 Բառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

Նկատի առ, որ «Երջանիկ» արմատ բառը երեք անգամ կ'երեի վերի երկու համարներուն մէջ [անգլերէնի պարագային նաեւ «Վայելէք» բառին արմատն է՝ *Շարգմանիչ*]: Այն անձը, որ իրապէս կը վախնայ Աստուծմէ, երջանկութեամբ լեցուած կ'ըլլայ: Երջանկութեան մէկ երեսը, որ յատուկ կերպով կը նշուի՝ մեր աշխատանքն է: Բնաւ չեմ մոռնար կեանք փոխող դէպք մը, որ պատահեցաւ երբ իբրեւ երկրաչափ կ'աշխատէի *Ա. Դի. Էմ.* ընկերութեան մէջ 1980-ականներուն սկիզբները: Կը տօնէինք գործակից երկրաչափի մը ընկերութեան մէջ աշխատելու երեսունութերորդ տարեդարձը: Օրուան սկիզբը տասնեակ մը երկրաչափներով հաւաքուած էինք անոր գրասենեակը:

Խօսակցութեան ընթացքին ան բերնէն այսպիսի բան մը փախցուց. «Ես ատելով մտած եմ այս շէնքը ամէն օր երեսունութ տարի»: Միաները խնդացին եւ գլուխ շարժեցին հաւանութեան նշանով:

Ես հոն գործի սկսած էի միայն քանի մը ամիս առաջ: Երիտասարդ էի եւ տգէտ, բայց այդ պահուն նաեւ շփոթի մէջ: Հարցուցի. «Ինչո՞ւ ըրիր»:

Անոր դէմքի արտայայտութիւնը քմծիծաղէն զգուանքի փոխուեցաւ մինչ ինծի դարձաւ, գրասենեակին մէջ գտնուող բոլոր միաներուն հետ միասին, եւ հեգնանքով ըսաւ. «Ճոն, անունը գո՞րծ է: Պէտք է աշխատիս՝ ուտելիք եւ հագուստ գնելու համար»: Միաներուն դէմքի արտայայտութենէն դատելով, կը տեսնէի, որ նոյն զգացումները կը բաժնեկցէին: Հասկցայ, որ մէկ բառ եւս պէտք չէր ըսէի, քանի որ իմաստուն մարդոցմով շրջապատուած չէի:

Միակ պատճառը, որ ես երկրաչափութիւն ուսանած էի լաւ վճարումով գործ մը չգտնելու վախն էր: Անոր ունեցած արտայայտութիւնը մէջտեղ հանեց իմ անսուրը վախս: Այդ օրը որոշեցի, որ ես նոյն բառերը պիտի չարտասանէի երեսունութ տարի ետք: Այդ վախը պիտի չուղղէր իմ կեանքս. Ես Աստուծոյ պիտի վստահէի: Կրնամ ուրախութեամբ ըսել, որ այդ ժամանակէն ի վեր ես վայելած եմ աշխատանքիս պտուղը, եւ այդ խոստումը բոլոր անոնց է, որոնք կը վախնան Աստուծմէ:

Սաղմոսողը կը շարունակէ.

Քու կինդ պտղաբեր որթաստունկի մը պէս պիտի ըլլայ տունէդ ներս, ու քու որդիներդ ծիթենիի տունկերու պէս պիտի ըլլան սեղանիդ շուրջը: *Ահա այսպէս պիտի օրինուի Տէրոջմէն վախցող մարդը:* (Սաղմոսներու 128.3–4, շեշտադրումը՝ մեր կողմէ)

Պիտի վայելես աշխատանքիդ պտուղը, ամուսինդ/կինդ պիտի

ծաղկի, եւ եռանդուն զաւակներդ պիտի ուզեն քեզի հետ ըլլալ: Շատերու կեանքին մէջ կը պակսի այս հատուածներուն մէջ նկարագրուածը: Իրականութեան մէջ ատիկա կը մատնանշէ մեր ընկերութեան մեծ մասին մէջ բացակայ եղող բան մը: Շատեր նոյնիսկ եթէ շատ դրամ կը շահին, կեանքը չեն վայելեր: Հաւ յարաբերութիւն չունին իրենց ամուսինին/կնոջ հետ, եւ իրենց զաւակները որեւէ կապ չեն ուզեր ունենալ իրենց ընտանիքին հետ: Անոնց ընտանիքները կը թօշնին փոխանակ ծաղկելու: Բայց կայ աստուածային յոյս:

Այդ խոստումին յոյսը որոշակի է եւ շատ հիանալի: Անոնց համար չէ, որոնք եկեղեցի կը յաճախեն կամ նոյնիսկ կը դաւանին Յիսուսի հետ յարաբերութիւն ունենալ: Անիկա բացայայտօրէն կը նշէ. «Ահա այսպէս պիտի օրինուի Տէրոջմէն վախցող մարդը»:

Սիրելի ընթերցող, մօտեցած ես այս պատգամի աւարտին: Մինչեւ հոս հասնելով, դուն ընտրած ես Աստուծմէ վախնալ. հետեւաբար անիկա խոստում մըն է, զոր կրնաս աղօթքով խնդրել: Աղաղակէ Աստուծոյ ինչպէս հսահակ ըրաւ, որպէսզի սուրբ վախի հետ կապուած այս խոստումներուն կատարումը տեսնես: Մենք երկար ամիսներ անցուցինք երբ այդ խոստումները իրականութիւն չեն մեր տան մէջ. նշաններ կային, որ անոնք բնաւ կրնային չիրականանալ, բայց մենք Աստուծոյ խոստումներուն յոյսին կառչած մնացինք եւ պայքարեցանք անոնց համար աղօթքով: Հիմա կրնանք ըսել, որ տարիներէ ի վեր անոնք իրականացած են մեր ընտանիքին մէջ:

Վերադառնանք ուրիշ սաղմոսի մը, որ խորունկ ձեւով կը խօսի անոնց մասին, որոնք կը վախնան Աստուծմէ.

Փառք Աստուծոյ: Ո՞քան երջանիկ են անոնք, որոնք կը վախնան Տիրոջմէ եւ կը հրճուին Անոր պատուէրներուն հնազանդելով: Անոնց զաւակները ամէն տեղ յաջող պիտի ըլլան. բարեպաշտ մարդոց ամբողջ սերունդ մը օրինուած պիտի ըլլայ: (Սաղմոսներու 112.1-2, շեշտադրումը՝ մեր կողմէ)¹

Անգամ մը եւս կը տեսնենք «երջանիկ» բառը կապուած սուրբ վախին հետ: Երջանկութիւնը հոգեւոր ոյժ մըն է. անիկա հիմնուած չէ պայմաններու մէջ, ինչպէս ուրախութեան պարագային: Երջանկութիւնը հիմնուած է Աստուծոյ յափետնական Խօսքին մէջ. անիկա մեր ոյժն է: Անիկա մեզ աւելի արդինաւակտ եւ պտղաբեր կը դարձնէ:

Դարձեալ այս համարին մէջ կը տեսնենք, որ սուրբ վախը մեծապէս կ'ազդէ մեր սերունդներուն վրայ: Ոչ միայն մենք յաջող

¹ Բառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

պիտի ըլլանք, այլեւ մեր զաւակներուն ալ նոյնը կը խոստացովի: Շարունակենք.

Անոնք հարուատ պիտի ըլլան եւ անոնց բարի գործերը յափտեան պիտի մնան [...] Այդպիսի մարդիկը պիտի չաղթուին չարէն: Անոնք, որոնք արդար են երկար ատեն պիտի յիշուին: Անոնք վատ լուրէն չեն վախնար. անոնք ամրօրէն վստահ են, որ Աստուած հոգ պիտի տանի իրենց: Անոնք ինքնավստահ են եւ անվախ, եւ կրնան դիմագրաւել իրենց թշնամիները եւ յաղթել անոնց: (Սաղմոսներու 112.3,6-8)¹

Վերջերս կը խօսէի հաւատացեալ կնոջ մը հետ եւ ան կ'ըսէր, թէ ինչպէս օր մը երբ այս աշխարհէն հեռանանք, մեր յափտենականութիւնը պիտի սկսի: Անմիջապէս առարկեցի. «Ո՞չ: Վերստին ծնունդ ստացողներուա համար յափտենականութիւնը արդէն սկսած է»: Մեր ներկայի սիրոյ աշխատանքը պիտի շարունակուի յափտեան: Սակայն անոնք, որոնք չունին սուրբ վախ, այդ խոստումը չունին. իրականութեան մէջ ճիշդ հակառակը. «Անոնց թէ սէրը, թէ ատելութիւնը, թէ ալ նախանձը արդէն կորսուած են» (Ժողովողի 9.6):

Աստուծմէ վախցողները չեն վախնար վատ լուրէ: Ընկերային հաղորդամիջոցներու եւ այլազան լրատուամիջոցներու ու բամբասանքի մամուլի առատութեան այս ժամանակներուն մէջ վատ լուրերը ամէն ժամանակէ աւելի շատ տարածում կը գտնեն: Շատեր կը վախնան գալիքէն: Բայց ապագայի վերաբերեալ վախ եւ սարսափ չկայ անոնց համար, որոնք կը վախնան Աստուծմէ. անոնք կ'ըլլան ինքնավստահ եւ անվախ: Դարձեալ մեզի կ'ըսուի.

Տէրոջ վախին մէջ ամուր ապահովութիւն [«վստահութիւն» կամ «ինքնավստահութիւն», ըստ անգլերէն Նիու Քինկ Ճէյմզ Վըրժըն (NKJV) տարբերակին] կայ, եւ անոր որդիները ապաւէն պիտի ունենան: (Առակներու 14.26, շեշտադրումը՝ մեր կողմէ)

Ներքին վստահութիւն մը կայ, որ կու գայ սուրբ վախին հետ: Աստիկա բան մըն է, զոր շատեր կը փափաքին, բայց շուտով կը յայտնաբերեն, որ կը թուի անմատչելի ըլլալ: Ունիմ բարեկամ մը՝ ճոն Հէկի, որ մեծապէս յարգուած հովիւ մըն է թեքսասի մէջ: Ան Աստուծմէ կը վախնայ այնքան որքան ոեւէ դեկավար, որուն հանդիպած եմ: 1973-ին մարդ մը կը մտնէ իր եկեղեցին եւ ծեւով մը մինչեւ շուրջ երկու մեթր կը մօտենայ իրեն եւ ատրճանակի

1 Բառացի թարգմանութիւն՝ անգլերէն Նիու Լիվինկ Թրանսլյշըն (NLT) տարբերակէն

ամբողջ փամփշտակիր մը կը պարպէ անոր վրայ: Հովիւ ճոն ինքնավստահօրէն կանգնած մնաց իր տեղը մինչ վեց կապարներն ալ չհարուածեցին զինք: Այս գիրքը գրելուս ժամանակ յիսունինդ տարի անցած է այդ դէպքէն եւ ան տակաւին ողջ է եւ Աւետարանը կը քարոզէ: Այդպիսի կացութեան մը մէջ եղող մարդոց մեծ մասը իրար պիտի անցնէր, պիտի պոռար, գետին իյնար կամ ապաստան փնտուիր: Ճոն չշարժեցաւ, այլ՝ ինքնավստահօրէն իր աչքերը սեւեռած պահեց կրակողին վրայ: Մեզի կ'ըսուիֆ.

Տէրոց հրեշտակը անկէ վախցողներուն շուրջը կը բանակի, ու զանոնք կ'ազատէ: (Սաղմոսներու 34.7)

Հրեշտակներ նշանակուած են պաշտպանելու համար անոնք, որոնք կը վախնան Աստուծմէ: Ոստիկաններուն կատարած քննութիւնները յետագային յայտնաբերեցին, թէ կապարներուն կէսը Հովիւ ճոնի ծախ կողմէն անցած էին 15 սանթիմեթր հեռաւորութեամբ, իսկ միաւը կէսը՝ աջ կողմէն, դարձեալ 15 սանթիմեթր հեռաւորութեամբ: Կրակողը միայն երկու մեթր հեռուէն կրակած էր: Նոյնիսկ ոչ-փորձառու կրակողի մը երկու մեթր հեռաւորութենէն կրակած վեց կապարներէն մէկը թիրախ հարուածած պիտի ըլլար: Վատահ ենք, որ Աստուծոյ մէկ հրեշտակը փոխած էր ուղղութիւնը այդ կապարներուն:

Յուդայի Յովսափատ Թագաւորը մարդ մըն էր, որուն «սիրտը Տէրոց ճամբաններուն մէջ զօրացաւ» (Բ.Մնացորդներուն 17.6): Իր թագաւորութեան երրորդ տարին ան քահանաներ դրկեց իր երկիրի բոլոր քաղաքները՝ ժողովուրդին Աստուծոյ Խօսքը ուսուցանելու համար: Կը կարուանք.

Յուդայի շրջակայ երկիրներուն բոլոր թագաւորութիւններուն վրայ Տէրոց երկիւը ինկաւ, ու Յովսափատի դէմ չպատերազմեցան: (Բ.Մնացորդներուն 17.10)

Մեծ պաշտպանութիւն կ'ունենանք երբ սուրբ վախսի մէջ կը քալենք: Ուրիշ աստուածաշնչական օրինակ մըն է Յակոբը, որ իր ընտանիքին սորվեցուց Աստուծոյ վախսը, եւ կուոքերը վերցնել տուաւ անոնց: Երբ ասիկա ըրին, Աստուածաշոնչը կ'ըսէ. «Ապա մենքնեցան: Իրենց շրջակայ քաղաքներուն վրայ Աստուծոյ երկիւը ինկաւ, ուստի Յակոբի որդիները չետապնդեցին» (Ծնունդներու 35.5):

Շատ մեծ խոստումներ կան անոնց, որոնք Տիրոջմէ կը վախնան: Կարդա հետեւեալը.

Միշտ շարունակէ Տիրոջմէ վախնալ: Պիտի վարձապրուիս
ատոր համար. քույոսդյուսախար պիտի չընէ քեզ: (Առակներու
23.17-18, շեշտադրումը՝ մեր կողմէ)¹

Նկատի առ երկու շեշտուած բառերը: Առաջին՝ ժամանակի մը
մէջ երբ յոյսը հազորագիւտ է, մեծ թիւվ հոգեւոր առաջնորդներ
իրենց ներշնչումները դարձուած են իրենց գիշաւոր կեդրոնացումը՝
լուսանցքի մէջ ծգելով Աստուծոյ հօսքը: Մէկ կամ երկու
աստուածաշնչական համար կը կարդացուի՝ լուրջ ունկնդիրները
հաճեցնելու համար, բայց գիշաւոր նիւթը իրենց ներշնչիչ
պատմութիւններն են: Հակառակ անոր որ այդ պատմութիւնները
օգտակարութիւն պիտի ունենան եւ պիտի մղեն մարդիկը կարճ
ժամանակի մը համար՝ ոչ տարբեր քան ներշնչիչ Հոլիուտեան ֆիլմ
մը, սակայն անոնք պիտի չունենան սուրբ վախի խոստացած մնայուն
վարձապրութիւնները:

Տիրոջ վախը մեզ կը վարձատրէ շատ մը ձեւերով. փափաքներու
իրականացում (տես Սաղմոսներու 145.19), հայատարիմ բարեկամներ
(տես Սաղմոսներու 119.63,74,79), մեր մարմիններուն բժշկութիւն (տես Առակներու 3.7-8), ինքնութիւն (տես Սաղմոսներու 60.4) եւ կեանքի մէջ
ուղղութիւն, զոր շատեր կը փափաքին:

Ո՞վ է այն մարդը՝ որ Տէրոջմէն կը վախնայ. ահա անոր պիտի
սորվեցնէ իր ընտրած ճամբան: Անոր անձը բարօրութեան
մէջ պիտի բնակի, եւ անոր զարմը երկրին պիտի տիրանայ:
(Սաղմոսներու 25.12-13)

Թէ մարդ ինչո՞ւ չ'արժեւորեր սուրբ վախը, անըմբոնելի է:
Իմ մեծ փափաքս է, որ դուն տեսնես անոր արժէքը եւ դուն քեզի
չպահես զանիկա, այլ՝ ըլլաս Յովսափատ Թագաւորին պէս, որ
իր ազդեցութեան տակ եղող ամբողջ ժողովուրդին սորվեցուց
Աստուծմէ վախնալ:

Երեկոյեան Ընթերցում. Սուրբ Վախը Գտնել

Տէրը խօսեցաւ ինձի աւելի քան երեսուն տարի առաջ, ըսելով, որ
այս ժամանակին մէջ Աստուծոյ առնելիք վերջին քայլը պիտի ըլլայ շեշտ
դնել սուրբ վախին վրայ: Այդ արթնութեան մեծ օգուտը պիտի ըլլայ՝
կատարումը Աստուածաշոնչին մէջ գտնուող միակ նկարագրութեան
այն Հարսին, որուն համար Յիսուս պիտի վերաբառնայ: Անիկա
«ժամանակին յարմարող» եկեղեցի մը չէ, հակառակ անոր որ ճիշդ ձեւով

1 Բառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

ժամանակին յարմարիլը կարեւոր է չփրկուածներուն հասնելու համար: Անիկա «ղեկավարութեան վրայ շեշտ դնող» եկեղեցի մը չէ, հակառակ անոր որ ղեկավարութինը շատ կարեւոր է զօրաւոր եկեղեցի մը կերտելու մէջ: Անիկա «համայնքային եկեղեցի» մը չէ, հակառակ անոր որ համայնքը կենսական է, որովհետեւ լաւ չէ, որ մարդը առանձին ըլլայ: Ահա միակ նկարագրութինը այն Հարսին, որուն պիտի վերադառնայ Յիսուս:

Այնպէս մը՝ որ եկեղեցին իրեն ներկայանայ ամբողջական փառքով, առանց որեւէ արատի կամ խորշումի կամ ուրիշ թերութեան, այլ՝ ըլլայ սուրբ եւ անարատ: (Եփեսացիներուն 5.27, շեշտադրումը՝ մեր կողմէ)

Անիկա սուրբ եկեղեցի մըն է: Սիրելի ընթերցող, քանի որ սրբութիւնը կը կատարելագործուի Աստուծոյ վախով, մեր Տիրոց բուռն փափաքն է, որ դուն ազդեցութիւն բերող մը ըլլաս այս մեծ արթնութեան ընթացքին: Հետեւաբար կարեւոր է, որ մեր քննարկումը աւարտենք ըսելով, թէ ինչպէս կրնանք աւելցնել մեր սուրբ վախը:

Վերադառնանք Մայիզիայի հոյակապ եւ գրաւիչ ծառայութեան: Աստուծոյ փառաւոր եւ հզօր ներկայութեան դրսեւորման ընթացքին ես կը դողայի ահով եւ ես ինծի կը մտածէի. Ճոն Պրվիր, մէկ սիսալ բառ չըսես կամ մէկ սիսալ քայլ չառնես:

Մինչ ետեւ-առջեւ կը քալի բեմին վրայ՝ այդ խորհուրդը ունենալով միտքիս մէջ, բերանէս ելաւ բան մը, զոր ականջներս առաջին անգամ ըլլալով լսեցին: Ես ատոր մասին չէի մտածած եւ զանիկա բնաւ նկատի չէի առած: Համարձակօրէն ըսի. «Ասիկա Տիրոց վախի Հոգին է»:

Յանկարծ լոյսեր փայլատակեցին միտքիս մէջ: Իմ մէջս պոռացի. Ճիշդ ապիկա է, ճիշդ ապիկա է. ասիկա Սուրբ Հոգի մէկ դրսեւորումն է: Ատկէ առաջ ատոր չէի անդրադարձ բնաւ, բայց Սուրբ Գիրքին մէջ Յիսուսի մասին կը կարդանք, թէ.

Անոր վրայ պիտի հանգչի Տիրոց Հոգին, իմաստութեան [Հոգին] ու խելացութեան Հոգին, խորհուրդի [Հոգին] ու զօրութեան Հոգին, Աստուծոյ ճանաչումին [Հոգին] եւ վախսին Հոգին: Ան Տիրոց վախով պիտի ներշնչուի [«ուրախանայ», ըստ անգլերէն Նիու Քինկ Ճէյմզ Վըրժըն (NKJV) տարբերակին]: (Եսայիհ 11.2-3)

Կան եօթը ծեւեր, որոնցմով Սուրբ Հոգին կը դրսեւորուի, եւ Յիսուս անոնց բոլորին լեցունութեամբը գործեց, բայց Անոր ուրախութիւնը Տիրոց վախսին մէջն էր: Ուստի հետեւեալ հարցումը կը ծագի. Ինչպէս կը ստանան Տիրոց վախսին Հոգին: Յիսուս մեզի կ'ըսէ. «Արդ, եթէ

դուք որ չար էք՝ գիտէք ձեր զաւակներուն լաւ պարզեներ տալ, ձեր երկնաւոր Հայրը որքան աւելի լաւ պարզեւ մը՝ Սուրբ Հոգին պիտի տայ անոնց, որոնք իրեն կը դիմեն» (Ղուկասի 11.13):

Մենք պարզապէս պէտք ունինք խնդրելու մեր Երկնաւոր Հօրմէն: Սակայն սովորական խնդրել մը չէ ատիկա, այլ՝ աղաղակ մը մեր սիրտէն եւ այնպիսի աղաղակ մը, որ «Ոչ» պատասխան չ'ուզեր առնել: Այդ խօսքերէն անմիջապէս առաջ, Յիսուս կ'ըսէ. «Շարունակեցէք խնդրել եւ պիտի ստանաք այն ինչ որ կը խնդրէք: Շարունակեցէք փնտոնել եւ պիտի գտնէք» (Ղուկասի 11.9)¹: Յարատեւութիւն մը (հաստատակամութիւն մը) կը շեշտովի հոն:

Վերադառնանք 1994, այն խորիրաժողովին՝ ուր հովիտ սրբագրեց զիս Տիրոջ վախին մասին խօսելուս համար: Յաջորդ առտու այդ շինարարութեան վայրին մէջ ես սկսայ աղօթել՝ «Ի՞նչ սխալ բան ըրած եմ»ի ուղղութեամբ, բայց վերջաւորութեան բուն փափաքով սկսայ բարձրածայն աղաղակել սուրբ վախի համար: Ատիկա վճռակամ դիմում մըն էր. դիմում մը, որուն համար «Ոչ» պատասխան պիտի չառնէի: Այդ ատեն ես այդքան գիտակից չէի այդ պահի կարեւորութեան, բայց հիմա կը տեսնեմ զանիկա իբրեւ կեանքիս ամէնէն կարեւոր եւ փոխակերպող դէպքերէն մէկը: Ներկայիս ալ գրեթէ ամէն օր մնձ կրակով իմ Երկնաւոր Հօրմէս կը խնդրեմ թարմ լեցունութիւն մը Սուրբ Հոգիի եւ Տիրոջ վախի: Կարդանք ուրիշ աստուածաշնչական հատուած մը, որ շատ կապ ունի մեր նիւթին հետ:

Որդեակս, եթէ իմ խօսքերս ընդունիս եւ պատուիրաններս քովէ պահես, որպէսզի ականջդ իմաստութեան ուշադիր ըլլայ ու սիրտդ հանճարին բանաս, եթէ դուն խելացութիւնը քեզի կանչես եւ ձայնդ հանճարին ուղիես, եթէ զայն արծաթի պէս փնտոես ու պահուած գանձերու պէս խնդրես, այն ատեն Տէրոջ վախը պիտի հասկնաս եւ Աստուծոյ գիտութիւնը պիտի գտնես: (Առակներու 2.1–5)

Պէտք է խորունկ աղաղակ մը ունենաս սուրբ վախի ժրաշան փնտուութի կողքին՝ ոչ տարբեր քան երբ կը փնտոես կորսնցուցած աղամանդէ նշանտութի մատանիդ կամ թանկարժէք ոսկեայ զարդելէն մը: Վստահ եմ, որ դիտած ես գանձ փնտոռողներու մասին հեռատեսիլի յայտագիրներ կամ ֆիլմեր, որոնց մէջ փնտոռողները առանց յոգնելու կը յարատեւեն իրենց փնտուութիւն մէջ: Այդպիսի

1 Բառացի թարգմանութիւն՝ անգլերէն Նիու Լիվինկ Թրանսլյշն (NLT) տարբերակէն

ֆիլմ մըն է Նաշընըլ Թրէժըրը: Արտադրուած 2004-ին, ֆիլմը կը ներկայացնէ մարդ մը՝ Պենճամին Կէյթս, որ իր կեանքը անցուց փնտոելով գանձի պահեստ մը, որ պահուած էր 1700-ականներուն: Ան իր ամբողջ ժամանակը եւ ոյժը տրամադրեց՝ նոյնիսկ իր համբաւը եւ իր ազատութիւնը վտանգելով, զանիկա գտնելու համար: Հակառակ անոր որ անոր փնտռածը շուտով պիտի կորսուի, անոր առանց յոգնելու յարատեւումն է, որ պէտք է ներշնչէ մեզ:

Եթէ Աստուծոյ Խօսքին, Անոր իմաստութեան, աստուածային խորհուրդին եւ սուրբ Վախին մօտենանք նոյն վճռակամութեամբ, մեծապէս պիտի օրինուինք: Մենք կ'աղաղակենք բանի մը համար, որ երբեք պիտի չկորսուի. անիկա Աստուծոյ գանձն է: Ան զանիկա չէ պահած մեզմէ, այլ՝ պահած է մեզի համար: Ան կը քաջալերէ մեզ, որ գտնենք զանիկա եւ կը ցնծայ երբ կը գտնենք: Ան նաեւ կը ցնծայ երբ կը վայելնք անոր վարձատրութիւնները:

Կը յուսամ, որ Սուրբ Հոգիին օգնութեամբ, այն ինչ որ ծնաւ իմ մէջս այդ շինարարութեան վայրին մէջ նաեւ կը ծնի քու մէջդ. անկշտանալի անօթութիւն մը Տիրոջ վախի: Գանձի ըրէ զանիկա, կառչէ անոր, կարծես քու մեծագոյն ստացուածքդ ըլլար: Եթէ ատիկա ընես, պիտի սիրես այն ինչ որ Աստուծոյ կը սիրէ եւ ատես այն ինչ որ Ան կ'ատէ: Այն ինչ որ կարեւոր է Անոր համար, պիտի ըլլայ կարեւոր քեզի համար: Խորապէս պիտի սիրես մարդիկը եւ խորապէս ատես մեղքը, որ կը քանդէ գիրենք: Պիտի փոխես քու ազդեցութեան աշխարհի եւ յալիտենապէս ուրախ պիտի ըլլաս, որ ատիկա ըրիր:

Կը խնդրեմ, որ յիշես, թէ կարեւորը այս մրցումը ինչպէս կը սկսինքը չէ, այլ՝ թէ ինչպէս կը վերջացնենք: Հետեւեաները ատոր հետ կապուած մեծ յոյս ներշնչող երկու հատուածներ են.

Արդ, անոր՝ որ կրնայ քեզ անկուսներէ փրկել, պահել անարատ եւ անբիծ, եւ անխառն ուրախութեամբ լեցուն՝ իր փառաւոր ներկայութեան կանգնեցնել: (Յուղայի 24, շեշտադրումը՝ մեր կողմէ)

Եւ Աստուծոյ մինչեւ վերջ հասպալուն պիտի պահէ ձեզ, որպէսզի անմեղադրելի ըլլաք մեր Տիրոջ Յիսուս Քրիստոսի դատաստանին օրը: (Ա.Կորնթացիներուն 1.8, շեշտադրումը՝ մեր կողմէ)

Լաւ կերպով վերջացնելը ամէնէն կարեւոր երեսն է լաւ կերպով ապրելուն, եւ Աստուծոյ մեզի տուած է սուրբ Վախը՝ ատիկա իրագործելու համար: Պատիւ էր ինծի համար այս գանձը քեզի

ծանօթացնելը: Կը խնդրեմ, որ դուն քեզի չպահես զանիկա. շատ կայ բոլորին համար: Բաժնեկցէ այս պատգամը քու ազդեցութեան շրջանակիդ հետ: Եթէ ատիկա ընես, աւելի եւ աւելի քիչ կորուտներ պիտի տեսնենք գալիք օրերուն ինչպէս նաեւ՝ աւելի առողջ եկեղեցի մը:

Ըստրէ հիմա մաս կազմել սուրբ վախի յառաջ բերած այս փոխակերպական շարժումին, որ պիտի պատրաստէ Հարսը մեր Փեսայի վերադարձին: Մի ըլլար դուրսը կեցող մը, որ ներս կը նայի: Սուրբ վախը ընդունելով, խորունկ մտերմութիւն պիտի գտնես մեր Փեսային հետ, փրկութիւնդ աւելի հասուն պիտի ըլլայ, պտղաբեր պիտի ըլլաս եւ պիտի կերտես յալիտենական աւանդ մը:

Անձնականացնել

Հատուած- Արդ, անոր՝ որ կրնայ քեզ անկումներէ փրկել, պահել անարատ եւ անբիծ, եւ անխառն ուրախութեամբ լեցուն՝ իր փառաւոր ներկայութեան կանգնեցնել, միակ Աստուծոյն՝ որ մեր փրկիչն է՝ փառք տուէք, մեր Տիրոջ Յիսուս Քրիստոսի միջոցաւ: Անոր են փառքը, մեծութիւնը, զօրութիւնն ու իշխանութիւնը, թէ՛ բոլոր ժամանակներէն առաջ, թէ՛ այժմ եւ թէ՛ գալիք բոլոր ժամանակներուն: Ամէն: (Յուղայի 24–25)

Միոք- Լաւ կերպով վերջացնելը ամէնէն կարեւոր երեսն է լաւ կերպով ապրելուն: Սուրբ վախի իր պարգեւով, Աստուած քեզ զօրաւոր եւ անմեղադրելի պիտի պահէ մինչեւ վերջ:

Խոկալ- Ի՞նչ պէտք ունիմ ընելու՝ կեանքիս մէջ սուրբ վախը աւելցնելու համար: Արդեօք ես կը փափաքիմ եւ հետեւաբար առանց յոգնելու կը հետապնդէմ սուրբ վախը իրեւ գանձ մը: Արդեօք պիտի կառչիմ անոր իբրեւ իմ ամէնէն աւելի արժեւորած ստացուածքս: Ի՞նչ պէտք է ընեմ կանոնաւոր դրութեամբ զանիկա պահելու համար:

Աղօթք- Սիրելի Հայր, կ'աղաղակեմ քեզի, որպէսզի լեցնես զիս Տիրոջ Հոգիով, իմաստութեան Հոգիով, խելացութեան Հոգիով, խորհուրդի Հոգիով, զօրութեան Հոգիով, գիտութեան Հոգիով եւ Տիրոջ վախի Հոգիով: Զօրաւոր պահէ զիս մինչեւ վերջ, որպէսզի անմեղադրելի գտնուիմ Տիրոջ՝ Յիսուս Քրիստոսի դատաստանի օրը: Յիսուսի անունով կ'աղօթեմ: Ամէն:

Դաւանութիւն- Տիրոջ վախը իմ գանձս է:

ԱՍՏՈՒԾՈՅ ՄԵԾՈՒԹԵՆԷ ՆՇՈՅԼ ՄԸ

Իսրայէլի պատմութեան մէջ ժամանակ մը Աստուած ուզեց, որ իր ժողովուրդը աւելի խորը երթայ սուրբ վախի մէջ, ուստի անոնց հետեւեալ հարցումը հարցուց.

«Ուրեմն զիս որ՞ու կը նմանցնէք, որ ես անոր հաւասար ըլլամ»:
(Եսայի 40.25)

Եթէ երբէք պատմութեան մէջ եղած է ժամանակ մը երբ այդ հարցումին մասին պէտք է խորապէս խոկալ, եւ ոչ միայն մակերեսային ձեւով կարդալ զանիկա, ատիկա հիմա է։ Այսօր եւ այս ժամուն մարդկութեան «մեծութիւնը» շարունակ կը հրապարակուի ընկերային հաղորդամիջոցներու, մամովի, լրատուամիջոցներու եւ այլ բեմերու վրայ։ Տաղանդաւոր մարզիկներու, Հոլիուտսի գեղեցիկ աստղերուն, երաժշտութեան մարզի շնորհալի արուեստագէտներու, առեւտուիի մարզի վարպետներու, հեղինակաւոր դեկավարներու եւ այլ կարեւոր անհատներու գովաբանութիւնը շարունակ կը հրապարակուի։ Անոնց համբաւը կը գովուի, եւ հակառակ անոր որ երեւութապէս անվսաս կը թուի ըլլալ ատիկա, մարդուն փառքը գովերգելու այդ շարունակական հոսանքը արգելը կը հանդիսանայ, որ նկատի առնենք Աստուծոյ փառքի իրականութիւնը (փաստերը եւ թիւերը կը գտնուին հեղինակին ստորագրած «Վառած Սիրտ» վերնագիրով գիրքին մէջ, էջ 31-44)։

Լիսան եւ ես այդ հարցին հետ ուղղակիօրէն առնչուեցանք շուրջ

քսանիինգ տարի առաջ՝ մեր չորս զաւակները մեծցնելու ընթացքին: Այդ օրերուն լուրերու հոսանքը այդքան գերիշխող չէր, քանի որ հեռաձայնի կիրարկումներ եւ ընկերային հաղորդամիջոցներ չկային: Այն ատեն նոյնիսկ նկատած էինք, որ մեր տղաքը քիչ մը շատ հետաքրքրուած էին արհեստավարժ պասքէթապոյ խաղողով մը: Այն ատեն ան ամէնէն անուանի մարզիկն էր Ամերիկայի մէջ եւ շատեր կուտրի պէս կը պաշտէին զինք, եւ հիմա նոյնիսկ տասնամետակներ ետք, անոր համբաւը տակալին կը մնայ:

Մեր ընտանիքը ծառայութեան մէջ էր Արեւելեան Ափին մէջ եւ մենք կը մսայինք պանդոկի մը մէջ ովկիանոսին եզերքը: Քանի մը ժամ ծովեզերքը անցընելէ ետք, նոր սենեակ վերադարձած էինք: Տղաքը Ատլանտեան Ովկիանոսի հզօր ալիքներէն բազմից ասդին անդին նետուած եւ գլորուած էին, եւ թէ ուրախ էին եւ թէ ահի մէջ անոր հզօրութեան պատճառով:

Նստայ՝ խօսակցութին մը ունենալու համար մեր երեք աւագ տղոց հետ: Դրան ճեղքէն երեւցող ովկիանոսը մատնանշելով, հարցուցի. «Տղաք, ովկիանոսը հսկայ է, չ»:

Միաձայն պատասխանեցին. «Այո, Հայրիկ»:

Շարունակեցի. «Դուք անոր միայն քանի մը մղոնը կը տեսնէք, բայց ովկիանոսը իրականութեան մէջ հազարաւոր մղոններ կ'երկարի»:

Փաթթուած իրենց անձեռոցներուն տաքութեան մէջ, տղաքը պատասխանեցին. «Ուայու»:

«Եւ ասիկա նոյնիսկ ամէնէն մեծ ովկիանոսը չէ. ուրիշ մը կայ, որ աւելի մեծ է եւ կը կոչուի խաղաղական Ովկիանոս: Ասոնց կողքին երկու ուրիշներ ալ կան»:

Տղաքը բոլորը իրենց գլուխները շարժեցին հաւանութեամբ եւ լուր զարմանքով՝ մինչ կը շարունակէինք լսել զարնուող ալիքներուն զօրութինը մեր բաց դրան ճեղքէն:

Մեր ճամբորութեան ընթացքին Էն. Պի. Էյ. ի աւարտական խաղերը տեղի կ'ունենային: Այդ պասքէթապոյի աստղին իրագործումներուն մասին շարունակ կը խօսէին լրատուամիջոցները, Ի. Էս. Փի. Էն. ը, մեր տղաքը եւ իրենց ընկերները: Իմ տղաքս տպաւորուած էին գնդակը մէկ ափին մէջ բռնելու այդ մարզիկին ձիրքով: Գիտնալով, որ տղաքս որոշ չափով ըմբռնած էին ջուրի այն մեծ քանակութեան զաղափարը, զոր նոր նկարագրած էի, հարցուցի. «Տղաք, գիտէք, որ Աստուած կշռած է այն ամբողջ ջուրը, զոր կը տեսնէք եւ տակալին այն ամբողջը, զոր քիչ առաջ նկարագրեցի, իր ափին մէջ» (տես Եսայի 40.12): Անոնց դէմքերուն վիայ կար հարազատ սքանչացում: Ապա կարելի եղածին չափ պարզ բառերով խօսեցայ իրենց ովկիանոսին ոչ միայն չափին այլեւ զօրութեան մասին: Տղոց ըսի, որ եթէ մէկ մղոն լայնքով երկնաքար մը

զարնուէր Ատլանտեան Ովկիանոսին՝ Նիու Եռքէն քանի մը հարիւր մղոն հեռու, ատիկա պիտի յառաջացնէր այնքան մեծ ալիք մը, որ պիտի քանդէր Ամերիկայի Արեւելեան Ծովեզերքի, Կարիբեան Կղզիներուն եւ Հարաւային Ամերիկայի Ատլանտեան Ծովեզերքի բոլոր քաղաքները: Ոչ միայն ատիկա, այլեւ անոր ազդեցութիւնը պիտի անցնէր ովկիանոսին միւս կողմը եւս եւ կործանէր երոպական եւ ափիթիկեան եզերքներու շարք մը քաղաքներ եւս: Սակայն տակափն այդ ալիքը պիտի ջրալար այնքան բարձր որքան Ատլանտեան Ովկիանոսի խորունկութիւնը: Ուստի հարցուցի. «Ի՞նչ պիտի պատահէր եթէ ովկիանոսի ջուրերուն ամբողջ ծանրութիւնը արձակուէր մարդկութեան վրայ: Մեծ գօրութիւն կայ աշխարհի ովկիանոսներուն մէջ, եւ սակայն Աստուած այդ ջուրերուն ամէն մէկ կաթիլը չափեց իր ափին մէջ»:

Ապա խօսեցայ գիշերուան երկինքին մասին: Հարցուցի տղո՞րոնք հիմա արդէն զմայլանքի մէջ էին. «Գիտէք Աստուածաշունչը ուրիշ ինչ կ'ըսէ Աստուծոյ հրքան մեծ ըլլալուն մասին»:

«Ի՞նչ, Հայրիկ»:

«Կ'ըսէ, թէ Աստուած կրնայ տիեզերքը չափել իր թիգով» (տես Եսայիի 40.12): Իմ ծեռքս իրենց առջեւ բանալով, ցոյց տուի, թէ թիգը բութամատին ծայրէն մինչեւ ճկոյթ մատին ծայրն է: Այն ինչ որ հարցուցի տղաներուս այդ օրը այն հարցումն է, որ հիմա քեզի պիտի հարցնեմ. «Բնաւ մտածած ես տիեզերքի չափին մասին»: Անիկա մեր մտային կարողութենէն անդին է: Թերեւս եթէ փորձենք տիեզերքի մեծութեան վերաբերեալ նշոյլ մը ունենալ, մօտեցած կ'ըլլանք ակնարկ մը նետելու Անոր փառքին:

Այն ինչ որ ասկէ ետք պիտի ըսեմ կրնայ քիչ մը արհեստագիտական ըլլալ, բայց կը քաջալերեմ, որ շարունակէք կարողալ՝ մինչ կը փորձեմ պարզացնել ըսելիքներս ճիշդ ինչպէս տղոցս համար ըրի: Երբ կը մտածենք այդ իրականութիւններուն մասին, մեր մէջ ահ մը ծագի Աստուծոյ մեծութեան նկատմամբ, որովհետեւ մնջի կ'ըսուի. «Երկինքը Աստուծոյ փառքը կը պատմէ» (Սաղմոսներու 19.1): Գիտնականներու համաձայն, տիեզերքի մէջ կան միլիառաւոր ծիր կաթիններ, որոնց իրաքանչիւրը կը պարունակէ շուրջ 100 միլիոն աստոյ: Այդ ծիր կաթիններուն չափը պատիկ է բաղդատաբար այն անջրպետին կամ տարածութեան, որ գոյութիւն ունի անոնց միջեւ:

Մեր արեւը կը գտնուի այդ ծիր կաթիններէն մէկուն մէջ: Մեր ծիր կաթինը այնքան ընդարձակ է, որ երբ երկինք նայիս գիշերով, տիեզերքի պատկերը չես տեսներ, այլ՝ միայն այն փոքրիկ ծիր կաթինը (փոքրիկ՝ բաղդատաբար տիեզերքին), որուն մէջ մենք կ'ապրինք եւ որ կը կոչուի՛ Յարդ Գող: Աւելին, նոյնիսկ Յարդ Գողի լման պատկերը չես տեսներ, այլ՝ միայն անոր մէկ բաժինը, տրուած

ըլլալով, որ մեր ծիր կաթինի աստղերուն մեծ մասը շատ հեռու են եւ մեր աչքերով չենք կրնար տեսնել զանոնք:

Ուստի հիմա խօսինք այն աստղերուն մասին, զորս կրնանք դեսնել մեր աչքերով ամէն գիշեր: Արեւէն բացի երկրին ամէնէն մօտիկ եղող աստղը 4.3 լոյսի տարի հեռու է երկրէն: Մարդոց մեծամասնութեան համար ատիկա հասկնալի չէ, ատոր համար բացատրեմ: Լոյսը կը ճամբորդէ երկվայրկեանը 186,282 մղոն արագութեամբ. ոչ թէ ժամական, այլ՝ երկվայրկեանը: Ատիկա կ'ընէ ժամական շուրջ 670,000,000 մղոն: Մեր օդանաւները կը թոշին ժամական շուրջ 500 մղոն արագութեամբ: Ուստի ինչպէս կը տեսնես, լոյսը աներեւակայելիօրէն արագ է: Գաղափար մը տալու համար, թէ հրքան արագ է անիկա, ենթադրենք, որ մեծ ճէթ (արագնթաց) օդանաւով կրցար մինչեւ արեւ ճամբորդէլ: Երբ ես Ասիա կը ճամբորդեմ, որ իմ ապրած երկիրէս երկրագունդին ճիշդ միւս կողմն է, ատիկա շուրջ քանաներեք ժամ կը տեսէ: Եթէ օդանաւով առանց դադարի դէպի արեւ պիտի ճամբորդէի, ատիկա պիտի տեսէր շուրջ քանանմէկ տարի: Ճիշդ, թէ ուր էիր քանանմէկ տարի առաջ եւ պատկերացուր, որ այդ ամբողջ ժամանակը՝ այն ատենուլընէ մինչեւ հիմա, անցուցած պիտի ըլլայիր օդանաւի մը մէջ (յուսալով, որ պատուհանին քովս էր նստարանդ): Անոնց համար, որոնք քշել կը նախընտրեն... այդ ճամբորդութիւնը կարելի պիտի ըլլար, քանի որ շուրջ երկու հարիւր տարի պիտի տեսէր՝ չհաշուելով քարիւր լեցնելու կամ հանգիստ ընելու համար առնուած դադարները... Հիմա հետեւեալ հարցումը հարցնենք. հրքան ժամանակ կ'առնէ, որ լոյսը հասնի երկիր: Պատասխան՝ միայն 8 վայրկեան եւ 20 երկվայրկեան:

Զգենք արեւը եւ խօսինք ամէնէն մօտիկ աստղին մասին: Արդէն ըսինք, որ անիկա երկիրէն 4.3 լոյսի տարի հեռու է: Եթէ ուզենք շինել պատիկ օրինակը երկիրին, արեւուն եւ ամէնէն մօտիկ աստղին, անիկա հետեւեալ ծեւով պիտի ըլլայ. համեմատաբար՝ երկիրը պիտի ըլլայ սեւ պղպեղի հատիկի մը չափ, իսկ արեւը՝ քան սանթիմեթր տրամագիծ ունեցող գնդակի մը չափ: Մեր այդ օրինակին մէջ, երկիրին եւ արեւուն միջեւ տարածութիւնը պիտի ըլլայ քանչորս մեթր՝ ամերիկեան ֆութապողի դաշտի մը քառորդ երկայնքը: Սակայն յիշէ, որ եթէ այդ օրինակին մէջ օդանաւ մըն ալ նկատի պիտի առնէնք, աւելի քան քանանմէկ տարի պիտի տեսէր անոր այդ քանչորս մեթրը կտրելը:

Ուստի եթէ ատիկա է երկիրի եւ արեւի պատիկ օրինակը, կրնան ենթադրել, թէ ամենամօտիկ աստղը հրքան հեռու պիտի ըլլայ մեր հատիկի չափ երկիրէն: Ինը հարիւր մեթր, հազար հվթ հարիւր մեթր կամ նոյնիսկ մղոն մը: Այդ թիւերը մօտիկ անգամ չեն: Մեզի ամէնէն մօտիկ աստղը՝ մեր այդ փոքր օրինակին համաձայն, պիտի ըլլայ չորս հազար մղոն (6,500 քիլոմեթր) հեռու սեւ պղպեղի հատիկէն: Այսինքն՝ եթէ մեր երկիրը ներկայացնող սեւ պղպեղի հատիկը դնես

Նիու Եռքի մէջ, արեւը՝ որուն թռչելով հասնիլը քսանմէկ տարի պիտի տեւէ մեր օրինակին մէջ, կ'ըլլայ անկէ քսանչորս մեթր հեռու (Նիու Եռքի մէջ), իսկ ամէնէն մօտիկ աստղը մեր օրինակին մէջ, կ'ըլլայ Լու Անճելըսէն տակակին հազար մղոն (1.5 քիլոմետր) հեռու Խաղաղական Ովկիանոսին մէջ տեղ մը: Այդ ամէնէն մօտիկ աստղին հասնելու համար պէտք է օդանաւով թռչիլ շուրջ 51 միլիար տարի առանց դադարի... Այսինքն՝ 51,000,000,000 տարիներ: Եւ սակայն այդ աստղէն լոյսը երկիր կը հասնի 4.3 տարիէն...

Յաւելեալ բացատրութիւն տամ: Աստղերուն մեծ մասը, զոր պարզ աչքով կը տեսնես գիշերը հարիւրէն մինչեւ հազար լոյսի տարի հեռու են: Սակայն կան քանի մը աստղեր, զորս կրնաս պարզ աչքով տեսնել, որոնք մինչեւ չորս հազար լոյսի տարի հեռու են (յիշէ, որ ասոնք նոյնիսկ ամէնէն հեռուն գտնուող աստղերը չեն մեր փոքրիկ ծիր կաթինին մէջ): Պիտի չփորձեմ նոյնիսկ հաշուել, թէ որքան ժամանակ կ'առնէ օդանաւի մը համար, որ հասնի այդ աստղերէն միայն մէկուն: Բայց մտածէ այդ մասին. Երբ դուրս կ'ելլես գիշերը եւ կը նայիս այդ աստղերէն մէկուն, որ 4,000 լոյսի տարի հեռու է, դուն իրականութեան մէջ կը նայիս այն լոյսին, որ ելաւ այդ աստղէն այն ժամանակ, որ Արքահամ Սառայի հետ ամուսնացաւ, եւ որ այդ ժամանակէն ի վեր ժամական 670,000,000 մղոն կը ճամբորդէ առանց դանդաղելու եւ պարզապէս իհմա կամ այդ պահուն է (Երբ դուրս կը նայիս անոր), որ երկիր կը հասնի...

Յիշէ, որ ասոնք պարզապէս աստղեր են Յարդ Գող կոչուած մեր փոքրիկ ծիր կաթինին մէջ: Տակակին չայցելեցինք մնացեալ միլիառաւոր ծիր կաթինները: Եւ մի՛ մոռնար, որ ծիր կաթիններուն միջեւ ընդհանրապէս ընդարձակ պարապ տարածութիւններ կան: Օրինակի համար, կայ մեզի շատ մօտիկ ծիր կաթին մը՝ Անտրումետա անունով: Անիկա մեզմէ շուրջ 2.3 միլիոն լոյսի տարի հեռու է: Մտածէ պահ մը: Լոյսը ժամական 670,000,000 մղոն պիտի ճամբորդէ երկու միլիոն տարի, որպէսզի այդ ծիր կաթինէն մինչեւ մեր երկիրը հասնի: Եւ ատիկա մեզի ամէնէն մօտիկ դրացի ծիր կաթինն է: Կան միլիառաւոր ուրիշներ: Անցանք ըմբռնելու կարողութեան մեր սահմանը կամ տակաւին...

Անգամ մը եւս յիշեցնեմ, որ Եսայի կը յայտարարէ, թէ Աստուած այս ընդարձակ տիեզերքը չափեց Իր թիզով՝ բութամատին ծայրէն մինչեւ ճկոյթին ծայրը: Իրականութեան մէջ Սողոմոն Աստուծոյ Հոգիով կը յայտարարէ. «Բայց միթէ Աստուած իրապէս երկրի վրայ պիտի բնակի: Ահա երկինքը, ու երկինքներուն երկինքը քեզ չեն կրնար պարունակել» (Գ.Թագաւորներուն 8.27): Ունեցար նշոյլ մը, թէ՝ որո՞ւ մասին կը խօսինք:

Այդ բոլորը տղոց հետ բաժնեկցելէ Ետք, Էն. Պի. Է. ի աստղին կարգավիճակը իր պէտք եղած չափին իջաւ անոնց աչքին: Այլեւս ոչ-առողջ ահով մը չէին նայէր անոր ծիրքին՝ մեր Ստեղծիչին մեծութեան

մասին խորհելէ ետք: Բայց քեզի համար՝ ընթերցողիդ, մէկ քայլ անդին կ'ուզեմ տանիլ նիվթը: Մեր Երկնաւոր Հայրը ոչ միայն հիանալի գործեր ըրած է՝ չափով եւ համեմատութեամբ մեծ, այլև Անոր յառաջ քերած մանրամասնութիւնները եւս կը հոչակեն Անոր փառքը: Գիտութիւնը տարիներ եւ մեծ քանակութեամբ դրամ տրամադրած է սերտելու համար այս բնական աշխարհի գործունեութիւնները: Անոնք տակախն ունին փոքր մէկ մասը այն իմաստութեան, որով Աստուած ըրաւ այս ստեղծագործութիւնը: Տակախն կան մեծ թիւվ անպատասխան մնացած հարցուներ: Անոր ծրագրումները եւ գործածած նիվերը կամ բաղկացուցիչ մասնիկները կը շարունակեն ըլլալ հիացմունքի առարկաներ:

Ամէն տեսակի ստեղծուած կեանք հիմնուած է թշիջներու վրայ: Թշիջներն են բաղկացուցիչ մասնիկները մարդուն մարմինին, բոյսերուն, անասուններուն եւ ամէն ապրող էակի: Մարդուն մարմինը՝ որ ինքնին երկրաչափական հրաշալիք մըն է, կը պարունակէ 100,000,000,000,000 թշիջներ (կրնան ըմբռնել այդ թիւ), որոնք շատ այլազան են: Իր իմաստութեան մէջ Աստուած իրաքանչիւր տեսակ թշիջի տուած է որոշակի գործունեութիւն մը: Անոնք կ'աճին, կը բազմապատկուին եւ վերջատրութեան կը մեռնին՝ յատուկ ժամանակացոյցով մը:

Հակառակ պարզ աչքին անտեսանելի ըլլալուն, թշիջները մարդուն ծանօթ եղող ամէնէն փոքր մասնիկները չեն: Թշիջները կը բաղկանան բազմաթիւ մանր կազմուածքներէ, որոնք կը կոչուին մասնիկներ (մղերիկներ) եւ որոնք կազմուած են տակախն աւելի փոքր կազմուածքներէ, որոնք կը կոչուին տարրեր: Իսկ տարրերը բաղկացած են աւելի մանր կազմուածքներէ, որոնք կը կոչուին հիվէներ:

Հիվէները այնքան մանր են, որ կէտադրութեան նշաններուն մէջի «կէտ»ը կը պարունակէ աւելի քան մէկ միլիար հիվէներ: Այդքան մանր ըլլալով հանդերձ, հիվէները գրեթէ ամբողջութեամբ կազմուած են պարապութեամբ: Անոնց մէջ կան դրական լիցք ունեցող փրոյքունները, չեզոք լիցք ունեցող նիվերունները եւ ժխտական լիցք ունեցող էլեքտրոնները: Փրոյքունները եւ նիվերունները իրարու հետ խմբուած ձեւով կը կազմեն հիվէին փոքրիկ, խիտ կորիզը: Ժխտական լիցքով մասնիկները լոյսի արագութեամբ կը շրջին կորիզին շուրջը: Ասոնք բաղկացուցիչ տարրերն են, որոնք ամէն բան միասին կը պահեն:

Ուստի հիվէն ուրկէ կ'առնէ իր ոյժը (էնդրոճին): Եւ ինչ ոյժ (ֆորս) է, որ իրարու հետ միասին կը պահէ լիցքատրուած հաստիկները: Գիտնականները զանիկա կը կոչեն ելեկտրամագնիսական եւ կորիզային ոյժեր: Ասոնք պարզապէս գիտական մեծ եզրեր են, որ կը նկարագրեն այն ինչ որ տակախն ամբողջական ձեւով կարելի չէ բացատրել: Որովհետեւ Աստուած ըսած է, թէ Ան «իր խօսքին զօրութեամբ տիեզերքը կը պահէ» (Եբրայեցիներուն 1.3): Եւ Կողոսացիներուն 1.17-ը կ'ըսէ. «Անոնք ամէն

բան հաստատ կը կենայ»¹: Կա՞նգ առ եւ մտածէ այդ մասին: Ահա այս փառաւոր Ստեղծիչը, զոր կը կոչենք Հայր, որուն նոյնիսկ տիեզերքը չի կրնար պարունակել: Ան կրնայ տիեզերքը չափել իր թիզով, եւ սակայն այնքան մանրամասնութիւններու գացած է փոքրիկ երկիրը եւ անոր վրայ պտտող արարածները ծեւակերպելու մէջ, որ տարիներու ուսումնասիրութիւններէ ետք արդի գիտութիւնը տակաւին ինքզինք կը գտնէ չպատասխանուած հարցումներու դիմաց: Զարմանալի չէ, որ սաղմոսողը կ'աղաղակէ.

Կը նայիմ երկինքիդ, զոր շինեցիր մատներովդ: Կը տեսնեմ լուսինը եւ աստղերը, զորս դուն ստեղծեցիր: Բայց մարդիկը ինչ՞ու աւելի կարեւոր են քեզի համար: Ինչ՞ու հոգ կը տանիս մարդ արարածներուն: (Սաղմոսներու 8.3–4)²

Կը կարծեմ, որ ատիկա կ'ամփոփէ նիւթը: Եթէ ուզէի ենթադրութիւն մը ընել, սաղմոսողը հաւանաբար բառերով կ'արտայայտէ Աստուծոյ գահին շուրջ գտնուող հսկայ հրեշտակներէն մէկուն խորհուրդները: Անոնք կը շարունակեն «Սիլր ես» աղաղակել՝ Աստուծոյ հրաշալիութեան մեծութեան եւ ընդարձակութեան պատճառով: Այդ էակները ականատես եղան Աստուծոյ ընդարձակ տիեզերքը եւ անոր բարդ մանրամասնութիւնները ստեղծելուն, եւ ապա տեսան ստեղծումը մարդուն եւ աղաղակեցին. «Այս ինչ է: Աստուած ինչ՞ու այդքան ուշադրութիւն կը դարձնէ այս փոքրիկ մարդոց այս փոքրիկ մոլորակին վրայ»:

Տղոց հետ խօսելէս ետք, անոնք այլևս չտարուեցան արդի ժամանակներու հոչակաւոր աստղերու փառքէն եւ չսպառեցան անով: Անոնք հասկցան, թէ մեր մոլորակին վրայ գոյութիւն ունեցող որեւէ մեծ բան անբարդատելի է մեր Աստուծոյ մեծութեան հետ: Կը յուասմ, որ այս Յաւելուածը նոյն ազդեցութիւնը ունեցաւ վրադ: Խորիէ հոս կարդացածներուտ մասին Եսայի մարգարեին միջոցաւ Աստուծոյ իր ժողովուրդին հարցուցած հարցումին լոյսին տակ. «Ուրեմն զիս որո՞ւ կը նմանցնէք, որ ես անոր հաւասար ըլլամ» (Եսայի 40.25):

Անշուշտ շատ գիրքեր կրնան գրուիլ Աստուծոյ ստեղծագործութեան հրաշալիքներուն եւ իմաստութեան մասին: Իմ մտադրութիւնս ատիկա չէ հոս: Նպատակս հիացում եւ սքանչացում յառաջացնելն է Աստուծոյ գործերուն նկատմամբ, որովհետեւ անոնք կը հոչակեն Անոր մեծ փառքք...

1 Աստուածաշունչ Հին եւ Նոր Կտակարաններու՝ Եբրայերէն եւ Յունարէն Բնագիրներէն Թարգմանուած, 2001

2 Բառացի թարգմանութիւն՝ անգլերէն Նիու Սենչըրի Վըրժըն (NCV) տարբերակէն

ՊԱՏՈՒԵԼՈՒ ՎԱՐՁՔԸ

**Բացայալիքէցէք Այս Սոոցուած
Առարինութեան Զօրութիւնը**



Ոչ մէկ քրիստոնեայ կ'ուզէ զԱստուած սահմանափակել, բայց մեզմէ շատերս անգիտակցաբար կը սահմանափակեն Անոր գործունէութիւնը մեր կեանքին մէջ, որովհետեւ կ'անտեսենք կարեւոր հոգեւոր սկզբունք մը՝ «Պատիւը»:


Պատիւը այնպիսի հասկացողութիւն մըն է, որ մեծ մասամբ կորսուած է մեր մշակոյթին մէջ, բայց ինչպէս այս գիրքին էջերուն մէջ պիտի տեսնէք, անիկա էական է Աստուծոյ Շագաւորութիւնը կեանքի բոլոր մարզերէն ներս արձակելու համար:

«Պատուելու Վարձքը» գիրքին մէջ հանրաճանաչ հեղինակ Ճոն Պըվիրը, ցոյց կու տայ, թէ ինչպէս պատուելու կոչը ընդունիլը քեզ Աստուծոյ արժէքային համակարգին համապատասխան կը դարձնէ եւ քեզ կը դնէ այնպիսի դիրքի մը մէջ, ուր կը ստանաս այն ինչ որ Աստուած ունի քեզի տալու:

Այս խորունկ աստուածաշնչական յայտնութիւնները միացնելով այդ սկզբունքները գործնականօրէն պատկերող ազդեցիկ պատմութիւններու հետ, այս գիրքը ձեզի կու տայ այդ մոոցուած առարինութեան մասին նոր հայեացք մը եւ, ամենակարեւորը, քեզի կու տայ բուռն փափաք մը զանիկա գործածելու կեանքի բոլոր մարզերուն մէջ:

MessengerX

Աշակերտութեան ճամբորութիւն մը ամէն մարդու համար, ամենուրեք



- Անվճար, աւելի քան 125 տարբեր լեզուներով
- Հասանելի որպէս հեռածայնային կիրարկում («Եփիթեյշըն») եւ առցանց
- Աղբիւրներ՝ նախատեսուած ձեր աճին համար
- Հետեւեցէք ձեր անցած նիւթերուն եւ աշակերտութեան ուղիին




Ստացէք «Messenger»-ի աշակերտական նիւթերուն ամբողջ գրադարանը, ներառեալ ելեկտրոնային գիրքեր, օտիօգիրքեր, կարճ ֆիլմեր, վիտեռնուցուածաշունչեր եւ աւելին. դիտեցէք, կարդացէք կամ լսեցէք ձեր բոլոր սարբերուն միջոցով։

MessengerX.com



Հասանելի է աշխարհի տարածքին «App Store»-ի եւ «Google Play»-ի մէջ



Ինչ կը նշանակէ Աստուծմէ վախնալ:

Կը փափաքի՞ն Ստեղծիչի հետ աւելի մտերիմ յարաբերութիւն մը ունենալ: Արդեօք Ան հեռու եւ Նոյնինսկ դժուար գտնուող կամ անհասանելի կը թուի քեզի: ճոն Պըվիր կը վատահեցնէ, թէ Աստուած մօս է մեզի, բայց թերեւս շատ անհրաժեշտ բան մը կը պակսի Անոր հետ ընթացքի մեջ: Տիրոջ վախս:

«Աստուծոյ Աիծ» գիրքին մեջ, Պըվիր կը իրաւիրէ քեզ, որ թարմ, նոր նայուածքով մը Նկատի առնես, թէ ինչ կը նշանակէ գործադրել փրկութիւնն՝ ահով ու դողով: Այդ ընդհանրապէս մոհցուած արժանիքը այս հազուադեպօրէն առնուած ճամբան է, որ կը տանի դեաի իրագործումներով լեցուն եւ պտղաբեր կեանք մը:

Պիտի յայտնաբերեն, թէ ինչպէս սուրբ վախս.

- Կենսական է Աստուծոյ հետ մօտիկ յարաբերութեան մը համար:
- Կ'ազատէ մեզ միւս բոլոր վախսերն եւ անձկութիւններն:
- Կը մաքրագործէ մեր Ներքին շարժառիթները եւ մտադրութիւնները:
- Կ'առաջնորդէ մեզ ճշմարիտ իմաստութեան, հասկացողութեան եւ գիտութեան:

Սուրբ վախս մեր առջեւ կը բանայ այն կեանքը, զոր Աստուած մտադրած է, որ ապրիս: Միայն այդ արժեքը զարգացնելով եւ անոր կառչելով է, որ կը գտնենք այն խաղաղութիւնը, ապահովութիւնը եւ ուրախութիւնը, զորս շատեր ամմատչելի կը գտնեն: Փոխանակ մեր Ստեղծիչին առջեւ սարսափէն դոդդալու, Աստուծոյ վախս մեր սիրտերուն մեջ ընդունիլը եւ անոր կառչիլ մեզ պիտի բարձրացնէ կեանքի աւելի բարձր մակարդակի մը, որ յափունապէս կը փոխէ մեզ:



ՃՈՆ ՊԵՎԻՐԸ պատգամաբեր մըն է՝ ծանօթ Աստուծոյ Խօսքին հանդեա իր համարձակութեամբ եւ անզիջող մօտեցումով: Ան նաեւ Միջազգային, մեծ վաճառք ունեցող գիրքերու (պէսթ-սէլինկ) հեղինակ մըն է, որ գրած է գիրքեր, որոնցմէ հաւաքաբար միջինաւոր օրինակներ ծախուած են եւ որոնք թարգմանուած են 125 լեզուներու: Իր կոչ՝ Լիսայի հետ միասին ճոն համահիմասդիրն է Մասենճը Ինթերնաշընթիլ՝ առաքելութիւն մը, որ նուիրուած է յեղաշրջելու աշակերտելու գործընթացը ամբողջ աշխարհի մեջ՝ զարգացնելով անզիջող եւ կրակոս հետեւորներ Քրիստոնի:



MessengerX

Անվճար Ներբեռնումներու
եւ հոսքային հեռարձակման համար
այցելեցք MessengerX.com

Կը ցանկաք աւելի՞ն:
Տեսածուցքը պատեհակը:



Messenger
INTERNATIONAL

Այս գիրքը նույր է Հեղինակէն
եւ ՎԱԲԱՌԵԻ ԵՆԹԱԿԱՅ ԶԵ